





北齊 魏 收 撰

中華 書 局

卷六九至

王卷八八(傳)五 册

魏書卷六十九

列傳第五十七

崔休 裴延儁 袁翻

隙,手不釋卷,崇尙先達,愛接後來,常參高祖侍席,禮遇次于宋、郭之輩。 宗伯,世宗初,追贈淸河太守。休少孤貧,矯然自立。 郎邢巒雅相知友。尚書王嶷欽其人望,為長子娉休姊,贍以貨財,由是少振。 爲嬪,以爲尙書主客郞。 崔休,字惠盛,清河人,御史中丞逞之玄孫也。 轉通直正員郎,兼給事黃門侍郎。 祖靈和,仕劉義隆爲員外散騎侍郎。 舉秀才,入京師,與中書郎宋弁、通直 休好學,涉歷書史,公事軍旅之 高祖納休妹

幸彭城,汎舟泗水,詔在侍筵,觀者榮之。 少,未閑政績,百揆之務,便以相委。」轉長史,兼給事黃門侍郎。 高祖南伐,以北海汪爲尚書僕射,統留臺事,以休爲尚書左丞。 後從駕南行。 高祖詔休日「北海年 及車駕還,

列傳第五十七 崔休

數 不 張 吾 見 貴 世 宗 有 布 盛 休 初 耳 乃 名 休 目 爲 於 ,所 以弟亡,祖 設 Щ 在 東, 俎 姦 豆, 四方 盜 招 一,莫不 父未葬,固 延 學 禮 土 擒 接 咸 介,使 翦 相宗 求勃海, 百百 肄 慕 業 姓畏之, 而 弟子 還, 於是除之。 自遠 寇盜 儒 者稱 而 止 至 爲 息, 性 者 一嚴明, 淸 恒千 實 身 餘 率 雅 下, 人。 長 治體, 勃 生 海 徒 大治 下 既衆, 車 先 所 戮 時 在 大 多 儒

口

世宗 休 將 行 疑 行 在 軍 滯 河 经经 幽 南 州 責 入 靑 加 青 爲 尹 事 其 州 之公平清潔, 與諸 州 吏 刺 徵 庸宗 部 五 拜 史。 六 王 郎 司 一交遊 年 初, 中 徒右 靑 ・、遷散 皆 州 卽 一,発官。 甚得 眞, 淸 九 長 史。 白 郡 騎 加 時 常 愛 民 平東 談。 民、甚 單 休 侍 後 檦 除 權 聰 將 復 明 龍 著聲績,二 李伯 軍 兼 除 强 驤 選 吏部 濟 將 尋 任 徽 雅 軍 除 一、洛州 郎 平北 善斷 劉 休 中, 州 通 愛 懷 等一千人, 才 將 決 刺 加 其德澤,百 好士 幕 軍 征 史。 房將軍 幽 府多事 一,多所 在州 州 刺 上 、冀州 姓 數 解 拔擢。 史,進 書 追 年, 訟休徳 思 訟 以 大 之。 號 盈 中 母 廣 安北 几, 剖 Ė 老 平王 政 좕 將 懷 霊 遷 绀 州 軍 太后 數引 君 光 ,許之。 流,殊無 派 遷安東 談 大 尋

明 年卒,年五 習 典 徵 爲 禮 安 十二。 毎 南 朝 將 廷 軍 赗 疑 度支 帛 議 五. 咸 尙 百 書 匹 取 正 贈 尋進 焉 車 騎 號撫 諸 將 公咸 軍 軍 、尙 將 相 軍 謂 書 僕 日 七兵尚 射 冀州 雈 尙 書, 書 刺 叉 下 史, 轉 意 諡 處 殿 文 中 我 貞 尚 不 侯 書。 能 異 休 也 在 正 臺 光 閣 74

休少而 謙退, 事 母 |孝謹。 及為 尙 書, 子仲文納丞相羅第二女,女妻領軍元 叉長庶子秘

夤 書 、右僕射元欽,皆以確、叉之故,每憚 郎 雅舒,挾恃二家,志氣微改, 內有自得之心, 下之。 始休母 外則陵藉同列。 房氏欲以体女妻其外孫邢氏,休不欲, 尚書令李崇、左僕射蕭寶

乃違其母 情,以 妻叉子,議者非之。 休 有 九子。

長 子慢,字長儒。 武定中,七兵尚 書、武城縣開國

||棱 弟仲文,散騎常侍。

州 |仲文 刺 史。 弟叔仁,性輕俠,重衿期。 以貪 汗爲御史所劾。 興 和 歷通 中, 直散騎侍郎、 賜死 於宅。 司 臨 徒司馬、散騎常侍,出爲驃 刑, 賦 詩與諸弟訣 别 而 不 騎將 及 其兄,

以 其 不甚 色營救故 也。 潁

叔 仁 弟 叔義, 孝莊時爲尚書庫部 郎。 坐兄懷鑄錢事發, 合家 逃逸, 數 日 叔 義遂 見執

獲。 時城 陽 王 徽 爲 司 州 牧 1、胸 淮 王彧以 非 其 身罪,驟爲 致言,徽 不 從, 功 殺之。

叔 義 弟 子侃 以 竊 級 爲 中 書 郎 爲 尚書左 丞 和子 岳 彈糾 失官。 後 無通 直 一常侍, 使於

衍 ,還,路病 卒。

子侃 弟 子津 武武 定末, 東莞太守。

弟 子 約 開 府 祭酒

休 弟夤 字敬禮。 太子舍人,早卒。 贈樂安太守。 妻,安樂王長樂女晉寧主也,貞烈有

德行。

衍。 參軍 還,卒於宿豫,時人歎惜之。 事 子 o 長謙,好學修立,少有令名。 晚頗以酒爲損。 天平中,被徵兼主客郎,接蕭衍使張臯等。 以死王事,贈驃騎將軍、南 仕歷給事中,仍還鄉里。久之,刺史尉景取爲開府諮議 清州刺 後兼散騎常侍 使使

駕。 以平蜀賊丁虫 祖雙虎,河東太守。 裴 延儁,字平子,河東聞喜人,魏冀州刺史徽之八世孫。 功,贈東雍 卒,贈平遠將軍、雍州刺史,諡曰順。 州 刺 史。 父崧, 曾祖天明,諮議參軍、幷州別 州主簿, 行 平陽 郡

延儁 少偏 孤,事 後 母 以 孝聞。 涉獵墳史,頗有才筆。 舉秀才,射策 高 第,除著 作佐 郎。

之,除太尉 遷尙 一書儀曹郎,轉殿 禄,兼· 太子 中郎 中舍人。 、太子洗馬、又領本邑中正及太子友。 世宗初,爲 (散騎侍郎,尋除雍州 平 太子恂廢,以宮官 西 [府長史]加 建威 例 將 発。 軍 頃

爲中書侍郎。

時 世宗專心釋典,不事墳籍,延儁上疏諫曰:「臣聞有堯文思,欽明稽古, **嬀舜體道** 一,愼

鏡 典 聽 手 善善 不 矚 作 釋卷。 聖。 塵蔽 足以 漢光 遵,惡 俱 開 良 以 神叡,軍中讀書,魏武英規,馬上玩籍。 ō 足 經 然 以 史義 五經治 誡 深, 也。 世之模,六籍 補益 陛下道 虚廣, 悟自 雖則 深, 軌俗之本,蓋 、劬勞, 淵鑒獨得,昇法 不 可 以訓物 先帝天縱多能,克文克武,營遷謀伐, 暫輟。 [座於宸闈,釋覺善於日字, 有漸, 斯 乃前王之美實,後王之水 應時匪 妙, 必 須先粗後 凡在

將 丝 王 軍 懌 孙 刺 時 後 肅 典 除 史 宗 衆 司 初 議 州 ",遷散 讀 别 駕,加 而 騎常侍,監起 笑曰:「子故欲 鎭 遠將 軍 o 居注 遠符僕射 及 公詔立 宁, 加 (前將軍)又加平西將軍,除廷尉卿。 明堂,羣官博議,延儁獨著一 也。」兼太子中庶子,尋卽正,別駕 堂之論。 轉 如故,加 革 太傅、清河 北 冠

精

近

刨

遠。

伏

願

經書玄覽,孔釋兼存,則

內外俱周,真俗斯暢。」

修 能 相 起 度 修 學 水 復 范 陽 校 形 隨 時 郡 禮 水 有 敎 力 旱不調、民多飢 舊督亢渠,徑五 大行 分 督 民民 小未 歌 幾 謠 III 就, 之。 餒, 十里;漁陽燕郡有故戾陵諸堰,廣袤三十里。 漑 延 在 田 儁 州 百萬 謂 五. 年,考績 疏 餘畝, 通 舊 跡, 爲 爲 利十倍, 天 勢 下 必可 最 成, 百 姓至 乃表 今賴之。 求 營造 0 皆廢毀多 叉 遂 命 躬 主 自 簿)時,莫 履行, 麗 惲

汾 州 Щ 延 胡 儁 恃 繼 險 母 寇 隨 延儁 竊 正, 正 在 平、平陽二 薊 時遇 重 郡尤被其害,以 忠, 延儁 啓求 延傷兼尚 侍 母 還 京 書, 療 治。 爲 西北 至 都 道 未 行 小幾,拜 臺, 太常 節 度討胡諸 卿 時

列

傳

第

侍中、吏部尚書。 軍。 都督雍岐豳三州諸軍事、儀同三司、本將軍、雍州刺史。 兵尙書、安南將軍,徙殿中尙書,加中軍將軍,轉散騎常侍、中書令、御史中尉。 尋遇疾,敕還。

三鵐羣蠻寇掠不已,車駕欲親征之,延儁乃於病中上疏諫 延儁在臺閣,守職而已,不能有所裁斷直繩也。 莊帝初,於河陰遇害。 諍。 叉以本官兼 尋除七

州刺 史。 子元直,尚書郎中。元直弟敬献,員外常侍。 敬猷妻,丞相、高陽王雍外孫,超贈尚書僕射。 兄弟並有學尚,與父同時遇害。 元直贈光

延儁從叔桃弓,亦見稱於鄉里。

中。 仍除征北大將軍穆亮從事中郎。轉爲河北太守,以忠恕接下,百姓感之。卒於郡,年四十三。 時吏部尚書、任城王澄有知人鑒,每歎美夙,以遠大許之。高祖南伐,爲行臺吏部郎, 子夙,字買興,沉雅有器識。 儀望甚偉,高祖見而異之。 自司空主簿,轉尙書左主客郎

長子範,字宗模。早卒。

範子凝,字長儒。卒於武平鎭將

範弟昇之、鑒。武定末,昇之,太尉掾,鑒,司徒右長史。

延 儁 從 祖 弟良, 字元· 賓。 起家 奉朝詩,门 轉 北中府 功曹參軍。 世宗初, 南絳縣 稍

遷 幷 州 安 北 府 長 史, 入爲 中散 大夫,領尚書考功郎 中。

儁, 大 聚 者 是官 惑 破 轉 勝 止 自 + 衆 太 韋 衆 云 良 假假 景 粟 中 反 聖 城 時 都 入 四 貸 和 術 汾 大 督 汾 稱 自 民, 薨 州 夫 良 胡 帝 章 州 號 率 吐京 良 未及 號,服 本 以 人 建 將 武 與 以 信 良 郡 始 刺 飢 羣 士 王 收 爲 之, 中 王, 胡 窘, 出 史、汝 素 融 聚 汾 IE 太,持· 薛羽等作逆,以良 戰, 都 咸 與 因 仍 州 相影附, 陰 督 大 與 刺 大 値 王景和 宗 史, 白 城 都 破 寇 [傘白 督 正 人 之, 加 亂 奔 珍 長 旬 輔 孫 於 孫 赴 及 幡 至 或 日 德 陣斬 等赴 稚 西 ,率諸逆衆,於 之間 是城 將 龍 兼 河 軍 率兵 援。 尙 回成,復 行 民 書 汾州 宗 逆 大飢, 數數 時 左 正 臺 徒 丞,爲 之治 千 珍 有 如 還振 誘導諸 、雲臺郊 · 憑 孫 故。 五 人 等相 城 西 相 西北 城 河,自 郡 都督 食。 德 胡 自守。賊併 抗 山胡 持 龍 道行 令斬 高 拒 不 賊 議 良 下。 防 馮宜都、賀悦回成 王 知 欲 始 送宜都首。 臺。 師。 來 拔城, 倉 也。 詔 援,復敗 力攻逼,詔 庫 値 良解 融 空虚, 別 時 良不 等 將 南 州 與 李德龍 於 絳 叉 攻圍 許 戰敗績, 蜀 百 Щ 遣 爲 等以 行 陳 德 里 胡 H 慰 雙熾等 龍 臺裴 爲羽 劉 甚, 勞使。 蠡 妖 等乃 賊 死 妄 所 升 乘 延

關 都 督 孝 莊 叉 末, 兼 除 尙 光 書 祿 爲 大 夫 河 東 介朱 恒 農 樂 死 河 北 樂 宜陽 從子 行 天光擁 臺 以備 衆 之。 關 西, 前 廢 功 帝 詔 時 良 持節 除 征 假 東將 安 軍 西 將 、金紫光 軍

列

傅

第

五

+

七

裴

延

儁

節 禄 出 、都督 帝 大 末, 夫。 雍 除 尋 華二州諸軍 汲 轉 郡 衞 太守。 將 軍 , 事 孝 又加散騎常侍、 靜 吏部尚書、本將軍 初, 衞大將軍 車騎將 太府卿。 、雍州刺史, 軍 · 、 右光祿 天平二年秋卒, 諡 大夫,轉驃騎將 曰貞。 又重贈侍中、 時 年六十一 軍、 左 光 0 驃騎大將 禄 贈 大 使 持

叔祉 ,武定末,太子洗馬。 軍

、尙書僕射,餘

如故

大潰。 別 雲臺郊。 將 良 正 敕 光 從父兄子慶孫,字紹遠。 招率 徴 末,汾州吐京羣胡薜悉公、馬牒騰 赴 鄉豪,得戰士數千人以討之。 諸賊 都,除直後。 更相連結,大戰郊西,自旦及夕,慶孫 少孤,性倜儻,重然諾。 並 胡賊屢來逆戰,慶孫 自立 一爲王,聚黨作逆,衆至數萬 釋褐員 身自突陳,斬賊王 外散騎侍郎。 身先士卒, 郭康兒。 毎摧 詔 其鋒, 慶孫為 賊 逐

Å

郡 朝 都 領 廷 以 東 於 此 後 賊 賊 民 地 帥 一經賊亂之後,率多逃竄,慶孫務安緝 被 復 范多 鳩 Щ 集,北 帶 、范安族等率 河, 連蠡升,南通絳蜀,兇徒 衿要之所, 衆 來 庸宗· 拒,慶孫 末,遂立 與戰,復斬多首。 轉盛,復以慶孫爲別將,從 之,咸 邵 郡 。 因 來歸業。 以 慶孫 乃深入二百餘里,至 爲 |永安中,還朝,除太中大夫。 太守、假節、輔 軟關 或 陽 將 胡 軍

尒 朱榮之死 也,世隆擁衆北渡、詔慶孫爲大都督,與行 臺源子恭率衆追擊。 軍次太行,

ITT 孫 與 世 隆 密 通 事 ,泄,追還河內 而 斬之,時年三十六。

四 方 遊客常有 慶 孫 任 俠 百餘,慶孫自以家糧 有 氣, 鄉曲 壯 士及好事 贍 之。 者, 多相 性雖粗武,愛好文流,與諸才學之士咸 依附, 撫養咸有恩紀。 在郡之日, 值歲飢凶, 相交結,輕

子子瑩,永安中,太尉行參軍。

財

重

一義,座

客常滿,

是以

爲

時

所

稱

曰:「朕 贈 奔 主 爲 陛 赴 海 王 主 河 下窮 府 簿 東太守 爲 延儁從祖弟仲規,少好經史,頗有志節。 以 開 南 贵 仍 神 違 置 道 表行 盡 制 一神畿 主 郡而 諡 一聖,應天順民,棄彼 趸。 人,六軍 建興 日 ,幾郡望重,回 已。 貞。 久 郡 之, 豐贍 高 無 事 祖 ಿ 子,弟叔義以第二子伯茂爲之後,伯茂 中 車駕 ,元弟之寄,殊 笑曰:「冀卿 山王英征 卿旣首 玄 自代還洛, 壤,來宅紫縣。 義 必副 陽 應司 。 引 副 次於 所 此言。」 隸美 爲 起家奉朝請,領侍御。 望。 統 郡 舉,復督 軍 臣方罄 境, 尋 車 ٠, 除 鴐 奏復 仲規 達 司 我 心 徒 河梁 本資 力,躍 備 名 主 供帳 邦 簿 在文苑傳 行,何 見 ō 馬 於 朝於路側 咸陽王, 吳會, 能 仲規 咸陽王禧為司州牧,辟 陳 自 戰 父在 致也?」仲規 歿 冀 謂 功 鄉 時 日一作! 高 銘 疾 年四十八。 祖 帝籍, 病 詔 棄 對 仲 得 日 官 勳 汝 規

列

傳

遷司 叔 義 空從 亦 有 事 學行。 中郎 高祖末,除兗州安東府外兵參軍,累遷太山太守, 正光五 年夏卒,時年五十七。 贈 征虜將軍 、東秦州刺 爲政清 史,諡 靜, 日 東民安 宣。

発官。 諡 軍 監 李凱 事 弟景顔 子 逐 景融 武定 以景融才學, 施行。 被 匹 字孔明,篤學好 年 劾 + 冬, 時詔 廷 尉 啓除著: 病卒,年五十二。 撰 獄 四部要略, O 景融 作佐郎 屬文。 入選 令景融 行,稍 正光初,舉秀才,射策高第,除太學博士。 吏 遷 景融 部 輔 專典, 擬 國將軍 卑退廉謹, 郡,爲御史中丞崔暹所彈,云其貪昧苟進,遂 竟 無所 、諫議大夫, 成。 無競於 元象 詩。 仍領著作。 中, 雖 儀 才不 同 高岳 ·稱學, 出 帝 永安 以爲 時,議 mi 中,秘 緝 錄 事 綴 孝 莊 無 坐 參 書

參軍 元顥 4,年 入洛 景顔 孝 靜 與 頗 初 刺 有 徙 學尙。 史 鄭 司 空長 先 起家汝南 護 據 史,在官貪 州 起義, 王 開 穢 事 府 寧, 行 武定二年,為 參 賜爵 軍 0 保城子。 孝莊 初,爲 中 以軍 尉 廣州 催 暹 功 防蠻別 所 稍 劾, 遷太尉 事 將,行漢廣郡 下 從 廷 事 尉, 中 郎 遇 轉 疾 事 死 諮 Œ 於 議

卒官,時年三十二。 仲 規 弟子 伯 珍, 歷 贈本將軍 襄 威將 雍州刺 軍、 員 外散騎 史。 郎 河西太守。 孝靜初,爲平東將軍、榮陽太守, 獄

四十五

倦, 文詞

汎濫

理

會處寡。

所作文章,別

有

集錄。

叉

造

鄴都、晉都賦

云。

延 儁 族子禮和,解褐員外散騎侍郎,遷謁者僕射。 身長九尺, 腰帶十圍, 於羣衆之中,

魁 然 有 異。 出 爲 陳留太守。 卒於金紫光祿 大 夫。

祖 以 聿 延 與 儁 中 族 書侍郎崔亮並清貧,欲 兄聿 ,字外興。 以操尚貞立,爲高祖所知。 以幹祿優之,乃以亮帶野王縣,聿帶溫縣,時人榮之。 自著作佐郞出爲北中府長史。 時高 轉

騎 受 東 事 事 IE 尙 雍), 封 將 少 中 書 州 一,伺 軍 郞 悅 延 五. 汝 刺 儁 爲 ,遷太尉諮 悦虚竭 南 原 族 史。 别 肅宗末, 縣 王悦 將 人暖,字珍寶。 開 軍 興 國 ,還來奉貢。 郎 和元 字,邑三百户。 中令。 征 議參軍,出爲平秦太守。 出爲汝南 義 年卒,年七十三。 陽 悦散費無常,每 ,引爲中兵參軍。 太守, 太和 悅雖 中,析屬 性理不 尋行 不行, 并 轉太 州 恒,然亦 國 河北郡。 瑗 事 俸初入,一 卒,贈冠軍將軍 轉 原 夙夜恭勤,爲悅 太守。 和賞 平北將軍 少 、孤貧,而淸苦自立,太守司 愛。 日之中分賜 屬 肅宗崩, 洛州 、殷州刺史。 悦遷太尉, 所 知。 刺史。 **介朱榮初謀赴洛** 極 意。 軍還, 請 孝靜初 子子袖 爲從事 瑗 除奉 毎随 馬悅召為 ,除衞將軍 中郎, ·朝請, 例 污恒 瑗 西 豫其 轉 辭 轉給

驍

多

中

子 夷吾, 武定末, 徐州 驃騎 府長流 參軍。

軍袁 東陽 濟爲宗。 平,〇 隨文秀 袁 翻 字景翔,陳郡 宣時孤寒,甚相依附。 入 國。 項人也。父宣, 而大將 軍劉昶每提引之,言是其外祖淑之近親,令與其 及翻兄弟官顯,與濟子洸、演遂各凌競,洸等乃經公府 有才筆, 爲劉彧青州刺史沈文秀府主 簿。 府諮 皇興 議參

以

相

排

斥

京兆王 作佐 書門 外郎李琰之,太樂令公孫崇等並在議限。 治書侍御史高綽,前軍將軍邢苗,奉車都尉程靈虬,羽林監王元龜,尚書郎祖瑩、宋世景,員 顯 等入預其事。 郎,以參史事。及紇被徙,尋解。後遷司徒祭酒、揚烈將軍、尙書殿中郎。正始初,詔尙 下於金墉中書外省考論律令,翻與門下錄事常景、孫紹,廷尉監張虎,律博士侯堅固 翻 **一臉,前青州刺史劉芳,左衞將軍元麗,兼將作大匠李韶,** 少以才學擅美一時。 後除豫州中正 初爲奉朝請。 又詔太師、彭城王勰,司州牧、高陽王雍 景明初,李彪在康觀,翻爲徐紇所薦, 國子祭酒鄭道昭,廷尉少卿 ,中書監 彪引兼著

是時修明堂辟雍,翻議曰:

紀 可 知之。 籍以爲 謹 案 之證,且論意之所同,以酬詔旨 明堂之義,今古諸儒論之備矣,異端競構,莫適所歸,故不復遠引經傳、傍採 謂典章之極,莫如三代,郁郁之盛,從周斯美。 耳。行蓋唐虞已上,事難該悉,夏殷已降,校 制禮作樂,典刑在焉,遺風

餘烈,垂之不朽。

明堂五室,是帝一室也,合於五行之數。周禮依數以爲之室。德行於今,公雖有不 室,著自戴禮,探緒求源,罔知所出,而漢氏因之,自欲爲一代之法。故鄭玄云「周人 推其體例,則無九室之證。旣而世衰禮壞,法度淆施,正義殘隱,妄說斐然。明堂九 周 令各處其辰,就使其像可圖,莫能通其居用之禮,此爲設虛器也。」甚知漢世徒欲削滅 室也,謂堂後有九室。」堂後九室之制,非巨異乎。裴頠又云:「漢氏作四維之个,不能 是漢異周也。 同焉,配帝象行,義則明矣。 云:「乃營三宮,布敎班常,複廟重屋,八達九房。」此乃明堂之文也。 而|薛綜注云:「房, 同,時說昞然,本制著存,而言無明文,欲復何責。」本制著存,是周五室也;於今不同, 思窮 典,捐棄舊章,改物創制,故不復拘於載籍。且鄭玄之詁訓三禮,及釋五經異義,並 :幽,不墜周公之舊法也。伯階損益漢制,章句繁雜,既違古背新,又不能易玄之妙 魏 案周官考工所記,皆記其時事,具論夏殷名制,豈其紕謬?是知明堂五室,三代 ·神,故得之遠矣。 覽其明堂圖義,皆有悟人意,察察著明,確乎難奪,諒足以扶 書紀,亦有明堂祀五帝之文,而不記其經始之制,又無坦然可準。 漢爲九室,略可知矣。但就其此制,猶竊有懵焉。何者?張衡東京賦 及淮南、吕氏與月令同文,雖布政班時,有堂、个之別,然 觀夫今之

所,復 典正 基 址 一義,皆以意妄作,茲爲曲學家常談,不足以範時軌 乖 猶 盧 **!或髣髴,高卑廣狹,頗與戴禮不同,何得以意抑必,便謂九室可明?** 、蔡之義, 進退亡據, 何用經通? 晉朝亦以穿鑿難明,故有一屋之論,並非經 世。 且 三雅異

三代, 議,指畫妄圖,儀刑宇宙而 皇代旣乘乾統曆,得一馭宸,自宜稽古則天,憲章文武,追蹤周孔,述而不作,四彼 使百 世 可知。 豊容虛追子氏放篇之浮說,徒損經紀雅誥之遺訓,而欲以支離橫 貽來葉者也。

未 以 有 何 會 可 永 必 仍 經 知 法 叉 舊。 矣。 北 誥,無失典 爲難,數改爲易。 !京制置,未皆允帖,繕修草創,以意良多。 旣 H. 猥班訪逮,輒 遷都之始,日不遑給,先朝規度,每事循古,是以 刑。 識 偏 何爲宮室府庫多因故 學疏,退慚謬浪。 輕率瞽言。 明堂五 室,請同周 迹,而明堂辟雍獨遵 事移禮變,所存者無幾,理苟 制;郊建三雍,求依故所。 數年之中,悛換 此制 ,建立之辰,復 非 宜革, 一,良 庶

後議選邊戍事,翻議曰:

德。 溫 良。 自皇 臣 故 聞 上以叡明纂御, 田 兩 叔、魏尚 漢警於 西 聲高 北, 風凝化遠,威厲秋霜,惠霑春露,故能使淮海輸誠 於 魏 沙漠 晉備. 當陽、鉅平績流 在東南。 是以鎭邊守塞, 於 江 漢, 紀籍 必寄 用 威 爲美談, 重 伐叛柔服, ,華陽卽序, 今古以 爲盛 實 賴

連城請面、「ま」比屋歸仁。懸車劍閣,豈伊曩載;鼓譟金陵,復在兹日。 然荆揚之牧,宜

盡一時才望;梁郢之君尤須當今秀異。

深,一至於此,皆由邊任不得其人,故延若斯之患。賈生所以痛哭,良有以也。 禄既不多,資亦有限,皆收其實絹,給其虚粟,窮其力,薄其衣,用其工,節其食,綿冬歷 敵,卽爲奴虜;如有執獲,奪爲己富。其羸弱老小之輩,微解金鐵之工,少閑草木之作, 貨財請屬,皆無防寇禦賊之心,唯有通商聚斂之意。其勇力之兵,驅令抄掠。若值强 識字民温恤之方,唯知重役殘忍之法。廣開戍邏,多置帥領,或用其左右姻親,或受人 夏,加之疾苦,死於溝瀆者常十七八焉。是以吳楚間伺,審此虚實,皆云糧匱兵疲,易 無不搜營窮壘,苦役百端。自餘或伐木深山,或耘草平陸,販貿往還,相望道路。此等 可乘擾,故驅率犬羊,屢犯疆場。頻年已來,甲胄生蟣,十萬在郊,千金日費,爲弊之 自 [比緣邊州郡,官至便登;疆埸統戍,階當卽用。或值穢德凡人,或遇貪家惡子,不

得其忻心,不營私潤,專修公利者,則就加爵賞,使久於其任,以時褒賚,厲其忠款。 所 所知,必選其才,不拘階級。若能統御有方,清高獨著,威足臨戎,信能懷遠,撫循將士, 荆、惕、徐、豫、梁、益諸蕃,及所統郡縣、府佐、統軍至于戍主,皆令朝臣王公已下各舉 夫潔其流者清其源,理其末者正其本,既失之在始,庸可止乎。

愚謂自今已後,

列

無聞,人不見德,兵厭其勞者,即加顯戮,用彰其罪。 舉之人亦垂優異,獎其得士,嘉其誠節。 其僞薄。 如此,則舉人不得挾其私,受任不得孤其舉,善惡旣審,沮勸亦明,庶邊患永 若不能一心奉公,才非捍禦,貪惏日富,經略 所舉之人隨事免降,責 其謬薦,罰

爲廷尉,頗有不平之論,及之郡,甚不自得,遂作思歸賦曰: 遭母憂,去職。 熙平初,除冠軍將軍、廷尉少卿,尋加征虜將軍,後出爲平陽太守。 翻

消,譏議攸息矣。

池林。 峯,諸煙共色。 燕雙飛而鼓翼。 日色黯兮, 高山之岑。月逢霞而未皎, 霞值月而成陰。 山有木而蔽月,川無梁而復深。 秀出無窮,煙起不極。 怨驅馬之悠悠,歎征夫之未息! 錯翻花而似繡,網遊絲其如織。 悵浮雲之 弗限,何 此恨之難禁。 望他鄉之阡陌,非舊 蝶兩戲以相追, 於是雜石為 國之

揚波。 白水、水流兮漫漫。 傷,思搖搖兮空滿。思故人兮不見,神翻覆兮魂斷。斷魂兮如亂,憂來兮不散。 氳,駁霞兮絳氛。風搖枝而爲弄,日照水以成文。行復行兮川之畔,望復望兮望夫君。 爾 遠暉鼯與麏麝,走鰩鼈及龜鼉。彼曖然兮鞏洛,此邈矣兮關河。心鬱鬱兮徒 乃臨峻壑,坐層阿。 異色兮縱橫,奇光兮爛爛。下對兮碧沙,上覩兮青岸。岸上兮氤 北眺羊腸詰屈,南望龍門嵯峨。 疊千重以聳翠,橫萬 俯鏡兮 里而

之門兮九重門。 余之別兮千里分。 願一見兮導我意, 我不見兮君不聞。 魄惝怳兮

知何語,氣繚戾兮獨縈縕。

下 邦之鬼蜮。 彼鳥馬之無知,尚有情於南北。雖吾人之固鄙,豈忘懷於上國? 形旣同於魍魎,心匪殊於蝥賊。欲修之而難化,何不殘之云克。知進退 去上國之美人,對

之非可,徒終朝以默默。 願生還於洛濱,荷天地之厚德。

神龜末,遷冠軍將軍、凉州刺史。時蠕蠕主阿那瓌、後主婆羅門,並以國亂來降,

問翻安置之所。翻表曰:

也。 則 興,威馭四海,爰在北京,仍梗疆場。 叔、召虎不遑自息,衞青、去病勤亦勞止。或修文德以來之,或興干戈以伐之,而一 蠕 失,利害相侔。故呼韓來朝,左賢入侍,史籍謂之盛事,千載以爲美談。至于皇代勃 喪民離,不 然 蠕衰微,高車强盛,蠕蠕則自救靡暇,高車則僻遠西北。及蠕蠕復振,反破高車, 竊惟匈奴爲患,其來久矣,雖隆周、盛漢莫能障服,衰弱則降,富强則叛。 謬以非才,忝荷邊任,猥垂訪逮,安置蠕蠕主阿那瓌、婆羅門等處所遠近利害之 鬭 此 兩 ·絕如綫。而高車今能終雪其耻,復摧蠕蠕者,正 敵,即卞莊 之算,得使境上無塵數十年中者,抑此之由也。 自卜惟洛食,定鼎伊灋,高車、蠕蠕迭相吞噬。始 由種類繁多,不可頓滅故 是以方 得

列

主奔 不受? 終無 屬。 時幷兼, 送 猶 誕 有 難 於 純 內 進 今 則 一希朝 顧 上,民散於下,而 固 盡令率附 虧 之憂,未暇窺窬 之節,必有孤負之心。 然夷不亂 蠕 我大德"若納 廷 爲高 哀矜,克復宗 車所討 華,殷鑒無遠,覆車 餘黨實繁,部落猶衆, 而 滅,外憑大國之威靈,兩主投身,一 上 禮待, 國。 社 ; 退望庇身有道, 岩蠕 則損 然興亡繼 蠕 我 在於劉 資儲。 全滅, 絕, 列 石 則高 處處碁布, 來者旣 保其妻兒。 「、毀轍 聖同 車 規,撫降卹附,綿經 跋 固 多,全徙內 扈之計, 不 以望今主耳。 可 期 雖 尋。 而至, 乃遠夷荒桀, 地,非直 且 百姓 蠕 蠕 共軌。 知 高車亦未能 歸誠, 其 尙 0 不 情 存,則高 今蠕 ·識信 不願 若棄 萬里相 蠕雖 迎 而 車

勢, 蠕 道,土地沃衍,大宜耕殖。 張 叩 西 掖 那 無復竪立,令高車 **捍禦强** 不敢輒陳。 瓌 叉高 西北千二百里 於東偏 敵 車士馬雖 ,唯凉州、敦煌而已。 ,處婆羅門於西裔,分其降民,各有攸屬。 其婆羅 一,去高 衆、主甚愚弱、上不制下、下不奉上、唯以掠盗 獨 擅 門請修 北 車所住金山 非但今處婆羅門,於事為便,卽可永為重戍, 垂,則西顧之憂,匪旦 西海故城以安處之。 凉州土廣民希,糧仗素闕,燉煌、 一千餘里,正是北 伊 夕。 西海 虜往 那寒 愚謂 郡本屬涼 來 蠕蠕 住 之衝 所, 爲資, 酒泉空虚尤甚,若蠕 二主,皆宜存之,居 州 非所 要, 今在 漢家 鎭防西北。 陵奪爲業。 經 見,其中 酒泉直北、 行 軍 之舊 宜 河

遣 危,長河以西終非國有。 逃之寇,於我何損。今不早圖,戎心一啓,脫先據西海,奪我險要,則酒泉、張掖自然孤 我之外蕃,高車勁敵。 若婆羅門能自克厲,使餘燼歸心,收離聚散,復興其國者,乃漸令北轉,徙渡流沙,即是 雖 外爲置 一良將,加以配衣,[10]仍令監護婆羅門。 |蠕蠕之舉,內實防||高車之策。 一二年後,足食足兵,斯固安邊保塞之長計也。 西北之虞,可無過慮。 不圖厥始,而憂其終,噬臍之恨,悔將何及。 凡諸州鎭應徙之兵,隨宜割配,且田且 如其姦回返覆,孤恩背德者,此不過爲逋 戍。

內備彌深,所謂先人有奪人之心者也。管窺所陳,懼多孟浪。 歲終大計,其利實多。 蠕射獵之處。 年之食,使不復勞轉輸之功也。且西海北垂,即是大磧,野獸所聚,千百爲羣,正是蠕 宜,商量士馬,校練糧仗,部分見定,處置得所。入春,西海之間卽令播種,至秋,收一 愚見如允,乞遣大使往凉州、燉煌及於西海,躬行山谷要害之所,親閱亭障遠近之 殖田以自供,籍獸以自給,彼此相資,足以自固。今之豫度,微似小損, 高車豺狼之心,何可專信。假令稱臣致款,正可外加優納,而復

時朝議是之。

除安南將軍、中書令,領給事黃門侍郎,與徐彪俱在門下,並掌文翰。 還,拜吏部郎中,加平南將軍、光祿大夫。以本將軍出爲齊州刺史,無多政績。 翻旣才學名重,又善 孝昌中,

列

傳

安南 之。 臣 進。 直 翻 於 附 慢 去 會 表 關 黄 骨 語 之與 於 日 四 亦 育, 是, 望 爲 願 比 金紫,雖 臣往忝門下, 翻 今爲 靈 加 以 官, 上 撫軍 太后 安 表 尚 人不 南 請 是 將 書後,更在 所信待。 爲 尚書換 願 軍 異 西 易。 品 翼侍帳 軍 之隔 死亡將 是時蠻賊充斥,六 一金紫。」時 臣 中 自 實 幄。 書令下。 揆自 有半階 士舉 同 顧 時流 哀, 天下 一方力 . 之校; 於臣 輩皆 存而 極 多 庸 求 軍將親討之, 事 加 以 還者 此,伏 朽, , 以 出 翻雖外請閑 尙 誠 離 幷 書清 願 左 爲 加 天 叨濫 右 脤 地 要,位 ,蒙數階之陟。 賚。 翻乃上表 成造,有 秩,而 準之倫 後拜 遇 通 內有求進之心,識者怪 度支尚 始 顯 諫 匹, 止。 有終,矜 準 或 秩 唯 書, 後 有未 臣 論 蕭寶夤大敗 奉 資,似 尋轉都官 臣 盡 辭, 一疲病,乞 非 加 竊 小 惟 但

後 贈 爲 使持節、侍中、車騎 進 盡 之。 庸宗、 懼 其 侍 (凌己, 靈 座者莫不 太后 論者鄙 曾 融於 將 羨 仰 軍 之。 華 、儀 林園, 翻 建義 同 名 舉觴謂 位 司、 初, 俱 青州 遇 重 一當時 害 羣 臣日 於 刺 史。 河陰 賢達 袁尚 咸 年五十三。 推 書
朕
之
杜
預 與之,然獨 所著文筆 善 ,欲以此 其 身, 百餘篇, 杯 無所 敬 屬 獎 行 拔 元 於世 了, 排 凱, 抑

嫡子寶首,武定中,司徒記室參軍。

寶首兄叔德,武定末,太子中舍人。

翻弟躍,語在文苑傳。

躍弟颺,本州治中、別駕,豫州冠軍府司馬而卒。[1]

|颺弟昇,太學博士、司徒記室、尚書儀曹郎中、正員郎、通直常侍。 颺死後, 昇通其妻。

翻慚恚,爲之發病,昇終不止,時人鄙穢之。 亦於河陰見害。 贈左將軍 齊州刺 史。

史臣曰:崔休立身有本,當官著聞,朝之良也。 裴儁器業位望,有可稱乎? 袁翻文高價

重,其當時之才秀歟?

校勘記

起家奉朝請 諸本「奉」作「今」,獨局本作「奉」。 按奉朝請是起家官, 屢見諸傳,「今」字顯誤,

今從局 本。

宗紀孝昌二年六月。「雅」是「稚」的形訛,今改正。 與大都督長孫 稚 諸本「稚」作「雅」。 按長孫稚卷二五有傳, 他鎭壓這次起義見本傳和卷九肅

<u>=</u> 其實「闕」在句首,今删旁注。 斬賊王郭 康兒 諸本脫「斬」字,今據册府卷三九五上四六八六頁補。 又諸本「王」下旁注「闕」字,

列 傳 第 Ŧi. 1-七 校 勘 記

- \cap 껃 W 重。。 肸 七二八〇三五頁 開 置 按上 神 畿 云「咸陽 畿郡 重「畿」字,北史卷三八裴延儁附裴仲規傳節去「朕開置 望重 王僖 爲司 諸本「畿」字不重,「望」字下百衲本空格,他本旁注「闕」字。 州牧, 辟爲主簿, 仍表行建興郡事」, 則建興郡屬司州。 |神畿」句,下也 作一畿 册府 故 元宏稱 都望 卷六
- 之爲「畿 郡 ۰, 這襄 闕 的 是一「 畿」字 ·)諸本又誤空或誤注「闕」於「望」字下,今據 錢氏考異卷二八云:「『廣漢』 當作 『漢
- 廣 按 卷 〇六中地形志 中廣州 屬郡 有「漢廣」,無「廣漢」,錢說是,今乙正。

 \neg

五

 \sqcup

爲

廣

州

防

變別

將

行

漢

廣

郡

事

諸本「漢廣」作「廣漢」。

- \neg ベリ 東陽 云。青州 平 平」或『東陽平』, 諸本「東陽」下有「州」字。 詞 意 乃通」。 錢氏考異卷二八云:「青州治東陽城,東陽非州郡之名, 按錢說是,這裏行「 州字 ,今删 當
- -以 詶 韶旨耳 諸本「旨」字缺, 今據册府卷五八一 六九六二頁 補
- 伯傳本書卷七二亦引 德行 本、殿本思伯傳 於 今 諸本「行」下旁注「疑」字。 鄭君 作「施行 語,作『施行 **令**」, 於 册府卷五八一六九六三頁「德」作「禮」。 今』,南按當作「北」史卷四七 李所見北史「施」作「思」, 思伯傳作『思行於今』。」 當誤。 這 裏「徳」字疑誤)「禮 李慈銘云:「賈思 按北史
- 施」不 知 孰 是。 旁注「疑」字 删

百

衲

也

於

 \sqcap 九 加以配衣 連 城 請 面 北兴史 諸本「衣」下旁注「疑」字。 卷四 七袁翻 傳「請」作「革」。 按卷九肅宗紀孝昌元年十二月詔有云:「其配衣六軍, 按「請面」意不明,疑作「革」是。 分

記

是說以禁軍出戍,並無可疑,今删「疑」字。

豫州冠軍府司馬而卒 李慈銘云:「『而』當作『早』。」

列傳第五十八

劉藻 傅永 傅豎眼 李神

涉獵 羣籍,美談笑, 劉藻,字彥先,廣平易陽人也。 善與人交,飲酒至 六世祖遐,從司馬叡南渡。 一石不可 亂。 永安中,與姊夫李嶷俱來歸 父宗之,劉裕廬江太守。 國,賜爵易陽 藻

政, 徇, 軍 爲 子。 北地 、雅城鎭將。 自宜: 羣氐震慴。 擢 時北地諸羌數萬家,恃險作亂,前後牧守不能制,姦暴之徒,並無名實,朝廷患之,以藻 太守。 拜南部主書,號爲 他敍。」在任八 藻推 先是氐豪徐成、楊黑等驅逐鎭將,故以藻代之。 雍州 誠 人王叔保等三百 布信,諸羌咸來歸附。 年,遷離城鎮將。日 稱職 人表乞藻爲騃奴戍主。 藻書其名籍,收其賦稅, 韶 至鎭,擒獲成、黑等,斬 目

「選曹已用

人,

藻有

惠

芝

以

朝廷嘉之。

遷龍

驤

列

傳 第

五

+

八

劉

藻

輸 宰 於 或害長 是始 太 和 得 中 吏,自 居 改 其 鎭 舊 前守宰,率皆依 爲岐州, 所。 遇車駕南 以藻爲岐州 州遙 伐,以藻爲東道都 領,不入 刺史。 郡 轉秦州 縣。 督。 藻開示 刺 史。 秦 人紛 恩信, 秦 擾,詔藻還州,人情 人恃嶮, 誅戮豪横, ·,乃不 率多 組暴, 羌 氐憚之,守 乃定。仍 或 拒 課

與

、安南

將

軍

元

英

征漢中

頻頻

被

賊

軍

·, 長

驅

至

南鄭,垂

平

梁州

奉韶還軍

果

明 待 曰 百官。」 初 與卿 後 世 車 宗追 高 駕 石 祖 南 頭 錄舊功,以 伐,以藻爲 相 大 笑日 見。」藻對 「「今未」 藻 征 爲 目 房將軍 至 太 臣 尉 曲 .雖 司 阿 , 才非 馬。 了, 且 督統 以河東 古 是年六月卒,年六十七,贈錢六萬 軍 人,庶· 高 聰等四 數 亦 石 賜 不 軍 卿 留 爲 ~; ____ 賊 東道 後 虜 與 而 別將 高 遺陛 聰等戰敗,俱 下 一,輒當 辭 於 洛水之南, 釃 徙 曲 平 阳 Z 州 酒 高 以 祖

書郎 守。 州 别 駕、司 洪業入於關中,率衆侵擾,伏法 還 子 朝, 紹珍 空屬,以事発官。 **外之**, 無無 他 拜 才 車 用 騎 將 善 軍 附 會, 建義 左 好飲酒。 光祿 初, 詔 大夫, 復, 結託 ·尋除· 出爲黎陽太守。 劉 太中 騰 大 騰 夫。 啓 爲 永安 其 所在 或 郎 無 一年,除 中 、政績。 令。 安 襲子曾。 天平 西 將 中 軍 , 坐子 稍 河 遷 北 尙 本 太

傅永, 字脩期,清河人也。 幼隨叔父洪仲與張幸自青州 入國, 尋復南奔。 有氣 幹, 拳勇

降 過 兼 士 而 一, 叉 治 不 爲 禮 改 爲 能 報 郎 爲 平 手 詣 齊 執鞍橋,倒立 議 永 郎。 民。 長安,拜文明太后父燕宣 乃 發憤 轉尙 父母 讀 書考功郎 並老,飢 書,涉獵 馳 騁。 寒 經 年二十餘, 中,爲 十 史, 數 兼有 公年,賴 大 王 南,三 司馬從事中郎。 才筆。 有友人與之書而不能答,請於洪仲,洪仲深讓 人其强 賜爵 於 自 人事,勠力傭 東陽禁防爲崔道固 貝丘男,加伏波將 尋轉都督、任 污,得 軍 城王澄長史,兼尚 城 以 0 存 局 參軍 立。 未幾,除中書博 晚乃被召 與道 固 書 倶 之

|祚、 伏 曉 本 高 永 事 已 濟 勒甲 祖 而 公政 選 乃 刨 獲 眷 王 傅脩 逐 密 美 夜 肅 士 遇 望 等 令 分 之爲 三千 屍, 永 果 盡 期 人 兵二部, 以 心 所 親 爲 斬 ·擊之。 豫州,以永爲建武將軍、平南長史。 置 率 瓠 事 其 首 之火 盛 長 之, 領 史,雖 幷 火,渡 出 來 情 時 於營外。 公 而 矿 康 義 政送京師 爭 永 准 威 祚 至 渡 儀 營。 南岸,當 等 穆。蕭鸞 焉 不足, 軍 叉 於 東 以 水 淮 西 公政 深 深 賊若 遣將魯 而 南,永 三伏 處置 文武 溺 夜 岐州刺史超宗之從兄也 死、 夾擊之,康祚 之,敎 含淮 康 來, 有 祚、 餘 斬首 矣。」肅 必 北 趙 之云:「若 咸陽王禧慮肅難信,言於高祖 應 + 1者數 公政 於 有 渡 等奔 餘 以永宿士,禮之甚厚。 千級 衆號 淮 里。 有 之 趨 所, 一萬,侵豫州之太倉口 火 生 准 永量吳楚之兵,好 起, 擒 水。 以 公政 火 卽 火旣 記 亦 其淺 然 競 康 之。 起 處。 永 人馬墜 不 以研 其夜, 亦 高 能 以 永 祖 營爲 肅 記 旣 肅 康 設 令 其 爲

五

Ŧ.

再捷, 我之虚 走。 馳 千救之。 陳,將置 食邑二百戶 詣 左右 楚王戍, 時 高 裴 長圍。 祖嘉之,遣謁者就 欲追之,永曰:「弱卒不滿三千,彼精 永上 叔 足喪其膽。 業 至即 率王 高 門樓,觀叔業 永所伏 祖每歎曰:「上馬能擊賊,下馬作露 令塡 一茂先、李定等來侵楚王戍。 兵於 俘此 塞 **孙塹**, 豫州策 左道 足矣, 南 行 擊 夜伏 五 手其後軍 六里許, 拜永安遠將軍、 何假逐之。」 、戰士一千人 ,破之。 便 甲猶盛, 開 獲 永適還州,肅復令水討之。三 門 叔業 於城外。 奮 鎭南 叔業乃令將佐守所列之陳, 布, 擊, 非 傘 唯傅脩期 府 逐摧破 扇 力 長 曉而 鼓幕 屈 史、汝南太守、 而 之。 叔業等至,頓 甲仗萬餘。 敗,自墮 耳。 叔業 吾計 進退 貝丘 兩 永將 中耳。 於 失圖 月之中,遂 自 城 縣 率 東 心 於 開 精 腹 旣不 或 是 甲 男 測 奔 列

以発。 後 等棄甲, 之。軍將逼賊,永曰:「先深溝固壘, 少 /有擒 裴叔業又圍 永至懸瓠,高祖俱鎖之。 徑奔懸瓠。 殺,可揚 渦 武將軍、汝陰鎭將,帶汝陰太守 陽, 永獨收散卒徐還,賊追至,又設伏擊之, 時高祖在豫州,遣永爲 聰、藻徙爲邊民,永発官 然後圖之。」聰等不從,裁營輜 統 軍 ٠, 與高聰 爵 而 挫其鋒銳。 E, 劉藻、 重,便擊之, 不經 成道益、任莫問等往 旬 四軍 日 , 韶日 之兵, 戰 而 脩期在 多賴之 敗 聰 救

眼、奚康生等諸軍俱入壽春。 景明 初 裴 叔業將 以壽春歸國,密通於冰,永具表 同日而永在後,故康生、大眼二人並賞列土,永唯淸河 聞 及 將 迎 納, 詔 永 爲 統 軍, 與楊

永 總 初 勒 附 蕭 土 寶 卒, 人情 卷 將 水陸 未 陳伯之侵逼壽春,沿 洽, 俱 兼臺 下,而 一接不 淮 水 至, 口 伯 深 淮 之防之甚 以 爲 爲 寇。 憂。 時 固 詔 司 遣 徒、彭城王 永 永 去二十 爲 統 軍, 一想, 餘 里, 領 廣 陵侯 牽船 汝 陰 之兵三 元衍 上 汝 同鎭壽 南岸 千人先援之。 一, 以 水 ,以九 牛挽

之 衍 一,直 聞 恐 外 洛 南 有 陽 趨 軍 淮 難 一下船 共 復 上 口 見, 門 便渡。 樓觀 不 意 望, 適 卿 然 能 E 南 至 不 岸, 也 意 永 賊 力田 至 軍 令永 永 亦 及。 免 引 青, 軍 會 入 乃信 時 城。 已夜,永乃 之, 永 日「執 遂 引 永 潜 進, 兵被 上 曉達 甲, 想 謂 壽春 固 永 敵 日 是 城 工工北 水, 下。 以 如

敎

便

共

殿

下

同

被

圍守, 豈是救

援

之意

_?

遂

孤

軍

城

外,

與

加

幷

勢

以擊伯

之,

頻

有

捷

股 遣 琕 直 規 趨 統 解 冰 永 者 城 擐 長 軍 中 拔 如 張 日 甲 童 韋 Ш 箭 神 義 懷 王 揮 , 復 昔 戈, 等 英 永 難 陽 入 謂 之 漢 列 遇 單 城 征 陳 英 遂 祖 易 騎 人 捫 大 於 失, 日 義 先 復 足,不 陽 破 Щ 入 出 今日 , 之, 下 区 永 挑 唯 以 豎 爲 欲 戦。 斬 防 不 有 豕 人 寧 仙 往 之。 軍 突, 知 永 朔 琕 主 子 將 0 乃 明 蔡 意 至 下 軍、 分 朝 曉, 三虎 在 官雖 兵 仙 必 統 決 琕 付 爲 仙 戰。 副 軍 微 燒營 長 琕 賊 之, ٠, 當 果 史 有 雅 國家 餘 賈 席 至 長 雖 山 卷 韋 思 人 懷 悔 形 帥 遏 無 旭 而 等 要, 無 遁 其 有 及。」 戰 , 令守 及 南 宜 奈何 敗 者 門。 英 早據 英 營 築 於 使 乃 量, 蕭 突 城 陳 之。 虜 分 者悉 謂 陳 衍 兵, 有 自 將 横 永 英沉 傷 將 皆 通 馬 過, 目 將 馬 奔 :「公傷 夜 仙 之名 吟未决, 賊 步 築 退 琕 千 射 城 連 _! 永 仙 人 一營稍 矣 於 洞 南 琕 Щ 永 與 且 其 逆 乘 進 還 左 仙 勝

列

偉

軍 觀 不可, 追 此 經算, 令永 極 夜 中大夫,行 雖 改之。永 而 有 返,時年七十餘矣。 金 城 亦 湯 不 池亦 增 文彩 不能 直 守矣。」還京 三軍莫不壯之。 與 之改陳 復 列 封, 軍 儀 永 義陽 處 先 旣 有 置 男爵 形 平,英使 要 至 而 已。 是以品不 司 馬陸 而 英 希 深 累加 道 賞之, 爲 露 賜 歎 板 帛 で、意 日

除太

秦梁

__

州

事

一代

那

巒鎭

漢

中

熙 長, 能 聽。 平 馳 故在 完 後 永 射 還 毎言 年 任 盤 卒,年八 京 馬 無 曰:「文淵 師 多 奮 於路 聲稱。 稍。 十三。 除 時 充 年 未 恒 農 贈 幾 踰 或 解郡 安 竟 八十,常諱言 太守,非 東 何 將 人哉 一、還爲 軍 心 齊 所 太中 吾獨 樂。 老 州 毎 刺 大 白首 史。 時英 自 夫,行南 稱六十 見拘 東征 此 靑 鍾 九。 離,連 郡 州 事 還京 深 表 遷 用 表請,水, 左將 拜 扼 平 腕 軍 東將 求 南 然 以 軍 兗 於 爲 、光祿 治 州 將, 民 刺 史。 朝 非 大 其 廷 猶 所

焉 遂 買 欲 求 葬 不 都 順 附 賈乃邀訴 歸 永 娶妾馮氏, 葬 嘗 ,賈常忿之。 其 永 墓 登 於 北 遂買 4、於 靈太后, 所 封 生 左 貝丘 馮 平 叔 右 先永 偉 靈太后遂從賈意。事經朝堂,國 坦 地 縣 處 及 數 亡,及永之卒, 數 奮 頃 事 女。 矟 經 遺 躍 司 賈 敕 馬 徒, 後 子 盤 叔偉 司 歸 旋 徒 叔偉 平 膽 胡 城 曰:「此吾 望,有終 , 或 稱 無男, 珍 父 命 本 焉 珍 之 與 欲 唯 理 永 之志。 葬 永 不 宅 同 北 女。 也 能得,乃葬於 經 邙 馮 遠慕: 征 永 役 賈 恃 疑 妻賈 杜 子 感 預 叔 事 其 ',近好 偉 賈 氏 東淸河 所 留 將 無 禮 於 以 李冲 本鄉 馮 許 叔 合葬 偉 王 叔 又永昔 永 偉 亦 至 葬 奉

栗根所 遶束, 營宅兆,葬父母於舊鄉,賈於此强徙之,與永同處,永宗親不能抑。 去地尺餘,甚爲周固,以斧斬斫,出之於坎,時人咸怪。 未三年而叔偉亡。 葬已數十年矣,棺爲桑

見 者以爲得永之武而不得永文也。 叔 偉,九歲爲州主簿。及長,膂力過人,彎弓三百斤,左右馳射,又能立馬上與人角騁。 正光中,叔偉子豐生襲封。

謂 謂 閭 慶 歸 人 所重。 皆讀 堪 附 鄕 人曰:「吾昨夜夢:有一駿馬、無堪乘者、人曰:『何由得人乘之。』有一人對曰:『唯有傅靈 乘此 傅 人曰:「汝聞之不? 鬲虫之子有三靈, 此圖讖之文也。」好事者然之, 故豪勇之士多相 豎眼,本淸河人。七世祖他。 不 能解,人曰:『唯傅靈越可解此文。』」融意謂其三子文武才幹堪以駕馭當世。 馬。』又有弓一張,亦無人堪引, 性豪爽。有三子、靈慶、靈根、靈越、並有才力。 伸子遘,石虎太常。 人曰:『唯有傅靈根可以彎此弓。』又有數紙 融以此自負,謂足爲一時之雄。嘗 祖父融南徙渡河,家于磐陽,爲鄉 文書, 常密

靈 劉 慶懼軍 駿將蕭斌、王玄謨寇隔傲,時融始死,玄謨强引靈慶爲軍主。 法,詐云 傷 重,令左 右輿之還營,遂與壯士數十騎遁還。 將攻城,攻車為 斌、玄謨命追之。 城內所

列

傳第

五十八

傅

乾愛 靈慶 虚 右 發 人,不可忘也」。 諫 也。 7,不可 爲斌法曹參軍,斌遣乾愛誘呼之,以腰刀爲信,密令壯健者隨之,而乾愛不 旣至靈慶間,對坐未久,斌所遣壯士執靈慶殺之。 靈慶兄 逼也。 弟 不如緩之。」玄謨乃止。 並有雄才、兼其部曲多是壯 靈慶 勇,如彭超、戶生之徒, 至家,遂與二弟匿 靈慶將死,與母崔訣, 一於山 澤 皆一 之 間 當 數 知斌之欲 時 + 靈慶 法 援不 從 圖 叔

乾愛 此當 帶魯郡,而乾愛亦遷靑、冀司馬,帶魏郡。 但 不 母 爲樂陵太守。 北 大 分離 得 悅 入之後,母崔氏遇赦免。 見南 不 俱渡, 臨齊 云「汝豈可著體上衣服見垣公也了時垣護之爲刺史。 靈根、靈越奔河北。 知 思積,遂與靈根相要南走。靈越與羊蘭奮兵相擊,乾愛遣船迎之,得免。 拜靈越鎭遠將軍、青州刺史、貝丘子,鎭羊蘭城, 而已。 方國主,豈垣公也。」竟不肯著。 樂陵與羊蘭隔河相對,命琰遣其門生與靈越婢詐爲夫婦投化以招之。靈越與 人覺知 乾愛不以爲惡, 敕左右出匣中烏皮袴褶, ,剉斬殺之。 靈越至京師,高宗見而奇之。 劉駿恐靈越在邊,擾動三齊,乃以靈越叔父琰爲冀州治中,乾 乾愛出郡迎靈越,問靈根愆期之狀,而靈越殊不應答, 及至 後二人俱還建康。 一丹陽, 劉駿見而禮之,拜員 靈越因說齊民慕化,青州可平,高宗 靈根爲臨齊副將, 令靈越代所常服。 靈越奮聲言:「垣公!垣公!著 靈越意恒欲爲兄復讎,而乾愛 、外郎、兗州司馬, 鎭 明潛壘。 靈越言不須。 靈根差期, 靈

初 疑防,知乾愛嗜雞肉葵菜食,乃爲作之,下以毒藥,乾愛飯還 而 卒。

乎! 宥, 然 殺 勔 子 勛 事 叉 靈 靈越 之始 問 廣 敗 後 越 之生 數 辭 靈 答 四方 末, 年 對 越 一送詣 日:「薛公舉兵淮北,威震天下,不能 而 如 備皆參預, 阻 軍 靈 一,終不 或輔國 衆散亡,爲劉彧將王廣之軍 越爲太原太守, 逆,無戰不擒, 府司馬劉 回改,乃殺之。 人生 歸 主上皆加以 於 戍升城。 勔 死, 動 躬 實無 自 後舉 大思, 慰勞,詰 人所 面 一兵同 專任 「求活。」 擒,厲 即其才 劉駿子子勛, 智勇,委付 其叛逆,對曰:「九州唱義,豈獨 聲曰:「我傅靈 勔壯 用, 卿何 其意,送詣 子姪,致 不 子勛 早 歸 越也,汝得賊 以 建 敗之由 天闕, 靈越為前 康。 乃逃 劉 ,實在於此 彧欲 軍 命 在 何 將軍 不即 · 草間 加原 我_?

西 心 禮 征 伐。 敬 豎 眼, 表 世 爲 卽 宗 參 靈 時爲 軍 越 o 子 建 也。 從 武 庸 將 沉 征 軍,討揚 伐, 毅 壯 累有 烈, 州 少有 戰 賊 功, 破 **父**風。 稍遷 之, 仍鎭 一給事中、步兵校尉、左 入國 於 合肥, 鎭南王肅見而 蕭 衍 民 歸之者 異之, 中 郞 數 將, 且奇 千 常 戶 其 爲 統 父節, 傾 軍 , 東

義 衆 逆 後 戰 武 興 頻 氏 破 楊 走之, 集 義 反 乘勝 叛 追北, 推 其 兄子 仍 克 紹 武 先 興。 爲 主 還 一,攻圍 洛 詔 關 假 城 節 行 梁州 南 刺 **竞州** 史邢 事。 巒 遭 豎 豎眼 眼 善於綏 討之。 集

南人多歸之。

轉 昭 武 將 軍 益 州 刺 史。 以 州初置,境逼巴獠,給羽林虎賁三百 人,進號冠 軍將軍。 及

眼遺 千, 東洛 時 任 高 西 在 ·虎徑: 崗 逃 太 肇 攻逼 散。 寧朔 洪 伐蜀 邀 、除口二成, 從 南 賊之後 興 將 陰 Щ 孫 假 .連置 平偷 軍 豎眼 棚 成 興孫 表 興孫 三一營。 路 因此 征虜將 裏 入益 討 合擊,大破之,斬邊昭及 力戰,爲流矢所中 **詐言南軍繼** 興孫 之。 州 軍、持節,領步兵三萬 北 軍次 境, 分遣諸統 欲擾 白護 至, 動 **氐蜀信** ·, 死。 隨 太洪 **玉蜀**, 便 掩擊,皆破 遣 太 豎眼 之, 先討 以 其 洪 翕 絕 輔 前 又遣 北 然 運 或 部 巴。 從逆。 路 將 之。 統 王 軍 隆 軍 蕭衍 乘 任 護首。 ·姜喜 太洪 太洪 國 碩 聞 諱 北 叉遣軍 大 季元度從東 率 班 等率 於是太洪及 軍 氏 師 蜀 西伐, 遣其寧州 衆 主邊昭 逐 數 扇 干 千, 誘 () | () | 重 等率氏 關 土 邀 逼 城五 民, 險 뢺 拒 城 蜀 刺 棚 回 奄 戰, 破 史 出

然。 肅宗 信 中 爲 大 遠近 夫。 本, 初 豎 眼 屢請 保境安民, 雑 性 蕭衍 夷 旣清素,不 解 遣 相 州, 將 率 趙祖悅 款謁 不 乃 營產 以元 以 仰 小 入屯硤石, 其德化 利 業,衣食 法 侵竊 僧代之。 , 思爲 之外,俸祿 有掠 以逼 益 魏民 蜀民入 州 壽 民追 春。 矣。 粟帛皆以 、境者, 隨 鎭 是以 戀泣 南將軍崔亮討之, 蜀民請軍 皆移送還本 變賜 者數 夷首 百 里。 者 1,賑恤 旬 1: 至 月 以豎眼 洛, 相 士 撿 卒。 繼。 拜 勒 征 部 世 爲 撫 下, 虜 持節 宗甚嘉 蜀 將 守 人 軍 鎭 宰 以 太 肅 恩

法 僧 旣至, 大失民 和。 蕭行遣其信武將軍、 衡州刺史張齊因 民心之怨,至入寇晉壽, 軍

聞 軍 太 鲖 軍 頻 豎眼 席 陷 即 洪等十餘將 、盆州刺 千餘, 腹萌、 廣 復爲刺史,人人喜悅,迎於路者日有百 度等處處邀 須 史,尋加散 小劍諸戍, 有假 所在 職者,聽六品已下板之。 擊,斬太洪及衍 [拒塞,CK] 豎眼三日之中,轉戰二百餘里, 甲不去身,頻致 騎常侍、平西 進 圍 州 城。 將軍 朝廷 征虜將 、假安 以 軍楊伏錫等首。 西南爲憂, 豎眼旣出梁州 數。 西 |將軍 豎眼至州,白水已東,民皆寧業 ·、西征 乃驛徵豎眼於 ,行冠軍 都 張齊引兵西退,遂奔葭萌。 督, 率步騎三千以討 將軍勾道侍、梁州刺 淮南。 旣 九 至, 捷。 張 以 爲右 齊。 土 民 蜀 統

舊 虎 益 衆 大 交戰,豎眼 勝 分遣諸將 州 夜 追 城。 破城軍 威將軍 平。 遁。 奔,遂臨夾谷三栅。 先 是,蕭衍信義將軍、都統白水諸軍事楊興起,征虜將軍李光宗襲據白水舊城。豎 又遣統軍傅曇表等大破衍寧朔將軍王光昭於陰平。 水陸討之。 强虬與陰平王楊太赤率衆千餘,夜渡白水,旦而交戰,大敗賊軍,斬興起首, 靈太后 斬獲 命諸統帥同 進討 甚衆。 齊,破其二栅,斬首萬餘,齊被重 齊遣其寧朔將軍費忻督步騎二千逆來拒戰,軍主陳洪起力戰破之,乘 時奮擊。軍主許暢斬衍 齊乃栅於虎頭山下 統軍 胡小虎四面攻之,三栅俱潰。 雄信將軍 創,奔竄 牟興祖、軍 而退。 西郡。 張齊親率驍勇二萬餘人與諸 張齊仍阻白水,屯寇葭萌。豎眼 小劍、大劍賊亦捐城西走, 主孔領周射齊中足,於是 豎 眼復遣討之,令崇棄 眼

與 其北 紹 如 賊 ,聚貨耽色,甚 總衆赴之, 故 決 梁州 梁州 一戰,大破之,擒斬三千餘人,休儒等走還魏 長史錫 之 倍道 人 休 I 爲 民 旣 而 儒、司 得豎眼 進, 害,遠近怨 至直 馬魚和 爲牧,人咸 城 上庸 望焉。 而 賊襲據 自賀。 太守姜平洛等十 尋假 直 鎭 而 П 軍 豎 0 興 將 眼 敬 軍 至 紹 都 刑 軍,率衆三萬,入寇直 以 賊 督梁西益 遇患 斷 歸 不 路,督兼統 堪綜 巴三 理 州 諸 其 軍高 城。 子 軍 敬 事 徹 豎 紹 吳 眼 蕭 險 和 遣 暴 衍 敬 潰

露,在 四方, 齊州 敬紹 城 擅據 兵 刺 頗覽書傳,微有膽力,而 史。 武 南 鄭 執 敬紹,白豎眼 ,令其妾兄唐崐 出 帝 初 ,重贈散騎 而 崙 殺 常侍、車騎 之。 易攪 奢淫倜儻 豎眼 於外, 輕輕 耻 將軍二 聚 **志發疾** 爲 衆圍 殘害。 司 城, 〉,遂卒。 空公、 敬紹 又 相州 見 天下 永安 謀爲 刺 史, 中 多 內 , 事, 應。 開 贈 或 陰懷 征 賊 如 東 圍 故 將 異 旣 圖 軍 合 其 欲 吏 部 事 杜: 尙 泄 絕

之意。 復爲 將樊文熾 益 長子 州 之,除北徐 攻 敬 刺 圍 史, 和 敬和 敬 朝 和 廷 州刺 弟 以 以 其父 城 敬 降、送 史,復以耽酒爲土賊掩襲,棄城走。 仲, 有 並 遺惠故 於 好 江 酒 南。 薄行, 也。 後衍 至州,聚斂 傾 側 以 勢家 齊 獻 武 無 敬和 王 已,好酒 威 德 歷 徴詣廷尉, 日 嗜色,遠近 靑 廣, 州 令敬 鎭遠府 遇恩発, 和 失望。 還國 長史。 遂廢棄卒 仍爲 以 孝莊 申 肅 和 衍 通

於家

乾愛子三寶,與房法壽等同効盤陽,〔中〕賜爵貝丘子

寶弟法獻, 高祖初南叛, 爲蕭鸞右 中郎將、 直閣將軍 o 從崔慧景至鄧城, 爲官軍所

殺。

衍 胸 Щ 內附,徐州刺史盧昶遣文驥守朐山,樵米旣竭,而昶軍不進。 琰曾孫文驥, 後大以南貨路光州刺史羅衡,衡爲渡其母妻。 勇果有將領之才。 隨豎眼征伐, 累有軍 功, 自强弩將軍出為琅邪 文驥遂棄母妻,以城降蕭 戍主

兄崇深所知賞。 |李神,恒農人。父洪之,秦益二州刺史。 累遷威遠將軍、新蔡太守,領建安戍主。 神少有膽略, 轉寧遠將軍、陳留太守,領狄丘戍 以氣尙爲名。 早從征役, 其從

頻有軍功,封長樂縣開國男,食邑二百戶。遷征虜將軍、驍騎將軍、直閤將軍

僕射李平等攻陝石克之。進平北將軍、太中大夫。 蕭 行將趙祖悅率衆據陝石,神爲別將,率揚州水軍受刺史李崇節度,與都督崔亮、行臺

孝昌中,行相州事,尋正,加撫軍將軍,假鎭東將軍 大都督。 建義初,除衞將軍。

擒葛榮於鄴西,事平。 不自保。 榮充斥,民多逃散。 而 神志氣自若, 先是,州將元鑒反叛引賊,後都督源子邕、裴衍戰敗被害,朝野憂惶,人 除車騎將軍,以功進爵爲公,增邑八百,通前一千戶。 撫勞兵民, 小大用命。 旣而 葛榮盡銳攻之, 久不能克。 會介朱榮

平元年 郡開 國 元顥 ,賜使持節、侍中、驃騎大將軍 公,加封 入洛,莊帝北巡,以神爲侍中,又除殿中尚書, 五百戶。 普泰元年,進驃騎大將軍、儀 (司徒公、冀州刺 史。 同三司 仍行 、相州大中正。 相州事。 車駕還宮,改封安康 永熙中薨。

子士約,襲。齊受禪,爵例降。

子,固以優乎? 史臣曰 劉藻、傅永、豎眼 抑又魏世之良牧。 文武器幹,知名於時。 李神據危城,當大難,其氣概亦足稱焉 豎眼加以撫邊導俗,風化尤美,方之二

校勘記

在任 云 一治症城鎮。」 八 年遷離 城鎭將 自漢以來,即置 按下 文云「太和 雍縣,地 中, 由 雅水 改鎭 爲 得 岐州 名,別無所謂「離城」。 查 卷一〇六 下地形志 這裏「離 字字 下 岐州 顯 爲 條注 雍

比鎭將低, 以雍城鎮將遷雍城鎮將呢? 段,實是文字錯簡,又有衍文。 人王叔保等三百人表乞藻為歐奴戍主。 但上文已稱他「遷龍驤將軍、雍城鎮將」,所謂「在任 王叔保等是表示對他好感才乞求任他爲戍主的, 而 上文「遷龍驤將軍 且疑問尚 不 詔曰:「選曹已用 止鎭名之異。 、 雍城鎭將」至「羣氐震慴」四十二字當在 人, 上文於劉藻遷雍城鎮 八年」, 藻有惠政, 怎麼會要他降 郎指 在雍城鎮將之任,怎麼能 自宜他敍。」 級 將 調 後, 任 呢? 戍 說 主 細 品 雍州 觀 一在 級 此

自宜他敍。」在任八年,遷龍驤將軍、雍城鎭將。 任八年」下。 朝廷嘉之。 這裏「遷離城鎭將」五字則是衍文。 雍州 人王叔保等三百人表乞藻爲騃奴戍主。 先是氐豪徐成、楊黑等驅逐鎮將,故以藻代之。 原文當作: 詔曰: 「選曹已用 藻 有 惠政,

至鎭

,擒獲成、黑等,斬之以徇,羣氐震慴。

太和

中,改鎭爲岐州,以藻爲

岐州

刺

史。

- 詣長安拜文明太后父燕宣王廟 授廟令,則廟本在長安,不必贅言「詣長安」,且廟令卑官,史例也不稱「拜」。「令」字衍,今據删。 加官賜爵屢見卷五六鄭羲傳,卷七二陽尼附陽藻傳、李叔虎附李述傳、卷八 諸本「廟」下有「令」字,北史卷四五傳永傳無。 九酷吏高 按拜燕宣王 遵傳。 廟
- 20 = 曉而 肅復令永討之 頓 ´´, {通 叔業等至頓於城東 鑑卷一四 諸本「永」訛「大」,今據北史卷四五、册府卷三六四四三二七頁 一四四一七頁無「江」字。按戰事在豫州、今河南汝南一帶、楚王戍不得旁長江, 諸本「頓」作「江」。 册府同上卷頁、通典卷一五三示無備設伏取 改。 之條作

列

傳

「江」字乃「頓」之訛,今據改。

クガリ 蕭衍遣其信武將軍衡州刺史張齊因民心之怨 按張齊、梁書卷一七有傳、從未爲衡州刺史、梁

之衡州也不在此,疑有誤。參卷九校記[1]。

梁州刺史王太洪等十餘將所在拒塞 平元年五月及卷九八蕭衍傳都作「斬其將任太洪」。 按下文說「斬太洪」,自卽此「王太洪」。然卷九肅宗紀熙 。紀於上年景明四年二月稱「蕭衍寧州 刺 史任

太洪率衆寇關城」、卷九八同、應即此被斬之梁將。 這裏「王」字乃「任」字之訛。

乾愛子三寶與房法壽等同効盤陽 卷四三本傳、「同効盤陽」意謂同在盤陽立功。 諸本「効」下旁注「疑」字。 並無可疑、今删旁注。 按房法壽襲取盤陽以降魏, 事見

列傳第五十九

裴叔業 夏侯道遷 李元護 席法友 王世弼 江悅之

淳于誕 李苗

居于襄陽。 裴叔業,河東聞喜人也。 父順宗、兄叔寶仕蕭道成,並有名位。 魏冀州刺史徽之後也。 五代祖苞, 晉秦州刺史。 祖邕, 河

東

留 業 太守。 而 !奇之,謂之曰:「卿有如是志相,何慮不大富貴。 深宜勉之。」鸞爲豫州,引爲 叔業少有氣幹,頗 鸞輔政,叔業常伏壯士數百人於建業。及鸞廢昭文,叔業率衆赴之。鸞之自立也, 以將略自許。 仕<u>蕭</u>賾,歷右軍將軍、東中郎將諮議參軍。 司馬,帶陳 蕭鸞

見叔

持節、冠軍將軍、徐州刺史,以水軍入淮。 以 叔業爲給事黃門侍郎,封武昌縣 開 國伯,食邑五百戶。 去王師數十里,高祖令尚書郎中裴津往與 高祖南巡,車駕次鍾離。鸞拜叔業 之 語

列 傳 第 Ŧ. + 九 裴 叔 業

叔業 盛飾 左右 服玩以夸津曰:「我在南富貴正如 此,豈若卿彼之儉陋也。」 聿云 …「伯父儀服

誠 爲 美麗,但恨不畫遊耳。」徙輔國將軍 、豫州刺史,屯 壽 陽

粲等,棄母奔壽陽。 書舍人裴長穆慰誘之,許不復回換。 受制於人。 率 軍 ·赴寶卷,其實應顯達也。 鸞死,子寶卷自立,遷叔業本將軍 寶卷嬖人茹法珍、王咺之等疑其有異,去來者並云叔業 法珍等以其旣在疆場,急則引魏,力不能制,且欲羈縻之, 顯達敗而 、南兗州 還。 叔業慮 刺史。 內難未已,不 會陳顯達圍建鄴,叔業遣司馬李元護 願爲南克,以其去 北入。 叔業 白寶卷遣 兄子植、 建鄴近,

北一 薛眞度,具訪入國可否之宜。 勒馬步二萬直出橫江,以斷其後,則天下之事一舉可定也。 又於事不足。意計回惑,自無所成。 北,不失作河南公。」衍遣文範報曰:「羣小用事,豈能及遠。多遣人相代,力所不辨,少遣人, 決捨南耳。 「天下之事,大勢可知,恐無復自立理。 地相處,河南公寧復可得? 叔業雖云得停,而憂懼不已,遣親人馬文範以自安之計訪之於寶卷雍 但恐臨迫而來,便不獲多賞 眞度答書,盛陳朝廷風化惟新之美,知卿非無款心,自不能早 如此,則南歸之望絕矣。」叔業沉疑 唯應送家還都以安慰之, 自 雍州若能堅據襄陽,輒當勠力自 若欲北向,彼 然 未 無患。 決,遣信詣 保,若不 必遣人相 州 若意外 刺 史 爾 豫州 相逼, 代,以 蕭行曰: 回 刺 面 史 河 向

元 年正月,世宗 叔業遲遲數反,真度亦遣使與相報復。 詔 日 7. 「叔業 明敏 秀發,英款 早悟, 乃遣 子芬之及兄女夫韋伯昕奉 馳表送誠, 忠高 振 古, 宜 加褒授, 表 内附。 以 彰先 景明

賞?幷 援。 長驅 具禍 國公,食邑三千戶。」 覺。 虐遍宰輔,暴加戚屬,淫刑旣逞,朝無孑遺,國有瓦解之形,家無 萌,翻 淮 楊大眼、奚康 可使持節、散騎常侍、都督豫雍兗徐司 海,電 有 敕 然高 與 撃衡 州佐吏及彼土人士,其有微功片效,必加褒 舉,去彼危亂。 巫。 生鐵騎 又賜叔業璽書曰:「前後使返,有敕,想卿 卿 其幷 五千,星言即路 心勠力,同斯大舉。 **朕興居在念,深嘉** ,彭城王勰、尚書令肅精卒十萬,絡繹繼 五. 州諸軍 乃勳。 殊 勳 事 、征南的 茂績,職爾之由, 前即 異。」 將軍 敕豫州緣邊諸鎮 具 自安之計。 一二。寶卷昏狂,日月滋甚, 豫 州 崇名厚秩, 刺 史,封蘭陵郡 卿兼 兵馬,行往 兹智勇,深 發。 非卿孰 將 以 赴

蠟三百斤。 同三司,餘如故。 軍 未渡滩,叔業病卒,年六十三。 諡忠武公,給東園溫明秘器、 李元護、席法友等推叔業兄子 朝服一襲、錢三十萬、絹一千匹、布五百匹、 植監 州 事。 乃贈 開 府儀

子蒨之,字文聰。 仕蕭鸞爲隨郡王左常侍,先卒。 子譚紹封

分赡 世 譚 粗險 以此 稱之。 好殺,所乘牛馬爲小驚逸, 世宗以譚及高皇后弟貞、王肅子紹俱爲太子洗馬。 手自殺之。 然孝事諸叔,盡於子道,國祿 肅宗踐祚,轉 歲 員外 毎以

一五六八

常侍。 遷輔 國將軍 、中散大夫。 卒,贈平南將軍、豫州刺史,諡 日敬

子測,字伯源 襲。 歷通直散騎侍郎。 天平中,走於關 西。

光末,元志西討隴賊,軍敗退守岐州,為賊所圍。城陷,志與芬之並為賊擒送於上邽,為莫折 史,在州 直散騎常侍,上蔡縣開國伯,食邑七百戶。 **構之弟芬之,字文馥。** 有淸靜之稱。 入爲征虜將軍、太中大夫。 長者,好施,篤愛諸弟。 除廣平內史,固辭不拜。 徙封山在縣。 仕蕭鸞,歷位羽林監。入國,以父勳授通 出爲後將軍、岐州 轉輔 國將軍、東秦州 刺史。 刺

子涉,字仲昇,襲。卒。

念生所害。

贈平東將軍

·、青州刺史。

子僑尼,襲。武定中,員外羽林監。齊受禪,爵例降。

|芬之弟簡之、英之,並早卒。

英之弟藹之,字幼重。 性輕率,好琴書。 其內弟柳諧善鼓琴,萬之師諧而微不及也。歷

通直散騎侍郎,平東將軍,安廣、汝陽二郡太守。卒。

通直 散騎常侍,封雍丘縣開國子,食邑三百戶。 叔 業長兄子彦先,少有志尚。 叔業以壽春入國,彦先景明二年逃遁 出爲趙郡太守,爲政舉大綱而已。 歸魏。朝廷嘉之,除 正始中,

愉 轉 勃 平 海 敕還 相 郡。 屬元愉 延 昌 作逆,徵兵郡 中卒,時年六十 縣,彦先 __<u>.</u> 熙 不 從,爲愉拘 平 中,贈持 節 執, 踰 左 將 獄 得発。 軍 南 青州 仍為 刺 沙門,潛 史, 諡 行 惠 至洛

大 乘 賊 子 約 起, 字 敇 完 爲 别 儉 將 性 行行 頗 勃 剛 海 鯁 郡 事 起 家 後 員 外 州 鄓 軍 爲 轉 賊所 給 事 敗,遂 中。 重 永 郡 平 城 中, ()城陷 丹 陽 見害, 太 守。 年三十六。神 後 襲 爵。 冀 州

長 子 英起, 武 定末 、 洛 州 刺 史。 中

贈

平

原

太守

出

帝

時

復

贈

前

將

軍

揚

州

刺

史。

起 弟 威 起 卒 於 齊王 開 府 中 兵參軍,年三 十二。 贈 鴻臚 少

卵

皆 公 靈 不 聞 |豫 南 崇 也 潰 寶 可 州 民 勒 數 散 追 在 刺 彦 搜 千 先 水 史。 悵 恐 水 軍 弟 絢 家 然 討 民 汎 而 匹 衍 絢 驚 揚 馬 非 舟 絢 將 死 恨 單 公民, 馬 南 카 逃,爲 幷 絢 仙 走 報場 治 **瑰**遣 一避 率 鄭 吏 中。 衆逆 祖 村 非 水 E 起 軍 民 公 高 時 赴之。 戦 等皆斬 吏 比 揚 所 原 神等 因 州 獲 霖 謂 大 願 |崇聞 崇還北 水 至 大 早 雨,水入 尉 行 破 絢 瞋 之, 升 反,未 無 蹞 湖 , 斬 州 犯 不 遂 免 城 쎼 其 將 與 測 日 將 士 別 羣 虚 刺 ____ 帥 駕 情 實 史李崇居 一崇遣 吾 + 鄭 所 乃遣 爲 餘 逼, 祖 人吏,反而 人 從 起 推 或 弟 等送子 於 絢 侍 爲 寧朔 城 衆 郎 盟 上,緊船 奔營 韓方 首 + 見擒 將 应 軍 興 今 人 神 神 憑焉。 單 有 大 於 丹 乘 何 舸 計 蕭 勝 陽 召之。 面 已 衍 克棚 太守 目 絢 爾 得 自 率 謝

列

視

衆

勢

絢

城

號

喪 以 不 問 決 重 定, 勳 植 敎 至長 唯 字文遠, 席 處 水 分皆 法 校 友 尉 叔業兄叔寶子 |柳 出 , 隨叔業在 於植 玄達、 0 楊 於是 令寶 壽春 也。 開 門納 等數 少而 叔業 國 人慮 好學,覽綜經史,尤長 軍,城 卒,僚佐同謀者多推 元護非其鄉曲 庫管籥悉付 康生。 恐有 司 釋典,善談 異 馬 李元護 詔 志,共舉植監州 以植 理 爲征 監 義。 州 虜 仕蕭 將 心秘 二日謀 寶卷, 叔 ・、一克

款 子 尋 盺 進 愚 號 昧 平 爲 東 人誘陷 將 軍, 入為 雖 刑 大 鴻臚 書有 常, 卿 Ó 理宜矜恤 後 以 長 子昕南叛,有司處之大 , 可 特恕 其 罪, 以表 勳誠 辟。 詔曰:「<u>植</u>闔 尋除 揚州 門歸 大 中

州

刺

史、崇義

縣

開

或

侯,食邑千

戶。

謂 忠 私 正, 甫 叉 仲達, 集 、黄 表 人 出 論 毁 日 植 闸 爲 性 征 安 自言 云受植旨 元 非 南 非 昭 東 將 我 柱 覽 將 人 軍 石 須 八門不 之切 軍 所 尙 田 、瀛州 ,詐稱被詔 益宗 書, 、齒,寢 後 爲 尙 無 王 言言 刺 書 肅 恒。 史。 而 華 亦 怏怏朝 不 **兗州還** 夷 須 率合部曲 罷 奏。 異 我 州 類,不 う復除 會 廷處之不 也、表 辭 韋 欲 氣激揚, 伯 應 大 請 圖 在 盺 鴻 [領軍 告 解官, 高 百 臚 植 世 見 卿。 于忠。 於言 欲 衣 及 隱 謀 冠 爲 於嵩山 遷 之 色。 尙 廢 度支尚 書, 黜, 上。 臣等窮治 入參議 , 志意 尙 世 率多 書,加 書 宗 又奏 頗滿, 侵 論 不 辭不 時時 許, 侮, 金紫光 ||羊||祉 伏引 皆 對 欲 深 衆 此 以 以 禄 類 官 政 爲 告植 大 事 也 面 然 怪 夫。 爲 衆 有 侍 姑 己任 譏 證 子 中一 毁 明 公

駭 昞 動 案律 人 在 量 邊合率部 其 本 意,不可 衆不滿百 測 度。 人以下, 按 (許 }偽 身猶 律 詐 尙 斬, 稱 制 況仲達 者死。 公然在 今依· 衆證, 京 稱 詔聚 處 仲達入死。金紫光 衆, 諠 惑 都

衆 滁 大 雖 夫 名 八尚 仲達 書、崇義 切 讓, 縣開 \Box 無忿 或 侯裴植, 懼之心。 身居納言之任 衆證 雖不 ·見植,皆言仲達爲植所使。 一,爲 禁司 大臣,仲達又稱 其 召仲達責 姓 名, 募 間 集 而 不

告 植 無 列 親 上 変 推 議 城 論 情 亦 狀,不 不 附 從 須 待 王 同 秋 化, 之理 分 依律 也。」 不 上議,唯恩裁處。」詔曰:「凶 可分明。 時于忠 專擅 不得同 朝權,旣構 之常獄,有所降減 成 其 謀旣 洞, 爾,罪不 又矯爲此詔, 計 同仲達, 合恕。雖有 朝 處植 野 怨之。臨終, 歸 死 化之誠 刑 叉

神 志 自 岩 遺 令 子 弟 命盡 之後, 翦落鬚髮,被 以 法 服, 以沙 門 禮葬于嵩高之陰。 年 五 +

植 故 吏 勃 海 刁沖上 疏 訟之,於 是贈 植 征 南 將 軍、 尙 書 僕射、揚 州 刺 史。 乃 改 葬

初

植

與

僕

射

郭

祚、

都

水

使

者

韋儁等同

時

見

害,

於後

祚

儁

事

雪

加

贈,

而

植

追

復

封

而

過 必 植 束 母 帶 夏 伏 戻 閣 經經 道 遷之姊 五三 日 也,性 乃引 見 甚 之, 剛 峻 督 介於 以 嚴 諸 訓 子 皆 唯 如 嚴 少 子 君 衍 0 長 得 成 以 之後, 常 服 見 非 之, 衣 旦 陷 夕 不 溫 見,小 凊 有 植 罪 在

粲 瀛 丘 | 行 尼, 州 也 入嵩 並 其 亦 高 奴 母 僕 年 積 之服, 踰 嵗 七十,以 乃 還 泣 家 涕 身 而 為 植 從, 婢 雖 ~, 自 自 有 州 感 施三 送祿 道 俗 一寶,布 奉 o 母 諸 及 子 衣 贈諸 脈 各 非 以 弟, 手手 布 帛 執 而 數 箕箒,於 各別資 百 贖 免 財, 沙 其 闁 母 同 寺 0 居 於 洒 異 是 掃 出 植 家 弟瑜 門數 爲 比

列傳第五十九 裴叔棠

一五七二

竈 ,蓋亦染江 南之俗也。 植 母旣老,身又長嫡,其臨州也,妻子隨去,分違數歲。 論者譏焉。

子淡,字道則,襲爵。

義陽 宗 軍 以颺 於外,外以討 ,封義安縣 植弟颺, 勳 効未立 壯果 開國伯,邑千戶。 蠻楚爲名,內實備實卷之衆。 一而卒,其子烱不得襲封。 有謀略。 常隨叔業征伐,以軍功爲寶卷驍騎將軍。叔業之歸誠也,遣颺 韶 命未至,爲賊所殺。 肅宗初 景明初,以颺爲 ,烱行貨於執事,乃封城平縣開 贈冠軍將軍,進爵縣侯,餘 輔國將 軍、南 司州 刺 或 史, 伯,食品 如 故。 擬 世 戍 率

郎 三年,爲 揚州 烱 ,字休光,小字黃頭。 大中正,進伯 城民 所害。 爲侯,改封高 贈散騎常侍、鎭 頗有文學,善事權門。領軍元叉納其金帛,除鎭遠將軍 城縣,增邑一千戶。 東將軍 、青州刺 史, 尋 開 兼 尙 或 書 如 故 右 丞 諡 日 出爲 簡 東郡 太守。 、散騎侍

子斌、襲。武定中、廣州長流參軍。齊受禪、爵例降、

虐暴 腿 弟瑜,字文琬。 殺 人発官。 後徙封灌津子。 初拜通 直散騎常侍,封 卒於勃海 太守, 下 密 縣 年四十五 開 國 子,食 邑三百戶。 贈平南將軍、 尋試 豫州 守 祭 刺史,諡 陽郡

日定。

坐

子 堪,字靈淵,襲爵。 歷尙書郎。 興和中,坐事 死,爵除。

瑜 弟粲,字文亮。 景明初,賜爵舒縣子。 沉重,善風儀,頗以驕豪爲失。歷正平、恒農二

粲 雍 郡 時爲 日 太 守。 相 州牧、聚往修謁、雅含怒待之、聚神情閑邁、舉止 愛 高 陽王雍會以事屬粲,粲不從,雍甚爲恨。 舉 動 可可 更爲一行。」緊便下席爲行,從容而 後因 出。 抑揚,雍目之不覺解 九日馬射,敕畿內太守皆赴京 坐事 発官。 後世宗聞粲善自標 顏。 及坐定,謂

然,神 置, 欲 觀 色不 其 變。 風 度,忽令傳詔就家急召之,須 世宗歎異之。 時僕射高 肇以 與之間,使者相屬,合家恇懼,不測所 外戚之貴,勢傾一時,朝 士見者咸望 以,粲更恬 塵 拜謁,粲

進,便 候 肇,惟 屬暴 長 揖 雨,経容步舒雅,不以霑濡 而 E 及還,家人尤責之,経曰:「 改 節 o 懌乃令人持蓋覆 何可 自 同凡俗 也。」又 之,歎謂 會詣 左 右曰:「何 清河王 懌,下車始 代 無 奇

人 性 好釋 學, 親 升講 座, 雖持義未精,而 風 韻 可 重 但不 涉 經史,終爲 知音 所 輕

轉 金紫 光 祿 大夫。 後元顥 入洛,以粲爲 中大夫、揚州 西兗州 刺 史。 尋爲濮陽 太守崔巨倫所逐,棄 八州入嵩

高 Щ

世

宗

末,除前

將軍

大太

大

中正

,遷安南將軍、中

書令。

肅宗釋奠,

以

爲侍講。

御 前 再 前 拜 廢 固 帝 初,徵 今年 爲 還 驃騎將 節 軍、左光祿大夫,復爲 聖駕出 遊 ,臣幸參陪從,豫奉醼樂,不 中書令。 後正月晦 勝忻戴,敢 , 帝 出 臨洛濱 上 壽 酒。」帝曰: 粲起於

傳 第 五 + 九 裴 叔 業

列

志在沉湎,故諫其所失。 「昔歲北海入朝,暫竊神器,具聞爾日卿戒之以酒,今欲使我飲,何異於往情。」、粲曰:「北海 陛下齊聖溫克,臣敢獻微誠。」帝曰:「實乃寡德,甚愧來譽。」仍爲

尋 左右又言已入州門,粲乃徐云:「耿王可引上廳事, 一案唯高談虛論,不事防禦之術。翔乘其無備,掩襲州城。 爲 爲翔所害,送首蕭衍,時年六十五。 ·祈請,直據胡床,舉杯而言曰:「僕白君。」左右云,前後例皆拜謁。 出 [帝初、出為驃騎大將軍、膠州刺史。屬時亢旱、士民勸令禱於海神。 時青州叛賊耿翔受蕭衍假署,寇亂三齊。 自餘部衆且付城外。」其不達時變如此。 左右白言賊至,粲云:「豈有此理」」 粲曰:「五嶽視三公,四 桑憚違衆心,乃

子舍,字文若。員外散騎侍郎。

陰平太守。 景明二年,始得歸國,授通 粲 弟衍,字文舒。 學識優於諸兄,才行亦過之。 直 郎 事親以孝聞,兼有將略。 **仕蕭寶卷**,至

於運,已溢已榮。 衍 欲辭 |朝命,請隱||嵩,乃上表曰:「臣幸乘昌運,得奉盛化,沐藉||炎風,餐佩||唐德,於生 但攝性乖和,恒苦虛弱。比風露增加,精形侵耗。 小人愚懷, 有願閑養。

髴高 伏見嵩岑極天,苞育名草,修生救疾,多遊此 營已整 素雲根,餌芝淸壑,騰跡之操,深用嘉焉。 蹤,誠 ;搖策納 希藥 此沉 屣,便陟 痾,全養禀氣耳。 山途。 謹附 陳聞,乞垂昭許。」 若所療微痊,庶偶影 但治缺古風, 岫。 臣 「質 詔曰:「 無靈分,性 有愧山客耳。 風 知欲養痾 雲,永歌 乖山水,非敢追踵 至 旣志往難 中 德。 岳 , 練 荷 裁, 衣 石 葛 嵩嶺 輕 豈容有 屨, 舉 裁 栖

抑,便從來請。」

東將軍 陽,不 武 河內太守,加征虜將軍。 關 以 孝昌. 世宗之末,衍稍以 能前討。 、假安東將軍、北道都督、鎭鄴西之武城、封安陽縣開 救荆州。 一初,蕭 行遣將曹敬宗寇荆州, 荆州危急,朝廷憂之。 財逆戰於衙陽, 衔大破之, 財遂退走, 荆州 出山、干祿執事。 遭母 憂解任 韶附 山蠻應之,大路斷絕。 行歷二郡,廉貞寡欲,善無 肅宗除散騎侍郎,行 爲 別將、假前 將軍,與恒農太守王羆 圍 國子,食邑三百戶 河內郡 解。 都督崔暹率數萬之衆,盤 除使持節、散騎常侍、 百姓,民吏追思之。 事。 尋除建興太守 率軍 萬 桓 平 出 魯

之東北 大都督,進封 漳曲,賊來拒戰,衍軍敗見害。 臨 汝 縣 開 或 公, 增邑千二百戶,常侍 朝野人情,莫不駭惋。 如 故。 仍詔 行 贈使持節、車騎大將軍、司空、 與子邕北討葛榮。軍次陽平

變。乃詔

衍

與

都督

源子邕、李

神軌等討鑒,平之。

除撫軍將軍、相州

刺史,假鎭北將軍

、北道

時

相

孙

刺

史、安樂王鑒潛圖

叛逆,衍覺其有異,密表

陳之。尋而鑒所部別將嵇宗馳

驛告

相州刺史。

子嵩、襲。武定中,河內太守。齊受禪、爵例降。

軍、南司州刺史,擬戍義陽,亦封宋縣開國伯,食邑八百戶。轉冠軍將軍、東郡太守。 而 又天水冀人尹挺,仕蕭鸞,以軍勳至陳郡太守。 賜布帛一百匹,贈本將軍、涇州刺史。 逐與叔業參謀歸誠。景明初,除輔國將 未拜

子循、歷太原太守。循弟緣、饒安令、遼西太守。兄弟皆有政事才。

封夏陽縣,邑戶如先。玄達會著大夫論,備陳叔業背逆歸順、契闊危難之旨,又著喪服論, 初,除輔國將軍、司徒諮議參軍,封南頓縣開國子,邑二百戶。二年秋卒,時年四十三。後改 唐,委以管記。及叔業之被猜疑,將謀獻款,玄達贊成其計,前後表啓皆玄達之詞。 而易尋。文多不錄。 時 河東南解人柳玄達,頗涉經史。仕蕭鸞,歷諸王參軍。與叔業姻婭周旋,叔業之鎭壽 景明

子絲、襲。武定中、東太原太守。齊受禪、爵例降。

稀弟遠,字季雲。 性粗疏無拘撿,時人或謂之「柳癲」。 好彈琴,耽酒,時有交詠。 爲庸

宗挽郎。 出帝初,除儀同開府參軍事。放情琴酒之間。 每出返,家人或問有何消息,答云:

無所聞、縱聞亦不解。」元象二年、客遊頂城、遇患卒、時年四十。

玄達弟玄瑜,景明初,除正員郎,轉鎭南大將軍開府從事中郎,帶汝陰太守。 延昌一

年卒,年五十五。

河陰遇害,時年二十六。 子諧,頗有文學。善鼓琴,以新聲手勢,京師士子翕然從學。 除著作佐郎。 建義初,於

在 歸誠之謀。 [淮南征戰,累著勞捷。徵拜冠軍將軍,試守京兆內史。 又武都人楊令寶,有膂力,善射。仕蕭鸞,數爲小將,征戰著效,至譙郡太守,遂參叔業 景明初,除輔國將軍、南兗州刺史。擬戍淮陰,封寧陵縣開國子,食邑五百戶。 卒, 追封邵陵縣開國子, 邑二百

戶、賜帛三百匹、贈征虜將軍、華州刺史。 子彪,襲爵。 永熙中、征虜將軍、中散大夫。 齊受禪,例降。

<u>令寶弟令仁,亦隨今寶立效。前將軍、汝南內史。</u>

又京兆 杜陵 人韋伯昕,學尙,有壯氣。 自以才智優於裴植、常輕之、植疾之如讎。 即彦

先 由,何以見怒也。」 植 戶 謀爲廢黜,植坐死。 ,拜南陽太守。 之妹壻 也 叔業以其有大志,故遺送子芬之爲質。 數歲,坐事免。 後百餘日, 伯昕亦病卒。 久之, 拜員外散騎常侍, 臨亡,見植爲祟,口云:「裴尚書死,不獨見 景明初,封雲陵縣開國男,食邑二百 加 中壘將 軍 延昌末,告尚書裴

趙革 邑各三百戶。 子,食邑五百戶,胡文盛,右軍將軍,封剛陽縣;魏承祖,右軍將軍,封平春縣。 一,右中郎將,封西宋縣。 其 叔業爪牙心膂所寄者:裴智淵,左中郎將,封浚儀縣;王昊,左軍將軍,封南汝陰縣; 並開國男、食邑各二百戶。李道眞,右軍將軍,封睢陽縣開 並開 國子,食 或

守,至光祿 祖 以 持節 爲防閣。 承祖,廣陵寒人也。 ,行撫軍將軍,率師討之。 大夫、安南將軍。 善撫士卒,兼有將用,自景明 依隨叔業,為趨走左右。 蕭 衍 遣將圍 大破賊衆,解義陽之圍,還復三關,遂爲 義陽,士民 以後、常爲統軍、南北征伐、 壯健,善事 應之。 三關旣陷,州城 人,叔業待之甚厚。及出爲州, 累有 名 時 戰 將。 甚縣 功。 急。 終於幷州 歷 上太原太 以承

刺

史。

衣 冠 之 預叔業勳者: 安定皇甫光,北地梁祐,清河崔高客,天水閻慶胤,河東柳僧

習等

光 美鬚髯,善言笑。 仕蕭鸞,以軍勳至右軍將軍。 入國,爲輔國將軍,假南兗州刺史。

卒於勃海太守。

兄 椿 齡,薛安都壻也。 隨安都於彭城內附,歷位司徒諮議、岐州刺史。光未入朝而椿齡

先卒。

椿齡子璋,鄉郡相。

之。 皆 有 定 罷 璋 價 弟 州 瑒 後 為爲 後 仍遇 以 司 丞 徒胡 風 一相、高 病。 國 陽 珍所拔,自太尉記室超遷吏部郎。 久之,除安南 王雍之壻,超拜 將軍、光祿 持節、冠 大夫。 軍將軍、豫州 太昌初卒,年五 性貪婪,多所受納, 刺 史。 爲政 十八。贈衞 残暴, 閣賣 大將軍、 百 、吏官, 姓 患

尙 書 左 僕 射 雍 州 刺 史。 子 長 卿 司 州 主簿 秘 書郎 中、 太尉 司 馬。

養志 容 軍 風 賜 不不 雅 庙 爵 好 歷 Щ 叔 業 桑 權 爲 詩 之從 門。 子。 詠 常常 出 出 姑 爲 爲 子 與 北 也。 平西將 朝廷 地 好 太守,清 名賢 軍 學 京兆 便 汎 舟 弓 身率下 內史 洛 馬。 水 一、以詩 隨 甚 當世歎其抑屈。 叔業征伐,身被五 有治 酒 自 稱。 娛。 歷 遊騎 遷光 卒官 一十餘 禄 將 大夫, 軍、太 贈本 創。 加 將 中大夫、右將 景明初,拜 軍 平 涇 北 將軍 州 刺 右軍將 史。 端 從 然

列傳第五十九 裴叔業

高 客 博學,善文札,美風流。 景明初,拜散騎侍郎。 出爲楊州開府掾,帶陳留太守。

卒官

聽其言說,不覺忘疲。 慶胤 ,父汪,參薛安都平北將軍事。 景明初,爲李元談輔國府司馬。 安都入國,聽汪還南。 卒於敷城太守。 慶胤博識洽聞, 善於談論,

羌悅愛。 僧習, 庸宗時,至太中大夫,加前將軍,出爲潁川太守。卒官。 善隸書,敏於當世。 景明初,為裴植征虜府司馬。 稍遷北地太守,爲政寬平,氐

以軍 不協,遂單騎歸國。拜驍騎將軍,隨王肅至壽春,遣道遷守合肥。肅薨,道遷棄戍南叛。 願 取婦。」家人咸謂戲言。及至婚日,求覓不知所在。於後訪問,乃云逃入益州。仕蕭鸞, 勳稍遷至前軍將軍、輔國將軍。 夏侯道遷,譙國人。少有志操。年十七,父母爲結婚韋氏,道遷云:「欲懷四方之志,不 隨裴叔業至壽春,爲南譙太守。兩家雖爲姻好,而親情

黑死,衍以王鎭國爲刺史,未至而道遷陰圖歸順。先是,仇池鎭將楊靈珍阻兵反叛,戰敗南 術以靈珍爲征虜將軍,假武都王,助戍漢中,有部曲六百餘人,道遷憚之。術時又遣其

會蕭衍以莊丘黑爲征虜將軍、梁秦二州刺史,鎮南鄭,黑請道遷爲長史,帶漢中郡。

左右 吳公之等十餘 人使南鄭。 道 遷乃僞會使者,請靈珍父子 靈靈 珍 疑而 不 赴。 道 遷乃殺 使

者五人、馳擊靈珍、斬其父子、幷送使者五首於京師。

等。 秦 義 固 思 鄭 天 披 舊, 朗 蟻 如 長 露 勇 執 右 賊 響 臧恭 申 王 庶, 留 誠) 臣 應 愚 由 匹 臣 江 臣 秉 迷 使 款 悅 時 卽 寒 . 雖 馬 僉云 爲 所 討 一,乃率 典籤 遣 至 Щ 之等推 不 與 悉 長 歸 撲。 路 鄭 臣 其 武, 史。 危 闕 吳宗 猥 馳 間 部 共 棘 臣 密 啓 而 馬也 自 道 實 曲 契 値 以 樹 肅 斯 遷爲 告集朗 黑亡 .驅 參 復 機 思 搏噬 義 銳 機 掠民 短 王 機 會 要 持節 逼 氣 利 通直 一、報武 一、豈能 勝 舉 歿專任 難裁 臣 ,罄竭丹款。 等 急 0 Ţ 一、勸 伏 求 冠 共 散騎常侍 ,敢爲不 會 違 自安, 惟 興 一,天 爲 楊 有 軍 軍 主 陛 刺 倪 將 援。 靈 蕭 楊 下 時素願 之節 珍 史,須藉 軍 行 便逃竄 逞。 紹 澤 加 父子 使 臣 但 被區 武 先 梁秦二州 度 集 中 人 興 幷 機 臣 ~,輕 密 吳公之至,知 朗 於 江 此威,鎮靖 宇 軍 刨 其 壽陽 還 吳 相 會 中叔 進 未 遣 ,德濟蒼 構結, 在茲。 一、芍 至 失脱, 刺 到 軍 武 之 集 存 横 史。 主 興。 間 期 起等,請 視 爲 內外。 遇武 天 江 生, 當 韋 臣 息 道 寶 悅 蕭 臣 遷表 纘 懷 取 八 聞 因 之 衍 興 臣。 蕭 誠 所 表 臣赤 其 其 此 率 白 私署侍 衍 謗 日 諸 至 同 遣 直 馬 將 梁 臣幸先覺,悉得 忻 一,知 誠 到 軍 戍 軍 歸大化 州 理 臣 郞 奉 南 主 主 以 事 밂 刺 之 . 聞 國 鄭 席 尹 鄭 爲 曲 史 必 物 知機 天 洛生 靈 腹 逐 克 莊 重 咸 茍 直 寶 出 背。 與 童 丘 賴 取 , 其 來 龎 黑 並 府 州 集 濟 神 此 識 戮 樹 是 城 朗 刨 與 一 臣 事 思 天 等領 馬 楊 果 遭 臣 臣 頃 趨 , 嚴 梁 刨 早 集 利

列

傅

第

五

+

九

夏

侯

道

遷

謹遣 於別 願速處 遣 蕭 山傍險,突入白馬。 捐 由皇威遐振,罪人授首,凶狡時殄,公私慶快,非但梁秦竭力,實關集朗赴接 交鋒苦 軍主杜法先還洵陽,構合徒黨,誘結鄉落,令晉壽土豪王僧承、王文粲等還至 小 啓。 兼長史臣 跡,且從權 魏 興太守范珣、安康太守范泌共前巴西太守姜脩,屯聚川 分。 當今庸蜀虛弱,楚鄧懸危,開拓九區,掃清六合,形要之利, 集朗 臣 武 兄弟 以 張天亮奉 興之軍,乘虛躡 宜,假當 愚陋,猥當推舉,事定之後,便卽 並 集朗與二弟躬擐甲胄,率其所 一議留日 州位。 表略聞。」 臣權相綏獎,三 後。 重遣皇甫選由 天寶兇徒,因宵鳥散,進旣摧破,退失巢穴,潛捨軍 須得撲滅珣等,便卽首路。 斜谷道以事啓聞。 束身馳歸天闕。 領,登即擒 斬。 東, 臣卽 尙規舉斧, 戍內戶 但物 在於 親率士卒, 伏願聖慈特垂鑒照。 情 口,即放還民。 、此時、 草 創 之機。 登遣討 四 進趣 四 猶有參差。 關 日 臣前已 襲,具 ·衆,依 之略, 共 興 斯

茲殊效,忠貫古烈,義動遐邇。 翻 如之。 曰:「得表, 然改圖,獎率同心,萬里投順,遠舉漢中,爲開蜀之始。 想餘黨悉平,西南淸盪,經算淹朔,當有劬勞。 曰:「得表,聞之。 具誠節之懷。 將軍 卿忠義夙挺, 前識機運,已投誠款,而中逢猜間,致有播越,復翻 漢鄭旣開,勢翦庸蜀,混同之略,方自斯 期委自昔。 中有 所請軍宜,別敕一二。」又賜 事因, 洪規茂略,深有嘉焉。 以致 乖 舛。 始。 擒凶 知能 掃惡, 然 乘機豹變, 道遷 今授卿持 風 返,建 何 快

師 度 數 散騎 卿 道 其 常侍、平南 絡 善 繹 建 電 殊 邁 效 將軍、豫 遣 稱 使 一般意 持 節 州刺史、豐 馬 散 道遷 騎 常 侍 縣 表受平南、常侍,而 開 都 國侯,食邑一千戶。 督征 梁漢 入諸軍 辭 事 豫 、鎭 州、豐縣侯 幷 西將軍 间 義 浴諸人, て、 尙 。 引 書那 裴 尋有別 叔業 巒 一, 指 授 公爵 授 王 爲 節

例

世

宗

不

許

榮獎, 微 尋 不 改 拜。 恩 封 重 道 灰殞 遷 濮 有 詔 陽 自 日 靦 匪 南 縣 報 心 道遷 開 鄭 顏。」 世宗 或 來朝京師,引 但比 侯 至 ,邑戶 止 在 既淹 壽 曰:「卿建 如 春,遭韋續之酷,申控無所 赤未 先。 見於太極東堂,免冠徒跣謝曰:「臣往 恭 爲 歲 州 餘 封 山之功 一, 可 頻 表 敕 解 吏 簣 州 部 (之玷) 速令召 世宗許之。 致 何足 拜。」 此 猖 謝 道 狂 除 也。」道遷 遷 南 拜 日歸誠,誓 是段之來,希 兗州 日,詔 以賞 大中正 給 盡 報 百 一不拜 酬 五 爲 心 力,超 十人 微 昔 逡巡 遇 供。 勳

珍羞 滿,樽中酒 餘 道 罔不 常 遷 自 雖 不 娛 畢 學不 空。 興。 有。 淵 於京 餘 或 洽 秩 非 吾 歲 城 而 歷 事 之西,水次之 入三千餘 覽 也 書史,閑 識 者 匹 1多之。 ,)地,大 習尺牘 專 供 酒 起 饌 札 素 翰 池 不 殖 往還,甚 · 營家 列 蔬 產 果 有 ,延致 意 毎 理 誦 孔 0 秀彦, 好言 融 詩 写,務 目 時 往 遊 口 坐 適 實 L. 京 客 妓 妾 師 恒

禁盜 賊。 出 爲 散騎 熙 平 年,病 常 侍、平 卒 ·,年六十 西將 軍 華州 九 贈 刺 撫軍 史, 轉 將軍、雍州 安東 將 軍 刺史,贈 瀛 州 刺 帛五 史,常 白 侍 匹, 如 諡 故。 日 明 爲 侯 政 清嚴 善

列傳第五十九 夏侯道遷

朝,道遷重求分封。 初, 道遷 以拔漢中歸誠,本由王潁興之計,求分邑戶五百封之, 太后大奇其意,議欲更以三百戶封潁興,會卒,遂寢。 世宗不許。 道遷不娉正室, 靈太后臨

太守。 肥 唯有庶子數人。 饗。」及決亡後,三月上巳,諸人相率至決靈前酌飲。 乃具陳所夢。先是旬餘,秘書監鄭道昭暴病卒。決聞,謂卓曰:「人生何常,唯當縱飮耳。」於 徹 我 房世寶來至其家,直上廳事,與其父坐,屛人密言。夫心驚懼,謂人曰:「世寶至官 至常不足,弟妹不免飢寒。初,道遷知夬好酒,不欲傳授國封。 朝露,坐上相看,先後之間耳。脫有先亡者,當於良辰美景,靈前飲宴。 獲 是昏酣 於寢 心。」尋有人至,云「官呼郎」。隨召卽去,遣左右杖之二百,不勝楚痛,大叫良久乃寤,流汗 一鮮,不離於口。沽買飲噉,多所費用。父時田園,貨賣略盡,人間債負數猶千餘匹, 振 長子决,字元廷。 逐甚。 初夬 俄而 具。至明,前凉城太守趙卓詣之,見其衣濕,謂夬曰:「卿昨夕當大飲,溺衣如此。」夬 與南人辛諶、庾道、江文遙等終日遊聚、酣飲之際,恒相謂曰:「人生局促, 心悶,旋轉而死。爲洗浴者視其尸體,大有杖處,靑赤隱起二百下許。 夢後二日,不能言,針之,乃得語,而猶虛劣。其從兄奧等並營視之,皆言危而 歷位前軍將軍、鎮遠將軍、南兗州大中正。夬性好酒、居喪不 時日晚天陰,室中微闇,咸見決在坐, 夬未亡前,忽夢見征虜將 爣 或 有知, 庶共歆 間 戚,醇醪 贈鉅 必撃 穀食 何殊 鹿 軍

出 何 衣 「便即」 罪 服形容不異平昔,時執杯酒,似若獻酬,但無語耳。 而 被瞋責。」們明便寤。 僵仆,狀若被毆。 |央從兄欣宗云:「今是節日,諸人憶弟疇昔之言,故來共 而欣宗 鬼語如夬平生, 并怒家 時決家客雅僧明心 人皆得其罪, 叉 有 發摘 畏 恐, 陰 私 飲 披 竊 僧 簾 欲 明

己應紹 子籍 襲。 年十餘歲,襲祖封。 尚書奏籍承封。 已數年,而決弟資等言其 元象中,平東將軍、太中大夫。 眇 目癎 疾, 齊受禪,例降。 不任承繼, 自以與決同

咸

有

次緒

决妻,裴植女也,與道遷諸妾不穆,訟閱徹

于公庭。

奠,道遷兄子也。位至咸陽太守。

沉 孫根 李元護, ,慕容寶 遼東 中書監。 襄平人。八世祖胤,晉 根子後智等隨慕容德南渡河 司徒、廣陸 侯。 居青州, 胤子順、璠及孫沉、志,皆 數 世 無名位,三齊 有 豪 名 門 宦。 多

|護 頭 時 太守、後 在 元 城 護 中 以 軍 ·, 爲 國家平 將軍、 蕭 鸞徐州 龍 齊後,隨父懷慶南 驤 將 刺史蕭惠休奉使詣軍,高祖 軍 雖 以將用 奔。 自達, 身長 八尺,美鬚髯,少 然亦頗覽文史, 見而善之。 有武 習於 後爲裴叔業司 簡 力。 牘。 仕蕭 高 道 祖 馬,帶汝陰 成 至 鍾離 歷官 元 馬

列傳第五十九 李元護

克定,元護頗有力焉。

叔業歸順,元護贊同其謀。 及叔業疾病,外內阻貳,元護督率上下,以俟援軍。

朝。 爲良刺史也。三年夏卒,年五十一。病前月餘,京師無故傳其凶問。又城外送客亭柱,有 儉,民人困弊,志存隱恤,表請賑貸,蠲其賦役。 但多有部曲,時爲侵擾,城邑苦之,故不得 人書曰「李齊州死」。綱佐餞別者見而拭之,後復如此 尋以州民柳世明圖爲不軌,元護馳還歷城,至卽擒殄,誅戮所加,微爲濫酷。 景明初,以元護爲輔國將軍、齊州刺史、廣饒縣開國伯,食邑一千戶,便道述職。其年入 値 州內

「吾嘗以方伯簿伍至青州,士女屬目。若喪過東陽,不可不好設儀衞,哭泣盡哀,令觀者改 青州刺史。元護爲齊州,經拜舊墓,巡省故宅,饗賜村老,莫不欣暢。及將亡,謂左右曰: 元護妾妓十餘,聲色自縱。情慾旣甚,支骨消削,鬚長二尺,一時落盡。 贈平東將軍、

容也。」家人遵其誡。

子景宣襲。 其妻,南陽太守淸河房伯玉女也,甚有姿色,會不答之。房乃通於其弟機,因會飲醉,殺之。 子會、襲。正始中、降爵爲子、邑五百戶。延昌中、除宣威將軍、給事中。 |天平中,除給事中。|齊受禪,例降。|機與|房遂如夫婦。積十餘年,房氏色衰,乃 會頑騃好酒,

更婚娶。

元 護 弟 静,景明 初, 以歸 誠 勳拜 前 將軍。 性甚貪忍,兄亡未斂,便剝脫諸妓服玩及餘財

物 歷 齊 州 內 史、 天 水 太 守。 靜 子 鉉 羽 林 監

元護從叔恤,卒於東代郡太守。子曠之。

熙平 利 爲 將 南 冠 太 克定 守 楊 别 軍 將 世 將 公 席 建安 年 宗 法 軍 法友, 則 出 寇 卒。 末, 淮 豫 戍 友 揚 南 安定 州 以 有 主 贈 州 本 欲 力 刺 假 平 將 焉 人也。 解 史、苞信 西 蕭 軍 法 胸 |將軍 除 尋 Щ 友 寶 卷遣胡 轉 濟 之 征 祖父南奔。 縣 秦 韋 虜 州 冠 開 將 軍 州 刺 或 景略 將 史。 刺 法 軍 伯 友 以討 史, 軍 始 華 食邑千戶 在 代 法 贈 之。 友仕 之。 渡 州 州 帛 淮 廉 刺 三 蕭鸞, 法 和 法 而 史, 白 0 友 著 友 朐 匹 未 稱 未 始 逐 Щ · 諡 以膂力自 敗 至 叔 留 拜 壽春,與 業卒後, 沒 襄 叉 而 改授幷州 徙 侯 公則 遂停散十 封 效 乘氏。 敗 叔 軍 法 走。 勳,稍 業 刺 友 後假 年。 史。 與 同 肅 裴 宗 謀 遷 歲 恬 法 植 至 初 歸 友 靜 餘 追 安豐、新蔡二 或 拜 自 前 代 成 處, 還。 將 光 叔 景 軍 業 禄 明 不 蕭 、持節 志 初 大 競 行 , 夫 勢 遺 拜 郡 淮

子 景 通 襲。 善事 元叉 兼 以 貨路叉父繼、繼 爲 司 空, 引景通為 掾 後 加 右 軍 將 軍 鎭

列

傳

第

五

+

九

席

法

友

軍將軍、卒官。 子賜,襲。 贈輔 永安末,尚書郎。 國將軍、衞尉 走關 少 卿。

尋遷中 官。 翻復 赦免。 本將軍除 謀 壯 歸誠。 爲郡,亦當恨恨耳。」世弼曰:「儀同之號,起自鄧隲;平北爲郡,始在下官。」正光元年卒 贈本將軍、豫州刺史、諡曰 王 山內史,加平北將軍。 久之,拜太中大夫,加征虜將軍。 世弱,京兆霸城人也。 善草隸書,好愛墳典。 東徐州刺史,治任於刑,爲民所怨,有受納之響。歲餘,爲御史中尉李平所彈,會 景明初,除冠軍將軍、南徐州刺史,擬戍鍾離,懸封愼縣開國伯,食邑七百戶。後以 直閤元羅,領軍叉弟也,曾行過中山,謂世弼曰:「二州刺 仕蕭鸞,以軍勳至游擊將軍,爲軍主,助戍壽春,**遂與叔業** 劉裕滅姚泓,其祖父從裕南遷。 尋以本將軍出爲河北太守,治有淸稱。 世剛身長七尺八寸,魁岸有 轉勃海

同

長子會,汝陽太守。

所服。 次子由,字茂道。好學,有文才,尤善草隸。性方厚,有名士之風。又工摹畫, 歷給事中、尚書郎、東萊太守。 罷郡後寓居潁川。 天平初,元洪威構逆,大軍 下攻 討, 爲時人

江悅之,字彥和,濟陽考城人也。 七世祖統,晉散騎常侍。 劉淵、石勒之亂,南徙渡江。

祖 興之,父範之,並爲劉裕所誅

正始二年夏,與道遷俱至洛陽。 賞士卒,身當矢刃,晝夜督戰。 忻榮勒衆逆戰,爲天寶所敗,遂圍南鄭。戰經四日,衆心危沮,咸懷離貳。 等,謀以梁州內附。 以悅之爲荆州征 滅之,以功進號冠軍將軍。 蕭賾遣戍漢中,就遷輔國將軍。 悦之少孤。 衍秦梁二州刺史莊丘黑死,夏侯道遷與悅之及<u>龐樹、軍主李忻榮、張元亮、士孫天與</u> 仕劉駿,歷諸王參軍。 .西府中兵參軍,領臺軍主。 既殺蕭衍使者及楊靈珍,衍華陽太守尹天寶 武興氐破白馬,進圖南鄭,悅之率軍拒戰,大破氐衆,還復白馬。 會武興軍至,天寶敗走。 尋卒,年六十一。 蕭衍初,劉季連據蜀反叛,悅之率部曲及梁秦之衆討 好兵書,有將略,善待士,有部曲數百人。蕭道成初, 遷屯騎校尉,轉後軍將軍。 贈輔國將軍、梁州刺史,追封安平縣開國 道遷之克全勳款,悅之實有 率 衆向州城。悅之與樹 部曲稍衆,千有餘 悦之盡以家財散 力焉。

子,食邑三百戶,諡曰莊。悦之二子,文遙、文遠。

接,終日坐廳事,至者見之,假以恩顏,屛人密問。 不知悉,郡中震肅,姦劫息止,治爲雍州諸郡之最。 肅宗初,拜平原太守。 正始二年,除步兵校尉。 文遙,少有大度,輕財好士,士多歸之。 在郡六年,政理如在咸陽。 遭父憂解官。 永平初,襲封,拜前軍 道遷之圖楊靈珍也,文遙奮 於是民所疾苦、 徵拜驍騎將軍、輔國將軍,進號征虜將 大盜姓名、 出為咸陽 劍請行,遂 姦猾 太守。勤 吏長 手 斬 於 無無 靈

燕 建義元年七月遘疾,卒於州,年五十五。 已南悉皆淪陷,唯文遙介在羣賊之外,孤城獨守。 遷後將軍、安州刺史。 文遙善於綏納, 甚得物情。 鳩集荒餘, 時杜洛周、 且耕且戰,百姓皆樂爲用。 葛榮等相繼 叛 逆, 自幽

以阻隔强寇,內徙無由,乃攜諸弟幷率城民東奔高麗。 之,除果通直散騎侍郎、假節、龍驤將軍、行安州事、當州都督。旣而 長史許思祖等以文遙遺愛在民,復推其子果行州事。 天平中,四部高麗送果等。元象中, 旣攝州任,乃遣使奉表。 賊勢轉盛,臺援 不接,果 莊帝 嘉

果弟昴,武定三年襲爵。齊受禪,例降。

乃得還朝

文遠,善騎射,勇於攻戰。 以軍勳致效,自給事中稍遷中散大夫、龍驤將軍。

樹 南安人。 世宗追錄謀勳,封其子景亮襄邑縣開國男,食邑二百戶。

李忻榮,漢 中人。 與樹 俱擊天寶,同時 戦歿。 封其 子建爲淸水縣開國子,食邑二百戶。

張 元亮 漢 中 人。 便弓馬,善戰鬭。 以勳封撫 夷縣 開國子,食邑二百戶。 拜東萊太守,

入為 平遠將 軍、左 中郎將。 遷中散大夫,加龍驤 將軍 o 卒、贈左將軍、巴州刺 史。

孫 天與 ()扶風 人。 以勳封莫西縣開國男,食邑二百戶。 拜武 功 太守。

又襄 陽羅 道珍、北海 王安世、潁 ĴП 辛諶、漢中姜永等,皆參其 勳 末。

道珍 除 齊州東 平原 相 一有治 稱。 卒於鎭遠將軍、屯騎校尉

安世,苻 堅 丞 相 王猛 之玄孫也。 歷涉 書傳, 敏於 人間。 自羽 林監稍遷安西將軍、 北華

州刺史。卒,贈本將軍、梁州刺史。

湛 魏 衞 尉 辛毗 之後。 有文學。 歷步兵校尉, 濮陽、上黨二郡太守。 卒,贈征虜將軍、

梁州刺史。

子儒之,濟州司馬。

水,善彈 琴,有文 學。 員外郎 、梁州 別駕、 漢中 太守。

水弟 漾, 亦善士。 性 亦至孝, 為漢中所歎 服 元羅之陷也,永入於建鄴, **遂死焉**

列傳第五十九 江悅之

殊無宦情。 財 重義。 時有潁川庾道者,至亦與道遷俱入國,雖不參謀,亦爲奇士。 仕蕭 正光中,乃除幽州左將軍府主簿,饒安令。 行,右中郎將,助戍漢中。 及至洛陽,環堵弊廬。多與儁秀交舊,積二十餘歲, 罷縣後,仍客遊齊魯之間。 歷覽史傳,善草隸書,輕 天平中,

預,雖貪榮賞,實內愧於心。」遂拒而不許。 因地內屬。 時有皇甫徽,字子玄,安定朝那人。仕蕭衍,歷諸王參軍、郡守。及道遷之入國 徽妻即道遷之兄女,道遷列上勳書,欲以徽爲元謀。徽曰「創謀之始,本不關 後刺史羊社表授征虜府司馬,卒官。 也,徽亦 卒於靑州

和弟亮,儀曹郎中。

子和、武定末、司空司馬。

客,旬朔之內,遂得復讎,由是州里歎異之。 賾益州刺史劉悛召爲主簿。 南安太守。誕年十二,隨父向揚州。父於路爲羣盜所害。誕雖童稚,而哀感奮發,傾資結 淳于誕,字靈遠。 其先太山博人,後世居於蜀漢,或家安固之桓陵縣。至父興宗,蕭賾 蕭衍除步兵校尉

景明中,自漢中歸國。

旣達京師,陳伐蜀之計,世宗嘉納之。延昌末,王師大舉,除驍騎

及 將 屬 奉 世 軍 宗 (假 辭 Ż 晏駕,不 冠 H 軍將軍,都督別 , 詔 ·果而 遣 主 還。 書趙桃弓宣旨勞勉,若克 後以客例,起家除羽 部 司 馬,領鄉導統軍。 林 成 監 都 誕 不願先受榮舒,乃固 卽 蕭衍 以益州許之。 遣將張齊攻圍 師 次晉壽, 益州 讓 實官, 詔 蜀 誕 止參戎 爲統 人 大 震。

與刺史傅豎眼赴援。事寧還朝。

天。賊 助討 文熾 歸 州 行 臺 路 刺 之。 史 魏 爲元帥,先走 E 以還途不守, 邴 子 光 誕 建 以 誕 虬 中 ·,秦隴反 勒 令子 共 賊 、參經 衆 兵 難 馳 達 獲 赴, 拒之。 略。 連營震怖。 可 觅 叛 角力, 相 詔 時 對 (F) 衍 誕 乃 月餘,未能摧 因轉營 益 爲 密募壯士二百餘人, 西南 州 誕 率諸軍 刺 史蕭 為文熾 道軍司、假冠軍將軍、別將、從子午南出 殄。 淵 鳴鼓攻擊,文熾大敗,俘 飲遣將 所掩,統 文熾 樊文熾 令夜登山攻其 軍行之谷,東峯 軍 胡 、蕭世 小虎、 澄等率 崔 斬萬計,擒 棚 珍 名龍鬚 寶 及時火 衆 並見俘執 數萬 Щ 斜谷趣建安, 世澄等十一人。 置棚 起,公 圍 小劍戍 子建遣 其 煙 上 焰 以 漲 益 與 防 誕

時 安 康 车 郡 孝昌 十。 阻 帶 初 贈 江 子建 Щ 安 西 , 要害之所,分置 以 將軍、益州刺史、諡 誕 行 華 一陽郡 帶 東 梁州 白馬戍。 日 莊。 仍 以誕爲鎭遠將軍 二年,復 以 誕行巴州 、梁州 刺 刺史。永安二年四 史。 三年。 朝 議 以 [月卒] 梁州

長子亢。

列傳第五十九 淳于誕

州 將軍 外散騎侍 將 有 刺 高肇 異 史,大著威名。 李苗,字子宣,梓潼涪人。 圖 行 西伐,詔假苗龍驤 郎,加襄威 使 人害之。 將 王足伐蜀 軍 苗年 將軍、鄉導統軍。 也,衍 + 父膺,蕭衍尚書郎、太僕卿。 五, 命略 有報 雪之心,延昌中遂歸 拒足於涪,許 師次晉壽,世宗晏駕,班師。 其益州。 苗出後叔父略。四略為 闕。 及足還退,衍遂改 仍 陳 圖 . 蜀之計。 後 以客 例,除 授。略怒, 於 蕭行寧 是 大 員

可幷。 唯獨荆揚,尙阻聲敎。 沸,三燕兩秦,咆勃中夏,九服 東西戍防輕重之要,計量疆 八之形,有 ,然後去我所短,避彼 苗 若捨舟檝,即平原,斂後疏前,則江淮之所短;棄車馬,游飛浪,乘流馳逐,非中國 有文武才幹,以大功不就,家耻未雪,常懷慷慨。 兼弱 攻昧之勢, 今令德廣被於江漢,威風 所長,釋其至難,攻其甚易,奪其險 而欲 場險易安危之理,探測 分崩,五方圮裂。 逸豫,遺疾 公子孫, 遠振於吳楚, 皇祚承歷,自北 違高 南人攻守窺覦之情, 祖之本 乃上書曰:「昔晉室 圖,非社稷 一要,割其膏壤,數年之內,荆 國富兵强,家給 而 南,誅滅姦雄 之深。 籌算卒乘器械 數 慮 人 否, 足。 一定鼎 誠 華 宜 以九居 河洛 戎鼎 商 征 之 揚 度

所 功 以 見 阨 去 室 ′′,爲萬 建 長 至 可 illi 據 九 鄴 强 滅 L 之 遼 攻 彼 世之業 流 延 遠 機 不 至 之險 頸 一,偏 弱 敢 北 而 入 兵 必 望, 淮 不陸 見 循 獨 去 洒 戍, 高 吞 士 日 方 而 治 并 覬 而 有 派流十 爭衡 之 之 王 就 相 迹 師 理 下 持 猶 一,蕩 , o 之 主, 如 百 若 我 勢。 建鄴 以 牧守. |||不 命 至 以之常流 能 且 弱 之逋 越巨 偏 無 夫 禦至 將 良, 滿 弔民 Ш 然後 昃 專行 强 而 相 取 焉 伐 趣 偃 易 傾 劫 罪, 利 有 武 剝 而 陰 全 避 修 官官 風 若俱 文, 濟 陽 難 塵 由 之 恒 , 制 不 兵 術 去 財 理 4其短, 接, ? 家 禮作樂, 進 盛衰 故 以 可 獄 之恒勝。 明 傳 以 各特 遞 王 檄 貨成,士 襲, 天下幸 聖 ,其長, 而 主 五. 定。 一,皆欲 今 德常 甚, 巴 民 則 守 思 蜀 豊 不 白帝 及 東 運 化 孤 ル時 南 立 未 之

恐 顧 求 兩 乃 將 無 萬 城 上 充 *今* 且 書 正 無 本 之功;高 光 或 日 無 法 一一臣聞 宜 持 末 令, 德 勒 重 義 大 之 士 秦 壁 規 食 將 非 其勢在 深 反 , 小 敎 壘, 王 叛 深 兵 習 如 , 溝 精 侵 令 於 高 及三 隴 以 師 利 疾 壘, 驕 東 有 攻 於 輔 將 不 全 速 堅守勿戰 守 0 制 日 御 戰 之 有 時 惰 汧 策 卒 降 糧 承 重 ·, 不 多 平 納 敗 卒 旣 但 散 思 别 遲 天 衆 久, 命偏 長 則 下 則 民 事 久之計 人 久 情 宜 不 師 秦遂 泰, 精 習 持 離 戰。 兵數千,出 人 人。 阻 務 强 不 奇 坐 曉 苗 今 正之通, 受崩 輔 兵, 以 隴 隴 危弱 賊 「麥積 奔 遺。 兵 猖 利 强悍,且 狂 必 崖 或 不 夫 有 以 之 颰 非 相 莫敖 襲 右 至 有 其 羣聚 臂 風 素 輕 逃 起, 蓄 後 敵 難 於 之志 無 逆 則 雖 斯 不 資, 汧 相 者 據 廢

哉

_ i

於

時

肅

宗

幼

冲

無遠

略

之意

竟

不

能

納

爲

郎

中,

仍領

軍

深

見知

待

岐 羣 妖自 散。」 於是韶苗 爲統 軍 , 與別將淳于誕俱出梁益 , 隸 行臺魏子 建。 子建以苗

珍 孫 討 孝昌 汾、絳蜀賊,平之。 中,還朝,除鎭遠將軍、步兵校尉。 還除司 徒司 馬,轉 太府 俄 兼 尙 少 卿,加龍 書右丞,爲 驤 將 西 軍 北道行 臺 與大都督宗正

梁 幸 西 陽 衆 死 去 有 更立 者甚 大 橋 南 寡 不 夏門, 城 測之危,正是忠臣烈士效節之日。 奇 道慰勞大使。 開 不 數 於時蕭衍 陽 功。」贈使持節、都督梁益巴東梁四州諸軍 或 敵 里 一便放 王 侯、邑一千戶 左右 集羣臣博議。 徽、中尉高道穆讚成其計。 苗身率士卒百許人泊於小渚以待南援。 火船,河流既駛,倏忽而 巴西民何難尉等豪姓,相率請討巴蜀 死盡,苗浮河而殁,時年四十六。帝聞苗死,哀傷 未發, ,赗帛 會殺众朱榮, 百僚恒懼,計 五百匹、栗五 至。 無所 莊帝壯 榮從弟世 臣 雖 百石。 賊於南岸望見火下, 不武 出 而 許焉。 苗 隆 諡忠烈侯。 事、車騎大將軍、儀同三司、 竊所 海 樂部 之間, 獨 旣而官軍 奮衣 庶幾。請 苗乃募人 部苗 而 曲 屯據 起 不至, 爲通 以一 日、「今 相蹙爭橋, 人之,日 「苗若不 於馬渚 河橋,還逼 直散騎常侍、冠 旅 賊乃 之衆,爲陛 小賊唐突 沙涉水, 上 俄 流 都邑。 然 梁州刺 以 橋紹, 與苗 舟 如 下徑 死 此,朝 軍 師 孝莊 史,河 將軍 當 死鬭 夜下 沒水 斷河 應 狂 親 ,

苗 少有節操,志尚功名。 每讀蜀書,見魏延請出長安,諸葛不許,常歎息謂亮無奇計 列 傳 第 五 十 九 善 李 苗

以白 諫之。 文詠,尺牘之敏,當世罕及。 及覽周瑜傳,未曾不咨嗟絕倒。 世隆。 及徽寵勢隆極,猜忌彌甚。 世隆 曰:「吾爾時羣議,更一二日便欲大縱兵士焚燒都邑,任其採掠。 死之日,朝野悲壯之。 太保、城陽王徽,司徒、臨淮王彧重之,二王頗或不穆,苗每 苗謂 人曰:「城陽蜂目先見,豺聲今轉彰矣。」解鼓琴,好 及莊帝幽崩 世隆入洛,主者追苗贈封, 賴苗京師

子 曇,襲爵。 武定末,冀州儀同府刑獄參軍。 齊受禪,爵例降。 獲

全。

天下之善一也。

不宜追之。」

德,器 然,奮其大節,蹈忠履 亦 知 機,翻然鵲起,舉 爲果決之士。 史臣 小志大,斯 日: 壽春形勝,南鄭要險, 淳于 所 地 以 誕 而 顚 義,歿而後已。 來,功 覆 好立功名,有志者竟能逐也。 也。 誠 | 衍才行將略,不遂其終,惜哉 兩 茂。 乃建鄴之肩髀,成都之喉嗌。 仁必有勇,其斯人之謂乎 其所以 大啓茅賦, 李苗 兼 以文武 ! 列 李、席、王、江雖復 旐 2幹局, 旟, 裴叔業、 固 其宜矣。 沉斷過人, 夏侯道遷, 因 植 人成 臨難慨 不 體 恒 事, 其 運

校勘記

- 雖名: 仲達 切譲 按「名」當是「召」字之訛,下文劾裴植「召仲達責問而不告列」,可證
- 集朗兄弟並議留臣權相綏獎 初,道遷以拔漢」共三百二十三字,乃接「留臣權相攝獎」以下文字,顚倒錯亂不可通。 百衲本、南本、汲本一並 議」下錯簡,羼入下文「曰 臣往日 北本 歸誠至 也在

殿、局二本都從北本。 |議」下錯入「曰臣往日歸誠至灰隕匪報但」十九字,始接「留臣權相綏獎」, 今按册府卷四 一七四九七五頁, 北本錯入的十九字實非表中語, 似乎勉強可 乃在 通 下文 故

「謝」下增一「曰」字。今據册府乙正北、殿、局三本十九字的錯簡,並删 所 增「曰」字。

由於錯簡,「謝

日」的「日」字錯到上文去了,

故北本又於

「兔冠徒跣謝」下,「比在壽春」句上。

- = 南齊書卷五七魏廣傳稱「席法友攻北新蔡、安豐二郡太守胡景略於建安城」。 稍遷至安豐新蔡二郡太守建安戍主 南齊書卷一四州郡志豫州有北新蔡、安豐二郡。這裏「新蔡」上當脫「北」字。 按下云 「蕭寶卷遣胡景略代之」, 則景略之官 「新蔡」 即同法友。 上有「北」
- 天平中 顯爲「天平」之訛,今據改。 諸本「天」作「太」, 北史卷四五江悦之傳作「天」。 按魏無「太平」年號,下稱 元象
- 五 時有潁川庾道者 「道」。北史夬傳作「遵」,當是「導」之訛。「道」「導」本一字,今統一作「道」。 諸本 「道」作「導」, 北史卷四五江悦之傳作 「道 」。 按上夏侯夬傳內也作

記

無此郡縣,南齊書州郡志卷一五益州安固郡有桓陵縣,『安國』即『安固』之訛。」按洪說是,宋書卷

三七及卷三八州郡志載秦州、益州並有安固郡、桓陵縣。「國」字訛,今改正。

ヘゼリ 益州刺史邴虬令子達拒之 諸本「達」作「建」,應卽指魏子建。 按卷九肅宗紀孝昌元年四月及

卷九八蕭衍傳並作「益州刺史邴虬遣子子達,行臺魏子建造別將淳于誕拒擊之。」則邴虬所遣

所節度」,那虬身受節度,豈能「令」子建。且觀下文稱魏軍被掩擊,二將被俘,「子建遣誕助討 者其子名子達。魏子建此時已是行臺,卷一○四自序稱子建爲行臺,「梁、巴、二益,兩秦之事皆

之」。若上文作「子建」,則被掩擊致敗者卽是子建,何云「遣誕助討」。知這裏「建」乃「達」之

訛。其人本名「子達」,單稱爲「達」。今據改。

及時火起 諸本「起」作「赴」、獨局本作「起」。按册府卷三六八四三八二頁正作「起」,今從局本。

苗出後叔父略 北史卷四五李苗傳「略」作「畎」。按卷六五邢巒傳也作「畎」,疑「略」乃「畎」之

訛。 參卷八校記[元]。

魏書卷七十二

列傳第六十

陽尼 賈思伯 李叔虎 路恃慶

曹世表 潘永基 朱元旭

諸經 異? 拜, 爲 數十篇,未就 幽 州 國 坐爲 然非 典, 刺史胡泥以尼學藝文雅,乃表薦之。 子學,時中書監高閭、侍中李沖等以尼碩學博識,舉爲國子祭酒。 陽尼,字景文,北平無終人。少好學,博通羣籍,與上谷侯天護、頓丘李彪同志齊名。 韶尼侍聽,賜帛百匹。 中正時受鄉 吾宿志, 而卒,其從孫太學博士承慶遂撰爲字統二十卷,行於世。 命也如 人財貨免官。 何」旣而還鄉, 尼後兼幽州中正。 尼每自傷曰:「吾昔未仕, 遂卒於冀州,年六十一。 徵拜秘書著作郎,奏佛道宜在史錄。 出爲幽州平北府長史,帶漁陽太守,未 不曾羡人,今日失官,與本 有書數千卷。 高祖嘗親在苑堂講 後改中書學 所造字釋 何

列傳第六十 陽尼

子介,字天佐。奉朝請,冀州默曹參軍。早卒

尼從子鳴鵠,鳴鵠弟季智,俱有名於時,前後並爲幽州司馬。

季智子璠,通直散騎常侍。

季智從弟荆,范陽 太守,有吏能。 卒,贈平西將軍、東益州刺史。

季智從子伯慶,汝南太守。

疾還。 將 撫,甚得居邊之稱。 廷尉正,轉考功郎中。 軍。 伯慶從父弟藻,字景德。 徵拜中書博士,詔兼禮官,拜燕宣王廟於長安。 藻以年老歸家,闔 解任還家,久之,除兗州左將軍府長史,又拜瀛州安東府長史, 除建德太守。 門不關 少孤,有雅志,涉獵經史。 世事。 以清貧,賜帛六十匹。 孝昌中,在鄉爲賊帥杜洛周所囚,發病卒。 還,授寧遠將軍,賜爵魏昌男。 太和初,舉秀才,射策高第。 尋假寧遠將軍,領 統軍,外防 永熙中, 加 以母 揚 選 刻 內

贈征虜將軍、幽州刺史。

子貞,字世幹。早卒。

河,居於靑州。 貞 弟弼,字世輔。 值邢杲起逆,青州城民疑河北人爲杲內應,遂害酮, 長於吏事。 本州別駕, 加 輕車將軍。 屬洛周陷城, 時年四十八。 **两遂率宗親南渡** 子撝, 襲

阿弟斐,武定末,尚書右丞。

藻從弟令鮮,京兆王愉郎中令。 坐同愉反,逃竄免。 會赦,除名。

子世和,武定末,齊州驃騎司馬。

藻從弟延興,南豳州刺史。

延興從弟固,字敬安。 性俶儻,不拘小節,少任俠,好劍客,弗事生產。

節好學,遂博覽篇籍,有文才。

急 署城局,仍從避鎭彭城,板兼長史。 決,志意閑雅,了無懼色。 三軍戰慄無敢言者。 太和中,從大將軍宋王劉昶征義陽,板府法曹行參軍,假陵江將軍。 固啓諫, 幷面陳事宜。 昶甚奇之。 俄以憂去任 軍還, 言之高祖。 昶大怒,欲斬之,使監當攻道。 年三十餘,始辟大將軍府參軍事, 昶嚴暴,治軍甚 固在軍勇

守,甚有惠 爲 行司 裴 馬。 叔業以淮南內附,世宗詔平南將軍、 政。 還,除太尉西閤祭酒,兼廷尉評。 久之,以公事趸。 後除給事中, 領侍御史。 廣陵侯元衎與司徒、彭城王勰同鎭壽春,敕固 上改定律令議。 轉治書,劾奏廣平王懷、汝南 除給事中。 出為試守北平太

列

南陽長 公主。 及使懷荒,鎮將萬貳望風逃走。 劾恒農太守裴粲免官。

省徭役 存元元 萬世 早正 寄, 滅吳 會 之計 東儲 時)撰封 ()薄賦 世宗 伏願 之民,以 與三皇比隆,下與五帝齊美, ", 立 師 舉賢 唑 廣訪得失,固 禪之禮,襲軒唐之軌, 斂 下留 敗飢寒之苦,上合昊天之心,下悅億兆之望。 傅以保護,立官司以防衞,以係蒼生之心,攬權衡,親宗室,强幹弱枝,以立 ,修學官,遵舊章,貴農桑,賤工賈,絕談虛窮微之論,簡桑門無用之費。 良,黜不肖,使野無遺才, 神,少 垂究察。」 E **讜言表** 白 同彼七十二君之徽 豊 不 一臣聞 朝無素餐,孜孜萬幾,躬動庶務,使民 ·茂哉 爲治不在多方,在於力行而 臣位 .卑識昧,言不及義,屬聖明 號, 協定鼎嵩河之心,副 然後備器械,修甲兵,習水戰, 팅 當今之務,宜 無謗讟之響; 高 演訪 祖 殷勤之 敢 以 獻

陽王 恒 代 禧 田 初,世宗委任羣下,不 漁聲 等並 樂侈靡之事,節以 有 **釁故,宗室大臣,相見疏薄,而** 甚親覽,好桑門之法。 中京禮儀之式,因以 王畿民庶,勞弊益 尚書令高肇以外戚權寵, 諷 諫。 辭 多 甚。 不 載 固乃作南、北二 專決朝事; 都賦,稱 叉咸

日 隘,流稱于今,豐屋生災,著於 又謂固曰:「吾作太府卿,庫藏充實, 世宗 末, 中尉 王顯起宅旣 次周易。 成,集僚屬饗宴。 此蓋 卿以爲何如。」固對曰:「公收百官之祿四分之一,州 同 傳舍耳 酒酣 唯 間 有德能 固 日 此 卒。 宅 何 願 公勉之。」 如。固對 |顯| 曰:「晏嬰湫 然。 他

郡 贓 贖 悉入京藏,以此充府,未足爲多。 且有聚斂之臣, 寧有盜 臣,豈不戒哉」顯大不悅,

以 此 銜 固 又 有 人間固 於顯,顯因奏固 剩 請 米麥, 発固官。

旣 無 事 役 · 逐 園門自守,著演賾賦,以明 幽 微通 塞之事。 其詞 日

努 長 亂 而 4号, 獲 微。 吟兮,抗幽 存 紹 仍矯迹 懼 有 賴 堂構之頹撓兮, 周 之遐軌兮,初錫 先后之醇德兮, 合而 於良鄉。 靡託。 棄侯 恐崩 何 乃保 世 身 衛之楨 輕 於 毁 其洪 護 而 河 其遺 陽 任 酮 兮, 基。 重 **基** 兮, 孫 建 乃 الم 甸 懼 殖 惴 侯 根於 顚墜於峻壑。 惴 而 列 而 、幽方。 爵 慄慄! 兮, 自祖 與王室而 若 憑神 臨深 考而 明 並昌。 而 之扶助 輝 履 烈兮, 薄。 **今** 遭 逮 季葉之紛 登 雖 喬 余 図 躬 木 m

mi

承 兮, 伊 悲屯蹇 H 月之屢 而 日 (遷兮) 臻。 何 心 惻 四 時 愴 之 而 相 不 懌兮,乃 逼。 知 年 有懷於古人。 命之有期兮,慨斡流之不 息。 傷 艱 躓 之相

於宣元 得 採 息兮, 薇 畤 兮 或 終見黜 垂綸 有 |韓薬 釋 躍 皐 於渭 馬 牧 於庶 綵 而 m 之法 赴會兮, 濱兮,有胥 失 邦 性 憲分, 墨 趙 有 馳 堯門 見蓼六之先亡。 靡 棲 騁 於 遲 而 以 傅 而 不 ·已兮, 俟 巖 誕 聖兮, 時。 旣 亦 曹 應 終 舉 綵 納 練疑枉於怨獄兮,寧于公之獨 天 世 辛 m 隱 而 赴兆兮,作殷周之元 而 不容。 而 袁亡兮, 不繁。 有鸞 袁 衞 戮 泯 孤 田 軀 而 而 於 爭 曹 验。 世 國 **今** 盛 難 昌 孔 兮, 栖 鮑 有 明 授 讓 栖 啓 祁 洪 位 州 而 業 不 福 而 而

之同 門兮,知休咎之異塗。 尋倚伏之無源兮,或先詘而後舒。

幽 位 情。 兮, 賜 錯謀 有積 憑 軒 合而身傾。 、毁而恩昵兮,有積譽而 而策駟兮,撫淸琴而 蕭 功成 而 自娛。 福集兮, 寵衰。 憲服 韓勳立而禍弁。 或形乖而意合兮,或身密而志離。 弊於陋巷兮,蘊六藝於蓬廬。 紛回平而綿結兮, 勃計行 亮未 情 與貌而 識 而致 其

紛競兮,體與識而交馳。

要兮, 林。 可 非。 偶不合於主心。 或望旗而 旦流言而見疑,先緣謗而益信。 事終成於會機。 色阻兮,或臨 或居 毎 鄕 日 危 而三黜兮, 而 而 撫琴。 三省兮, 樂食子而中疏兮,巴放麑而日進。 獨爲時之所欽。 道有 亦有念而 大而由 九思。 小兮,義有顯而 或負鼎 孰 有是而 而 干主兮,或杖策於 必微。 可是兮, 或舉世而稱賢 理 孰 貴 有 在 非而 於 得 幽

異兆。 躍兮, 觀瀾兮,何津源之杳杳。 石育子 季潛軀 茲聖達之未明兮,豈 而 而覆雲。 啓夏兮,鳦遺 或揮戈 前修之克了。 卵 而孕殷。 而 爭 帝兮, 鳥藉 或 迷白日之近遙兮,方有闚於天表。 洗 冰而存棄兮,虎乳孩以字文。 耳而辭君。 道曲 成 而 不一 兮, 發昇 神 且 參差 臨 舟而魚 海 而 m

文遷繹而身徂兮,景守節而災移。 陽改祝而革命兮,靈投策而詬龜。 圍據胎而為

巨兮,友發文而自相。 風吹鴟而襄墜兮,神壓紐而平王。 被嬴縮之由人兮,信吉凶之

在己。或勤憂以減齡兮,亦安樂而獲祉。

瘠之。 攸同兮,甄五都之所在。雖父子之同氣兮,乃業行之丕改。 輝兮,終龍變於巴庸。繞閶門而結慶兮,鬱蟬蛻於三江。水浩浩而襄陵兮, 弟成師而害兄兮,父純臣而烹子。 鯀殛死於羽山兮,禹宣力而營之。鑿龍門以通河兮,疏九江而入海。 識同命於三君兮,兆先見於矞姒。 始樓桑而發 總九州以 竊息壤而

慮。 兮, 歎伊周之涉危。 以放曠爲懸解兮,傷六親之乖離。 兮,悼史遷之腐刑。 或忌賢而獨立,或篡君以自樹。旣思匿而名揚兮,亦求淸而反汙。 以患蹇爲福兮,痛比干之殘軀。以佞諛爲獲安兮,哂宰嚭之見屠。以舉士而受賞 望仗鉞而先鋒兮,光安車而弗顧。求封賞於寸心兮,夢台袞於遠 以進爲無益兮,見鄂秋之專城。以仁義爲桎梏兮,信揖讓之勞疲。 哀越種之被戮兮,嘉范蠡之脫羈。欽四皓之高尚

守約。 筵兮,始拂龜而整策。 恬澹兮,辭朝市之紛若。 見衆兆之紛錯兮,覩變化之無方。 蓍布 列 而成卦兮,保龍潛而 冀靈鑒之祐余兮,願告余以忠益。 奉貞吉於占繇兮,翻夕警而晨裝。 勿躍。 心營營而擾擾兮,乃探衷而準常。 踵嘉遁之玄蹤兮,追考盤於巖壑。 龜發兆以施靈兮,利 嚴端坐於弊 登名山以 去華而

列傳

揖 許公於箕嶺兮,諮夷齊於首陽。 瞻嵩華之嵁崿兮,眺恒碣之磔碼。 陵江湖之駭

解裳。 浪 ·兮, 昇醫閭之尚羊。 謁伯禹於塗山兮,詰三苗於三危。 乘 玄虬之弈弈兮, 鳴玉鑾之瑲瑲。 登蒼梧而遐眺兮,訪二妃於有嬀。 浮滄波而 濯足兮, 追祝 入 三 Щ 融 於 而

荆芊兮,問洛宓於馮夷。

傳辭。 **顺**兮, 陵回飈而 覿王母 出 琨岫之崢嶸兮,入氾林之杳鬱。 於崦嵫。 上驤兮,窮深谷而下馳。 昇瑤 臺 而 奏歌兮, 沿扶水而遠矚兮,見虞淵之威微。 採鍾 坐瓊室 山之玉瑛兮,收珠澤之珂 而賦詩。 託赤水 以寄命兮, 珬 乘閬 附 光 風之峻 風以

風馳。 寥兮,過寒門 攜羽 越弱水之渟濙兮,躡不周之嶮巇。 民 加 而懷悲。 遠遊兮,探長生之妙術。 揖若 士於霄際兮, 騰雲霧 水霧 屑瓊藥以爲糧兮,斟玉液以爲漿。 塵於海湄。 而窈冥兮,變域中之穢質。 憑帝 臺而 肆 眺 兮, 望玄闕 結秋蘭! 歷層 之寂 冰 以 而

爲珮兮,攬白蜺以爲裳。

下遊。 變兮,耽廣樂而忘歸。 聳景雲而 建雲旗之逶迤兮,御回風之瀏瀏。 上征兮,撫閶 忽 ì 移 闔 而 而 志駭兮, 啓扉。 肅 戀舊京 策王良以斂轡兮,命風伯以挾輈。 百 神而警策兮,奏中皇於紫微。 m 依依。 握招搖以爲 施分, 聆鈞天 巡天 符屛翳以 漢 而 九 而

清路兮,告河鼓以具舟。

聊 右次於析木兮, 通回駕於靑丘。 訪古人以首陽兮,亦問道於鷞鳩。 親 三韓之累

綿綿。 總總分, 累兮,見卉服之悠悠。 而 錬丹。 伊五嶽之塠塠兮,何四海之涓涓。 尚何足以遊盤。 漱醴泉以養氣兮,吸沆瀣以當餐。 瞻雒常之鬱鬱兮, 彼八方之局促兮, 貢楛矢之啾啾。 瞻九河其如帶兮,觀三江其沉然。 蔭建木之長柯兮,援木禾之修莖。 殊無可以達觀。 心怊怊而惕惕兮, 方吞霞而棄粒兮, 夫五 志憫憫 亦屑 咀玉髓 一都之 E 而

而

充渴兮,嚼正陽以長生。

參松喬而撫翰兮,侶浮丘而上征。

緩御。 還兮,心惆悵而不悅。 不 於終古兮,流不朽之徽音。 於 沃 素琴。 壤 之遭隨。 用之器。 兮, 嗟域 僕眷眷於短銜兮,馬依依於跬步。 釣北湖之深潭。 中之默默兮,詎據寫其深情。 誦風雅以導志兮,蘊六籍於胸襟。 旣 不潔其身兮,不屑 聽 天 而委化兮,無形志之兩疲。 憶慈親於故鄉兮, 戀先君於丘墓。 養慈顏於婦子兮, 進不 於位。 求於聞達兮,退不營於榮利。 不拘 情盤桓而猶豫兮,志狐疑而未決。 小節兮, 還故園而解羈兮,入茅宇而返素。 競獻壽而薦甘。 敦儒墨之大教兮,崇逸民之遠心。 除紛競而靖默兮,守沖寂以無爲。 不求曲備。 回遊駕而改轅兮, 朝樂酣於濁酒兮, 泛若不繫之舟兮, 資靈運 以託己兮, **外放蕩而不** 耕 縦歸轡而 播 夕寄忻 東皐之 任 湛若

列

以籍

賞兮,寧怨時之弗知。

亂 夭壽否泰,本天成兮。 體源究道,歸聖哲兮。 隨化委

兮。 始究終,同水鏡兮。 遇,能達節兮。 形勞志沮,未衷道兮。 顯親揚名,德之上兮。保家全身,亦厚量兮。 志願不合,思遠遊兮。 反我遊駕,養慈親兮。 陵虛騁志,從所求兮。 躬耕練藝,齊至人兮。 趣世浮動, 違性命兮。 鑒 周歷 四極,騰八表

固又作刺讒疾嬖幸詩二首曰:

矣。 愚。 斯 ? 恕在己。 蝮蠆,毒何厚兮。 天疾讒說 維子 譖毁日繁。 巧佞 浸潤 小人,未明茲理。 ,汝其至矣。 ! 巧佞! 之譖,傾人墉矣。 予實無罪,騁汝詭言。 巧佞!巧佞! [] 讒言興兮。 無妄之禍,行將及矣。 毁與行俱,言與釁起。 成人之美,君子貴焉。日及人之惡,君子耻焉。 營營習習,似青蠅兮。以白爲黑,在汝口兮。 何工矣。 番番緝緝, 讒言側入。 司間司忿,言必從矣。 泛泛遊鳧,弗制弗拘。 我其懲矣,我其悔矣。 君子好讒,如 朋黨噂喈,自 行藏之徒,或智或 **豈求人兮**,忠 或弗及。 汝何人 汝非 相 同

笑,曲事親要。 自容兮。 彼 諂 志行編 **諛兮,人之蠹兮。** 正路不由,邪徑是蹈。 小,好習不道。 刺促昔栗,罔顧耻辱,以求媚兮。邪干側入,如恐弗及,以 朝挾 (其車, 不識大猷,不知話言。 、夕承 尔其輿。 或騎或徒, 載奔載趨。 其朋其黨,其徒實繁。 或言或 有

列傳第六十 陽尼

多。 矣。 詭 我 喪 異 思 邦 其行,有佞其音。 世 古人,心焉若 同 不 反 叉 始 力。 是不思,維塵及矣。 亦 不 覆國。 ·愼,末 江充、趙高、甘言似直。 疾。 嗟 如 之何。 爾 蘧蒢戚施, 凡百 中下,其親其昵。 君子,宜其愼矣。 習習宰嚭, 邪媚是欽。 豎刁、上官,擅生羽翼。乃如之人,僭爽其德。豈徒 營營無極。 不謂其非,不覺其失。 旣詭且妬,以逞其心。 覆車之鑒,近可信矣。 梁丘 立寡智, 王鮒淺識。 好之有年, 是信 言旣備矣,事旣至 是任, 伊戾、息夫, 寵之有日。 敗其以

憚之。 號 悅 其 行 慕 年少 外 臺 製病 城 七兵 肅宗 一,行多 懌大悅,以 杖杖 郎 軍罷,太傅、清 卽 位,除尚書考功郎,奏諸秀孝中第者聽敍,自固始。 不 而 平奇固 能 法,屑近小人。 起。 為舉得 勇敢,軍 練禪之後,猶酒 河 其人。 王懌 中大事悉與謀之。 舉固,除步兵校尉,領汝南王悅郎中令。 固上疏切諫,幷面 熙平二年,除洛陽令,將軍 肉不進。 時固年踰 又命固節度水軍, 陳往代諸王賢愚之分,以感動悅, 五十,而 一如故。 大軍征陝石、敕爲僕射李平 喪過於哀,鄉黨親族咸歎 在縣甚有 固設奇計先期乘賊, 尋加寧遠將軍。 成風。 丁母憂, 悅甚敬 獲

及門生吏僚莫 神 龜 末, 淸 不 河王懌領 慮 禍 隱避 、太尉, 不 出,素爲懌所厚者彌不自安。 辟固從事 中郎。 屬懌被害,元叉秉政,朝野震悚。 固以嘗被辟 命,遂獨詣喪所,盡 懌諸子

服

ーナーニ

悦為 哀 (慟哭, 太尉、選舉多非其 良 **外**乃還。 僕射游肇聞而歎曰:「雖變布、王脩何以尚也, 人, 又輕 肆檛撻, 固以前的 爲 元卿,雖離國, **猶上疏切諫**。 君子哉若人」及汝南王 事在悅傳。

院辟固爲從事中郎,不就。

李崇訟勳更表。 軍 ,鎭遠如 正 光二年,京兆王 故。 又典科揚州 崇雖貴盛, 繼 爲 固據 勳賞。 司 徒、高選官僚、辟固從事中郎、加鎭遠將軍。 理不撓, 初硖石之役,固有先登之功,而朝賞未及,至是與尚 談者稱焉。 四年九月卒,時年五十七。 府解,除前軍將 贈 輔 書令 或 將

軍、太常少卿,諡曰文。

其棺斂焉。 固 剛 直 初, 雅 正,不畏强禦,居官清潔,家無餘財,終歿之日,室徒四壁, 固 著終制 篇, \subseteq 務從 儉約。 臨終,又敕 諸子 遵先制。 無以供喪, 固 有三子 親故爲

長休之,武定末,黃門郎。

休之弟詮之,字子衡。 少著才名,辟司徒行參軍。 早爲門生所害,時 人悼惜之。

伯釋褐奉朝請,太子步兵校尉、中書舍人,轉中書侍郞。 賈 思伯 字 士休,齊郡 益 都 人 也。 世父元壽,高 |祖時· 頗 中書侍郎,有學行, 爲高 祖所知,常從征 見 伐 稱於時。 思

除鴻臚少卿,以母憂免。 談,今於軍司見之矣。」思伯託以失道,不伐其功,時論稱其長者。 及 澄失利,思伯爲後殿。 及 世宗即位,以侍從之勤,轉輔國將軍。 服闋,徵爲滎陽太守,有政績。 澄以思伯儒者,謂之必 任城王澄之圍鍾離也, 死。 及至,大喜,曰:「仁者必有 遷征虜將軍、南靑州刺史。 後爲河內太守,不拜。 以思伯持節 勇, 為 其 常謂 初,思 軍 虚

長史。 刺史。 肅宗時,徵爲給事黃門侍郞。 思伯 又除安東將軍、廷尉卿。 以州邊遠,不樂外出,辭以男女未婚。 思伯自以儒素爲業,不好法律,希言事。 因請拜掃,還鄉里。 靈太后不許,舍人徐紇言之,得改授太尉 未拜,以風聞免。 俄轉衞尉卿 尋除右將軍、涼州 軍、兗州

刺史。

伯

與弟思

同師

事北海陰鳳授業,無資酬之,鳳遂質其衣物。

具

車馬迎之,

鳳慚

不往。

時人稱嘆焉。

尋以父憂免。

後除征虜將軍、光祿少卿,仍拜左將

及思伯之部,送練百匹遺鳳,因

堂,皆五室。 蔡邕云:『 若然,則夏殷之世 時議 明堂者,天子太廟,饗功養老,教學選士,皆於其中,九室十二堂。』按戴德撰記,世 且 九 建明堂,多有同異。 鄭注云:『此三者,或舉宗廟,或舉王寢,或舉明堂,互言之,以明其制同也。 室十二堂,其於規制,恐難得厥衷。 已有明堂矣。唐虞以前,其事未聞。戴德禮記云:明堂凡九室,十二堂。 思伯上議曰:「按周禮考工記云:夏后氏世室,殷重屋,周明 周禮營國,左祖右社,明堂在國之陽,則

列

王制云 个,玄堂右个卽靑陽左个。 原其制置,不乖五室。 以爲之室。 後來疑議,難可準信。 願 舊禮圖,皆作五室,及徐劉之論,同考工者多矣。 闕之書,相承已久,諸儒注述無言非者,方之後作,不亦優乎。且孝經援神契、五經要義 室以象五行,豈不快也。如此,蔡氏之論非爲通典,九室之言或未可從。竊尋考工記雖是補 象宿;外廣二十四丈以象氣。』按此皆以天地陰陽氣數爲法,而室獨象九州,何也。 若立 |蔡邕論明堂之制云:『堂方一百四十尺,象坤之策;屋圓徑二百一十六尺,象乾之策;方六 堂之驗矣。 宮、肅肅在廟。』鄭注云:『宮、謂辟雍宮也、所以助王。養老則尙和、助祭則尙敬。』又不在明 非天子太廟 丈,徑九丈,象陽陰九六之數;九室以象九州;屋高八十一尺,象黃鍾九九之數;二十八柱以 一。『周 若猶祖述舊章,規摹前事,不應捨殷周成法,襲近代妄作。 按孟子云:『齊宣王謂孟子曰,吾欲毁明堂。』若明堂是廟,則不 施行于今,雖有不同,時說然耳。』尋鄭此論,非爲無當。按照於亦無九室之文, ·人養國老於東膠。』鄭注云:東膠卽辟雍,在王宮之東。又詩大雅云:『邕邕在 明 矣。 然則禮記月令,四堂及太室皆謂之廟者,當以天子暫配享五帝故耳。 其靑陽右个卽明堂左个,明堂右个卽總章左个,總章右个卽玄堂左 鄭玄云。『周人明堂五室,是帝各有一室也,合於五行之數,周禮依數 如此,則室猶是五,而布政十二。五室之理,謂爲可安。其方圓 '朝廷若獨絕今古,自爲一代制作者,則所 且損益之極,極於三王, 應有毀之問。 且. 叉

高廣,自依 、時量。 | 糞氏 九室之言,蔡子廟學之議,子幹靈臺之說, 裴逸一 屋之論, 及諸家紛

紜,並無取焉。」學者善其議。

趣勢。 授。 貴重,寧能不驕。」思伯曰:「衰至便驕, 元興為 性謙 又遷太常 侍讀。 孝昌元年卒。 和,傾身禮士,雖在街途,停車下馬, 卿,兼度支尚書,轉正都官。 思伯遂入授肅宗杜氏春秋。 贈鎭 東將軍、 青州刺史,又贈尚書右僕射,諡 何常之有。」當世以 思伯 時太保崔光疾甚,表薦思伯爲侍講,中書舍 接誘恂 少雖明經,從官廢業,至是更延儒 恂, 爲雅 曾無倦色。 談。 日文貞。 爲元叉所寵 客有謂思伯 論 日 生 者譏 夜 公今 講 人 其 畫 馮

子彥始,武定中,淮陽太守。

光祿 慰勞 史。 州 宮,封營陵 别 大使。 大夫, 駕。 雖 思伯弟思同,字士明。 無明察之譽, **外之,遷鎭** 縣開 仍兼黃門。 仍與國 國男,邑二百戶,除撫軍將軍、給事 子祭酒 遠將軍、 百姓安之。 尋加車騎大將軍、左光祿 韓子熙並爲侍講, 少厲志行,雅 中散大夫、試守滎陽太守。 及元顥之亂 好經史。 也, 授靜帝杜氏春秋。 大夫。 黄門 思同 釋褐彭城王 侍郎、青州大中正。 與 遷鄴後, 廣州 尋卽 刺史鄭先護並不降。 國侍郎,五遷尙 眞。 除黃門侍 又加散騎常侍, 後除平南將軍、 郎、兼 又爲鎭 書考 《侍中、 兼七兵尚)功郎 東、金紫 襄州 莊帝還 河 南 刺

列

尋 拜 侍 中。 興 和二年卒。 贈使持節、都督青徐光三州諸軍事、 驃騎大將軍、 尚書右僕

射、司徒公、青州刺史、諡曰文獻。

時蒙

贈

諡

論

者

歎

尚

焉

職 州 初 里人物 思 同之爲別駕 爲 思同 恨之。 也,清河崔 及 光韶之亡,遺誡子姪不聽求贈。 光韶先爲治中,自恃資地,耻居其下,聞思同還鄉,遂便去 思同遂 上表訟光韶 操業,登

未能 駁冀隆 後, 魏 裁 思 郡 正. 乖 同 姚文安、 錯者 之侍 + 講 樂陵 也, 條。 國 秦道靜 子 互相 博士遼西衞冀隆爲服氏之學,上書難杜氏春秋六十三事。 是非,積 復述 思同意。 成 + 卷。 冀隆亦尋物故,浮陽劉休和 詔 下 國 學集諸儒考之,事 未竟 叉持冀隆 而 思 同 卒。 思同 至 卒 復

之稱。 轉 好 學博 議 郎。 李 聞 叔 後兼散騎侍郎、太極都將。 虎, 久之, 有 勃 識 海 度 遷太尉 蓨 爲 人 也 鄉 從 閭 事 從 所 中 祖金, 稱。 郎 , 轉 事訖,除高陽太守, 太 世 國 和 祖 子 中 ,博 神 , 臑 拜 士、本國 中 中 ·書博 與 高 中正 士, 允 固辭不拜。 俱被徵,位 , 與清 攝 樂 河 陵 雀 尋除 中 光 至 正 征 、顯武 河間 南從 性清 將軍 邢巒 事 直 中 、太尉高陽 並 甚 鄎 相 有 親 叔虎 公平 友。

王雍 諮 議參軍 事 ,, 雍以其器操 重之。 尋除假 節、 行華州事,爲 吏民 所稱。 永平四 年卒、 年 Ė.

十四。 贈冠軍將軍、南青州刺史, 諡 日穆。

伯 沙門法慶反,陷破郡縣,叔寶當坐,遇病死於洛陽 兄 叔 寶,州舉秀才, 拜頓 丘公國 郎 中令。 遷太常丞。 獄 延昌末, 叔寶為弟臺戶 及從弟歸

子伯胄,光祿大夫。

同

叔 寶從弟鳳,歷尚書郎中、國子博士。 坐弟同京兆王喻逆,除

鳳 從子長仁,字景安。 頗有學涉。 舉秀才, 射策高 第。 拜 中書博 士, 膊 中 ·書侍 郎。 累

常侍, 遷 平 南將軍、沛郡太守, 使於 劉準。 行還,以疾除北海內史, 仍爲彭城太守。 又從尉元討定南境, 詔賜醫藥。 凡在三郡,吏民安之。 賜 爵 延 陵男。 徵 尋卒。 拜 員 外 武定 散 騎

中,贈安南將軍、七兵尚書、 冀州刺史,男如故

還, 除尚書儀曹郎,賜爵蓨縣男,稍遷建興太守。 長仁從弟述, 字道興, 有學識。 州舉秀才。 卒。 拜太常博士, 使詣長安, 册祭燕宣王 一廟

中, 有勤績。 子象,字孟則。 久之, 清簡 拜散騎侍郎, 有風概, 博涉羣書。 加寧朔將軍, 初襲爵, 葬轉中書侍郎。 爲徐州 平東府 出 爲 青州 功曹參軍。 太傅開府諮 遷冀州治 議參

91

年,兼散騎常侍,使於蕭衍。 軍、行北徐 州事、本將 軍、 光祿大夫。 三年卒, 贈驃騎大將軍、儀同 齊文襄王引爲開府諮議參軍, 三司、冀州刺史,諡 加征東將軍。 日文簡,以子 興和二

軍、兗州刺 子貞、歷司空長史、武邑太守、司徒右長史、 史。 坐貪汙賜死。 陽平太守。 入爲吏部郎中。 出為驃騎將

子貞預義之勤

也

長史。 卒。 推 爲 譲 鄕 之。 閭 贈左將軍、安州刺史、諡曰襄。 路恃慶,字伯瑞,陽平淸淵人也。 所 郣 以母 高温 稱, 相州刺史李安世並表薦之。 憂去職。 遂並拜焉。 仍轉定州 稍遷尙書儀曹郎,轉左民郎,行 河間王琛長史。 子祖壁,給事中。 祖綽,陽平太守。 太和中,除奉朝請。 琛貪暴肆意,恃慶每進苦言。年四十八, 恃慶有幹用, 潁 JIJ郡。 恃慶以從兄文舉有才望,因 出為華州安定王征虜府 與廣平宋翻 俱 知名,

信為 其都督府長史。 恃 慶弟仲信,亦好學。 融敗歿,仲信遂亦舜棄。 爲 太尉 參軍,稍遷奉 車都尉、開府掾。 章武王融之討葛榮也,仲

仲信 弟思略,字叔約, 有識 尚。 冀州安東府騎軍參軍。

子祖遺,武定末,太學博士。

思略 弟思令, 字季傷。 初爲廣陽王司空參軍, 轉司空城局參軍、司徒記室、威遠將軍、

尚書左民郎,轉右民。

將,驅 之至 藏 逃;將又 役,至於 不 有 空虚 稷 必 朝 頓 難。 別 契之輔。 臣 時 不 雕 民, 天 練 銜 怖 民 下 位 竊 杯躍 敵, 之兵,當 取治不等;五霸 微, 財 以 多 乃令羸 殫 事 得其 遷延 比 竊 馬, 7,思令 盡 年 不 負 志 以 弱 人 而 ·遑舍。 致 來 逸 也, 險之衆 在 不 乃上疏 使 將帥 前 進。 氣 六合唾掌 賊 浮,軒眉 不必異兵, 以 臣 徒 當 或 敵數戰 聞 多 曰「臣聞國之大事, 更增, 銳, 家 是寵 孝行出於忠貞、節義率多果決。 便謂官號 攘 一可清; 强 貴子孫, 各能 之虜,欲令不敗 腕, 膽 壯 氣 居後以安身。 便以 克定。 失 盆 未 其 盛, 滿 攻戰自 軍 入 生民損 幢 也, 有湯武之賢, 重 統 唯祀與戎。 爵 ,豈有得 許。 三河 領, 兼 屢 耗, 復器 加 亦皆 方為 及 , 臨 茶 復疑 哉 械 放義託 猶 毒 大敵, 戰 戎之有 ! 不精, 德 須伊望之佐 地。 無 是以 賞 可 聊。 猹 怖惺 附。 感 功, 進止 何 之輕 兵 義 省? 主 知 交懷, 夫, 貴 在於將帥。 歎 一、金帛 不集,任羊質之 必 ,堯舜之聖,尚 戚子弟未經 動 恩可 臣 敗 哀, 之甚易,靖 雄 分始 H 勸死 啚 何 賜 集 [銳氣, 三代 而 戎 寢 帑 先

 贵異 **今**若捨 勁。 厲 謀 上 蕭斧而 夫 所 既設,辯士先陳,曉以安危,示 輕 伐朝菌,鼓洪爐而燎毛髮,雖愚者知 求 下所 重。 黜陟 幽明,賞罰 其 福福。 善惡。 其不旋踵矣。 如其不悛,以我義順之師討茲悖逆之豎 搜徒簡卒,練兵習武, 敢以 愚短,昧死陳誠。」 甲密弩强, 弓調矢

還。 高 州 唐城 言仍 叉詔 尋 拜假節、征虜將軍、陽平太守。 以招叛民,日思市乃命麾下幷率鄉曲潛軍夜往,出其不意,遂大破之, 以思令爲左將軍、南冀州刺史、 思令幷領冀州流民。及葛榮滅,還鎭平原 又割冀州之淸河、相州之陽平、齊州之平 假平東將軍、 都督。 時葛榮遣其清河 太守 徐乃收衆南 原 以為南冀 季虎據

後除 征東將軍、金紫光祿大夫,轉衞將軍、 右光祿大夫。 天平三年三月卒, 時年五十

一。贈驃騎將軍、定州刺史。

恃 慶從叔景略,起家中書博士。 太和中,尚書郎、本郡中正。 出爲齊州魏郡、平原一 郡

太守。卒。

尉。

卒,贈頓丘太守。

僕射李沖云「其人宜爲武職。」遂停。 景略弟雄,字仲略,容貌偉異。 以軍. 功爲給事中。 轉太尉咸陽王錄事參軍,遷伏波將軍、奉車都 高祖會對羣臣云:「路 仲略 好 尙 書郎

景 略從祖弟法常,幼而修立。 爲郡功曹。 早卒。 儀同李神儁與之有舊,每云三諸路前

韭 中有路法常足爲名士,謂必遠至,而竟無年,天下事誠難知也。」

弟 將軍 督厲 乃遣 濟州 朝請。 二年卒, 子 超為 東東 兵民,喻 中 人說亮, 啖以 ,轉平原太守,以清嚴稱。時冀州刺 房亮,字景高,清河人也。父法延,譙郡太守。 Ē 拜 年七十 荆 秘 奉朝請。 州 上書郎,又兼員外散騎侍郎,副中書侍郎宋弁使於蕭賾。 兼員 刺 以逆順,出城拒擊,大破之。 史。 (外常侍,使高麗,高麗王託疾不拜。以亮辱命, 樂利。 0 議者稱之。 亮留 贈 撫軍 亮即 心撫納,夷夏安之。 將 斬其使 軍 轉 小齊 平東將軍、滄州刺史, 州 人, 刺 史、京兆王 發兵防捍。 尋遭憂解任。 時邊州刺 |偷據州反,平原界在河北,與愉接境 亮好學,有節操。 愉怒, 入爲光祿大夫, 加安東將軍。 史例得 服終, 遣其大將張靈和 一子出身,亮 除左將軍、汲郡 坐白衣守郎中。 還,除尙書二千石郎 太和中,舉秀才,爲奉 不言 率衆攻亮。 太守。 其子 後除濟北 永安 遷前 而 啓 渝

子柬,字元約。卒於光祿大夫。

亮弟詮 字 鳳舉 0 尙 書 郎 、本州中正。 卒,贈撫軍將軍、齊州刺史。

列 傳 第 六 十 房 亮

陽太守,轉廣川 守,朝廷從之。 詮弟悅,字 季欣 凡歷三郡,民吏安之。 太守,加鎭遠將軍。 解褐廣平王懷國常侍,轉青州平東府中兵參軍 普泰 遷平東將軍、太中大夫。 中,濟州刺史張瓊表所部置 興和二年卒,年七十。 南 清 加宣威 河 郡 ٠, 將 仍 請 軍。 悅 贈征 為太 遷高

長子超,字伯穎。 武定末,司徒錄事參軍、濟州大中正 東將軍、濟州刺史。

超弟昭,淮州驃騎大將軍府長史。

喪父,舉止有禮度。性雅正,工尺牘,涉獵羣書。 曹世表,字景昇,東魏郡魏人也。 魏大司馬休九世孫。 祖謨,父慶,並有學名。

太和二十三年,尚書僕射、任城王澄奏世表爲國子助教,頗失意。後轉司徒記室。

威賈思伯、范陽盧同、隴西辛雄等並相友善。 侍中崔光,鄉里貴達,每稱美之。

遇患歸鄉

與武

安之。 兵事,自當煩劇,論者皆稱其能。 永平中,除兗州左將軍府司馬,非其所願,復以病解。延昌中,除淸河太守,治官省約,百姓 正光 中,拜前將軍、通直散騎常侍。 還都,拜司空長史。 大將軍、京兆王繼西征,以爲從事中郎,攝中水 孝昌中,青齊頻年反亂,詔世表持節

慰喻。還都,轉尙書右丞。

保城 等討 旨 辯 者 爲 **令**發 其 與 慰 不 了, 以 之 喻 自 之。 內 意, 子 軍 後 獲 恭 應。 固 加 賜 日 、辯皆州 親舊 征 於 馬二 戰 暮 房將 時 世 朝 出 可 表 賊 廷 匹、衣服被 城, 破 民 衆 以 軍,出 時 匿 患背腫 源 比 之望,爲 强 獲破 子恭所。 子 曉兵 斷 行 恭代世 小 豫 褥。 合。 殷 則僧珍自 州刺史。 之內應。 關 乃輿病 世表 表為 復 賊 驛 以 不意官軍卒至, 使不 召諸將 走,東 出 州 世 値 向 外, 表行豫 以 有 通。 蕭衍將湛僧珍陷東豫州, 吏, 南清服, 驛 呼統 世 表 至, 諸 衆責 州 爲 將 軍是云寶謂之日 事 知 東 以士馬單 ,行臺 子恭. 劉獲移 戰破 卿之功也。」乃簡 南 道 收辯 行 獲 如 軍欲 故 少,皆敗散之餘,不 臺,率元安平、元 諸城 斬 迎 之, 州民 悉平, 僧珍, 「湛僧珍所 傳首 選 劉獲、鄭辯 兵馬, 湛 京 去 師 僧珍 此 顯伯 付 以敢深入為 八 敢復戰 退走。 敕遣 + 寶討之。 、皇甫 反於州界, 里。 中使宣 今出 咸 鄧 唯 寇 欲 林 促 鄭

五 十四。 還 朝 |永熙中 加 左 將 , 贈 軍 平 兼尚 東將軍 書 東 齊州 道 行 刺 臺 史。 一,沿 河 分立鎭 戍 以 備葛榮。 行達靑州 遇患卒,時年

潘 永 字 紹 業, 長 火樂廣 宗 人 也。 父 靈虬 中 書侍郎 永基 性通 率,輕 財好 施 爲冀

列

鎭 夜防拒。外無軍援,內乏糧儲,從春至冬,力窮乃陷。 城都督、長樂太守。于時葛榮攻信都, 威 惠。 東府 轉揚州車騎 法曹行參軍 ,遷威烈將軍、揚州曲陽戍主,轉西硤石戍主,治陳留、南梁二郡 府主簿。 累遷虎賁 中郎將、直 長圍遏水以灌 一寢、前 州城。 榮欲害孚,永基請 消將軍。 永基 出 爲 與刺史元学同 持節、平 以身代学 北 將 ì 軍 死 剹 、冀州 事,頗 分 有 防

散 衞 寇,永基出討,破之。永熙中,爲征東將軍、金紫光祿大夫,遷車騎將軍 騎常侍、都督冀瀛滄三州諸軍事、驃騎大將軍、尚書右僕射、司徒公、冀州刺史。 大將軍,復除東徐州刺史。 永安二年,除潁川太守,遷鎭東將軍、東徐州刺史。 前後 在州,為吏民所樂。 代還京師,元象初卒,年五 時蕭衍 將曹世宗、馬 · 左 光 洪武 祿 大 十六。 等率 夫。 衆 尋 贈 加 來

長子子禮,州主簿。

子禮弟子智,武定中,太尉士曹參軍。

旭 度支郎 頗 涉子 朱元 中。 旭,字君昇,本樂陵人也。 史,開解几案。 神龜末,以郎選不精, 起家清河王國常侍。 祖霸,[刊]眞君末南叛,投劉義隆,遂居靑州之樂陵。 大加沙汰。 太學博士、員外散騎侍郎。 元旭與隴西辛雄、范陽祖瑩、泰山羊深、西 頻使高麗。 除尚 元

寶夤 尙 平源子恭並以才用見留。 元 地 加 書 平東 以立 旭 年六十七。 左 (啓云 入 義州, 丞。 見, 將軍、尚書左丞、光祿 「所統十萬, 於御 旣無 安置 贈本 座前屈指校計寶夤兵糧乃踰 風 關 操,俛仰隨俗,性多機數,自容而 將軍 四 歸款之戶, 食唯一 幽 尋加鎭遠將軍、兼尚書右丞, 仍郎中、本州中正。 大夫。 州 月。」 刺 史。 除元旭使持節、驃騎將軍、義州刺史。 於是肅宗大怒,召問 後轉司 農 少卿。 一年,事乃得釋。 틴。 遷衞將軍、左光祿 於時朝廷分汲郡、河內二界挾河之 所 曲。 除 錄、令以下,皆推罪於元旭。 通直散騎常侍。 大夫。 武定三年夏,卒於 時關西都督蕭 天平中,復拜 永安初,

子敬道,武定中,司 `徒長流參軍。

州

曹 修,唯兄及弟,並標儒 世 表、潘永基、朱元 史臣曰 :陽尼學義之迹,世不乏人。 旭,拔萃從宦,咸享名器,各有由 素。 李、路器尚所及,俱 固遠氣正 可 觀 者。 情,文學兼致。 也。 象 風 彩 詞 涉,亦當年之俊民。 賈思伯門有舊業,經明行 房亮

校勘記

南本

- 巧佞巧佞 按古時像 「巧佞巧佞」這類重疊句常寫作「巧二佞二」,傳抄刻板時就往往成爲「巧巧佞佞」。今從 諸本此句作「巧巧佞佞」,獨南本作「巧佞巧佞」,北史卷四七陽尼附陽固傳同南本。
- 子貴焉」。 君子貴焉 張森楷云:「『貴』與『耻』韵,若『行』則失諧矣。」按張說是,今從南、北、 百衲本、 汲本、局本「君子貴焉」作「殺身行焉」,南、北、殿三本及北史卷四七作「君 殿三本。
- _ 是說他死後的喪制,故下云:「臨終,又敕諸子一遵先制。」「緒制」無義,今據改。 固著終制一篇 諸本「終」作「緒」, 北史卷四七、册府卷八九八一〇六三四頁作「終」。 按這篇文章
- 之、俊之三人,加此傳的「詮之」,已有四人,疑作「五子」是。 固有三子 北史卷四七「三子」作「五子」。按此傳三子舉休之、詮之二人,北史五子、舉休之、綝
- 二五 又割冀州之清河相州之陽平齊州之平原以爲南冀州 本如上摘句。 按卷一〇六中地形志中濟州平原郡下云二武泰初立南冀州, 諸本「平原」的「平」字在「清河」上, 永安中罷州。」洪氏 獨局
- 時葛榮遣其淸河太守季虎據高唐城 以招叛民 諸本「據」字在「季虎」上,獨局本在「季虎」下、册

記

「よつ 祖霸 青州之樂陵郡」,敍事與此傳合。 霸乃元旭曾祖,這裏「祖」上當脫「曾」字。 墓誌集釋有朱岱林墓誌圖版三三八,乃元旭弟,誌稱「曾祖霸」,云霸宋元嘉時降宋,「仍居

一六二七

魏書卷七十二

列傳第六十一

奚康生 楊大眼 崔延伯

斫,投河溺死者甚衆。 鎮北大將軍,內外三都大官,賜爵長進侯。 卒,贈幽州刺 在 渚賊者,以爲直閤將軍。」康生時爲軍主,謂友人曰:「如其克也, 石,矢異常箭,爲當時所服。 天。 太和 從駕征 奚康生,河南洛陽人。 丈夫今日 十一年,蠕蠕頻來寇邊,柔玄鎭都將李兜討擊之。 鍾離,駕旋濟淮,五將未渡,蕭鸞遣將率衆據渚,邀斷津路。 何爲不決 乃假康生直閤將軍。 」。遂便應募,縛筏積柴,因風 其先代人也,世爲部落大人。 從兜爲前驅軍主,頻戰陷陳,壯氣有聞,由是爲宗子隊 後以勳除中堅將軍、太子三校、西臺直 放火, 史,諡 祖直,平遠將軍、柔玄鎮將。 康生性驍勇, 燒其船艦,依 日簡。 得暢名績,脫若 父 普憐,不 仕而 高祖敕曰「能破 有武藝, 烟 直 示 進, 捷, 主 飛刀 弓力十 卒。 入爲 命 亂 也 中

之。 弦 生 俱 敗, 而 率 死。 康生 Ŧi. 吐 康 京 百人拒戰,破之,追至 生 因俘其牛羊駝馬以萬數 騰騎奮矛,殺傷數十人,胡遂奔北。 胡 軍獨 反,自號辛支王。 全。 遷爲統 軍。 石羊城,斬首三十級。 康生爲軍主,從章武王彬討之。 率精騎一千追胡 辛支輕騎退走,去康生百餘步, 至車突谷, 彬甲卒七千,與胡對 詐爲 胡遣 墜馬, 精騎一千 戰,分 胡皆謂 邀路 彎弓射之,應 爲 死, 五. 斷截, 軍 爭欲 四四 取 軍 康

撫 業 肥、洛口三戍。 外,音信不通 來降也,遺康生領羽林一千人,給龍廐馬兩匹,馳赴壽春。 時 皆云狂弩。 城 賚。 率 刺史孟 樓,言辭不遜,肅令康生射之。 ·衆圍 蕭鸞置義陽□,招誘邊民。 俄而,蕭寶卷將桓和頓軍梁城,陳伯之據峡石,民心駭動,頗有異謀。 表頻啓告,高祖敕肅遣康生馳往赴援。一戰大破之,賞二階 渦陽,欲解義陽之急。詔遣高聰等四軍往援之,後遣都督、 以殺伏護,賞帛一千匹。又頻戰再退其軍,賞三階, 以功遷征虜將軍,封安武 固城一月,援軍乃至。 康生 以强弓大箭望樓射窗,扉開 復爲統軍,從王肅討之,進圍 康生出擊桓和、伯之等二軍, 縣 開 國男,食邑二百戶 旣入其城, 即入, 帛五 其城。 廣陵侯元衍,並皆敗退。 應箭 並破走之,拔梁城、合 百 命集城內舊老,宣 ,帛一千匹。及壽 匹。 而斃。 鸞將張伏護自昇 蕭寶卷將裴叔 康生乃防禦內 彼民見箭

出爲南青州刺史。 後蕭衍郁洲遣軍主徐濟寇邊,康生率將出討,破之,生擒濟。 賞帛

千匹。 集文武,乃用平射,猶 時蕭衍聞康生能引强弓,力至十餘石,故特作大弓兩張,送與康生。 有餘力。 其弓長八尺,把中圍尺二寸,箭粗殆如今之長笛,觀者以爲 康生得弓,便會

希

世

一絕倫。

弓卽表送,置之武

庫

驊騮御胡 別將,領羽林三千人,騎、步甲士隨便割配。 黑徐州刺 青州諸 叉 蕭 軍擊走之。 馬一匹。 史,領衆二萬,水陸俱進,徑圍高 衍 遣將宋黑率衆寇擾彭城,時康生遭母憂,詔起爲別將、持節、假 後行復遣都督、臨 川王 塚戍。 蕭宏、二副將張 康生一戰敗之。 韶授康生武衞將軍、持節、假 惠紹勒甲十萬規寇徐州,又假宋 還京,召見宴會,賞帛千匹,賜 平南 平南 將軍,領 將軍 南

未發 所劾 詔 遣 本不 们,削 康生 之間,郁 出 為 除 行 平西將軍 迎接,賜細 官爵。 洲 復叛。 、華州刺史,頗有聲績。 尋旨復之。 御銀纒槊一張幷棗柰果。 時揚州別駕裴絢謀反,除康生平東將軍,爲別將,領羽林四千討之, 蕭衍直閣將軍徐玄明戍於郁洲, 轉涇 面敕曰:「果者,果如朕心;棗者,早遂朕意。」 州刺史,仍本將軍。 殺其刺史張稷,以城內附 以輒用官炭瓦爲御史

趣 縣竹。 遭父憂,起爲 至隴右,世宗崩,班師。 平 西將軍、西中郎將。 除衛尉卿。 是歲,大舉征蜀,假康生安西將軍,領步騎三萬 出為撫軍將軍、相州刺史。 在州,以天旱令人 邪

列

傳

第

六

鞭石虎 畫像 復就 西門豹祠祈雨,不獲, 令吏取豹舌。 未幾,二兒暴喪, 身亦遇疾, 巫以爲

虎、豹之祟。

禁內,時或迭出。 左 右。 拜光 與子難娶左衞將軍侯剛 禄 卿,領右衞將軍。 叉以康生子難爲千牛備身。 女,卽元叉妹夫也。 與元叉同謀廢靈太后。 叉以其通姻, 遷撫軍大將軍、河南 深相委託,三人率多俱宿 尹,仍右衞,領

泣。 在 出,令侍中、黄門、僕射、尚書等十餘人就 輔,乃得定。 侍皆唱萬歲。 宣光殿。 朝 西,更復訪問誰。」羣臣莫敢應。 太后,舉手、蹈足、瞋目、頷首爲殺縛之勢。太后解其意而不敢言。 靈 內矯詔決之。 太后于西林園,文武侍坐,酒酣迭舞。 康 語其子云:「我不反死,汝何爲哭也。」有司驅逼,奔走赴市。 生性粗武、言氣高下、叉稍憚之,見于顏色,康生亦微懼不安。 侯剛曰:「至尊已朝訖,嬪御在南,何勞留宿。」康生曰:「至尊,陛下兒,隨陛 肅宗旣上殿,康生時有酒勢, 肅宗引前入閤,左右競相排,閤不得閉。 康生 一如奏, 難恕死從流 靈太后自起援肅宗臂下堂而去。 康生所訊其事 將出處分,遂爲叉所執, 難哭拜辭父,康生忻 次至康生,康生乃爲力士舞,及於折旋, T,處康 康生奪其子難千牛刀,斫直後元 生斬 子発死, 時已昏闇,行刑人注刀數 刑 康生 鎖於門下。 ,難處絞刑。 日暮,太后欲攜 正光二年三月,肅宗 大呼唱萬歲於後,近 又亦慷慨, 至曉, 叉 毎 下將 肅宗 與 T 叉不 不 |剛| 顧 思 悲 東 並 宿 視

下不死,於地刻截。 咸言禀叉意旨, 過至苦痛。 嘗食典御奚混與康生同執刀入 內, 亦就·

綾刑。

康 生久爲將,及臨州尹,多所殺戮。 而乃信向佛道,數捨其居宅以立寺塔。 凡歷四州,

皆有建置。死時年五十四。

子難,年十八。 以侯剛子壻得停百日,竟徙安州。 後尚書盧同爲行臺,又令殺之。回

圖,故崩耳。」康生稱然。 康生於南山立佛圖三層,先死忽夢崩壞。 竟及禍。 靈太后反政,贈都督冀瀛滄三州諸軍事、驃騎大將軍、司 沙門有爲解云:「檀越當不吉利,無人供養佛

空公、冀州刺史,又追封壽張縣開 國侯,食邑一千戶

子剛、襲。武定中、青州開府主簿。齊受禪、爵例降。

剛弟定國,襲康生安武縣開國男。

沖弗許,大眼 寒之切。 楊大眼,武都氐難當之孫也。 太和 曰:「:: 中,起 尚書不 家 奉朝請。 見知,聽下官出一技。」便出長繩三丈許繫髻而走,繩直 時高 少有膽氣,跳走 祖 自代將南伐,令尚書李沖典選征官, 如飛。 然側出,不爲其宗親顧待,頗有飢 大眼往求焉 如矢,馬馳

內附 從 僚 不 高 日: 及,見者莫不 祖 「吾之今日, 、游 征宛、葉、穰 眼 與 奚 ·驚歎。 康 生等率衆先入,以 鄧、 所謂 沖曰「自千載以 九江、 蛟龍 得 鍾離之間 水之秋, 功封 來,未 ,所經 自 安成 此 縣 戦 有逸材若此者也。」遂 舉終不 開 陳 莫不 國子,食邑三百戶 復 勇冠六軍。 與諸君 齊 列 用 世宗 0 矣。」 爲 除 軍主。 初,裴 直 未 閤 幾, 將 叔業 大眼 遷 軍 為 , 尋 以 顧謂 統 壽 加 軍 春 同

國

將

軍

擊將

軍

場, 軍 之。 也。 或 大眼 出 並 爲 妻 驅 征 潘氏 虜 林 將 壑。 軍 善 ` 及 騎 東荆 至 射 自自 一還營, 州 刺史。 詣 軍省大眼 同 坐幕下 時蠻角樊秀安等反, ٠, 至 對諸僚佐, 一於攻陳 遊 言笑自得, 獵 詔 之際 大眼 大 爲 別將, 眼 時指之謂 令妻潘 隸都督李崇, 戎裝, 人日 或齊 川此 潘 討平 鑣 將 戰

軍 軍 軍、持節 州 東 申天 爲 刺 西二道。 史雷 别 蕭 化 將 衍 都 豹 遣 俘馘 與都督 屬水汎長,大眼所綰統 督 狼、 其 統 前 軍 七 軍 江 邢巒討 手 主 曹 州 曹仲 有 敬 刺 餘 史王茂 |邴 破 宗等領衆二萬 虬 之。 衍 又遣 樊魯 先 遂 率 乘 軍劉神符、公孫祉 其 等諸軍討 衆 勝 舅 數 長 張 偸 萬 驅 惠 據 次于 , 紹 河 茂 與 總率 南 先 樊雍, 中 城 等, Щ 衆 兩軍夜中爭橋奔 王 軍,言 招誘 大破之, 世宗以大眼爲 英 同 蠻夏,規立 重 竊據 鍾 斬 離 行 宿 輔 武 退,大眼 豫 大 宛州, 或 衞 眼 將 將 叉假 軍 軍 軍 又令其所署宛 城 王花、 不能禁,相尋 大眼 東, 假 平 守 龍 平 南 淮 東 驤 將 橋 將 將

而走,坐徙爲營州兵。

堰 浮 時 徵 大眼為 Щ 人 ,不能克。 遏 思 永 淮 其 平 雄 中, 太尉長 規浸壽春, 勇,喜其 遂於堰上流鑿 世宗追 、史、持節、假 更用,臺省閭 其 韶加大眼光祿大夫, 率諸軍鎮荆山 、前勳, |渠決水而還,加平東將 起為 平南將 巷、觀者如市 試守中山 軍、東征別 內 史。 ·o 將,隸 大眼 軍 時高肇 次谯 都督 征蜀, 南,世 三元遙, 復 其封邑。 一宗崩 世宗慮蕭衍侵軼徐揚, 遏禦淮 後與蕭寶夤俱征 時 肥。 蕭行遣將康絢 大眼 至京師 淮 於

眼 將 張 泣 王 軍 肅 弗 [::「旗 之過 自為 弟子秉之初歸 未渡江,預皆 眼 也。 將 善騎乘,裝束雄竦,擐甲折旋,見稱當世。 鼓 帥,恒身先兵士,衝突堅陳,出入不疑,當其鋒者,莫不摧拉。 相 然征 望, 畏懾。 瞋 淮 國也,謂大眼曰:「在南聞君之名,以爲 眸 堰之役,喜怒無常,捶撻過度,軍 奮發, 傳言淮泗、荆沔之間有童兒啼者,恐之云「楊大眼至」,無不 足使君 目 不能 視,何必 撫 大 士 巡 頗 如 士卒,呼爲 《慽焉。 車輪。」當 眼 如 車輪。 識 見子,及見傷痍,爲之流 世推其驍果,皆以爲關 者 以 及見,乃不異人。」大 爲性移 南賊前後所遣 所致 卽 督

等若 荆 蠻 相 作 叉 謂 賊 以 吾 本 將 政 軍 楊 如 出 公惡 此 爲 相 荆 人, 殺 州 也。 常作 刺 史。 叉 我蠻形以射之。 北清郡 常縛 蒿 嘗有虎 爲人,衣 害, 又深山之虎尙所不 以 大眼 青布 搏 而 而 射之。 獲之, 召 ·免。 」 斬 諸 其 蠻 遂 頭 渠指 懸 不 敢 於 示 復 穰 之曰:「 市。 爲 寇 É 是 卿

列

僔

第

六

十

在 州 二年 而

也。 有三子,長甑 大 眼 雖 不 學,恒遣人讀書,坐而聽之,悉皆記識。 生,次領軍,次征南,皆潘氏所生,氣幹咸有父 令作露布,皆口授之, 風 而竟不多識字

還京, 怖,走入水,征南又彎弓 大眼怒,幽潘 上抱之,左右扶挾以叛。 指其腹謂 初,大眼 出城東七里,營車 甑生等曰:「開國當我兒襲之,汝等婢子,勿有所望!」甑生深以爲 徙 營州, 而殺之。 潘在洛陽,頗有失行。 後娶繼室元氏。 ·射之。 而 荆人畏甑生等驍勇,不敢苦追。 宿。 甑生曰:「天下豈有害母之人。」乃止。 夜二更,甑生等開大眼棺, 大眼之死也, 甑生等問印綬所在。 及爲中 山,大眼側生女夫趙延寶言之於大眼, 奔於襄陽,遂歸蕭 延寶怪 而問之, 遂取大眼屍, 征南 恨。 時元始懷孕, 衍 射殺 及 大眼喪將 之。 令人馬 自 元

淮遊軍 聚結,延伯輒自討之,莫不摧殄,由是穰土帖然,無敢爲 討,咸立 ,帶濠 延伯 戰 功。 博陵 口 戍 積勞稍進,除征虜將軍 人也。 主。 太和中入國,高祖深嘉之,常爲 祖壽,於彭城陷入江 、荆州 刺史,賜爵定陵男。 南。 延伯有氣力,少以 統 帥。 膽 氣絕 荆州土險,蠻左爲寇,每有 勇壯聞。 人, 兼 有謀 仕蕭 略, 賾,為緣 所 在 征

患。

别 去 輞 將 永 削 與都督 平 銳 中 其 轉後 崔亮討之。 輻 兩 將 兩 軍 接 對,揉竹爲 继 亮令 州刺 延伯守 史。 絙 下蔡。 蕭行遣其左遊擊將軍趙祖悅率衆偷據 一,貫 連 相 延伯 屬, 與別將 並十餘 伊発生 道 横水 挾 爲 淮為 橋, 營。 兩 頭 峽石, 延伯 施大轆轤 遂 詔 取 延伯 車輪, 出沒 爲

虜。

於

軍

弃

平

南

將

軍

光

禄

大夫。

任

情

不

可

燒斫。

旣

斷

祖

悅

等走

路,

又令舟舸

不通,

由

是衍軍不能赴救,

祖悅合軍咸見俘

量算, 願 國 臣 卿之所言, 聖 之名 今 ì 延 輒 各出 愍 將 伯 難 水 與 大 比 深是 楊 兵之勤 眼 平 圖 大 峽石, 旣 以 、眼等 宜 爲 一要,當 苦, 對 後 聖顏 至 公 給 計。 私 自 敕 復 准陽, 慶快 答旨 大眼 如 年, 請 靈太后 此 宜實、水南 對 專 乃卿 目 習 水 幸西林園 等之功 臣 戰 水 輒 北 謂 脫 也。 各 有 水 引見延伯等。 不 有 陸二道,一 但 虞, 溝 |淮 瀆, 堰 召 仍在, 陸 便 地 時 可 之計 太后曰:「 用, 俱下,往 宜 須豫謀, 往 如 無不獲。」 何 卿等志尚雄猛,皆 無 口 前 ? 不克。」延伯 故引 愚 靈 卿等親共 太后 臣 短

當 將 軍 利 行 縣 二年, 開 岐 或 州 除 男 刺 安 食邑二 史,假 北 將 軍 征 百戶 四將 并 , 州 、尋增 軍 刺 史。 賜 Ë 驊 騮 在 百戶 州 馬 貪汙,聞於 改 匹。 封 新 E 豐 光 遠近。 五. 進 年 爵 秋 還爲 爲 以 子。 往 金紫光祿 在 揚 州 大夫。 建淮 橋 出 之勳,封 爲鎭南

時 莫 折 念 生 兄 天 生 F 隴 東寇 征 西將軍元志爲天生所擒, 賊衆甚盛, 進屯黑水。 詔 延

列

戰 荷 隴 伯 明 馳 賊 親 以 向 晨 或 徒 觀 徑 見 延伯 寶夤 秦 奪 之, 賊 計 竉 至 賊 營 賊 氣 寶 靈 懼 申令 勁 夤 壘, 日 寶 總 相 有 强 自 將 揚 夤 戎 率 虧 諸 謝 此 還 出討 率 士 威 損 贼 營。 將 衆 仍云 脋 身 非 所 之,徐而 延 於 便 先 老 憚 寶夤 伯 水 是安危所 土 奴 今當 東 不 卒 朝 敵 尋 大 與 下,陷 還退。 公公 廷 、其戰 仰爲 悅 原 初 其 但 西 繫, 議 謂 前 北 明 坐 遣將 身自 賊 官屬 公 毎 看 , 鋒 以 以示 參 云 延 殿 日 賊 賊 咸 後 於 後 伯 後 是 勇怯 不 云 日 衆 繼 1,延伯 崔 抽 勇 非 可討,以示 少 延伯 銳 公,古之關 衆 ٠, 於 競 延伯 東 開 時賊 勒衆而 渡, 營 進,大破之,俘斬 無 競 選精兵 以定之, 怯懦 轉 衆 追, 運 張 大盛, 出 也。 如 , 衆 數 損 果能 寶夤 神, 過 千, 威 一十倍, 水 今年 挫 須 克敵 爲 西 下 氣, -臾 後 何 渡 餘 、濟盡, 里 患不 拒 臨 黑水 乃 萬 水 營營連 君之罪。」 授 追 逼 右 制 天 徐乃 愛。 賊。 列 衞 奔 生 悉 接。 陳 將 及 自 延伯 延伯 寶夤 衆 於 西 軍 渡。 延 進 小 來

定, 挑 戦 甲 大兵未交,便示奔 卒 + 萬 鐵 馬 八 北。 千 匹 延伯矜功負 軍 威 甚 盛 勝, 醜 奴 遂唱議 置 營涇 先驅 州 西 北 伐 七 木別造 + 里當 大排, 原 城 內 爲 或 鎖 輕 柱 騎 教 暫 來

始,

同

時

發

雍

從

六陌

道

將

取

高

平。

志

敗

仍

停

涇

部

延

伯

旣

破

秦

賊

乃

與

寶

夤

率

衆

會

於

安

於

時

万

俟

醜

奴

宿

勤

明

達

等寇

掠涇州

0

先

是

盧

祖

遷、

伊

瓮

生

數

將

等皆

以

元

志

前

行

之

勤 强 餘 逃 彭 敗 間 爾 抗谷 行,有 死 遁, 逐北 明 達 賊 負而趨走,號爲排城,戰士在外,輜重居中,自涇州緣原北上。 傷者將有二萬。 見兵人採掠, 栅 ,徑造其營。 率衆自 數百騎,詐持文書,云是降簿,乞且緩 七里結營。 京北而至,乞降之賊從西競下,諸軍前後受敵。 賊本輕騎,延伯軍兼步卒,兵力疲怠,賊乃乘間得入排城。 散亂不整,還來衝突,遂大奔敗。 延伯 寶夤斂軍退保涇州。 耻前挫辱,不報寶夤, 延伯修繕器械、購募驍勇、復從涇州西進,去賊 師。 獨出襲賊,大破之,俄頃間平其數栅。 寶夤、延伯謂其事實,逡巡未閱。 延伯中流矢,爲賊所害,士卒死者萬 延伯上馬突陳,賊勢摧挫,便 衆軍將出討賊、未戰之 延伯軍遂 俄而 賊皆 大 宿

延伯 死, 延 伯 朝 善將撫,能得衆心,與康生、大眼爲諸將之冠,延伯末路功名尤重。 野歎懼 焉。 贈使持節、 車騎 大將 軍、儀同三司、定州刺史,諡曰武烈。 時大寇未平而

大震。 叉 有 世 宗 王足者, 復 以羊 驍果多策略。 祉 爲 益 州,足聞而 隸邢巒伐蜀,所在 引退, 後 遂 奔 蕭 克捷。 行。 次 詔行 有 益州刺 王神念, 史。 足之流 遂 圍涪城,蜀人 也。 後 自 潁

叉 翼州 列 傳 第 人 李 六 + 叔仁,叔仁弟龍褒,以勇壯爲將統。 雈 延 伯 叔仁位至車騎大將軍、儀同三司、陳郡 六三九

川太守

奔

江

南

一大四〇

襲、柴慶宗、宗正珍孫、盧祖遷、高智方,俱爲將帥,並有攻討之名, 秦州刺史曹敬、南兗州刺史樊魯、益州刺史邴虬、 開 國公。 後為梁州刺史,歿於關西。 龍壤,正光中北征,戰死白道。 玄州刺史邢豹及屈 而事迹不 其平州刺史王買奴 祖 、嚴思達、呂叵、崔 ·存, 無以編錄。 南

然未若康生、大眼、延伯尤著也。

也。 康生等俱以熊虎之姿,奮征伐之氣,亦一時之驍猛,壯士之功名也。 史臣曰:人主聞鞞鼓之響,則思將帥之臣。 何則? 夷難平暴, 折衝禦侮, 爲國之所繫

校勘記

後行復遣都督區川王蕭宏 五{邢 傳及同書卷二武帝紀天監五 作「蕭密」 卷八世宗紀正始三年四月條作「蕭容」, 戀傳也有「蕭密餘軍、猶自在彼」的話。 但其人本名宏,今不回改。 年記載這次戰事。 删府卷三五三四一九二頁「宏」作「密」。按蕭宏,梁書卷二二有傳,本 也是諱改,九月條作「蕭宏」,乃後人所改。這裏舊本當 當是魏書避元宏諱改「宏」爲「密」,非字訛。 本書卷九八蕭衍傳稱之爲「臨川王蕭密」, 他 卷六 處如

記

叉」。

行又遺其舅張惠紹總率衆軍 按卷九八蕭衍傳說「惠紹,行舅子也」,不知是此脫或彼衍。然

梁書卷一一張弘策傳,弘策乃蕭衍從舅,范陽方城人。同書卷一八張惠紹傳,義陽人,不言和

蕭衍有親,且不載其父名位。 魏書以惠紹爲蕭衍舅或舅子,實誤。

魏書卷七十四

列傳第六十二

介朱榮

以居秀容川, 祖 加罪。」部 義將軍。 祖代勤 所居之處,曾有狗舐地,因而穿之,得甘泉焉,至今名狗舐泉。羽健,世祖 曰:「臣家 羽健,登國 余朱榮,字天寶,北秀容人也。其先居於
次朱榮,字天寶,北秀容人也。其先居於
余朱川,因爲氏焉。常領部落,世爲酋帥。 繼 曾圍 世奉國,給侍左右。 內聞之,咸感 爲領民酋長。 初爲領民酋長,率契胡武士千七百人從駕平晉陽,定中山。論功拜散騎常侍。 詔割方三百里封之,長爲世業。 Щ 而獵,部民射虎,誤中其髀,代勤仍令拔箭,竟不推問,曰:「此旣過誤,何忍 其意。 代勤,世祖敬哀皇后之舅。 北秀容旣在剗內,差近京師,豈以沃塉更遷遠地。」太祖許之。 高宗末,假寧南將軍,除肆州刺史。 太祖初以南秀容川原沃衍,欲令居之,羽健 以外親兼數征伐有功,給復百年,除立 高祖賜爵梁郡公。 時卒。 曾祖鬱德, 以老 高

列

傅

第

六

+

尒

朱榮

致 諡 (仕,歲) 日 莊。 賜帛百匹以爲 孝莊 初, 傑有翼戴之勳,追贈太師、司徒公、錄尚書事。 常。 年九十一,卒。 賜帛五百匹、布二百匹,贈鎭南將軍、幷州刺史,

光 贈散 畜 压。 亦 別 於 牧 報 禄 馬前 爲羣,谷量 騎 於 以 大 父新 名馬。 常侍、 夫。 Ш 澤,射 新 興,太和 興異之,謂曰:「爾若有神,令我畜牧蕃息。」自是之後,日覺滋盛,牛羊駝馬,色 及遷洛後,特聽冬朝京師,夏歸部落。 而已。 平北將軍、恒州 轉散騎常侍、平北將軍、秀容第一領民酋長。 獵 自娛。 中,繼爲酋長。 朝廷 肅宗世,以年老啓求傳爵於榮,朝廷許之。 每有征討,輙獻私馬,兼備資糧,助裨軍用。 刺史,諡曰簡。 家世豪擅,財貨豐贏。 孝莊初,贈假黃鉞、 每入朝,諸王公朝貴競以珍玩遺之,新興 曾行馬羣,見一白蛇,頭有 新興每春秋二時,恒與妻子閱 侍中、太師、相國、西河郡 正光 高祖嘉之,除右 中卒, 年七十四。 兩角,遊 「將軍、

新 肅 年已衰暮 興, 衆莫敢 樂潔 曾 與 白,美容貌,幼而 當 犯。 〈榮遊 爲 汝 秀容界有池三所,在高 池 耳。 Ŀ, 忽聞簫 汝 其 神機明決。 勉之。 鼓 心一一之一一 山之上,清深不 及長,好射獵,每設圍誓衆,便爲軍陳之法,號 新 興謂榮曰:「古老相傳,凡聞此聲皆 測,相 傳日 祁連池,魏 至 言 公輔 天 池 也。 令嚴 吾今 父

|榮襲爵後,除直寢、游擊將軍。 正光中,四方兵起,遂散畜牧,招合義勇,給其衣馬。 蠕

擊,度 州 諸 祿 西, 別 殺 嶿 將 軍 大 太 刺 僕 夫, [5円] 以 假 磧 史 卿 與 那 內 功 尉 假安 不不 撫 附 費 陸 瓌 封 慶賓畏 軍 叛 及 寇 也 延 安平 北 將 ~; 幷州 胡 掠 頭 而 將 軍 北鄙 還。 牧 乞 縣 進 惡之,閉 軍 子 開 牧 步落 封 爲 秀容 認 迭 或 子 博 北 相 侯, 素 假 堅 城 陵 掎 內 道 榮節 和 胡 附 不 郡 角 食邑一 都 婆崘 劉 胡 納。 公 督。 冠 樂 311 民 嶮 增邑五 榮怒, 千 如 率 尋 軍. 乞扶莫于 作 等作 騎 除 卢 將 逆。 破 0 武 軍 攻拔 百戶 洛 亂 衞 尋 樂 別將, 陽 瓜 破 將 加 0 之, 並 肆 於 郡 軍 通 其 前 深 俄俄 乃署 隸都 直 梁 殺 後 井, 散 討 郡 加 太 敕 督 其 騎 守 逐 使 平 前 勒 李崇 從 ·; 南 持 牧 之。 常 爵 北 叔 節 子 侍 列 北 聽 羽 秀容牧子 於 遷 步 生 賜 征 安 直 河 若反 第 爲 敕 北 閤 西。 勒 刺 榮 將 將軍、 於沃 萬 史, 斛 子。 率 軍、 進 其所 子 律洛陽 號 執 陽, 都 乞 時 冠 慶賓 平 樂 部 督 眞 軍 \equiv 北 作 率 恒 .將 反 四 於 將 千人 衆 朔 逆 榮 叛 重 秀容 軍 討 至 並 , 肆 追 滅 仍 虜

宗 一樂 恒 不 爲 雲 許。 左 鮮于 州 軍 脩 又遷 示不 諸 禮 軍 車 事 之反也,榮 ,進爲 騎 及葛榮 將 軍 大 右 吞 都 表 光祿 洛 督, 東討 周 加 復 大 X 金 夫, 紫 勢轉 進 尋 號 光 進位 盛 禄 征 大 東 夫。 樂 將 儀 恐 軍 同 其 時 右 司 南 杜 衞 洛 逼 將 鄴 周 軍 城 陷 中 假 表 Щ 車 求 騎 遣 於 將 時 騎三千 軍 車 駕 都督 聲 東 援 將 并 相 北 州 汾 廣

自

兵

威

漸

盛

朝廷

亦

不

能

罪

漬

也。

尋除

鎭

北

將

軍

樂 以 Щ 東 賊 盛 慮 其 西 逸, 乃遣 兵固守滏口以防之。 復 上 書日 臣前 以二 州 頻 反,大

列

傳

第

臣愚量、蠕蠕主阿那瓌荷國厚恩、未應忘報、求乞一使慰喻那瓌。 隣賊,理無發召,王師雖衆,頻被摧北,人情危怯,實謂難用,若不**更思方略,無以**萬 費穆虎旅,大翦妖蠻,兩絳狂蜀,漸已稽顙。」又承北海王顥率衆二萬出鎭 亦 軍 勢可分。」於是榮遂嚴勒部曲,廣召義勇,北捍馬邑,東塞井陘 口 名位崇重,鎭撫鄴城,實副羣望。 命,自井陘以北,隘口以西,分防險要,攻其肘腋。 息圖 ,揚威振武,以躡其背,北海之軍,鎭撫相部,嚴加警備,以當其前,臣麾下 喪敗,河北無援,實慮南侵,故令精騎三千出援相州,京師影響,斷其南望,賊 使還,奉敕云『念生梟勠,寶夤受擒,醜奴、明達並送誠款,三輔告謐, 惟願廣其配衣,及機早遣。 葛榮雖幷洛周,威恩未著,人類差異,形 今關西雖平, 兵未可役, 即遣發兵東引, 相州。 雖 聞此衆,當 少, 北海 關 雕 直趣下 輒盡力 載 如

惋。 天下不爲怪愕,四海不爲喪氣,豈可得乎?復皇后女生,稱爲儲兩,疑惑朝野,虛行慶宥,宗 左右,親貴名醫,瞻仰患狀,面奉音旨,親承 廷,討定之。 今海內草草,異口一言,皆云大行皇帝,鴆毒致禍。 日聖體康念,至於二十六日奄忽昇遐。 尋屬肅宗崩,事出倉卒,榮聞之大怒,謂鄭儼、徐紇爲之,與元天穆等密議稱兵入匡朝 乃抗表曰:「伏承大行皇帝背棄萬方,奉諱號踴,五內摧剝。 顧託。 卽事觀望,實有所惑。且天子寢疾,侍臣不離 豈容不豫初不召醫,崩棄曾無親奉,欲使 臣等外聽訟言,內自追測。 仰尋詔旨,實用驚 去月二

邊烽 之日 款 甚 天 臨 秦 廟之靈見欺,兆民之望已失,使七百危於累卵,社禝墜於一朝,方選君嬰孩之中, 有 に、於 之耻 隴 言 几 聽 塵 海 迭 使姦 臣 邦 是遂 . 謝遠 舉 飛 赴 欲 之不 豎 使 趙 闕 妖 勒所 專朝 近之怨。 ,預參大議,問侍臣帝崩之由, 海內安义,愚臣所未聞 魏 寇 臧 霧 不 ,隣之福 統 了,贼臣亂紀,惟欲指影以行權,假形而弄詔,此則掩眼捕雀,塞耳 合 ·滅,況今從佞臣之計 將 赴京 寶夤、醜 然後 也。 師 更召宗親,推其年德,聲副 奴 一旦聞此,誰 靈 勢逼 太后 也。 豳雅、葛榮、就德憑陵河海、楚兵吳卒密邇在郊。 甚懼, 詔 隨親 伏 不闚關? 願 訪禁旅不知之狀,以徐、鄭之徒付之司 留聖善之慈,回須 戚之談,舉潘嬪 以 李神 竊惟 軌 遐邇,改承寶 爲 大行 大都 之女以 皇帝聖德馭字,繼體 督 () 與之慮,照臣忠誠,錄臣 」, 將 介,則 誑 於 百姓,奉未言之兒而 大行 四海 杜 更蘇 盜 寄治乳抱 百百 敗, 正 鍾。 古君,猶 古人 1姓幸 雪 · 至 同

劭、 弟始平王 等六王 見 莊 帝 樂 子 抗 具 孫 表 論 像 之始,遣從子天 子 樂 正 成 心,帝許之。 者當 於 高 渚潛 奉爲 渡 光、 主,惟 天 以赴 光等還北,榮 親 莊帝 信 之。 奚毅 獨 樂軍 就 及 倉頭 發晉陽。 將 師 土 次 王相 咸稱萬 河 内, 入洛 猶 重遣 歲。 疑 所立,乃以 與從弟 於 王 時 相 武 密 世隆 泰 來 銅 奉 元 鑄 密 迎 年 議 高 帝 四 祖 廢 月 立。 與 及 九 咸 兄 日 彭 陽 天 也 城 光 王 禧 乃

令、 領軍將 十· 一 日 軍 領 樂奉 左 帝 右 爲 主 太 原王,食邑二萬戶。 詔 以 樂 爲 使持 節 侍 十二日,百官皆朝於行宮。 中、 都督 中 外諸軍 事、大將 十三 軍 開 日 府、 樂惑武衛 兼 尙 書

列

如等 榮旣 樂 明帝 已移 禪文,遣數十人遷帝 將 不 千三百餘 人 可 力 目 軍 ん也。 市 等曰:「未若還奉長樂,以安天 爾。 广,天 ·費穆 有異 卒 切諫,陳不可 崩 命有在,宜時即尊號 圖 之由 我 王迭襲,盛衰 人, 之 樂亦精 一、遂鑄 本 說 皇弟、 相 乃引 云皆緣 神恍惚,不自支持,久而 投,規存 之理。 金爲己像,數四不 皇兄 於 迎駕百官於行宮西北,云欲祭天。 無常 此 河 性命, 並 等貪 橋 ·,旣屬· 亦 (虐,不 見害,靈太后、 至夜四更中 將 帝 屯運, 軍 王 下。 必若推 重位 相 成。 匡 於是還奉莊帝。 四 時幽 方悟,遂便愧悔。 **,**豈敢妄希,直是將軍 弼 ٠, 方瓦解。 而 所 少主其 復奉帝 州 不 致。 居,存魏 人劉靈助 因 南還 將軍 日暴崩 縦 朝廷, 兵亂 朝士旣集, 營幕。 杖義 + 社 善 稷, 於是獻武王、榮外 四 害,王 r 樂遂 而 日,輿駕入宮。 今日安危之機 占,爲榮所信,言 亦 見逼, 帝憂憤 起 任 ~, 前 有 公卿士皆斂手就戮,死者 列 更擇親賢 大 騎 權順 無 (無計, 志 圍遶, 横 一令御 陳,此 所請 兵 乃令人喻旨 計 責 参軍 將 耳。 天 共 史趙元 天下 乃天意,非 時 何 相 出 今璽 司 輔 人 喪亂 馬 事 戴 則 獻 運 於 造 子 必

安,大兵交際,難可齊一,諸王朝貴橫死者衆,臣今粉軀不足塞往責以謝亡者。 王室,志存 逃 竄 時或云榮欲遷都晉陽,或云欲 無敢 效死。 出 直 直 以 太后淫 **衞空虛,官守** 亂 孝 明暴崩 廢 、肆兵大掠, 迭相驚恐, 曠。 樂聞 逐 率義兵, 之,上書 扶立 曰 三臣 人情 社 稷。 世荷蕃 駭 震,京邑士 唑 下登祚之始, 征討 子 累年 不 然追榮褒 人 存, 情 奉 忠 率

濫 南 不 均 請 德 士 貴 其 尹 逃亡者 贈 謂 、洛陽 高 令 釋 之不 武定 僕 下 往 亦 節 事 朽, 乞降天 何 五. 稍 中 級 陰),貫 品 齊文 别 來 執 之官 科, 歸 切 事 於 闕 之官, 襄 使 各 慈、微 懷 王 恩 贈 榮又 始革其失,追 洽 方 參 可 申 存亡, 伯 論 奏請 如 私 國 所 六晶 責。 治 番 表 有 _____ 經經 直 慰 已 無 自 褒 綸 下 朔 生 上王 有 兹已 望 王 死 及 典 _ 0 L__ 之 請 白 道 焉 後, 詔 日 民 追 以 引 9 帝 贈 贈 日 榮啓帝 爲常式 終 見三公、 以 覽 鎭 號 叨 濫 表 郡 遣 諸 不 令僕 使 庸 王、刺史乞贈 勝 諸 循 人 鯁塞。 死 賤 城 尙 者 一勞問 HH 書、 無 動 朕 後 三司 德 九 於 至 聽 大 卿 是 行 繼 (官,爲 及 人 無 其 位 情 感 卽 司 授 州 遂 識 致 班 封 三品品 者 玆 河 酷 朝 所

錄 周 王 榮 尙 道 爱 書 中 五. 戴 缺, 月, 事 `, 餘 朕 樂還 齊晉 躬 如 晉陽。 故 推 立 濟 臨 萬 世 七月, 之忠; 或 勳 詔 踰 殷 目 祚 伊 霍 或 乾坤 虧, 功 格 統 彭 物 津 儀, 振 星 救 象 王室 時 贊 之節 其 不 功; 壞 , 皇 自 伊 王 前 人 御 朝 是 運, 失 賴 御 股 可 厄 肱 柱 運 匡 國 [其業] 荐 大將 臻 是以

易 旣 悉 與耳 久, 被 殘 時 横 略 葛 行 榮 諸 河 榮 將 人 北 俱 啓 向 辦 時 求 京 討 衆 長 師 繩 之。 寡 衆 ·, 至 非 號 敵 九 便 百 議 月, 萬。 縛 取。 者 乃 謂 率 相 葛 無 精 州 榮 騎 制 刺 自 史李 賊 七 鄴 千 之 以 理 神 馬 北 軌 皆 葛 列 閉 有 陳數 榮 門 副 自 聞 + 之, 倍 守 里, 道 0 2 喜 兼 箕 見 行 賊 張 於 鋒 色, 而 東 Ė 進。 出 過 乃 滏 汲郡 令 樂 П 潛 其 所 軍 葛 衆 榮 在 Щ 目 谷 爲 村 賊 此 塢

列

聚,乃普告勒各從所樂,親屬相隨,任所居止。 昭德報功,遠明國範? 哉 ! 民, 盡。 表裏合擊,大破之。 石,襲構崐山, 朝清謐。 褒賞之名宜大。 時人 太原王榮代荷蕃寵,世載忠烈, 待出百里之外,乃始分道押領,隨便安置,咸得其宜。 服其處分機速。 燕恒既泰, 趙魏還蘇, 比績況功, 古今莫二, 若不式稽 門踵英猷 是以有莘贊亳,不次之號爰歸; 於陳擒葛榮,餘衆悉降。 可大丞相、都督河北畿外諸軍事,增邑一萬戶, 通前三萬, 餘官悉如 () 弼成鴻業,抗高天之摧柱,振厚地 乃檻車送葛榮赴闕。 入匡 一頹運, 榮以賊徒旣衆,若卽 於是羣情喜悅, 出剿元兇, 韶曰:「功格天 渭叟翼周, 殊世之班載集。 之絕 使積年之霧條焉滌蕩,數 擢其渠帥, 登卽 地, 維,德冠五 舊典, 分割, 四散, 錫 命之位 量力授用, 恐其疑懼, 增是禮數, 數十萬 侯, |必崇; 勳 況導源 高 衆 新 道濟 附者 載 或更結 將 九 朝散 伯 之 何 積 咸 以 塵 者 生

而誓之曰:「中之則擒葛榮,不中則否。」旣而並應弦而殪, 初,榮之將討葛榮也,軍次襄垣,遂令軍 十士列圍· 大 獵。 三軍咸悅。 有雙兔 起於馬前,榮乃躍 及破賊之後, 即命立 馬 彎

碑於: 稱 我 、其所, 是道 武 號「雙冤碑」。 皇帝 ··,汝 何敢 違。 榮將戰之夜,夢一人從葛榮索千牛刀,而葛榮初不肯與。 葛榮乃奉刀,此 人手持授榮。 旣寤 而喜,自 知 必勝 此 人自

罪, 平州之遼西、燕州之上谷、幽州之漁陽等七郡,各萬戶通前滿十 表 義謀, 丞相、 叢 崩 乾坤 比勳盛烈。 之業是乎再隆,太平之基兹焉更始。 太師,餘如 臺 大義之崇高, 殲此 九 俱 叉 收集忠勇、熊羆競逐、虎豹爭先、軒翥南溟、 太原王榮道鏡域中,德光區 胡 品 詔 永。 鯨 塵 瓦 日 故 書合。 鮑。 解。 我皇魏道 道格普天,仁沾率土,振古以來,未有 而 正 逆賊 戮卒多於長平, 標盛德之廣遠? 光之末,皇運時屯,百揆咸亂,九宮失敍,朝野撫 朔南 杜 周, 久已丘墟, 契神元,德光靈範,源先二象,化穆五才, 虔劉燕代; 積器高於 可以冀州之長樂、 外,神昭 河北殆 雖復 妖寇葛榮, 伊霍宣 熊耳。 「藏往、 成 灰燼。 思實知來,義 翼 秦晉 摶 假噬魏趙。 其比。 之功,桓文崇贊之道, 宗廟懷匪安之慮 相州之南趙、定州之博陵、滄州之浮陽 風 聞 北 聲而 極, 若不廣錫山河, 氣震林原, 踵先勳,忠資囊烈。 喪膽,齊莒 常山、易水、戎鼓夜驚 萬戶爲太原國邑。」又進位 膺,士女嗟怨,遂使 玉 歷 心社稷 與 侧 勢動 日月惟休, 何足以 急不測 聽 大開 加 Щ 響息。 土字, 岳 髣髴 逐能: 之憂。 弔民 金鼎 ;冰井、 四海 鴻蹤, 何以 大 中 伐 興 建 共

建 初 北 海 王 元 顥 南奔蕭衍,衍乃立為魏主,資以兵將。 時邢杲寇亂三齊, 與顏應

列

傳

第

侃等傳。 還北 擊。 駕。 接。 城。 南轅 北。 顥 以 () 樂爲 |顥 更更 |顥 大 榮 事 朝 與 山 廷 軍 圖 景頁 督 不 未 以 領軍將軍冠受 屬馬渚 後 前 宗 相 虞,天下改望。 還 顥 驅 舉 持 E 孤 乘虚 諸楊 於 珍 旬 弱 黄門. 河 孫、 日之間 , 不 徑 上,顥 云 郎 河 以爲 進, 率馬步五千 有 楊 內 一,兵馬 小 令都. 樂聞 侃 旣 太守元襲 慮。 船 高 陷 數 督安 梁國 之, 大集,資糧器仗,繼 永安二年春,日 飛り 道 拒戰,兆大破之, 穆等並 刨 く豐王 固 , 求爲 鼓行 時 守不降,榮攻而 馳 延明 鄕 | 謂大軍若還,失天 傳 而 導, 朝行 西, 緣 榮乃令都督 河據守。 詔大將軍元穆先平 滎陽、 宮於 踵 臨陳擒冠受。 而 克之, 上黨 虎牢 至。 樂旣 之長子, **介朱兆等率精騎** 下 斬珍孫、元襲 並 天 未 穆旣平邢杲,亦渡 皆不守。 之望,固執 有 延明聞冠受見擒, 舟 齊 行 船, 地, 其部 五月 以 不 以 然後回師 爲 徇。 分。 得 夜濟 了,車 不 卽 輿駕 駕 帝幸 可 河 渡 登 以 出 征 岸 話 遂自 於 幸 議 河 會 顥 是 奮 内 在 欲 車 河

逃散 ,顥便率麾下 南 奔。 事在 其 {傳

角 昧 正 理 民 以 以 獲承 歎 成 濟治,斯道 車駕 術, 息。 鴻緒。 渡河, 兼文武 忠 勇 未 入居 雖大位克正,而衆盜未息。 で奮發, 而爲 爽 華 虎 使持 資。 林 士 袁 昔處 節 如 部曰:「日 林 柱國 ··,義 亂 朝, 功 大 周 、將軍、 始立 韜 武 光 奉 我翼? 一,所 葛榮跋扈,仍亂 大丞 時,藉十亂 向 相、 秣馬冀北,厲兵晉陽 風 靡 太原王 以纂曆; 故能 芟夷羣惡, 中原, 一榮,蘊 漢祖 建旗伐罪, 伏 風 一件龍 先天,資三 煙, 振 抱含 此 顏 授首殲馘。 頹 而 綱 一傑以 日 振 j, 腕 俾 除 總奇 朕 想 暴。 寡 日 元

常之賞 殊 下 顥 治民 禮。 凶 頑 可 和,上 ,構成巨釁,阻弄吳楚,虧汙宗社。 又宜開土宇,可增封十萬,通前二十萬,加前後 天柱大將軍。 匡 王室。 鴻勳巨績,書契所未 此官雖訪古無聞,今員未有,太祖 **股徙御北徂,劬** 紀; 飲至策 部羽 勳, 勞鞍甲。 事絕於 已前 葆鼓吹。 增置 比況。 王聞 此 餘 如 號,式遵典故, 難星奔,一 故。」 非常之功,必有非 榮尋還晉陽 舉大定, 用錫

關討之。 擁 天光杖罰。 衆豳 先是,葛榮枝黨韓婁仍據幽 涇, 天光 兇勢日盛 天光等大懼, 旣 至 雍州,以衆少不敵,逡巡未集。 傑遣其從子天光為雍州刺史, 乃進討,連破之,擒醜奴、寶夤, 平二州,榮遣都督侯淵討 榮大怒,遣其騎 令率都督賀 並檻車送闕。 斬 之。 兵 (拔岳、侯莫陳悅等總衆 時 參 賊 軍劉貴 帥 万俟 天光 醜奴、 馳驛詣軍,加 又擒王慶雲、 蕭寶夤

万俟道樂,關西悉平。於是天下大難,便以盡矣。

戒勒 受國 時蒐狩,何必盛夏馳逐, 死。 者,此是人臣常節。 大寵 士馬,校獵嵩原,令貪污朝貴入圍搏虎。 其下甚苦之。太宰元天穆從容謂榮曰:「大王勳濟天下,四方無事, 榮性! ,未能開拓境土,混一海內,何宜今日便言勳也! 好獵,不舍寒暑,至於列圍而 葛榮之徒,本是奴才,乘時作亂,妄自暑假,譬如 傷犯和氣。」榮便攘肘謂天穆曰:「太后 進,必須齊一,雖遇 仍出魯陽,歷三荆,悉擁生蠻北塡六鎭。 阻險, 如聞 女主, 朝士猶 不得 奴走,擒獲便 不能自 回 自寬縱,今秋欲 惟宜 避, 虎豹逸圍者 IE 調政養民,順 推奉 休 支 共 頃 回 兄 來 子 坐

列

傳

便往 勳耳。 之際,因平 一縛取。 今若 汾胡 待六合寧一 止獵,兵士懈怠 明年簡練精騎,分出江淮,蕭衍若降,乞萬戶侯。 ,八表無塵,然後共兄奉天子,巡四方,觀風俗,布政教,如 ,安可復用 也。 如其不降,徑渡數千騎, 此 乃可稱

榮,恒 停不用!」帝正色曰:「天柱若不爲 之,復相 復何足論。」榮聞所啓不 見,面啓曰:「天柱旣有大功,若請普代天下官屬,恐陛下亦不得違之, 靡,及至闕下,未得通奏,恃榮威勢,至乃忿怒。 奉,別更擬 者, 皆詣榮承 樂 快快 身雖 間 構,日月滋甚,於是莊帝密有圖榮之意 人。 不悅,兼懲榮河陰之事,恐終難保。 居 候, 外,恒遙制 榮聞大怒,卽遣其所補者往奪其任。 得其啓請, ·允,大爲恚恨,曰:「天子 朝廷、廣布親戚、列爲左右、同察動靜、 無不 人臣, 朕亦須代, ·遂之。 曾關 補定州曲陽縣令, 又城陽王徽、侍中李彧等欲擅威權, 樂曾啓北人爲河南諸州、莊帝未許、天穆入 由誰得立。今乃不用我語。」 如其 樂使 〈猶存 入京,雖復微蔑,朝貴見之莫 臣節, 吏部 小大必知。 無代天下百官理。 尚書李 如 何啓數 神儁 或有僥倖求官 莊帝 人為 以 懼 階 外 州 榮害 ·迫於 此 不 懸 事 傾 便 不

恐爲後患,故隱忍未發。 來,榮妻北 三年九月, 鄕 郡 長 榮啓將入朝。 公主亦 際之入路,有人告際,云帝欲圖之。 勸不行,榮並不 朝士 慮 其有變,莊帝又畏惡之。 從。 帝旣圖樂,樂至入見,卽欲害之,以天穆在好 樂即具奏,帝曰:「外人告云亦 榮從弟世隆 與榮書, 勸其不

御李侃晞等抽 言王 天穆至,帝伏兵於明光殿 欲害我,我豈信之。」於是榮不自疑,每入謁帝,從人不過數十,又皆挺身不持兵仗。 刀而 至,榮窘迫,起投 東 廊 ,引榮及榮長子 御坐。 帝先横刀膝下,遂手刃之,安等亂斫,榮與天穆、 菩提、 天穆等俱 入。 坐定, 光祿 少卿 魯安、典 及

菩提

同

時俱死。

樂時年三十八。

於是內外喜叫,聲滿京城。

旣

而

大

赦。

德被 旒。 輼 永 猶 事、天柱大將軍、司州牧、太原王榮,惟岳降靈,應 物 相、太師、 使持節、侍中、將軍、王如 成未 化。 輬車,準晉太宰、安平獻王故事 康 管絃, 或 廟 晉王榮固天所縱,世秉忠誠,一匡 前 庭。」 廢帝 命,道長運短,震悼兼深。 追終褒績,列代通謨, 領 而 宜循舊典,更加殊錫 左右、兼錄尚 初 從祀之禮, ,世隆等得志,乃詔 於兹尙闕,非所以酬懋賞於當時,騰殊績於不朽。 故。」又詔曰:「故假黃鉞、持節、侍中、相 書、北道大行臺、太原王榮,功濟區夏,誠貫幽 紀德銘勳,前 諡 前已褒贈,用 曰:「故使持節、侍中、都督 可追號為 曰武。」詔曰:「武泰之末,乾樞中圯,丕基 邦 國 王令範。 ,再造區夏,俾我頹綱,於 晉王 彰 一,加九錫,給 厥美。 期作輔,功侔伊霍,德契桓文。 可贈假黃鉞、 然禮 河北諸軍事、天柱大將軍、 數弗窮,文物 九旒鑾輅、虎賁、班 國、錄 相國、錄尚 斯復 明, 尚書、都督中外諸軍 振。 有闕,遠近之望, 天不整遺,奄從 宜遵舊典,配享 書事、司 寶 雖 方籍 勳 命,有若綴 劍三百人、 銘王府 棟梁, 州牧, 大丞

北 將 軍、中 菩提, ·書令。 肅宗 末,拜羽林監。 轉太常卿, 遷驃騎大將軍 尋轉直閣將軍。 · 開 府 孝莊初, 儀 同三司, 以榮翼戴之勳,超授散騎常侍、 加侍中、 特進。 死 時 年 平

前 廢帝 初 , 贈侍中、驃騎大將軍、司 徒公、冀州 刺史, 諡 日 惠

菩提弟叉羅 学莊 初,除散騎常侍、武衛將 軍。 初襲梁郡 公, 又進爵爲王。 尋卒,贈侍

中、 車 騎將軍、司 空公、雍州 刺 史。

羅弟文殊 建義 初,封 平昌 郡開國公,進爵爲王。 孝靜初,轉襲榮爵太原王。 薨於晉

陽 一時年 九歲

戶

坐 與 前 超 文 殊 授 東 散 弟 郡 文暢, 太守 騎常侍、撫 任胄等謀反,公伏誅。 初封昌樂郡開國公, 軍 將軍。 後除肆 州 食邑二千戶。 時 刺 年十 史, 仍本 八 將 以榮破葛賊之勳, 軍,加 開 府 儀 同 三司。 進爵爲王, 武定三年春, 增邑千

文 暢 弟 文略 襲爵 梁郡王。 武定 定末,無 軍 將 軍 一、光祿 大夫。

殺 後,政道 之威,榮悴在 史 臣 頗 . 曰 虧 太 《祖撫運》 親疏,貴賤 及 明 皇 幼 乘 沖, 時, 由 離合, 女主 奄開 南 王業。 附會者結之以子女, 面 始則 世 祖 于忠專恣, 以武 功一 海內, 繼 進趨者要之以金帛。 以 元 高 叉 祖 權 以文德革天下。 重 握 賞 罰 且 之柄 佞 諛 世 用事, 宗 擅 之 生

功勤 政 宣宣 不賞,居官 淫 於 朝 | 鄭 肆其聚斂, 手 運天 機, 乘勢極 口 吐 其陵暴。 王 制 李軌 於是 徐約 四海囂然,已有羣飛之漸矣。 刺 促以求先,元 略、元徽 喔咿以競入。 逮於靈后反

私 利 畢 舉, 公道盡亡,遐 一邇怨憤,天下鼎沸。 傾覆 之微 ,於此至矣。

韓婁 徒 馬 下 則 恶 榮 鼠鼠 之圖 韋、伊 朝 之 衣 竊 尒 醜 野 冠 功 狗 ,蓋天啓之也。 朱榮緣將 奴、 靡 塗 刻, 盜 霍 然 地 寶夤咸 夫 ,扶翼懿 亦已 0 何 城 此 削 足 茂 其 梟馬 之列,藉部衆之用,屬肅宗暴崩,民怨神怒, 聚 數。 乎。 所 親,宗 於 而 以 市 已。 至 時,上下 得 而 於末迹 而 罪 始 此諸 有主, 苟非榮之致力,克夷 人 則 希凱 神 離 魁者,或據象 見猜 , 祀 心,文武解體 而 非 魏配 終於 望, 地逼 天,不殞舊 夷戮 睥睨 胎斃, 斯 魏,或 也 宸 成成 大難 極 (管號 物。 企忠義之聲, 則 向 ; 則 終 使榮 蒯 令, 乃 通 不 及 靈后、 致說 無姦 夫擒葛榮,誅 人謂 知 遂有匡頹拯 幾 於韓王 忍之失, 秉 人 俱 少帝 稱帝 皇符, 聽 沉 桓 幾 也 文之舉。 流 元 身 弊之志, 修德義 類,戮 不 人 各謀帝業, 稱 反。 王 之風 邢杲 勞不 援主 河陰 也。 汗 之 則 然 非 翦 涿

校勘記

南 三官 秀 容 }氏 牧 志勿 子 萬子 忸 乞眞 于 氏 反 後 叛 改 爲于氏」,廣韵十虞引魏志「勿」作「万」。 卷 九肅 宗紀正 光 五. 年 八 月 T 酉 條 一萬子 肅宗 乞眞 紀 作于 正 光 五. 乞眞 年 七月見一涼 按卷

列傳第六十二 校勘記

|州 幢 帥于菩提」、卷一○一姓谷渾傳補作「万于菩提」。這裏「萬子」乃「万于」之訛

- 內附叛胡乞步落堅胡劉 Bil 如等作亂瓜肆 按「乞」字上或下當有脫文, 故姓名不 全。 「瓜」當是
- _ 敕勒北列步若反於沃陽 「汾」之訛 按本書卷八〇有叱列延慶傳, 周書卷二〇有叱列伏龜傳, 北齊書卷
- 二〇有叱列平傳,並云代西部人。 此列平字殺鬼,北史卷四八稱他為一西部高車 叱列 殺鬼」。 高

車即敕勒,叱列是敕勒姓,這裏「北列」乃「叱列」之訛。

- 29 律是<u></u>敕勒有名的部落,見卷一○三高車傳補、 敕勒斛律洛陽作逆桑乾西 諸本「斛」作「解」,卷九肅宗紀孝昌二年三月甲寅條作「斛」。按斛 北齊書卷一七斛律金傳。 「解」乃「斛」字形訛、今
- 万五 之難 能克。 據本紀改。 相州刺史李神軌閉門自守 有『閉門自守』之事。 有詔追還。 史致誤耳。 ·贈相州刺史,見本書列傳卷六六,河陰事在此先,傳亦不言其曾爲相州 會介朱榮擒葛榮,事平,以功進爵。 考神儁傳卷三九,肅宗末,行相州 莊帝纂統、拜散騎常侍。 而本書李神傳卷七〇云: 北史卷四八「神軌」 據此 神儁 事。時萬榮南逼,神儁憂懼,故墜馬傷脚,仍 然則李神及神軌、神儁姓名略同, 孝昌中,行 刺 作「神儁」。張矰讀史舉正云:「按神軌 相州,在孝莊即位之先, 相州 事。 建義 初 刺 且. 葛榮盡銳 史 身 事 未 又並在一 當 至 由 攻之, 相州 贈 死於河陰 停 相 汲郡, 時前 州刺 久不 安得

記

後,必有乖錯。 獨神傳有『久不能克』等語,與『閉門自守』之文頗合,疑當是李神也。」按卷六八

甄琛傳附見張宣軌,亦記李神守相州 事,張說是。 魏收是同時人,未必乖誤至此,原文當是「李

神」、「軌」「儁」或是後人妄加。

八 **六 山** 馬上各齎神棒一枚 北史卷四八、通鑑卷一五二四七五一頁「神」作「袖」、疑作「袖」是。

永安二年春 諸本「二」作「三」,
北史卷四八作「二」。
按事見卷一○

受莊紀永安二年三月,

字訛,今據改。

坐與前東郡太守任冑等謀反 諸本「胄」作「曹」,北史卷四八作「胄」。按北齊書卷二神武紀補

武定三年正月、卷一九任延敬傳、卷四八介朱文暢 傳補 記此事,並作「任冑」,「曹」乃「冑」字形

訛,今據改。

魏書卷七十五

列傳第六十三

介朱兆 介朱彦伯 介朱度律 **介朱天光**

命兆前,止授二箭,曰:「可取此鹿供今食也。」遂停馬構火以待之。 窮巖絕澗人所不能升降者,兆先之。 介朱兆,字萬仁,榮從子也。少驍猛,善騎射,手格猛獸,蹻捷過人。數從榮遊獵,至於 榮以此特加賞愛,任爲爪牙。 際曾送臺使,見二鹿,乃 俄然兆獲其一。榮欲矜

夸,使人責兆曰:「何不盡取。」杖之五十。

大夫、 將軍、金紫光祿大夫,又假驍騎將軍、建興太守。 橋,榮遣兆與賀拔勝等自馬渚西夜渡數百騎,襲擊顥子冠受,擒之。 後以軍功除平遠將軍、步兵校尉。 傑之入洛, 兆兼前鋒都督。 及孝莊卽阼, 特除中軍 都督、潁川郡開國公,食邑千二百戶。 後從上黨王天穆討平邢杲。 尋除使持節、車騎將軍、武衞將軍、左光祿 又進破安豐王延明,顥 及元顥之屯於河

列傳第六十三

余 朱 兆

於是退走。 史,復增邑一千戶。尋加侍中、驃騎大將軍,又增邑五百戶 莊帝還宮,論功除散騎常侍、車騎大將軍、儀同三司,增邑八百戶。 爲汾州刺

焉。忽失其所在。兆遂策馬涉渡。是日,暴風鼓怒,黃塵漲天,騎叩宮門,宿衞乃覺。 害帝於三級寺。三 殺皇子,汙辱妃嬪,縱兵虜掠。停洛旬餘,先令衞送莊帝於晉陽。兆後於河梁監閱財貨,遂 欲射、袍撥弦、矢不得發、一時散走。帝步出雲龍門外、爲兆騎所繋、幽於永寧佛寺。 波津令,爲之縮水脉。」月餘,夢者死。及兆至,有行人自言知水淺處,以草往往表插而 輕兵倍道從河梁西涉渡,掩襲京邑。先是,河邊人夢神謂己曰:「尒朱家欲渡河,用爾作灅 定謀攻洛,兆遂率衆南出。進達太行,大都督源子恭下都督史仵龍開壘降兆,子恭退走。兆 及余朱榮死也,兆自汾州率騎據晉陽。 元曄立, 四授兆大將軍,爵爲王。 兆與世隆等 兆撲 導道

并州大谷, 具申王言。 兆殊不悅, 且曰:「還白高兄, 弟有吉夢, 今段之行必有克獲。」騰問: 伐君,其逆已甚。我今不往,彼必致恨。卿可往申吾意,但云山蜀未平,今方攻討,不可委之 而去,致有後憂。定圖之日,當隔河爲犄角之勢。 ·王夢如何。]兆答曰:「吾比夢吾亡父登一高堆,堆旁之地悉皆耕熟,唯有馬藺草株往往猶 初,兆將向洛也,遣使招齊獻武王,欲與同舉。王時爲晉州刺史,謂長史孫騰曰:「臣而 如此報之,以觀其趣。」騰乃詣兆,及之於

崩 東轉之 其 事 此 在 召 可 公送弁 騰示 介朱 以一 而 言 吾父問言何故不拔,左右云堅不可去。 聞 舉 之日 往 卿宜 帝 前 今也南行,天子列 必 已渡,於是西還。 卵 擒。 有利。」騰 馳報,吾當 俄 可 馳 而 驛詣兆,示以 ,兆克京師 還 於路 具報,王 兵 仍與兆 邀 70 迎,唱大義 孝莊 上,兆 百.... 謁賀, 書,陳 進不能渡,退不得還。 兆等猖狂 妼 桑。 密觀天子 其福禍,不宜害天子,受惡名。 於天下。」騰晨夜驅馳,已遇帝於中路。 吾父顧我令下拔之, 都督尉景從兆 ,舉兵犯上,吾今不同,猜忌成 今在 何處,爲隨兆軍府,爲別送晉陽。 南行,以 吾乘山 吾手所至,無不 東下,出 書報王。 兆怒不納,帝遂暴 其不意, 王得 矣,勢不 ·盡出。 王 書大驚, 時 此 率 可 騎 徒 以 脫 反

將 陽, 以 Щ 孫 避 東。 數 騰 兆所 步 初 牽 + 蕃 令 衣 騎 以 榮旣死,莊帝 詣 之銳 人 而 不 頻 \pm 止 暇 , 徵 留 通夜 獻武 兆乃隔 步蕃 洛, く宴飲。 詔 室於 王 回 於 師 水 河西人紀豆陵步蕃等令襲秀容。 、樂平郡 晉州 禦之。 責 後還營招 駕 騰等。 ,乃分三州六鎭之人,令王 王 兆 雖 王,王 與兆還討破 驍果,本無策略,頻爲 於是各去,王還 知 兆 難信, 之,斬步蕃 自 未 襄垣 能 統 兆 顯 步蕃 於 入洛後,步蕃兵勢甚盛,南逼 領。 東出 宗, 秀容之石 旣 所 兆 將 敗,於是部 分兵別營, 欲 歸 能能之。 晉陽 鼓 Щ 其 乃引 勒 臨 土 衆 上 馬,謀 兵南 馬 退走。兆 ,長史 晉 出

及 前 廢 帝 立 ,授兆使持節、侍 中、都督中外諸軍事、柱國大將軍、領軍將軍、 領左右、

一六六四

州 刺 史、兼錄 尚書 事、 大行 臺。 又以兆爲天柱大將軍,兆謂 人曰: 「此是叔父終官, 我何敢

逐固辭 不 拜。 尋加都督十州諸軍事,世襲幷州 刺

不相信、 遠遺椿、勝等追而曉譬,兆遂拘縛將還,經日放遣。 敗 同 於 坐幕 廣阿,衆號十萬。 齊獻 下。 ,各致猜疑,徘徊不進。 武王之克殷州 兆性粗獷,意色不 王廣縱反 也,兆與仲遠、度律約共討之。 平,手舞馬鞭,長 間,或云 仲遠等頻使斛斯椿、賀拔勝往喻之, 世隆兄弟謀欲害兆,復言兆 嘯疑 仲遠等於是奔退。 望,深疑仲遠等有變,遂趨 仲遠、度律 與王 次於陽平, 兆輕騎三百來就 同圖 王乃進擊兆,兆軍 仲遠等,於是 兆出井陘, 出馳還。 仲遠, 仲 屯 吶

禮 Щ 洪嶺,破之,衆並降散。 一喻兆赴洛,深示卑下,隨其所爲,無敢違者。 戰敗,復奔晉陽,遂大掠幷州城內。 兆 與仲遠、度律遂相疑阻,久而 兆竄於窮山、殺所 不和。 獻武王自鄴進討之,光遂走於秀容。 世 乘馬,自縊於樹。 隆請前廢帝納兆女爲后, 兆與天光、 度律 王收而葬之。 更自信約, 兆乃大喜。 然後大會於韓 王又追擊, 世隆 度 陵 厚

雖 奇 其膽決,然每云「兆不過將三千騎,多則亂矣」。 兆果於戰鬪,每有征伐,常居鋒首,當時諸將伏其材力。 而粗脫少智,無將領之能 樂

光弟智虎,前廢帝封爲安定王,驃騎大將軍、肆州刺史、 開府儀同三司。 與兆俱走,

介朱彦伯,榮從弟也。 祖侯真,高祖時針安二州刺史、始昌侯。 父買珍,世宗時武衞

將

軍,出爲華州刺史。

陵 鈎 都督,與臣相持於 此。 隆 綶 曰:蒯 郡 酯 ·之心也。」 遂令二人極醉而 詔 及還, 彦伯 花佛寺,彦伯 俄除儀同三司、侍中。 開 令華 或 通有言,犬吠非其主。 公。 性 帝醼彦伯 Щ 和 王 厚,釋褐奉朝請,累遷奉車都尉,爲榮府長史。 後進爵爲王。 鷙 敦喻往來,尤有勤 河內,當爾之時,旗鼓相望,眇 兼 於 尙 顯陽殿。 書僕射、北道大使慰喩兆,兆猶不釋。 彦伯 罷。 叉遷司 他日之事永安,猶今日之事陛下耳。」 於兄弟之中,差無過 時侍中源 尋除使持節、驃騎 款。 徒,于時炎旱, 廢帝旣立,亦朱兆以己不 子恭、黄門郎 如天隔, 有勸彦伯解司徒者, 大將軍、右光祿 患。 竇瑗並侍坐, 寧期 世隆復遺彦伯自往喻之,兆 元曄立,以爲侍中。 同 事陛 預 帝曰「源侍 大夫、馬場大 謀, 彦伯 下 今日之歡 乃上表遜位, 大爲 [].田 念恚, 源侍中 中 都督 也。 可謂 前 廢帝 將 子 攻 有 比 恭 博 射 乃 世 潛

天光等敗於韓陵,彥伯 欲領兵屯河橋以爲聲勢,世隆不從。 及張勸 等掩襲世隆,[三]

列

傳

第

六

報彦伯 伯 首於齊 時在禁直 、獻武 知。 從 玉。 彦伯 狼狽 先是,洛中謠曰:「三月末,四月初,揚灰簸土覔眞珠。」又曰:「頭去項,脚 長孫稚等於神虎門啓陳齊獻武王義功旣 出走,爲 人所執。 尋與世隆同 斬於閶 振,將除介朱。 闔 門外, 懸首於斛斯椿 廢帝令舍人郭崇 间 樹 根 傳

齊,驅上樹,不須梯。」至是並驗。

寫榮書,又刻榮印,與尚書令史通爲姦詐,造一際啓表,請人爲官,大得財貨,以資酒色,落魄 彥伯弟仲遠,頗知書計。 肅宗末年,分朱榮兵威稍盛,諸有 |啓謁,率多 見從。 而仲遠

勒衆來向京師,攻陷西兗州,將逼東郡。 第,斟酌授官。 州刺史、兼尚書左僕射、三徐州大行臺。 統參佐,人數不足,事須在道更僕以充其員。 **爵爲公,增邑五** 候,邑五百戶。後加散騎常侍。及改郡立州,遷使持節、 及 (孝莊卽阼,除直寢、寧遠將軍、步兵校尉。 今求兼置,權濟軍要。」 詔從之。 百戶。尋改封清 河郡,又加車騎大將軍、左光祿大夫。轉使持節、本將軍、除 尋進督三徐州諸軍事,餘如 莊帝詔諸督將駱驛進討,並爲仲遠所敗。 竊見比來行臺採募者皆得權立中正, 在軍定 於是隨情補授,肆意聚斂。 尋特除平北將軍、建興太守,頓丘 車騎將軍、 建州 故。 刺史。 仲遠上言曰:「將 **介朱榮死**,仲遠 加 待 叉詔都 縣 中,進 開 或

梁。 走。 刺史,東道大都督,大行臺,進爵彭城王。 仲遠遣使請準朝式,在軍鳴騶。 前廢帝立,除使持節,侍中,都督三徐、二克諸軍事,驃騎大將軍,開府儀同三司, 帝覽啓, 笑而許之。 尋加大將軍, 又兼尚書令。 其肆情如此。 竟不之州, 復進督東道諸軍、 遂鎮於大 徐州

本將軍、兗州刺史、餘如故。

京師。 無禮,東南牧守下至民俗,比之豺狼,特爲患苦。 並以貪虐爲事,於是四方解體。 流,如此者不可勝數。諸將婦有美色者,莫不被其淫亂。 仲遠天性貪暴,大宗富族,誣之以反,歿其家口,簿籍財物,皆以入己,丈夫死者投之河 時天光控關右,仲遠在大梁,兆據幷州,世隆居京邑,各自專恣,權强莫比焉。 又加太宰,解大行臺。 仲遠專恣尤劇,方之彦伯、世隆最爲 自滎陽以東、輸稅悉入其軍,不送 所在

縱 以問說,仲遠等迭相猜疑,狼狽遁走。 後移屯東郡,率衆與度律等拒齊獻武王。介朱兆領騎數千自晉陽來會, 後與天光等於韓陵戰敗,南走東郡,仍奔蕭行。 軍次陽平, 王 死

於江南。

朝、靈太后惡之,令世隆詣晉陽慰喻榮,榮因 若遂住 l,便有內備,非計之善者。」榮乃遣之。 弟世隆, 字榮宗。 肅宗末,爲直齋。 欲留之。 榮舉兵南出,世隆遂遁走,會榮於上黨 轉直寢,後兼直閣,加前將軍。 世隆 曰:「朝廷疑兄, 故令世隆來,今 **介朱榮表請入**

除驃騎 尚書右 將帥 侍 大中 在 河內 中,詔加散騎常侍。 之略。 正 建 け、假 養初、除給事黃門侍郎。 大將軍 僕射,尋卽眞。 ,封樂平郡開 驃騎大將軍、行臺右僕射、都督相州諸軍 顥旣克滎陽,擒行臺楊昱,四 世隆懼而遁還。 、尚書左僕射、攝選,左右廂出入。 國 公,食邑一千二百戶。 元顥逼大梁,詔假儀同三司、 莊帝卽位,乃特除侍中、領軍將軍、左衞將軍、領左右、肆州 又除車騎將軍、 又以停年格取士,頗爲猥滯所稱。 事、相州刺史、當州 前軍都督,鎭虎牢。 莊帝倉卒北巡,世隆之罪 兼領 軍,俄授左光祿大夫、兼 都督。 世隆 及車駕還宮, 不關世 也。 叉請解 無無 駕

閉 遣 門率衆夜走,北攻河橋,殺武衛將軍 威 前 城拒守, 强,不以爲意,遂手毀密書,唾地 華陽 莊帝之將圖尒朱榮也,或有勝世隆門以陳其狀者, 太守段育慰喻 世隆攻克之,盡殺城人以肆其忿。 ,世隆斬之以徇。 日一世隆 奚毅,率衆還戰大夏門外。 會李苗燒絕河梁, 無膽,誰敢生心」及榮死,世隆奉榮妻,燒西 及至長子,與度律等共推長廣王曄爲主,曄以 世隆封以呈榮,勸其不入。 世隆乃北遁。 朝野震懼,憂在 建州 刺 一不測 史陸 榮自恃 希 莊

世隆 於 天 社受 河 陽。 爲 禍 開府儀 兆旣 」 按 平京邑,自以 同三司、尚書令、樂平郡王,加太傅,行司州牧,增邑五千戶。 劍瞋目,聲色甚厲。 爲 功,讓世隆 世隆遜 曰:「叔父在 解拜謝,然後得已。 朝多 一時,耳目 世隆深恨 [應廣, 之。 如 何 先赴京師,會兆 不 知 不 聞,

在寶炬,乃曰:「廣陵不言,何以主天下。」世隆兄彥伯密相敦喻, 仲遠亦自滑臺入京,世隆 與兄弟密謀, 以元曄疏遠, 欲推立 乃與度律同往 前 廢帝。 而介朱度律 龍花佛寺 觀 意

之,後知能語,遂行廢立。

限,天下賤之。武定中,齊文襄奏皆罷,於是始革其弊。 恣 又畏尒朱榮威,深自克勉,留心几案,傍接賓客,遂有解了 意,加汎除授,皆以將軍而 爲 尚書令,常使尚書郎宋遊道、邢昕 如 此。 初,世隆之爲僕射,自憂不了,乃 旣總朝政,生殺自由,公行淫佚,無復畏避,信任羣小,隨其 兼散 職,督將兵 在其宅廳視事,東西別 取尙書文簿在家省閱。 吏無虛號 者。 自此五等大夫, 坐,受納 之名。 性聰解,積十餘日,然後視 榮死之後,無 訴 與奪。 訟, 遂致猥濫 稱 叉 命 欲收軍 施 所 行 顧 叉無員 其專 人 之 及

師 預 之官,次上公之下,以世隆爲之。 腹心。於是天下之人莫不厭毒。 世隆兄弟羣從,各擁强兵,割剝四 世隆尋讓 贈其父買珍使持節、侍中、相國、錄 海,極其暴虐。 太傅,改授太保, 姦諂 蛆 酷多見信 叉固 辭,前廢帝 尙 用,呈 書 事、都督定相青 特置 溫良名 儀 同 士

列

傅

齊濟 五 州 諸 軍 事、 大司 馬、定州 刺 史。

内之。 敗, 先 使 內我,以爲 世 及 隆請 齊 而 **射斯椿未** 獻 出 武 **芦蕉備。**」 收兵,前 王 起 得入 義 叔淵 兵, 廢帝 城 信 仲遠、 。詭說 不許。 而 内之。 叔淵 度律等愚戆, 世隆 椿旣 曰:「天光部下皆是西人,聞其欲 令其外兵參軍 至橋, 恃强不以爲慮, 盡殺 陽 世隆黨附,令行臺長孫稚詣 叔淵單 騎馳赴 而世隆獨 北 掠京邑,遷 中 深憂恐。 ·,簡 閱 都 闕 敗 及天光戦 衆,以 奏狀,別 長 安。 宜 次

遠 欲 晚,王還省,將 覺,謂妻曰:「向夢 之。 以令、僕不上,西 有 都 向省,令王 疑謂妄有假借, 河內 青牛駕車。 世隆 督 初, 買智、 太守田怗 世隆 又曾晝寢 張勸 嫌遲,遣二防閤捉儀 曾與 令王著白紗高頂帽,短小黑色, [公] 儐從皆裙襦袴褶,握板,不似常時服章。 車 門 出 家 東部 率 白世隆付曹推 人斷我 不開, 東掖門,引 奴告省門亭長云:[弘]「今旦為 ,其妻奚氏忽見有 騎 尙 掩 .書元 執 無車 頭去,意殊不適。」又此年正月 世隆 世 入省, 始覺車 情 握 檢。 與兄彥伯,俱斬之。 刀 催車。 時都 兼 槊,忽聞局 一人持世隆首去,奚氏驚怖就 上 無 無褥,請 官郎 車 車 跡。 入,到 穆子 上歘然 令王借車牛 此 爲 省 記 容窮究之, 奴 時年三十三。 識。 固 西門、王 脢 有聲,一局之子盡皆倒立,世隆 陳 日,令、僕並不上省, 時 不已,公文列訴。 世隆封王、故呼 嫌 奴言:「初來 乘, 牛小 視,而 終日 繋於 於 世隆 洛 時 闕 尙 爲 至 濱 下 西 寢 . 書都 令王。 槐 司 門 遊 如 空 樹 故 不 令史謝 觀 一更將 府西 開 也 亭長 甚 。旣 忽 至

從 遺 應 無 席 人; 無 大 吏將 事 此 驗。」子容 有 屋常 奴送 塵土 閉 入 省 奴言 與謝遠自入 兼 有 中 在 廳 甕米 中。 事 對。 東 看 閤 詰 世隆 之,戶 內 其 奴 拂 虚 東 悵 牀 罔 廂 閉 然, 第 而 極 坐, 意 奴云 **灰**, 屋 以 兼 兴此 全 爲 中 ·° 畫 一無開 惡。 地 屋若閉 其屋 戲弄, 未幾 跡。 先常閉籥 見誅 及入, 甕 求 中 得 之米 拂 開 牀 看 子容 畫 亦 屋 握 地 以 中 看 蹤 西 有 之。 緒 門 板 不 歷 定 床, 其 、閉者, 米亦 牀上

世 光 承 祿 守 大夫 世隆 轘轅 弟世 左 衞 世隆 承 將 軍 棄虎牢 莊帝初,為 0 尋 加 一,不暇 侍 中,領 寧 追告, 朔 將 御 刺史, 軍 葬爲 史 步 中 兵校 元 尉 顥 尉, 所 世 承 郡 擒 欒城縣 人才 猥 開 劣 或 莊帝 備 伯 員 還宮, 而 叉 特除 已。 贈 撫 及 使持 軍 完 顥 將 節 軍、 內 逼 金紫 都

符

同

,方知不謬。

具以

此

孙

諸

軍

事

驃騎

大

將軍、司

徒、冀

州

追

封

趙

東陽 欲 光等之赴韓陵也,世隆以 更 軍、左光祿 介約 奔 蕭 盟 之衆,亦赴 世 承 衍 弟朔 數 宜 大夫、領左右 口 與 當 左右 亂 字 心 城, 輔 瀝 割臂 伯 ÍI. 疑揚聲 و 一,示衆 以其府長 爲 改封 前 廢帝 約。 北 河 以信。」酮乃從之, 渡, 史房謨 丽 間 初,爲散騎常侍、 郡 帳 以爲 公 下 都督 兼 掎 尋爲 尙 角之 書,爲 馮 驃 紹 勢。 騎 左 遂大集部 降 齊州 大將 衞 爲 及天光 丽 將 行臺, 信 軍 軍 丁,封 下, 等敗 待 開 ', 召募 朝陽 丽 乃 府 阙 乃 說 儀 土 縣 踞 乃還 丽 馬, 同 開 胡牀, 三 日 國 州 以 司 伯 趣 今方 靑 令紹隆持刀 世 四 州 叉 隆 瀆 同 除 刺 旣 契闊 車 史。 闕 擒 騎 丽 披 丽 將 天

列

傳

第

心。紹隆因推刃殺之,傳首京師。

軍。 執 戮 氏 與 河梁,度律欲攻之,會大雨,晝夜不 使持節、侍中、大將軍、太尉、兼尚書令、 太尉 介朱 聞 汝 封 度律 公、四 椿囚之,送於齊獻武王。 也。」言終而 又除衞將軍、左光祿大夫,兼京畿大都督。 **介朱度律,榮從父弟也。** 樂鄉 兆遂相疑貳,自 敗,遂恚憤 縣開 面 大都督,封常山王。 國伯。 卒,時人怪 而 敗而 發病。 尋轉安北將軍、朔州刺史,復除軍州刺 異之。 還。 王送於洛,斬之都市。 及度律至,母責之曰:「汝旣荷國恩,無狀反叛,我何忍見他屠 鄙朴少言。 度律雖在軍戎、聚斂無厭,所至之處,爲百姓患毒。 與尒朱兆入洛,兆還晉陽, 止,士 後解大行臺,總隸長孫稚,戰於韓陵,敗還。 東北道大行臺,與仲遠出 馬疲頓, 爲統軍,從榮征伐。 榮死,與世隆赴晉陽。元曄之立,以度律爲 弓矢不得施用,遂西走於灅波津,爲 留度律鎭京師。 史。〔弘後加散騎常侍、 莊帝初,除安西將軍、光祿大 拒義旗。 齊獻武王間之, 前廢帝時,為 斛斯椿先據 、右衞 其母 人擒 將 Щ

向京 邑一千戶。 末,榮將擁衆南轉,與天光密議。 師,以天光攝行肆州,委以後事。 **介朱天光,榮從祖兄子。** 榮將討葛榮,留天光在州,鎭其根本。 少勇決、善弓馬、榮親愛之、每有軍戎事要、常預謀策。 旣據幷肆, 仍以天光爲都將, 總統肆州 建義初,特除撫軍將軍、肆州刺史,長安縣開國 謂之曰:「我身不得至處,非汝無 兵馬。 肅宗崩,榮 以稱我 一公,食 孝昌

騎將軍,加散騎常侍,改封廣宗郡公,增邑一千戶,仍爲左衞將 邢杲,詔天光以本官爲使持節、假鎭東將軍、都督,隸天穆,討破之。元顥入洛,天光 州行臺,仍行幷州,委以安靜之。 會榮於河內。 永安中,加侍中、金紫光祿大夫、北秀容第一酋長。 榮發之後,幷肆不安,詔天光以本官兼尚書僕射,爲幷肆雲恒朔燕蔚顯汾九 天光至幷州,部分約勒,所在寧輯。 尋轉衞將軍。 軍 顥破,尋還京師,遷 大將軍元天穆 與天穆 東征

行, 騎大將軍、雍州刺史,率大都督、武衞將軍賀拔岳, 悉收其馬。 行曉慰 唯配軍士千人, 詔發京城已西路次民馬以給之。 建義元年夏,万俟醜奴僭大號,朝廷憂之。 ,
弁
徴
其
馬
。 至雍, 又稅民馬, 侃雖入慰勞,而蜀持疑不下。 合得萬餘匹。 以軍人寡少,停留未進。 乃除天光使持節、都督雍岐二州諸軍事、 天光遂入關擊破之,簡取壯健以充軍士, 大都督侯莫陳悅等以討醜奴。 時東雍赤水蜀賊斷路,詔侍中楊侃先 榮遣責之, 杖天光一 天光 初 驃

介 朱

天 光

,榮復遣軍士二千人以赴。 天光令賀拔岳率千騎先驅,至岐州界長城西與醜奴行臺尉遲

菩薩相遇,遂破擒之,獲騎士三千,步卒萬餘。

款。 寬而 宣言遠近曰:「今時將熱,非 諸 便共逼高 百 軍 里 棚 者,乃: 盡 前 問 而走,欲趨高平。 涇 醜奴 發。 之, 去 JII平,城內執送蕭 棄岐州走還安定,置棚於平亭。 涇州百八十里,通夜徑進, 復數處。 仍便放遣。 昧旦,攻圍元進大栅,拔之,諸所俘 使其太尉侯伏侯元進領兵五千, 天光 **免者傳其待秋之言,醜奴謂** 天光遣岳輕騎急追,明日,及醜奴於平涼長平坑,一 寶夤 知 其勢分,遂密嚴備。 可 征討,待至秋涼,別量進止。」 而 降。 後 日至城, 天光發雍至岐,與岳合勢於汧渭之間,停軍牧馬, 據險立棚, 執, 賊涇州刺史侯幾長貴仍以 晡時,潛遣 以爲實,分遣諸軍 並皆放散, 且耕 輕騎 醜奴每遣窺覘, 且守。 須 先行 與之間 斷路, 在其 散 營農稼,在岐州之北 , 左右,千人已下爲 戰擒之。 城降。[10] 左右 以防 有執 諸 賊知, 泛者, 栅 醜奴 天光明 悉 於後 來 棄

馳赴之,道洛出城拒戰,暫交便退,追殺千餘人,道洛還走入山,城復降附。 邪 許 利率二百人行 里,息衆牧馬。 賊 臺 万俟 原州事以鎭之。 道洛率衆六千人入 於是涇、豳、二夏,北至靈州,賊黨結聚之類,並 道洛招誘城 Щ 不下。 時高平大旱,天光以馬乏草,乃退於城 人來 掩 ,襲殺邪利弁 來歸降。 其 所 部。 天光遣 天光 天光遣慰喻,道 與岳、悦等 都 督 東五 長 孫

洛 不從,乃率衆西依牽屯山,據險自守。 榮責天光失邪利, 不獲道洛,復遣使杖之一百,

降為散騎常侍、撫軍將軍、雍州刺史,削爵爲侯。

河 路窮乞降,至明盡收其仗。 降,若未 槍,馬各傷 使軍人多作木槍,各長七尺,至黃昏時,布立人馬 「請待明 言慶雲、道洛欲突出死戰。 光復射中道洛臂,失弓還走。 待冬月。 稱皇帝,以道洛爲大將軍。 及,遂得入隴,投略陽賊帥 人槍中 渭、瓜、涼、鄯善咸 天光 ,備其衝突,兼令密縛長梯於 日」。天光因謂曰:「相知須 敢決,當聽諸人今夜共議, 與岳、悅等復向牽屯討之。 而 倒, 天光知其可制, 伏兵 便起, 來款順 同時擒 王慶雲。 天光恐 天光、岳、悦等議悉坑之,死者萬七千人,分 天光欲討之,而 乃率諸軍 破其 天光頓軍略陽、詔復天光前官爵、尋加侍中、儀 獲。 失賊 水,今爲小退,任取河飲。」賊衆安悅,無復走 東城,賊遂併趨西城, 明晨早報。」 、城北。 慶雲以道洛驍果 天光身討道洛, 入隴,至慶雲所居水洛城。三三慶雲、道洛 餘衆皆出城 帥, 其夜, 莊帝頻敕 **燼**釁未已, 而慶雲等冀得小緩,待夜突出 爲防衛 慶雲、 南,遇 絕倫, 、榮復 道洛戰敗, 乃遣 之勢, 道洛果便突出 槍 城中無水,衆聚熱渴 有書,以隴 而 得之甚喜, 謂慶雲 岸 周匝 率數千騎而走,三三追之不 城北 曰:「力屈 立槍, 中險邃,兼 其家 軍 , 便謂大事 馳馬 士 要路 一登梯 口 先進, 如 同三司,增邑 出 心 加 此, 上城, 報天光云, 於是三秦、 城 天 有 미 厚 盛 圖 拒 人走降, 不 天光密 口 一戰,天 一,乃自 賊徒 覺 '以早 叉伏 至

列

傳

至三千戶。

害刺 隴,與岳圖入洛之策。 進至 雍州北,破叛已疑。 天光遣岳討之,未至,明達走於東夏。 天光於平凉,後復北走,收聚部類謀為逆,攻降人叱干麒麟,欲幷其衆。 史辛琛顯,自己琛顯走赴天光。 秦州 城民謀殺刺史駱超,超覺,走歸天光。 天光遺師臨之,往皆克定。 岳聞樂死,故不追之,仍還涇州以待天光。 天光復與岳、悅等討平之。 初,賊帥 夏州人宿勤明達降 麒麟請救於天光, 南秦滑城 天光亦下

洛。 帝,又加開府儀同三司、兼尚書令、關西大行臺。 天光北出夏州,遣將討宿勤 向都見世隆等,尋便還雍。 兵信都,內懷憂恐,不復北事伊利等,但微遣備之而已。又除大司馬。 異心,惟仰奉天顏,以申宗門之罪。」又其下僚屬啓云:「天光密有異圖, 意。」旣 時費也頭 詔遣侍中朱瑞詣天光慰喩。 莊帝進天光爵爲廣宗王,元曄又以爲隴西王。 帥紇豆陵伊利、万俟受洛干等據有河西、〇日、未有所附。 世隆等議廢元曄,更舉親賢,遣使告天光。天光與定策立 天光與岳謀,欲令帝外奔,別更推立。 及聞尒朱兆已入京師,天光 天光以齊獻武王起 乃頻啓云:「臣實無 願 思 明達, 勝 算以 乃輕 擒之送 前廢 防微 騎

斯椿苦要天光云。「非王無以能定,豈可坐看宗家之滅也。」天光不得已而東下,與仲遠等敗 於時獻武王義軍轉盛,余朱兆、仲遠等旣經敗退,世隆累使徵天光,天光不 從。 後令斛

與度律 於 韓陵。 送於 西之功,差不酷暴,比之此與仲遠爲不同 斛斯椿等先還,於河梁拒之。 獻 武 王。 王致於洛,斬於都市,年三十七。 天光既不得渡,西北走,遇雨不可前進, **尒朱專恣,分裂天下,各據一方。** 乃執獲之, 天

光

有定關

之固,未可 陵 下失望,人懷怨憤,遂令勁敵得容覘間 主易於弈棊,慶賞威 之戰,土崩瓦解。 史臣曰。余朱兆之在晉陽,天光之據隴右, 圖 也。 然是庸才,志識無遠,所爭唯權勢,所好 刑 旦殄滅,豈不哀哉 咸出 [於己。 若使布德行 了心腹内阻,形影外合。 傳稱「師克在和」,詩云「貪人敗類」, 義、憂公忘私、脣齒 仲遠鎭捍東南, 惟財色, 是以 世隆專秉朝政,于時立君 相 譬諸溪壑, 廣阿 依,同 之役,葉落 心 協力, 有 貧而 甚 豺 冰 則磐石 狠,天 不 離 和, 廢

校勘記

難

以濟矣。

元 爲帝, 曄 立 歷見本卷世 諸 本 曄 隆傳、卷一 |作「暉」, 北史卷四八余朱榮附余朱兆 ○孝莊紀永安三年十月條、 卷 傳 作 九下 一 南安王槙附元 按尒朱世隆等立 · 華傳 長 廣王 暉 字 瞱

訛,今據改。

遂害帝於三級寺 諸本「三」作「五」,卷一○莊帝紀及通鑑卷一五四四七九三頁作「三」。按洛陽伽

蓋記 卷 永寧寺 條敍述 此事也作「三級寺」。本書卷一一二上靈徵志上稱永熙三年三月 7月 幷州

三級寺南門災」。「五」字訛、今改正。

 \subseteq 及張 (勸等: 掩襲 世 隆 北史卷六齊紀神武紀、卷四九斛斯椿傳,北齊書卷一神武紀補, 通鑑 卷

五 五 四八二〇頁「張勸」作「張歡」。 按「張歡」又見北史卷一四后妃傳下周文皇后元氏傳,其 人卽

『忻』。此傳 北齊 .書卷二○、北史卷五三張瓊傳所記,「瓊子忻」。 和 下世隆傳的「張勸」當亦魏收避齊諱改,本名實是「歡」。 錢氏考異卷四○認為「齊史避諱、改『歡』為

29 顥旣克榮 陽擒 行臺楊昱 百衲本「楊昱」作「 陽叵」, 他本都作「陽回」。 按卷一〇孝莊紀 永安二

年 五 月丁 巳記楊昱以東南道大 都督鎮榮陽, 乙丑叉記「元顥陷 榮陽,執楊昱」。其事亦見 卷 Ŧi. 八

楊播 附 모 (傳 雖「行臺」和 「大都」 督」官稱有異,其時被元顥所擒的守榮陽 的 主將只 有 「楊昱」

「陽回」或「陽回」都是「楊昱」之訛,今改正。

[五] 姦諂蛆酷多見信用 按「蛆」當作「狙」, 意謂狡詐。

ナ 忽 卷 九五 有 河 內太守田 一一一八九頁作「怙」。按卷八○賀拔勝傳見「田怙」。又北齊書卷二二李元忠附李愍傳說 怗家 奴告省門亭長云 北史卷四 八尒朱榮附世隆傳作 响帖 ۰, 與 占 []通, ₩ ₩ 府

- 將 車 出 東 掖 門 諸 本「車」訛「軍」、今據北史卷四八、册府同上卷頁改
- . 人 山 短小 黑色 諸本脫「小」字、今據北史卷四八、册府同上卷頁補。
- յեւ |_____ 復 除 軍 州 刺 史 按地志 無此州名,也不見紀傳,「軍」字當訛。
- (01)賊 涇 州 刺 史侯幾長貴仍以 城降 諸本「長貴」下旁注「疑」字。 按周書卷一 四賀拔岳傳也作「侯

幾長貴」,並無可疑,今删。

- 率數千 騎 而 走 諸 本「率」訛「牽」,今據册府卷四三二五一四四頁改。
- 賀拔 至慶雲 (岳) }(傳 所 居 、卷一七若干惠傳百衲本作「水洛」。 水 洛城 諸本「水洛」作「永洛」。 按卷一〇孝莊紀三朝本永安三年六月、周書卷 今據改,參卷一○校記(10)。 四四
- 南秦滑 州 之滑 城 城 不 人謀害刺史辛琛顯 見紀載 ,疑「滑」字衍,通鑑「琛顯」作「顯」當是雙名單稱。 通鑑卷 五. 四四七七七頁作「南秦州城民謀殺刺史辛顯 按南秦
- 万俟受洛 「子洛、字受洛干」、北史卷六齊紀一、北齊書卷二神武紀下並作「受洛干」。「于」字訛、今據改。 干 等 據 有 河西 諸 本及北史卷四八 干 作 于上。 按北齊書卷二七万俟普傳補

魏書卷七十六

列傳第六十四

盧同 張烈

偉,善於處世。太和中,起家北海王詳國常侍。 盧同,字叔倫,范陽涿人,盧玄之族孫。 **父輔,字顯元,本州別駕。** 稍遷司空祭酒、昌黎太守。 同身長八尺,容貌魁 尋爲營州長史,

仍帶郡。入除河南尹丞,遷太尉屬。

奉公之譽, 反, 韶同兼 改授龍驤。 東府長史。 會豫州城民白早生反,都督中山王英、尚書邢巒等討之,詔同爲軍司。 通直常侍,持節慰諭之,多所降下。 遭父憂解任。後除司空諮議參軍,兼司馬,爲營構東宮都將。 部內患之。 熙平初,轉左丞,加征虜將軍。 同於 歲祿官給長絹, 時相州刺史奚康生徵民歲調,皆七八十尺,以邀 同乃舉按康生度外徵調。 還轉尚書右丞,進號輔國將軍,以父諱不拜, 書奏, 事平,除冀州鎮 延昌中,秦州民 詔科康生之

列傳

第

六

十四四

盧

罪,兼褒同在公之績。

肅宗世 ,朝政稍衰,人多竊冒軍功。 同閱吏部勳書,因加檢覆,覈得竊階者三百餘人。

同乃表言:

竊濫 事各一人,總集吏部、中兵二局勳簿,對勾奏按。 朱印,關付吏部。 名貫、別錄歷階。仰本軍印記其上,然後印縫,各上所司,統將、都督並皆印記,然後列 進則防揩洗之偽,退則無改易之理。從前以來,勳書上省,唯列姓名,不載本屬,致令 具件階級數,令本曹尚書以朱印印之。 上行臺。 人,明知隱而未露者,動有千數。 之徒輕爲苟且。今請征職白民,具列本州、郡、縣、三長之所,其實官正職者,亦列 竊 見吏部勳簿,多皆改換。 行臺關太尉,太尉檢練精實,乃始關刺省重究括,然後奏申。奏出之日,黃素 乃校中兵奏按,並復乖 愚謂罪雖恩免,猶須刊定。請遣一都令史與令僕省 明造兩通,一關吏部,一留兵局,與奏按對掌。 若名級相應者,卽於黃素楷書大字, 外。 臣 聊爾揀練,已得三百餘

倖。 少。 自今敍階之後,名簿具注加補日月,尚書印記,然後付曹。郎中別作抄目,[1]印 良 頃 來 由 非 吏部 但偷階冒名,改換勳簿而已,或一階再取,或易名受級,凡如 無簿,防塞失方。何者。吏部加階之後,簿不注記,緣此之故,易生僥 此者,其人不

記一 如尚書,郞中自掌,遞代相付。 此制一行,差止姦罔。

韶從之。同又奏曰:

當中大書,起行臺、統軍位號,動人甲乙。斬三賊及被傷成階已上,亦具書於劵。各盡一 臺、軍司、監軍、都督各明立文按,處處記之。 行,當行豎裂。其劵前後皆起年號日月,破某處陳,某官某勳,印記爲驗。一支付勳人, 臣伏思黃素勳簿,政可粗止姦偽,然在軍虛詐,猶未可盡。 支付行臺。 臣 頃 《奏以黃素爲勳,〔三 具注官名、戶屬及吏部換勳之法,事目三條,已蒙旨許。 記至京,即送門下,別函守錄。 斬首成一階已上,即令給劵。一紙之上, 請自今在軍閱簿之日,行

巧 加 咸 令知 吏階 授。 又自遷都以來,戎車屢捷,所以征勳轉多,敍不可盡者,良由歲久生姦,積年長偽, 聞。 緣,偷增遂甚。 庶使 立格 ,酬勤者速申,立功者勸,事不經久,僥倖易息。 酬敍,以三年爲斷。 請自今爲始, 諸有勳簿已經奏賞者,卽廣下遠近,云某處 其職人及出身,限內悉令銓除,實官及外號,隨才 或遭窮難,州無中正者,不 (動判)

書。 姦僞 叉 勳 簿 之原,實自由 之法,征還之日卽應申送。 此。 於今以後,軍還之日便通勳簿,不聽隔 頃來行臺、督將,至京始造,或一年二歲方上勳 月。

在

此限

詔復依行。

林 州 慰 二階 大 勞 二十人以 使,乃 中 元 以 Ė 叉 之廢靈太后 加 就州刑熙。 自 琇 同 I防衞。 善事在位,爲叉所親,戮熙之日, ,琇遂除安州刺 也, 同 還授平 兄琇, 相州 少多 史。 東將軍,正黃門, 刺史、中山王 一大言,常云「公侯可致」。至此始爲都水使者。 論者稱之。 熙起兵於鄴。 深窮 營明堂副將。 黨與, 熙敗, 以希叉旨,論者 尋加 以同 撫軍 爲 一將軍、 持 非 節 之。 光 兼 禄 黄 同啓求回 叉 大 菛 給 大大、本 侍 同 郎 羽

頻 而 還。 遣 爲 使 營 德興 德 人, 州 興復 城民 皆爲 所擊,大敗 就德興謀反,除同度支尚書,黃門如故,持節使營州慰勞,聽以便宜 反, 韶同 賊 害,乃遣賊家口三十人幷免家奴爲良, 而 以本將軍爲幽州刺史, 還。 兼尚書行臺慰勞之。 同 慮德興難信, 立從事。 安輯 勒衆 其民 而 同

德 廢 中 行 帝俱在門下, 興 進 之功,封 節 靈 號 太 驃 度 后 騎 大 反政,以 章武 都 將 督李 同異其爲人,素相款託。 軍 縣 左光 同 開 叔 國 叉黨,除名。 禄 伯 大 闕 三,邑 夫。 3 四 莊帝踐 百戶。 同 孝昌 時 久 作, 韶: 正 三年,除左將軍、太中大夫、 廢帝以恩舊許之,除儀同三司, 病,强牵從 除 七兵, 復 本秩,除都官尚 尋轉 務, 啓乞儀 殿 中, 同。 加 書,復兼 征 初 南 兼左 將 同 餘官如故。 七兵。 之爲 軍。 丞, 黄門也, 普泰初,除 爲 以 同 齊克二 前 永熙初 與 慰 前 勞 州

薨,年五十六。 贈侍中、都督冀滄瀛三州諸軍事、驃騎大將軍、司空公、冀州刺史,開國伯如 三年,復加贈尙書右僕射。 有四子。

長子斐,武定中,文襄王大將軍府掾。

故,賜帛四百匹,諡曰孝穆。

斐弟筠,青州治中。

同兄辭,太常 丞。

歷侍御、主文中散。遷洛,除尚書儀曹郎、彭城王功曹史、太子步兵校尉 有氣概。 書右僕射。 張烈,字徽仙,清河東武城人也。 時青州有崔徽伯、房徽叔、與烈並有令譽、時人號曰「三徽」。高祖時,入官代都, 曾祖恂,散騎常侍,隨慕容德南渡,因居齊郡之臨淄。 高祖賜名曰烈,仍以本名爲字焉。 烈少孤貧,涉獵經史, 高祖烯,為慕容儁

尙

地,須得堪濟之才,何容汎舉也。 王 一嘉慮 蕭 其有異,表請代之。高祖詔侍臣各舉所知,互有申薦者。 寶卷將陳顯達治兵漢南,謀將入寇。時順陽太守王青石世官江南,荆州刺史、廣陽 太子步兵張烈每論軍國之事,時有會人意處,朕欲用之, 高祖曰:「此郡今當必爭之

列 傅 第 六 十 四 張 烈

何 可 圍 如 七十餘 遂 _? 能 不 城 日 負所寄。」烈拜謝曰:「若不值鑾輿親駕,臣將 王 想 烈 撫 稱贊之,遂敕除陵江將軍、順陽太守。 厲 將士 一、基 得 軍 人之和。 會車 駕 南討,慧景遁走。 烈到郡二日, 不冤困於犬羊。 便爲 高 祖 自 親勞烈 寶卷將崔慧景攻 是陛下不 日 1:「卿定 負臣,

非

臣

能

不

負

陛

下。」高

祖善其對

授 爲 相 征 儉 安 鎭 虜將 諂 烈 附 北 東 世 爲 宗 軍、司 將 將 粥 除 軍 軍 卽 以 前 |瀛 位, |青州 空長 食 將 州 飢 追錄先勳 軍、 史。 刺 刺 人,蒙濟者甚衆,鄉黨以此稱之。 給 史。 史。 事黃門 先是,元叉父江陽王繼 一對清 于 爲 時 政 情郎, 清 議 河縣開 靜,吏民 者以烈家 葬 加平南 國子,邑二百戶。 安之。 產畜 將軍 曾爲 殖,僮客甚 一、光祿 青州 肅宗初,除龍驤將 刺史, 大 尋以母老歸養。 多, 夫。 及叉當權, 慮 後靈太后 其怨望,不宜出爲本州,改 軍、 反政,以 烈 司 積 託 徒 十餘年,頻值 故義之懷, 右長史。又 烈叉黨,出 遂 轉 区

十 更 滿 烈 先 還 朝 爲 家誠 因 辭 千餘言, 老還 鄕 里 幷 自 兄弟] 1敍志 行 同 居怡怡 及所歷 然,為 之官, 親類所慕。 臨終敕 子 姪 元象元年,卒於家,時年 不 聽 求贈, 但 勒 家 }誡 立

而已。其子質奉行焉。

質 博 學多才藝。 解褐奉朝請, 員 外郎、 龍驤將軍、 諫議大夫。 未襲餌。 興和 中,

質弟登,州主簿。

尤好蒲弈, 孜不已, 藏錣巨萬, 他資亦稱是。 五年,以國子博士徵之。 烈弟僧晧, 戲不擇人,是以獲譏於世。 字山客。 孝昌二年,徵爲散騎侍郎。 歷涉羣書,工於談說,有名於當世。 兄弟自供儉約,車馬瘦弊,身服布裳,而婢妾紈綺。 前廢帝 時,崔祖螭舉兵攻東陽城,僧晧與同。 並不赴。 熙平初,徵為諫議大夫。 世號爲徵君焉。好營產業,孜 事敗, 僧晧 正光

子軌,州主簿。

死於獄,籍沒家產。

出帝初,訴復業。

史臣 曰。盧同質器洪厚,卷舒兼濟。 張烈早標名輩, 氣尙見知。 趨捨深沉, 俱至顯達,

雅道正路,其殆病諸。

校勘記

- 郎中 別作抄目 諸本「目」訛「自」,不可通、今據北史卷三○盧同傳改。
- 臣頃奏以黃素爲 勳 按「勳」下當脫「簿」字,下云「黃素勳簿」可證
- 節度大都督李叔 仁 闕 諸本下旁注「闕」字。按卷九肅宗紀孝昌三年二月庚申稱東郡民趙顯德

列傳第六十四 校勘記

反,詔都督李叔仁討之,三月辛未又稱齊州廣川民劉鈞執淸河太守邵懷聚衆反,六月稱詔都督 盧同以齊兗二州行臺節度李叔仁, 所闕必卽鎭壓這兩支

起義軍事,但紀不書盧同以行臺節度事。

李叔仁討劉鈞平之。

東郡屬西兗州。

一六八八

魏書卷七十七

列傳第六十五

宋翻 辛雄 羊深 楊機 高岸

宋翻,字飛鳥,廣平列人人也, 吏部尚書弁族弟。 少有操尚, 世人以剛斷許之。

初,

起家奉朝請,本州治中、廣平王郎中令。尋拜河陰令。

夫、相州大中正,猶領治書。又遷左將軍、南兗州刺史。時蕭衍遣將先據荆山,規將寇竊。 道 興後棄愉歸罪京師,猶坐身死,翻、世景除名。久之,拜翻治書侍御史、洛陽令、中散大 翻弟道璵,先爲冀州京兆王愉法曹行參軍,愉反,逼道璵爲官,翻與弟世景俱囚廷尉。

不送,翻將兵圍主宅,執主壻馮穆,步驅向縣。 孝莊時,除司徒左長史、撫軍將軍、河南尹。 時正炎暑,立之日中,流汗霑地。 初,翻爲河陰令,順陽公主家奴爲劫,攝而 縣舊有大

翻造將成僧達潛軍討襲,頻戰破之,自是州境帖

然。

屬

壽春淪陷,賊遂乘勢徑趨頂城。

列傅

中、衞將軍、相州刺史。 爲洛陽,迄於爲尹,畏憚權勢,更相承接,故當世之名大致減損。 名者亦宜非臣。 尹推治其罪。 內監楊小駒詣 枷,時人號曰「彌尾青」,及翻爲縣主,吏請焚之。 翻具自陳狀。詔曰:「卿故違朝法,豈不欲作威以買名。」翻對:「造者非臣,買 縣請事,辭色不遜,命取尾靑以鎭之。旣免,入訴於世宗。 所以留者,非敢施於百姓,欲待兇暴之徒如小駒者耳。」於是威振京師。 出帝初,重贈驃騎大將軍、儀同三司、尚書左僕射、雍州刺史、諡 翻曰:「且置南牆下, 永安三年,卒於位。 以待豪家。」未幾, 世宗大怒,敕河 贈侍 南 及

子思遠, 卒於司空從事中郞。

翻弟毓,字道和,敦篤有志行。平西將軍、太中大夫。

子世軌,齊文襄王大將軍府祭酒。

毓弟世景,在良吏傳。

世景弟叔集,亦有學行。 征東裴衍之討葛榮也,表爲員外散騎侍郎,引同戎役。

敗,同時遇害。

自太學博士轉京兆王愉法曹行參軍。 叔集弟道 興,少而敏儁。 世宗初,以才學被召,與秘書丞孫惠蔚典校羣書,考正同異。 臨死,作詩及挽歌詞,寄之親朋,以見怨痛。 道興又

世 曾贈著作佐郎張始均詩,其末章云:「子深懷璧憂,余有當門病。」道興旣不免難,始均亦遇 禍 ,時咸怪之。 無子,兄毓以第三子子叔繼

中 本郡中正。 辛雄 ,字世賓、隴西狄道人。父暢,字幼達,大將軍諮議參軍、汝南鄉郡二郡太守,太和 郡遇患,雄自叒歸,晨夜扶抱。 雄 有孝性,頗涉書史,好刑名,廉謹雅素,不妄交友,喜怒不形於色。 喪居憂,始不可識,爲世 所 稱。 釋褐奉

及父

朝

父於

留 爲 懌 割 遷司 記室參軍。 ,莫不悅 餘悉罷 正 徒, 始 初 遣 服。 仍隨授戶曹參軍。 ,除給事 一,更授 神龜 懌重之,每謂 李琰等。 中,除尚 中,十年不遷職,乃以 書駕部郎中,轉三公郎。 人曰:「必也無訟乎,辛雄其有焉。」由是名顯。 並當 煩劇,諍訟塡委。 清河王澤爲司空, 辟戶曹參軍, 攝田 其年,沙汰郎官,唯雄 雄用 心平直,加以閑明政事, 與羊深等八人見 懌遷太尉, 經其斷 曹事 叉

民。 形 於 在 先是, 雄 奏 理 御 故 匡 史中尉、 高 日 祖 錫 竊惟白衣 之以匡名 東平王元匡復欲興棺諫諍,尚書令、任城王澄劾匡大不敬,詔恕死爲 元匡,歷奉三朝,每蒙 ,陛下任之以彈糾。 電遇。 謇諤之性,簡自帝 心;鷹鸇 高肇當 之志,

列

史。 聞 濟。 按 政,匡陳擅權之表。 不 游僕射云 聖臣直,卒以無咎。假欲重造,先帝已容之於前,陛下亦宜寬之於後,況其元列由緒與罪 ·同也。 右僕射元欽謂左僕射蕭寶夤曰:「至如辛郎中才用,省中諸人莫出其右。」寶夤曰:「吾 祁奚云,叔向之賢,可及十世,而匡不免其身,實可嗟惜。」未幾,匡除龍驤將軍、平州刺 脫終貶黜,不在朝廷,恐杜忠臣之口,塞諫者之心,乖琴瑟之至和,違鹽梅之相 "『得如雄者四五人共治省事,足矣。』今日之賞,何其晚哉!」 剛毅忠款,羣臣莫及,骨鯁之跡,朝野共知。 當高肇之時,匡造棺致諫,

獄 成,悉不斷理。 初 一延尉 少卿袁翻以犯罪之人,經恩競訴,枉直難明,遂奏曾染風聞者,不問曲直,推爲 韶令門下、尚書、廷尉議之。 雄議曰:

使出 雄 流言之愆,俯惟釋之不加驚馬之辟,所以小大用情,貴在得所。失之千里,差在毫釐。 執 入縱情,令君子小人薰蕕不別,豈所謂賞善罰惡,殷勤隱恤者也。 ·辞秋之義:不幸而失,寧僭不濫。 僭則失罪人,濫乃害善人。 今議者不忍罪姦吏, 按牘,數 見疑 訟,職掌三千,願言者六。 仰尋周公不減

主,宜應洗復。 文按 日 灼 御 然 史所 [者,雪之。二曰:御史赦前注獲見贓,不辨行財主名,檢無賂以置直之 三曰:經拷不引,傍無三證,比以獄按旣成,因卽除削。 糾,有注其逃走者。 及其出訴,或爲公使,本曹給過所有指,如不推 或有據令奏復

要證一人不集者,不得爲占定。 證占而雪,則違正格;如除其名,罪濫潔士。以爲罪須按成,雪以占定,若拷未畢格及 赦除名之後,或邀駕訴枉,被旨重究;或訴省稱冤,爲奏更檢。 遇恩宥。 以爲驗。 則於理太寬。 者,與奪不同,未獲爲通例。 六曰:或受辭下檢反覆,使鞫獄證占分明,理合清雪,未及告按,忽逢恩赦。 如此之徒,謂不得異於常格,依前按爲定。若不合拷究,已復之流,請不追 四曰:赦前斷事,或引律乖錯,使除復失衷,雖按成經赦,宜追從律。 若傳聞卽爲證,則於理太急。今請以行賕後三人俱見,物及證狀顯著,準 又須定何如得爲證人。若必須三人對見受財,然後成證, 事付有司,未被研判,遂 五曰:經 若從

願 垂察焉。 古人雖患察獄之不精,未聞知寃而不理。 今之所陳,實士師之深疑,朝夕之急務,

詔 從雄議。自後每有疑議,雄與公卿駁難,事多見從,於是公能之名甚盛。

養,不約其年。」書奏,肅宗納之。以母憂去任。卒哭,右僕射元欽奏雄起復爲郎。俄兼司 九十、家不從政。」鄭玄注云「復除之。」然則,止復庶民,非公卿大夫士之謂。 又爲祿養論,稱 仲尼陳五孝,自天子至庶人無致仕之文。禮記:「八十,一子不從政, 以爲宜聽祿

列傳第六十五 辛雄

州別駕,加前軍將軍。

明 長 令 有 違 督 史。 並 進 卽 臨 於時 徐 令 淮 昌 州 斬 王 元 彧討 決。 諸公皆慕其名,欲屈爲佐,莫能 綜送降款。冀州刺史侯剛啓爲長史, 徐州 庸宗謂雄曰:「誨,朕家諸子,摽以 之,盤桓不進。 刺 史元法僧以 乃詔 城南叛,蕭衍遣蕭綜來據彭城。 雄副太常少卿元誨爲 得 也 親懿。 肅宗以雄長於世務,惜不許之,更除司 籌策機計,仗卿取勝耳。」到軍,勒 使, 給 齊 庫刀, 時遣 大都 持節、 督、安豐 乘驛催 王延 空

將 社 間 以 軍 稷 處 臨 伐, 淮 分 時 不 理 道 諸 王 安業,若不時撲滅,更爲深害。 蠻 可 彧 方 别 夷 專裁。 賊盛,而 東 必懷 不 趣 欲 葉城、別將裴衍 震動 應之。 所謂 南寇侵境,山蠻作逆,肅宗欲親討,以荆州爲先,詔雄爲行 ",乘 臣率義而行,不待 雄 彼 日「今裴衍未至, 離 心,無往 西通鵐路。 王 不破,遂符彧軍,令速赴擊。 命者也。」或 一秉麾閫外,唯利是從,見可而 衍 稽留未進,彧師已次汝濱。 王士衆已集, 恐後有得 蠻左唐突, 撓亂 失之責,要雄符下。 賊聞之,果自 進,何必守道,苟安 北溝求救,门 近畿, 臺左丞, 梁汝之 雄 以駕 與前 彧

故 則 賞 畏 豊 刑 必 在 厭 行 罰 軍 久生而樂早死也,利害懸於前,欲罷不能耳。 四四 上疏 罰 則 必信,使親 日 避 「凡人 禍 難。 疏 所以臨 非 、貴賤、勇怯、賢 此 數 堅陳 事,雖 而 聖王不 志 身,觸白 (愚)聞 能 鍾 勸其臣 刃而 鼓 之聲, 不 自秦隴逆節,將歷數年,蠻左亂常,稍 一慈父不能 憚 見旌 者,一則 旗 厲其子。 之列, 求榮名,二則 莫不 明 奮激, 主 深 貪重賞, 三 知 競赴敵 其情,

審 攻敵,士之所難,欲其必死,寧可得也。臣旣庸弱,忝當戎使,職司所見,輒敢上聞。 此 必 已多 下之早平,愍征夫之勤悴,乃降明詔,賞不移時。然兵將之勳,歷稔不決,亡軍之卒,晏然在 其可否。」 不得已,去食就信。以此推之,信不可斯須廢也。賞罰,陛下之所易,尚不能全而行之, 其所以望敵奔沮,不肯進力者矣。若重發明詔,更量賞罰,則軍威必張,賊難可弭。 載 致令節士無所勸嘉,庸人無所畏懾。 凡在戎役,數十萬人,三方師衆,敗多勝少,跡其所由,不明賞罰故也。 進而擊賊,死交而賞赊,退而逃散,身全而 陛下欲天 惟陛下 無罪 臣 聞

日昃 端 文王 龜 月 加 部 拱 於 末來,專以 郎中,遷平東將軍、光祿大夫,郎中如故。上疏曰:「帝王之道,莫尙於安民,安民之本,莫 、禮律。 功能 ,躬親庶政,求瘼恤 |受命,濟濟以康。|高祖孝文皇帝,天縱大聖,開復典謨,選三代之異禮,採二漢之典法。 而 會右丞闕,肅宗詔僕射、城陽王徽舉人,徽遙舉雄。仍除輔國將軍、尚書右丞。 四方安,刑措而兆民治。 · 。 禮律旣設,擇賢而行之,天下雍熙,無非任賢之功也。 衡 停 之人,以簡用老舊爲平直。 年爲選。 一民,無時暫憩,而黔首紛然,兵車不息。 士無善惡,歲 世宗重光繼軌,每念聿修,官人有道,萬里淸謐。 久先敍; 且庸劣之人,莫不貪鄙。 職無劇易,名到 授官。 以 臣 故虞舜之盛,穆穆標美; 委斗筲以共治之重,託 愚見,可 執按 之吏, 得 而 以 言。 陛下劬勞 差 尋轉吏 次 自 神 日

列

爲亂。 謬 之守令,淸愼奉治,則政平訟理,有非其才,則綱維荒穢。伏願陛下暫留天心,校其利害,則 清,下等爲第三清。 問不任賢以相化革,朝任夕治,功可立待。若遵常習故,不明選典,欲以靜民,便恐無日。」 臣言可驗,不待終朝。昔杜畿寬惠,河東無警,蘇則分糧,金城克復。略觀今古,風俗遷訛 父死兄亡,子弟淪陷,流離艱危,十室而九,白骨不收,孤榮靡恤,財殫力盡,無以卒歲。宜 心,枉屈可申,强暴自息,刑政日平,民俗奉化矣。復何憂於不治,何恤於逆徒也。 三載黜陟,有稱者補在京名官,如前代故事,不歷郡縣不得爲內職。 來共輕,貴遊儁才,莫肯居此。宜改其弊,以定官方。請上等郡縣爲第一淸,中等爲第二 及此時,早加慰撫。 碩 奏,會肅宗崩 , 箕 敷 盈 門, 囚 執 滿 道 。 二 聖 明 詔 , 寢 五 而 鼠以百里之命 豈有餘憾哉。蓋由官授不得其人, 百姓不堪其命故也。 皆貨賄是求,肆心縱意。 選補之法,妙盡才望,如不可並,後地先才。不得拘以停年,竟無銓革。 蓋助陛下治天下者,惟在守令,最須簡置,以康國道。 不遵,畫一之法,懸而 禁制雖煩,不勝其欲。 當今天下黔黎,久經寇賊, 不用。 致令徭役 則人思自勉,上下同 自此夷夏之民相將 但郡縣選舉,由 不 均, 發 竊見今 調 違

西賞勳大使。 初 ,蕭寶夤在雍州起逆,城人侯衆德等討逐之,多蒙爵賞。武泰中,詔雄兼尚書,爲關 未行之間,會介朱榮入洛,及河陰之難,人情未安,雄潛竄不出。 莊帝欲以雄

罰, 爲 及 **遂除度支尚書,加安南將軍。** 乘輿反洛,復召雄上。 尚書,門下奏曰:「字雄不出,存亡未分。」莊帝曰:「寧失亡而用之, 而北 來尙書勳高義 重 雄 臣宜避賢路。」莊帝曰:「卿且還本司, 面辭曰:「 元顥入洛也,北中郎將楊侃從駕北出,莊 臣不能死事,俛眉從賊,乃是朝廷罪 股 當 不可失存而不用也。」 別 帝以侃爲 人,縱陛下不 有處分。」 度支尚書。 遂解侃 賜 誅

尚書

之魂。 徴。 收疾,三 不失其時,則成之也;省刑罰,則生之也;薄賦斂,則 正當茲日,悅近來遠,亦是今時。 王者愛民之道有六,一日利之,二曰成之,三曰生之,四曰與之,五曰樂之,六曰喜之。 四言兵起歷年,死亡者衆,或父或子,辛酸未歇,見存耆老,請假板 則喜之也。 二言簡 未幾,詔雄以本官兼侍中、 以 五言 陳聞,乞垂覽許。」莊帝從之,因詔民年七十者授縣,八十者授郡,九十加四品將軍 惠孤恤 罷 喪亂旣久,禮儀罕習,如 非 伏惟陛下道邁前 時徭役,以紓民命。 寡,便是徒乘官驛,虛號王人,往還有費於郵亭,皇恩無逮於民俗。 關西慰勞大使。 王, 功超往代, 敷春風而鼓俗, 臣旣忝 有閨門和穆、孝悌卓然者,宜表其門閭。 三言課調之際,使豐儉有殊, 將 命,宣揚聖 將發,請事五條。 與之也;無多徭役,則樂之也;吏靜不 一澤,前件六事,謂所宜 旌至德以 職,悅生者之意,慰死 令州郡量檢,不 一言逋懸租調,宜悉不 調民。 仍啓曰:「臣 生之養之, 若不除煩 得均一。 謹 使民 率愚 聞 者

百 歲從三品 將

慝,不能確 光 軍 祿太夫, 、右光祿 三年, 然守正,論者頗譏之。 仍尙 大夫、秦州 遷鎭 南將軍、都官尚書、行河南尹。 書。 永熙二年三月, 大中正。 太昌中,又除殿 又兼吏部尚書。 中尚 普泰時,為鎭軍將軍、 書、 於時近習專恣, 兼吏. 部 尙 書。 請託 尋除 殿中尚書,又 不已, 車 騎 大將 雄 懼 加衞 軍 其讒 左 將

佞, 寺集朝士,責讓 陪隨,緩 此,不能自 不 與謀議 未聞 出 子士璨、士貞 帝南狩,雄兼 則 卵等諫 委構壑,實爲慚負。」王復責曰:「卿等備位納言, 耽 及乘輿西邁,若即 寵,急便竄避,臣節安在。」諸人默然不 雄及尚書崔孝芬、 諍 ()逃入關中。 言, 左僕射留守京師。 使國家之事忽至於此, 奔隨,便恐跡同佞黨;留待大王,便以不從蒙責。 劉欽 、楊機等曰:「爲臣奉主,扶危救亂,若處不 永熙末,兼侍中。 罪欲何歸也」乃誅之,時年五十。 能 對。 帝入關右,齊獻武王至洛,於永寧 雄 當以身報國,不能 對曰:「當主上信 盡忠, 狎近 雄等進退 諫諍, 臣,雄 沒其 依 附 出 諂

如

伯 尙 有舊,伯尚與咸陽王禧同逆,逃竄投纂。 雄 從父兄纂, 字伯 將。 學涉文史,溫良雅 正 事覺,坐発官。 初爲兗州 安東 積十餘年,除奉朝請。 府 與秘 書丞 稍轉太 司 郡 李

尉 越騎 騎 校尉。 兵參軍,每爲府主淸河王懌所賞。 及廣陽 尚書令李崇北伐蠕蠕,引為 王淵北伐,又引爲長史。 尋拜諫議 錄 及欲定考,懌曰「一辛騎兵有學有才,宜爲 事 |参軍 大夫。 臨 雅 淮 爲 王 彧所稱歎,屢在 彧 北 征, 以纂隨崇有 朝 廷 薦 稱 舉之。 L 一第。」轉 啓爲

宗等以其勁速,不敢復進。 建此功也。」入朝,言於莊帝,稱纂固節危城,宜蒙爵賞,以勸將來。帝乃下詔慰勉之。 仍行臺。 城,申以盟約。 至, 爲荆州軍司,除驍騎將軍, 咸以對敵, 蕭 衍 後大都督費穆擊義宗,擒之。入城,因舉酒屬纂曰:「微辛行臺之在斯,吾亦無由 遣將曹義宗攻新野,詔纂持節、兼尚書左丞、南道行 欲秘凶問。 尋爲義宗所圍,相率固守。 纂曰:「安危在人,豈關是也。」遂發喪號哭, 加輔國將軍。 於時海內多虞,京師更無繼援,惟以二千餘兵捍禦疆 纂善撫將士, 莊帝即位,除通直散騎常侍、征虜將軍、兼尚書, 人多 |用命, 賊甚 臺, 率衆赴接,至 憚之。 三軍編素。 會肅宗 便破之。 場。 還入 崩諱 叉 州

乞得者,舊是太守鄭仲明左右,豪猾偸竊, 下,介朱 亦北巡。 東將軍。 尋除持節、不東將軍、中郎將,賜絹五十匹,金裝刀一口。

永安二年,元顥乘勝,卒至城 世隆狼狽退還,城內空虛,遂爲顥擒。及莊帝還宮,纂謝不守之罪。 東軍不守,「三豈卿之過。」還鎭虎牢,俄轉中軍將軍、滎陽太守。 太昌中,除左光祿大夫。 纂僑寓洛陽,乃爲河南邑中正 境內爲患。纂伺捕擒獲,梟於郡市,百姓忻然。 民有姜洛生、康 帝曰:「於時股

此, 内此言, 本有禦防。 永 熙三年,除使持節、河內太守。 深得王臣之節。」 大王忠貞王室,扶獎 因命前侍中司 顚 危,纂敢不匍匐。」王曰:「吾志去姦佞,以康 齊獻武王赴洛,兵集城下,纂出城謁王 馬子 如曰「吾行途疲弊,宜代吾執 河內手也。」 日「纂受詔 國道, 於 便 河

威名。 完壘壁,善撫 潛至,突入州城,遂至廳閣。 爾。」遂遣兵攻之,不克而敗, 須萬全。 表 獺。 二州諸軍 裏羣蠻。 纂議欲出軍討之,纂行 九 月,行 人 事、驃騎大將軍、尚 且慮 情一去,州城 今若少遺軍,則 西荆州事、兼尚書、南道行臺, 百姓, 在 心腹,何暇 以待救兵。 難保。」纂 疥癬。 力不 臺郎中李廣 纂左右 書左僕 諸將因亡不返。 雖 曰:「豈得縱賊不 能 失析陽,如棄雞肋。」纂 制 聞臺軍 惟五六人,短兵接戰,爲賊所擒, 射、司徒公、定州刺史。 贼;多遣, 諫曰:「析陽 已破 尋正刺史。 城人又密招 洪威, 則減 討 徹 四 令其為 計不 防 面無民, 時蠻酋樊五能破析陽郡,應宇文黑 衞,根本虛 曰:「卿言自是一 西 **外應至。** 賊 患 日深 唯 黑獺 一廣日 公但約 弱。 城之地耳。 遣都 遂害之。 脫 督獨 途, 勒屬 不 今日 如 贈都督定殷 我意以 孤 城 意, 山路深險 . 之事, 如 使各 便大 願 率 爲 修 軍 挫 唯

子子炎,武定中,博陵太守。

雄從祖曇護,以謹厚見稱。卒於幷州州都。

伏波將軍、濟州輔國府長史。 過,是所願也。」崇有慚色。卒於官。琛寬雅有度量,涉獵經史,喜慍不形於色,當官奉法, 閉閣,曰「勿使丞入也。」高祖南征,麗從輿駕,詔琛曰「委卿郡事,如太守也。」景明中,爲 悉無恙,垂涕久之。 在所有稱。 每諍折,崇不從,遂相糾舉,詔並不問。後加龍驤將軍,帶南梁太守。 「長史後必為刺史,但不知得上佐何如人耳。」」琛對曰:「若萬一叨忝,得一方正長史,朝夕聞 雄族祖琛,字僧貴。父敬宗,四延興中代郡太守。 釋褟奉朝請,滎陽郡丞。太守元麗性頗使酒,琛每諫之。 轉奉車都尉,出爲揚州征南府長史。 踩少孤,曾過友人,見其父母兄弟 刺史李崇,多事產業,琛 崇因置酒,謂琛曰: 麗後醉,輒令

寄人名,悠不許。

崇曰:「我昔值其父,今復逢其子。」

早卒。 長子悠,字元壽,早有器業。爲侍御史,監揚州軍。 賊平,錄勳書,時崇猶爲刺史,

中,有軍國機斷。還京、於榮陽爲人劫害。贈征虜將軍、東秦州刺史。 悠弟俊,字叔義,有文才。 東益州征虜府外兵參軍。 府主魏子建爲山南行臺,以爲郎

俊弟術、武定末、散騎常侍。

術弟休,字季令。 休弟脩,字季緒。 俱有學尚,亦早卒,時人傷惜之。

正。 之持節爲廣洛北荆揚雍襄六州慰勞大使、北荆鎭城、行廣州事, 守也。〕乃將珍之自隨,待遇以禮。 事。 徒司馬。武定三年,除驃騎將軍、北海太守。 天平初,洛州以南人情駭懼,敕爲大使,持節慰諭廣洛二州。三年,除征東將軍、行陽平郡 慰勉,賜以衣帛。 郡民路黑奴起逆,攻郡,爲黑奴所執。 琛族子珍之,少有氣力。 丁憂去任。 尋起爲汝北太守。 尋敕行平州,卒於官。 太尉鎧曹行參軍,稍遷中堅將軍、 右衞將軍郭瓊討平黑奴,乃得免。 永安中,司空諮議參軍、通直常侍。 贈驃騎大將軍、洛州刺史、諡曰恭。 諸賊勸殺之,黑奴曰:「成敗未可知,何爲先殺太 還爲儀同開府長史、兼光祿少 招納 司徒錄事參軍、廣州大中 有 興和中,為衞將軍 稱。 永熙中、襄城太守。 卿。 齊文襄王遣書 未幾,韶珍 · 司

子懿,至武定末,開府鎧曹參軍。

兼長 轉駕部,加右軍將軍。于時沙汰郎官,務精才實,深以才堪見留。 几案。少與隴西李神儁同志相 羊深,字文淵,太山平陽人,云梁州刺史祉第二子也。 友。 自司空府記室參軍轉輕車將 早有風尚, 在公明斷,尚書僕射崔 軍、尙 學涉經史, 書騎 兵 好文章, 郎。

亮、東部尚書甄琛咸敬重之。 肅宗行釋奠之禮,講孝經,儕輩之中獨蒙引聽,時論美之。

敕深兼給事黃門侍郎,與大行臺僕射長孫稚共會潼關,規模進止。事平,以功賜爵新 遷尙書左丞,加平東將軍、光祿大夫。 督、行臺討之,以深爲持節、通直散騎常侍、行臺左丞、軍司,仍領郎中。 正光末, 北地 人車金雀等帥羌胡反叛, 蕭寶夤反,攻圍華州。 高平賊宿勤明達寇豳夏諸州。 正平薛鳳賢等聚衆作逆,日 顥敗,還京。 北海王 上顥爲都 頃之, 泰男。

莊帝踐祚,除安東將軍、太府卿,又爲二虎行臺。 謝曰:「臣蒙國厚恩,世荷榮遇,寇難未平,是臣憂責,而隆私忽被,犬馬知歸。」太后顧謂左 右曰:「羊深眞忠臣也。」舉坐傾心。 靈太后 曾幸邙山,集僧尼齋會,公卿盡在座。 孝昌末,徐方多事,以深爲東道慰勞使,即爲二徐行臺。 深處分軍國,損益隨機,亦有時譽。 會事將終,太后引見深,欣然勞問之。 深

軍將軍、金紫光祿大夫 慨,氣同古人。忠烈遠彰,赤心已著。可令還朝,面受委敕。」乃歸京師,除名。 國,秉操罔貳,聞弟猖勃,自劾請罪。 霧起瑕丘,擁集不逞,扇擾疆埸,傾宗之禍,侃乃自貽,累世之節,一朝毁汙。 城,忽得侃書,招深同逆。 初,介朱榮殺害朝士,深第七弟侃爲太山太守,性粗武,遂率鄉人外託蕭衍。 深慨然流涕,斬侃使人,幷書表聞。 此之丹款,實戢于懷。 且叔向復位,春秋稱美,深之慷 莊帝乃下詔曰:「羊侃作逆, **外之,除撫** 羊深血 深在彭 誠 奉

一七〇四

軍、右光 元晏、元法 元 領 禄 入洛 壽選 大夫,監起居注 人補定,自奉 以 深 兼黃門 郎。 朝 自 請 天下 顥 以 平, 多 上,各有 事 発官。 , 東 沙汰 西 後拜大鴻臚 省官員 尋兼侍中 、委積 卿。 , 廢帝甚親 普 前 泰 廢 帝 初 敕深與常侍盧道虔、 待之。 遷散 騎常侍、 衞將

是時膠序廢替,名敎陵遲,深乃上疏曰:

澆薄 邁。 邈 世 專 重 揚 乎,不 經 以 間 膠序 宣皇 高 出 大 方 臣 才 競 聞 祖 可 大闢 崇 或 下 繼 勝紀 退讓 甘 釋 武 聖 禮 心 褐 一、式遵 垂衣, 建學,列 都穆 於陋 寂 中 寥, 林 之詠 巷。 舊章 儒 鬱 馳 代之所修; 風 競 斯 登卿 然治 載 用能 赗 顯 蔚 節 尹 得 之爲本 伏惟 揄 ,或投 揚盛 **拿經** 才之盛, 進必 大 ·, 所 学 釣渚,徑升 烈, 重 魏 吏 道,百 貴 能 乘 如 聿 得 乾統 修 彼 升 賢 薪 王所 厥 非 一、荷 物, 美。 楢 學藝。 公 値 不易。 欽若 相 其 自 固 奺 0 以 人, 豈拘 是使 ·奉時, 已降 追 是以 事 炳 隆 万 丹 ··, 世 均塾洞啓,昭明之頌 周 模 筆 常 青 mi 唐軌 小 檢 極 , 並 用, 義在 道消, 驅 虞, 三代、 駕 計 往策。 率由 風 日 炎漢 兩 猷 而 稍 前 漢 期 彼 而 遠, 訓 哉 載 異 獨

矣。 品 昔魯 以 竊 此 以 興泮宮,頌聲爰發;鄭廢學校, 取 今之所用 士 ,求之濟治 , 弗 修 前 譬猶 矩。 却 至 行 如 以 當 及前 國風 世 通 之燕 以譏。 儒 冠 而 時 將 向 盛德, 以納 楚。 民軌物, 積 見 徴 習 之不 不 過 莫始於經禮 可 四 者, 門, 其 登 所 庸 由 不 菁 來 越 九 獑

育才,義光於篇什。 自兵亂以來,垂將十載,干戈日陳,俎豆斯闕。 四海荒凉,民物凋

弊,名教頓虧,風流殆盡。世之陵夷,可爲歎息。

下垂就日之監,齊非煙之化,儻以臣言可採,乞特施行。 之餘,漸知禮樂之用。豈不美哉!臣誠闇短,敢慕前訓,用稽古義,上塵聽覽。 之德。博收鴻生,以光顧問,絷維奇異,共精得失。使區寰之內,競務仁義之風,荒散 以爲宜重修國學,廣延胄子,使函丈之敎日聞,釋奠之禮不闕。幷詔天下郡國,興立儒 所以亢言。 淳反樸之化,起言斯繆。 考課之程,咸依舊典。 苟經明行修,宜擢以不次。 抑斗筲喋喋之才, 進大雅汪汪 陛下中興纂曆,理運惟新,方隅稍康,實惟文德。 臣雖不敏,敢忘前載。 夫先黃老而退六經, 史遷終其成蠹, 貴玄虛而 。且魏武在戎,尙修學校;宣尼確論,造次必儒。 但禮賢崇讓之科,沿世未備, 賤儒術, 伏願陛 應氏 臣愚 還

廢帝善之。

中尉、東道軍司。及出帝入關,深與樊子鵠等同逆於兗州。子鵠署深爲齊州刺史,於太山 出帝初,拜中書令。頃之,轉車騎大將軍、左光祿大夫。永熙三年六月,以深兼御史

子肅,武定末,儀同開府東閣祭酒。

博縣商王村結壘,招引山齊之民。 天平二年正月,大軍討破之,於陳斬深。

7. 傅第六十五 羊深

親,庶人弗信,何得委事於機,高臥而已。」暉曰:「吾聞君子勞於求士,逸於任賢。 有 志節,爲士流所稱。 楊機, 字顯略,天水冀人。 河南 尹李平、元暉 祖伏恩,郡功曹,赫連屈丐時將家奔洛陽,因 並召署功曹, 暉尤委以郡事。 或謂 二二三二二 以家焉。 故前代有 弗躬弗 機少

中,衞 明達 將軍 史,轉左將軍、河北太守,並有能名。 後皆識其名姓,幷記事理,世咸異之。 州 甚敬憚之。 坐嘯之人,主諾之守。 左 丞、南道行臺討之。 平西府 · 司 政事,斷獄 解褐奉朝請。 將軍、右光祿大夫。 州 長史。 別駕。 遷給事 以情,甚有聲譽。 尋授河陰令,轉洛陽令,京輦伏其威風,希有干犯。 未幾,行河南 ,中、伏波將軍、廷尉評。 於時皇子國官,多非其 吾旣委得其才,何爲不可。」由是聲名更著。 還,除中散大夫,復爲別駕,州牧、高陽王雍事多 尋除度支尚書。 尹。 平東將軍、荆州 轉廷尉卿,徙衞尉卿,出除安西將軍、華州刺 建義初,拜平南將軍 遷鎭軍將軍 人,詔選清直之士,機見舉爲京兆王愉 延昌中,行河陰縣事。 刺史楊大眼啓爲其府長史。 、司州治中,轉別駕。 、光祿大夫、兼廷 機當官正色, 凡訴訟者,一 一委機。 荆州 尉 卿。 蠻叛,兼尚書 熙平中,爲涇 出除 不避 國中尉、愉 史。 又除安南 經其前, 清 權勢, 永熙 河

内

機 方直之心久而彌厲,奉公正己,爲時所稱。 家貧無馬, 多乘小犢車,時論許其清白。

與辛雄等並誅,年五十九。

子毗羅,解褐開府參軍事,卒於鎭遠將軍。

機兄順,字元信。梁郡太守。

順子僧靜,武定中,太中大夫。

機兄子虬,少有公幹。 頻爲司州記室戶曹從事。

遂以

崇繼

牧犍後,改姓

沮渠。

景明中,

啓復本姓,

襲爵,

遷領軍長史、

伏波將軍、

洛陽令。 志尙儉素,車馬器服,充事而已。 軍,卒。 政清斷,吏民畏其威風,每有發摘,不避强禦,縣內肅然。 國,賜爵開陽男,居遼東,詔以沮渠牧犍女賜潛爲妻,封武威公主。 贈漁陽太守。 高崇,字積善,勃海蓨人。 崇少聰敏,以端謹見稱。 永安二年,復贈征虜將軍、滄州刺史,諡曰成。初崇謂友人曰「仲尼四 四世祖撫,晉永嘉中與兄顧避難奔於高麗。 徵爲中散,稍遷尚書三公郎。家資富厚,僮僕千餘,而崇 自修潔,與物無競。 初崇舅氏坐事誅,公主痛本生絕胤, 朝廷方有遷授,會病卒,年三十 拜駙馬都尉, 父潛,顯祖初歸 加寧遠將

列

傳第六十五

楊機

髙

崇

科,德行爲首。 人能立身約己,不忘典訓,斯亦足矣。 故吾諸子。闕」

論者兩重之。 文章,留意老易。 子 謙之,字道讓。少事後母李以孝聞,李亦撫育過於己生,人莫能辨其兄弟所出同異。 及長,屏絕人事,專意經史,天文算曆、圖緯之書,多所該涉, 襲爵,釋褐奉朝請,加宣威將軍,轉奉車都尉、廷尉丞。 日誦數千言,好

卿 及監以下謂字無坐,惟謙之以字辱命,□以流罪。 正 光 中,尚書左丞元字慰勞蠕蠕,反被拘留。 及蠕 尙 書同 蠕大掠而還,置孚 卿執,詔可謙之奏。 ,歸國。 事下廷尉,

之稱。 縣 議 處,資貨甚多,遠年失物之家,各來得其本物。 必 二年, 者。 得 以 孝昌 聞 有二人相見忻然曰:「無復憂矣。」執送按問,具伏盜馬,徒黨悉獲。 損 初,行 益治體, 謙之乃僞 河陰縣令。 多爲故事。 枷一囚立於馬市,宣言是前詐 先是,有人囊盛瓦礫,指作錢物,詐市 弟道穆爲御史,在公亦有能名,世美其父子兄弟並著當官 具以 狀奏。 市馬賊,今欲刑之。 尋詔除寧遠將軍,正 人馬,因逃去。 密遣腹 幷出 前 河 心察市 詔令追捕, 陰 後 令。 盗竊之 中私 在

以無庸、謬宰神邑、實思奉法不撓、稱是官方、酬朝廷無貲之恩、盡人臣守器之節。 舊 [制,二縣令得面陳得失,時佞幸之輩惡其有所發聞, 遂共奏罷。 謙之乃上疏 但豪家 日。一臣

高祖 濟。 斂手,無敢干政。 支屬,戚里親媾,縲紲所及, 此啓深會朕意,付外量聞。」 先帝昔發明詔,得使面 愚臣望策其駑蹇,少立功名。 近日以來,此制遂寢,致使神宰威輕,下情不達。 陳所懷。 舉目多是,皆有盜憎之色,咸起怨上之心。 臣亡父先臣崇之爲洛陽 乞新舊典,更明往制。 庶姦豪知禁,頗自屏心。」 令, 常得入奏是非, 今二聖遠遵堯舜,憲章 縣令輕弱, 所以 何能. - 詔 :: 朝 貴 克

謙之又上疏曰:

恒弊,唯在明主所 臣 聞夏德中微,少康成克復之主,周道將廢,宣 以變之有方,化之有道耳 王立中興之功。 則知國無常安,世

者妄 募,咸有出身,槊刺斬首,又蒙階 在 臣、戚屬、朝士,請託官曹, 曾不彎弓。 使 朝 軍 顧 稱 帥 自正光已來,邊城屢擾,命將出 望 入募,別倩他人引弓格,虚受征 必得其 ,誰肯申 則是王爵虛加, 人,賞勳不 · 聞 ? 蔽上擁下,虧風壞政。 失其實,則何賊不平,何 擅作威 征 夫多 級。 福 闕, 師, 0 故四方壯 官。 如有清貞奉 賊虜何 相繼於路,軍費戎資,委翰 身不赴陳,惟遣奴客充數 使讒諂甘心,忠讜 可 士,願征 %除, 征 法不爲回者,咸共 不捷也 忠貞 者多,各各爲己,公私 ! 何以 諸守帥或非其才 息義。 勸 不絕。 誡 而已, 譖毀, 橫受罪罰。 也? 至 且近習、侍 對寇 如 兩 ,多遣親 利。 弓格賞 臨 若

井,憚比刑書。〔<〕正由還有必困之理,歸無自安之路。 者必衆、墾田增闢、數年之後、大獲課民。今不務以理還之、但欲嚴符切勒、恐數年之 況 且 頻年以來,多有徵發,民不堪命,動致流離,苟保妻子,競逃王役,不復顧其桑 若聽歸其本業,徭役微甄 ,則還

後,走者更多,安業無幾。

舌,莫肯明言。臣雖庸短,世受榮祿,竊慕前賢匪躬之義,不避斧鉞之誅,以希一言 之益。伏願少垂覽察,略加推採,使朝章重舉,軍威更振,海內起惟新之歌,天下見復 乃千載共遵,百王一致。且琴瑟不韻,知音改弦更張,騑驂未調,善御執轡成組。 禹之績,則臣奏之後,笑入下泉。 云:「迷而知反,得道不遠。」此言雖小,可以諭大。陛下一日萬機,事難周覽,元、凱結 故有國有家者,不患民不我歸,唯患政之不立,不恃敵不我攻,唯恃吾不可侮。 此

以訓冑子。」詔從之,除國子博士。 靈太后得其疏,以責左右近侍。諸寵要者由是疾之,乃啓太后云、「謙之有學藝,宜在國學,

氏沮渠蒙遜曾據涼土,國書漏闕,謙之乃修涼書十卷,行於世。涼國盛事佛道,爲論貶之, ·見不撻其父母,生三子便発其一,世無髠黥奴婢,常稱俱禀人體, 如何殘害。 謙之與袁翻、常景、酈道元、溫子昇之徒,咸申款舊。 好於贍恤,言諾無虧。 居家僮隸, 以父舅

行歷,多未盡善,乃更改元修撰,爲一家之法,雖未行於世,議者歎其多能 因 稱佛是九流之一家。當世名士,競以佛理來難,謙之還以佛義對之,竟不能屈。 以時所

於時朝議鑄錢,以謙之爲鑄錢都將長史。乃上表求鑄三銖錢曰

大錢,一當千。 以一當五。 五年,復爲四銖。 法,至景王時更鑄大錢。 銖。 蓋錢貨之立,本以通有無,便交易。 魏文帝罷五銖錢,至明帝復立。 王莽攝政,錢有六等,大錢重十二銖,次九銖,次七銖,次五銖,次三銖,次 輕重大小,莫不隨時而變。 孝武時,悉復銷壞,更鑄三銖,至元狩中,變爲五銖。 秦兼海內,錢重半兩。漢興,以秦錢重,改鑄楡莢錢。 孫權江左,鑄大錢,一當五百。 故錢之輕重,世代不同。 太公爲周置九府 權赤烏年,復鑄 又造赤仄之錢, 至文帝

稅旣煩,千金日費,資儲漸耗,財用將竭,誠楊氏獻說之秋,桑、兒言利之日。 **逐豐,上林饒積。** 國,興利之計,納稅廟堂。 身使臂者矣。昔漢之孝武,地廣財豐,外事四戎,遂虚國 海內之富,莫不腐紅粟於太倉,藏朽貫於泉府,儲畜旣盈,民無困敝,可以寧謐 竊以食貨之要,八政爲首,聚財之貴,詒訓典文。 外關百蠻,內不增賦者,皆計利之由也。 市列權酒之官,邑有告緡之令。 是以昔之帝王,乘天地之饒,御 用。 鹽鐵旣興,錢幣屢改,少府 今羣妖未息,四郊多壘,徵 於是草萊之臣,出財助 夫以西京 四極,如

列

別鑄 之盛 公私 救民之困 一豈得垂拱而觀之哉? ·得所, 政化無虧, 旣行之於古, 亦宜效之於今矣。 小錢 錢猶屢改,並行小大,子母相權,況今寇難未除,州郡淪敗,民物凋零, ,可以富益,何損於政,何妨於人也? 湯遭大旱,以莊山之金鑄錢,贖民之賣子者。今百姓窮悴,甚於襲日,欽明 且政興不以錢大,政衰不以錢小, 昔禹遭大水,以歷山之金鑄錢, 軍國 7用少,

疑,求下 臣雖術愧計然,識非心算,暫充錢官,頗覩其理。 臣 今此鑄,以濟交乏,五銖之錢,任使並用,行之無損,國得其益,穆公之言於斯驗 公卿博議。 如謂爲允,卽乞施行。 苟有所益, 不得不言。 脱以爲

品將從之,事未就,會卒。

之妻 廷尉。 是, 百餘篇 日 世哲弟神軌 中 不讀書。 初,謙之弟道穆,正光中爲御史,糾相州刺史李世哲事,大相挫辱,其家恒以爲憾。 Щ 別有集 時將赦, 張氏,明識 汝等宜各修勤,勿替先業。」 神軌 錄。 爲靈太后深所寵任,直謙之家僮訴 永安中,贈征 乃啓靈太后發詔,於獄賜死,時年四十二。 婦 人也。 教勸 房將軍 諸 子, 一、營州 從 師受業。 刺 史,諡 良,神軌左右之, 常誡之曰『自我爲汝家婦, 日康,又除一 朝士莫不哀之。 子出身,以明 入 諷 尙 書,判: 寃 禁謙之於 未見汝父 所著文章 屈。 謙 至

卿 行? 之, 軍 本 兼 具 懷 對 謙 祭酒。 訪 之長 日 亦 洛 大 臣 子子儒, 中 襲 慰 家 事 爵。 **朕意。」仍授祕** 百 意 口 興 字孝禮。 子儒 在洛,須其經營。 和 初, 備陳元顥 除兼殿中侍御史。 元顥 書郎中, 入洛, 敗 在 轉 且. 旦夕。 通 欲 其叔 其 直 道穆從駕北巡, 郎。 今日之來,知京 帝謂 時四方多 後 道穆 除 安東將 月一日 有 流 師後 卿 民, 子儒後踰河至行宮, 軍 初 子儒 光祿 事。」帝曰:「子 來 前, 爲梁州、 大夫、 何 故 司 不 北 儒 徒 與 莊 子 中 非 、西兗 兵 儒 帝 直 參 合 俱 見

傳,好 所賞。 子 文詠。 隆之行 儒 弟 緒, 司 梁州、 空行 字叔宗, :參軍 濟州 引 ,轉長流參 明 悟好學。 自 隨 恒 軍。 令總. 謙 之常謂 除鎭遠將 攝數 郡 人曰:「興 軍、冀州 武定三年卒,年三十二。 吾門者, 儀 同 府 當是此兒。」及長, 中 兵參軍 爲府主 封 涉獵 隆 之 書

州檢

戶

使,所

獲

甚

多。

後

以

公事

去官。

武定六年卒,

時年]

四

+

0

緒 孝貞弟 弟孝貞 孝幹,司 武定 中,司 空 東閣 徒 祭酒。 士

曹

参軍

母 0 謙 毎 之弟恭 謂 人 日 少, 一人生属心 字道穆,行字於世。 立行, 貴於 見知,當使夕脫羊裘, 學涉 經 史,非名流 儁 朝佩 士, 不 珠 與交結。 玉 者 若時 幼 孤 不 我知 事 兑 便 如

退 迹 江 海 自 求 其 志。

列 傳 第 六 + 五 高 崇

英 避 敏,實有茅氏就鑊之心。」匡大喜曰:「吾久知其人,適欲召之。」遂引爲御史。 主,雄才不世之君,無藉朽株之資,求人屠釣之下,不牽闍投之誚,取士商歌之中。 豺 純 風 權豪,臺中事物,多爲匡所顧問。 狼 碩之德; 當道,不問狐狸。 而慷慨, 御 史中尉元匡高選御史,道穆奏記於匡曰:「道穆生自蓬簷, 尚好章詠, 乏彫掞之工。雖欲厠影髦徒, 望雲路而低佪者,天下皆是也。若得身隸繡衣,名充直指,雖謝周生騎上之 明公荷國重寄,宜使天下知法。」匡深然之。 道穆曾進說於匡曰:「古人有言,罰一人當取千萬人懼, 班名俊伍 当, 其可 。 長於陋 得哉? 巷。 然疑 其所糾摘,不 頗 獵 明 奉書, 是以聞 獨 斷之

廣 聞。 興屋宇,皆置 正 光 又介朱榮討蠕蠕,道穆監其軍事,榮甚憚之。還,除奉朝請,俄除太尉鎧曹參軍 中, 出 |鴟尾,又於馬埓堠上爲木人執節。 使相州。 刺史李世哲卽尚書令崇之子,四貴盛一時,多有非法,逼買民宅, 道穆繩糾,悉毁去之,幷發其贓貨,具以

强, 親 問 屢請? 實者, 賊 蕭 勢,道穆 寶 益 夤 當是冀陛 兵,朝廷不許。 西征,以道 具 以 、狀對。 下恩顏 穆爲行臺郎中,軍機之事,多以委之。大都督崔延伯敗後,賊勢轉 寶夤謂道穆曰:「非卿一行,兵無益理。」遂令乘傳赴洛。 太后怒曰:「比來使人皆言賊弱,卿何獨云其强也」」道穆曰:「前 望霑爵賞。 臣旣忝使人,不敢虚妄。 願令近臣親檢,足知虛 靈太后

事訖當反,遇病不行。

保 護 後 俄 屬 兄 而 謙之被害,情不自安,遂託身於莊帝。 帝 以兄事 見出 道穆 懼禍,乃攜家趣濟陰, 帝時爲侍中, 變易姓名, 特相 往來於東平畢氏 欽 重 引居第 中 深 相

時難。

授 介朱 莊 榮 帝 職 即位,徵爲尚書三公郎 賜 爵 龍 城 侯。 九月,除太尉 中,加寧朔將軍。 長 史,領· 中書舍人。 尋兼吏部郎中, 遭母 憂去職,帝令中書舍人溫 與薛曇尚書使晉陽 (10)

角之。 便宜 募 往 萬 子 日 除 河 一元元 中 重賞 昇 之衆,輔 內 就 軍 郡 車 臣 及 元 宅 了背城 謂 駕 顥 將 北 旬 う未 顥 弔 元顥 以蕞 軍、給事黃門 月之間 北渡,循 天子 慰,詔 逼 有 爾 兵衆 虎牢城, 戰,臣 城 而 輕兵, 攝本 令諸! 守可 河 何 不 東下。 往不 等竭 多 任,表 侯 依 奄據京洛 侍郎、安喜 或勸帝 ,乘虚深 帝 克。 其股肱之力,破顥 自可 徵 辭 命 大將軍天穆 赴 臣 道穆秉燭 不 分兵河畔, 、入者, 使乘 關 . 竊謂萬全之計,不 許。 縣 西者,帝 開 三年,加前 輿 國 由 、飄露, 作 公,食邑千戶。 或 合於榮陽,向 **縛筏造船**, 詔 家 以問 孤 書數十 將 軍, 人神恨 帥 道 軍 必不疑矣。 征捍不得其 穆,道 將 過於此。」 紙, 軍 憤, 處處遣渡, 虎牢; 於 布告遠近, 穆對曰:「關中今日 主 時 憂臣 別徵介朱王軍, 介朱榮欲 帝日 如恐成敗難測 、人耳。 · 辱, 徑擒 「高舍人語是。」其夜 於是四方知 陛下若 良在於 之戰, 回 師 待秋 一,非萬 令赴河內 · 殘荒, 親 復主宮闕,此 率宿衞, 道穆謂 乘輿所在 大王擁 乘所履, 何由 以掎 到 榮 百 口

列

桓 文之舉 也。 且 日 縱敵,數世之患,今若還師,令顥重完守具,徵兵天下,所謂養虺成蛇,

悔 無及矣。」榮深 然之,曰「楊黃門侃已陳此計,當更議決耳。」

事 光 醉 , 必 禄 。」樂對 大 及 以奏聞。 夫、 莊 二二日:一日: 帝 兼 反 御 臣本北 政,因宴次謂尒朱榮曰:「前若不用高黃門計,則社稷不安。 諫諍 史中尉。 極言,無所 征蠕蠕,高黃門與臣作監軍,臨事能決,實可任用。」除征南將軍、金紫 尋卽眞, 仍兼黃門。 顧憚。 選用 御史,皆當世名輩,李希宗、李繪、陽休之、陽斐、 道穆外秉直繩, 內參機密, 凡是盆國利民之 可爲殷勸其酒令

封

義

邢

子明、蘇淑、宋世良等四十人。

今 以 其 漢 楡 深 濫 中 據 文 炭, 利, 一,官司 臣測之,必當錢貨永通,公私獲允。」後遂用楊侃計,鑄永安五銖錢。 古、 帝 人 於 叉 E 時用 功、 以五 貫 隨 糾 宜 便 繩,挂 食 一改鑄 之以重 分 錢 科 一破,置之水 錢 稍 、錫炭 大錢,文載年 薄,道 小, 網 刑,罹罪者雖 非 改鑄 鉛鉛 穆 上,殆欲 沙 表曰:「四民之業,錢貨爲本,救弊改鑄,王政所先。 四銖, 在市 一,縱 ·號,以記其始, 多,姦 復 銅價,八十一文得銅一斤,私造薄錢,斤餘二百。 至武帝復改 不沉。 私營,不能 鑄者彌 此 乃 三銖 因循 自 則 衆。 潤。 一斤所 爲半 有 今錢 漸 直 置 成 科 兩。 徒 止 無 有五銖之文, 而無二銖 防不切,朝廷之愆,彼復 此皆以 利 七十六文。 自 應息心,況復嚴刑廣設也。 大易 銅 小,以 價 至 自頃 重 賤 £. 之實, 何罪。 旣示之以 以私鑄薄 輕 十有 也。 薄甚 論 昔

僕 射 余朱世隆當朝權盛,因內見衣冠失儀,道穆便卽彈糾。 帝姊壽陽公主行 犯清路,

帝 爲 淸 執 緗 愧。」 直 赤 曰:「朕 之人,彼所行者公事,豈可私恨責之也。」道穆後見帝,帝曰:「一日家姊行 棒 卒 道 穆 以 呵之不 蓋 免冠 愧卿,卿反謝朕。」尋敕監儀注。 有 年載。 謝曰:「臣蒙陛下恩,守陛下法,不敢獨於公主虧朝廷典章,以此負陛 止,道穆令卒棒破其車。公主深以爲恨,泣以訴帝。 出 內繁蕪,多致零落。 叉詔 可令御史中尉、兼給事黃門侍郎道穆總集帳 曰:「秘書圖 .籍所在,內典□書,又加繕寫 帝謂公主曰:「高 路相 犯,極 中尉 以

究,耻於不 怨。 望 要。 繡 今, 目 衣 僶 賢 業慚 所指 守令 俛。 所謂 道穆 明 機儒 德愼罰,議 稽古,未 爲 冀 竊 叉 禮 成 學之士,編 樂互 上疏 政 見 付杖 以清 御 容 木 史出 能 興,不相沿襲者矣。 曰:「臣聞 肅 有 存先 之下,以 進 愛憎。 使, 比 一言以利國,說 若 次第。 典。 仍踵 悉受風 舜 虚 姦猾 高 命皐陶,姦宄是託,禹泣罪人,堯心爲念。 前 爲 祖 實,無 失,或傷善人,則尸祿之責,無所逃罪。 聞, 之徒, 太和之初,置廷尉司直,論刑辟是非,雖事非古始,交濟時 臣 雖 一策以興 罪 恒 時 以無庸,忝當今任,所思報效,未忘寢興。 不 獲 思 能 罪 報 自雪 恶, 邦,索米長安,豈不 人, 亦不 者,豈 多 有妄 無枉 可 造 勝道哉。 濫。 無名, 何者? 知愧。 共 臣 相 所以舉直措枉,事 雖 誣 所 得堯之罰,不能 至於職 愚短,守不 一镑。 以夙 御 夜爲憂,思 司其憂, 但識謝 史一經檢 假器, 不 猶 切 知

列

石 聽 使 居 性 有 以 獄 别 之傍,怨訟可 E 馊 所 成 一者爲 館。 革。 罪定, 檢 、迭相 之。 御史檢了,移付司直覆問,事訖與御史俱還。 如 臣 無復 御史若出糾劾,即移 . 鄙 糾發。 息;叢棘之下,受罪吞聲者矣。」詔從之,復置司 見,請依太和故事,還置司直十人,名隸廷尉,秩以五品,選歷官有稱,心平 |稽寬,爲惡 如二使阿 取 曲 敗,)廷尉,令知人數。 有 不得 不盡理,聽罪家詣門下 稱 枉。 若御史、司直糾 廷尉遣司直 中尉 彈聞,廷尉科按,一 通訴, 直。 劾失實, 與御史俱發,所到 别 加 按檢。 悉依 所斷 如舊式。 如 此,則 州郡,分 獄罪之。 庶 肺

不利, 朝, 司、雍州 都督、兼尚 道穆受詔督戰, 矣。」 **遂害之**, 一先是, 及介朱榮之死 欲 為南 刺 書右 史。 榮等常欲以其 巡之 時 僕射 年 又贊成太府卿李苗 計。 四十二。 也,帝召道穆付赦書, 、南道大行 未發,會介朱兆 親 太昌中, 黨爲御 臺。 斷橋之計 史, 又除車騎將軍,餘官如故。 贈使持節、都督雍秦二州諸軍事、車騎大將軍、儀同 入洛,道穆盧禍 故 令宣於外。 有 此 世隆等於是北 詔 o 及介朱世隆等率 因謂之曰:「自今日後, 及己,託 遁。 病去官 時雖 加衛 · 其部類 外託征蠻,而帝恐北 將軍、假車騎 世隆以 戰 當得精選御史 於大 道穆 將 夏門北, 忠 軍 於 大大 前 軍

子士鏡,襲爵。爲北豫州刺史。高仲密擁入關。

道穆弟謹之,繼沮渠氏後。 卒於滄州平東府主簿,年三十五。 贈通直郎。 無子。

迹可紀。 史臣曰:宋翻剛鯁自立,猛而斷務。 楊機清斷在公。 高崇明濟爲用。 辛雄以吏能歷職,任智效官。 謙之兄弟,咸政事之敏,飾學有聞,列于朝廷,豈 羊深以才幹從事,聲

校勘記

徒然也。

深失之晚節,至於顚覆,惜乎!

北溝求救 按「北溝」不見記載。卷九肅宗紀孝昌元年十二月詔稱「北淯懸危,南陽告急」,卽

此)據上引肅宗紀及卷七三楊大眼傳以爲「淸」當作「清」。其地在今河南南陽市之北, ?傳所敍事。「北溝」當是「北淯」之訛。 卷一〇六下地形志下荆州 有「北淸郡」,錢氏考異

說「裴衍西通鷗路」的第一鷗也卽在其地,可證。

若不除煩收疾 册府卷六五五七八四六頁「收」作「救」、疑是。

= 東軍 不 守 册府卷四 一七四九七五頁「軍」作「中」。按上文稱永安二年元顥攻城,介朱世隆狼狽退

還 云 云,據 卷七五 世隆傳稱:「元顥逼大梁」。詔假儀同三司、前軍都督,鎭虎牢。」下文又說纂「還

鎭 府 虎 车一 這 裏 軍 知辛纂所守之城即虎牢。卷一〇六地形志中北豫州條、云太和十九年於虎牢置「東中 」當是「中」之訛。 又上記字纂官「平東將軍、中郎將」、「中郎將」上亦當有「東」字。

29 孫 **父敬宗** 術 一,術卽琛 北史卷五〇辛雄傳附辛琛作「祖敬宗,父樹寶」。按元和姓纂輯本卷三辛氏稱「敬宗曾 子,又唐書卷七三上宰相世系表也是敬宗、樹寶、琛分列三代,當是此傳脫去「樹

寶」、「父敬宗」亦當作「祖敬宗」。

五 子懿 唐書卷七三上宰相世系表。 {北 . 史卷五○辛雄傳末「懿」作「愨」。按辛愨見北齊書卷四三源彪傳、 據姓纂、懿乃愍六世祖 ,不應同名。 這裏「懿」當是「慤」之訛。 元和姓纂輯本卷三、

У 太山平陽 卷八九 有 鉅 平,若平陽 、酷吏羊祉傳並 人 殿本考證云: 則屬高平郡,又有陽平,則屬魯郡, 云「太山鉅平人」。 「按北史羊祉傳卷三九社太山鉅平人。 羊氏本泰山南城人 當以 一年爲是。」按本書卷八八良吏羊敦傳、 羊祜封鉅平侯,後人或稱鉅平,或 本書地形志卷一〇六中泰山郡

稱梁父,這裏一平陽」當誤。

 \sqcap -從 IE 上 平薛 他 東 雍 本 州 改「王」。按通志卷 鳳 賢等聚 有 Œ 平 郡。 衆 作 薛鳳 逆 四四 賢於正平起事 諸本「正」作「王」 九羊深傳也作一正」,知 ,見本書卷二五、北史卷二二長孫道生附長孫稚 北史卷三九羊社附羊深傳大德本作「正」,百衲本 北史本是「正」字。 本書卷一 〇六上 傳。北史 {地 形志

避唐諱「稚」作「幼」。「王」字訛,今據改。

記

へ 九 凵 刺史李世哲卽尚書令崇之子 北史卷五〇高道穆傳「刺史」上有「前」字。 按卷六六李崇附李

世哲傳,世哲此時已徵爲兼太常卿,疑此傳脫「前」字。

(0)與薛曇尚書使晉陽 按薛曇尚, 附卷四四薛野賭傳, 這時他以司徒左長史兼吏部尚書出使晉

陽,授尒朱榮官。疑「書」字行。 但「曇尚」也可單稱「曇」、「尚書」作官名連讀、亦可通、今仍之。

魏書卷七十八

列傳第六十六

孫紹 張普惠

太守。 存。 長兼羽林監爲門下錄 與常景等共修律令。 孫紹,字世慶,昌黎人。 紹少好學,通涉經史,頗有文才,陰陽術數,多所貫涉。 事。 朝廷大事,好言得失,遂爲世知。 世仕慕容氏。 祖志入國,卒於濟陽太守。 曾著釋典論,雖不具美,時有 初爲校書郎、稍遷給事 父協,字文和, 中, 上黨 可

延昌中,紹表曰:

祚隆 雖 成 七 必 臣 敗。 百。 聞 建國有計,雖危必安,施化能和,雖寡必盛,治乖 此 今二 乃古今同然,百王之定法也。 態京門,下無嚴防,南、北二中,復闕固守。 伏惟大魏 應天 明 人理,雖合必離,作用 長安、鄴城、股肱之寄, 命,兆啓無窮,畢 世後仁, 失機 穰

列

傳

第

六

十

六

孫紹

山河要害之權,緩急去來之用,持平赴救之方,節用應時之法, 城、上黨、腹背所憑。 四軍五校之軌,領、護分事之式,徵兵儲栗之要,舟車水陸之資, 特宜修置,以固堂堂

之基。持盈之體,何得而忽?居安之辰,故應危懼矣。

寄命衣食。又應遷之戶,逐樂諸州;應留之徒,避寒歸暖。兼職人子弟,隨逐浮遊,南 有競棄本出,飄藏他土。或跪名託養,散在人間,或亡命山藪,漁獵爲命,或投仗强豪, 窺時,邊黎伺隙,內民不平,久戍懷怨,戰國之勢,竊謂危矣。必造禍源者,北邊鎭戍之 爭棄其業。混一之計,事實闕如,考課之方,責辦無日。流浪之徒,決須精校。今强敵 而涇渭奄殊,類應同役,而苦樂懸異。士人居職,不以爲榮,兵士役苦,心不忘亂。故 望於下里,主按舞筆於上臺,眞僞混淆,知而不糾,得者不欣,失者倍怨。 北 東西,卜居莫定。關禁不修,任意取適。如此之徒,不可勝數。爪牙不復爲用,百工 且法開清濁,而清濁不平,申滯理望,而卑寒亦免。 士庶同悲,兵徒懷怨。中正賣 使門齊身等,

權勢亦濟。 道不可久,須文質以換情;權不可恒,隨洿隆以收物。 文質應世,道形自安;洿隆獲衷, 若夫一統之年,持平用之者,大道之計也,亂離之期,縱橫作之者,行權之勢也。故 然則,王者計法之趣,化物之規,圓方務得其境,人物不失其地。又先帝時,

令,精粗有在。但主議之家,太用古制。若全依古,高祖之法,復須昇降,誰敢措意有 是有爲之樞機,世法之大本也。然修令之人,亦皆博古,依古撰置,大體可觀, 之儀,安置九服之節,經緯三才之倫,包羅六卿之職,措置風化之門,作用賞罰之要,乃 不班,是無典法,臣下執事,何依而行。臣等修律,非無勤止,署下之日,臣乃無名。是 是非哉?以是爭故,久廢不理。然律令相須,不可偏用,今律班令止,於事甚滯。 律令並議,律尋施行,令獨不出,十餘年矣。臣以令之爲體,卽帝王之身也,分處百揆 比之前 若令

農夫盡力,他食其秋,功名之所,實懷於悒。

北叛 伏惟陛 高麗。 問,即日事勢,乃 失,具論 表曰:「臣聞文質互用,治道以之緝熙,洿隆得時,人物以之通濟。故能事恢三靈,仁洽九服。 了具鑒始末。往在代都,武質而治安,中京以來,文華而政亂。故臣昔於太和,極陳得 命,隴右 未 下應靈踐阼,沖明照物,宰輔忠純,伊霍均美,旣致昇平之基,應成無爲之業。 還,爲鎭遠將軍、右軍將軍。 久之,爲徐兗和糴使。還朝,大陳軍國利害,不報。紹又 幾,出除濟陰太守。還,歷司徒功曹參軍,步兵、長水校尉。正光初,兼中書侍郎,使 四方華夷心態,高祖 構逆,中州驚擾,民庶竊議,其故何哉?皆由上法不通,下情怨塞故也。 至於此、盡微臣豫陳之驗。今東南有竊號之豎,西北有逆命之寇,豈得怨 垂納,文應可尋。延昌、正光,奏疏頻上,主者收錄,不蒙報 而漠 臣雖

列

急,臣 可謂經緯甚多, 稱慶,雖 天 實實 乖,大事 備肉 尤人 死 去矣。 食,痛 矣。 如 生,犬馬情畢。」 臣 無機 心無已。 然臣 一今不憂荒外,正慮中畿,急須改張,以寧其意。 可 奉國 織。 泣 四 夫天下者, 血 世,欣 上陳,願 戚 是同,但職 大器 垂採察。 也。 在 若得言參執事、獻可替否、寇逆獲除、社 正難傾, 冗散,不關 一傾難正。 麗樞密, 若仍持疑,變亂 寧濟之計,欲陳無所, 當今之危,躡足之 。尋作,肘腋

納。 紹 紹兄世元 性抗直 早卒,世元 了,每上封事,常至懇切,不憚犯忤。 善彈筝,紹 後聞筝聲便涕 但天性疏脫,言乍高下,時人輕之,不見採 泗嗚咽,捨之而去,世以此尚之。

開,守 卿 曰:「臣 猶享富貴。」雄甚駭愕,不 除 門候 年雖老,臣 驍 騎將 马。 軍,使吐谷渾。 紹於衆 卿乃少。」「二 中引 測所 吏部 還,爲太府 太后笑之。 以。 郎中辛雄 未幾 少 有 於衆外,竊謂之曰:「此 卿。 遷右將 河陰 曾 之難 因 軍、太中大夫。 「朝見、靈太后謂 紹 善推祿 中諸 命,事 紹會與百僚赴朝,東掖 曰:「卿 人,尋當死 驗 湛多 年稍老矣。」紹 盡 知者異之。 唯 ·吾與 未

都 {光 迁子曆 督冀 建 瀛 義 賜 滄 三州諸軍事、驃騎 爵新 除衛 昌子。 卿, 太昌 初 大將軍、尚書左僕射、冀州刺史、諡曰宣 ,遷左衞將 軍、右 光 祿 大夫。 永熙 二年卒,時年六十九。

初,

尉

少

將

軍

加

故。

轉金紫

光祿

大

夫。

永安中

,拜

太府

卿

以

前

參議

正

子伯元,襲。 齊受禪,例降。

伯元弟叔利,右將軍、太中大夫。

紹從父弟瑜,濟州長史。

瑜弟彝. 字鳳倫。 太和中, 舉秀才。 稍遷步兵校尉。 卒於武邑太守。 贈征虜將軍、 營

州刺史。

子伯融,出繼斌後。武定末,□□太守。

伯融嫡弟子寬,開府田曹參軍。

縣,受業齊土,專心墳 張普惠,字洪賑,常山九門人。身長八尺,容貌魁偉。 典,克厲不息。 及還鄉里,就程玄講習,精於三禮,兼善春秋,百家之 父曄,爲齊州中水縣令,隨父之

說,多所窺覽,諸儒稱之。

宗初,轉積射 尚書都令史。 太和十九年,爲主書,帶制局監,與劉桃符、石榮、劉道斌同員共直,頗爲高祖 將軍。 任城王澄重其學業,爲其聲價,僕射李沖曾至澄處,見普惠言論,亦 澄爲安西將軍 、雍州刺史, 啓普惠爲府錄事參軍 ,尋行馮翊郡 所知。 善之。 世 轉

第六十六 張普惠

列傳

設,不 情,恐: 空虚 限, 云 與,疑 農 彪 旣 制 以 身 別 之節 (之外); 葬適人,人食之,其黨也食之,非黨也不食。』食猶擇人,於射爲惑。 也。 日月。 疏 懸, 。為其忘哀疾。』愚謂除喪之始,不與饋奠,小功之內,其可觀射乎。 雜記云:『大功以下, 昵 宜 澄 可 賜垂曲採,昭其管見之心,恕其讜言之責,則芻蕘無遺歌,輿人有獻誦矣。」澄意納其 非 無宴食之道。 以二七令辰,集城中文武,肄武藝於北園,行揖讓於中否。時非大閱之秋,景涉妨 之敍 功衰 曾子問曰:『相識有喪服,可以與於祭乎。』孔子曰:『總不祭,又何助於人。』祭旣不 建雲 謂 待新 所 國家縞譚甫除,殿下功衰仍襲,釋而爲樂,以訓百姓,便是易先王之典敎,忘哀戚之 書策之哀,除於喪紀之內。 禮,大練之日,鼓素琴。蓋推以卽吉也。 樂。 以昭 在 ;五服六術,等衰麻之心。 鉦 調,二三之趣,停之爲便。乞至九月,備飾盡行,然後奏狸首之章,宣矍相之令, 身, ,神民忻暢 捨此二者,何用射為? 令德、視子孫者也。 欲於七月七日集會文武,北園馬射。 又曰:『廢喪服,可以與於饋奠之事乎?』子曰:『脫衰與奠,非禮也。』注 於斯時也。 外者不可無節,故斷之以三年,內者不可遂除, 按射儀,射者以禮樂爲本,忘而從事,不可謂禮,鍾鼓 伏惟 又七日之戲,令制無之,班勞所施,慮違事體。 皆因事飾情,不易之道者也。 慈明遠被,萬民是望,舉動所書,發言唯則,願更 小功以上,非虞祔練除不沐浴,此拘之以 普惠奏記於澄曰:「竊聞三殺 然則莫大之痛,深於 伏見明教,立射會之 故敦之 九親, 庫府

言,託 弟內除,明哀已殺 間,要須 前,已有 辭 自罷 令制乎? 斯式,旣不勞民損公,任其 乃答曰:「文武之道,自昔成規,明耻敎 一,小功,客至主不絕樂。 比適欲 依 前 州 府 私 相 率,王務 射,復何 聽樂則可,觀武豈傷?直自事緣須罷,先以令停, 之眼, 失 也? 肄藝良辰, 亦未言費用 戰,振古常軌。 且纂文習武,人之常藝,豈可 今雖非 庫 公制,而 物 也。 於 此 常藝之 ⟨禮, 兄 州 承

歷佐二藩,甚有聲譽。 又澄遭太妃憂,臣僚爲立碑頌,題碑欲云「康王元妃之碑。」澄訪 澄 轉揚州,啓普惠以羽林監領鎭南大將軍開府主簿,尋加威遠將軍。普惠旣爲澄所 旋京之日,裝束藍縷,澄賚絹二十匹以充行資。 於普惠。 還朝,仍羽 答曰:「 今烈懿: 林 監 謹 콰

方獲此請,深具來意。」

歸夫 稱。 朝典,但有王妃,而無元字。魯夫人孟子稱『元妃』者,欲下與『繼室聲子』相對。 |妃作配先王,更無聲子、仲子之嫌,竊謂不假『元』字以別名位。 萬代之高 人成風之襚』。皆以諡配姓。 故春秋,『夫人姜氏至自齊』,旣葬,以諡配姓,故經書『葬我 事,豈容於定名之重,而不稱烈懿乎。」澄從之。 古者婦人從夫諡。 今烈懿太妃德冠一世,故特蒙褒錫,乃 且以 小君文姜氏』,行 氏配姓、愚以 爲在生之 又曰『· 來

遷步兵校尉。 及 王 師大舉,重征鍾離,普惠爲安樂王 後以本官領河南尹丞。 詮別將長史。 世宗崩,坐與甌楷等飲酒遊從,発官 班師 ,除揚烈將軍、 相州 安北 驍騎將 府 司

刁整,家有舊訓,將營儉葬。 優之例,宜特顯敍,敕除寧遠將軍、司空倉曹參軍。朝議以不降階爲榮。時任城王澄爲司 三載之後降一階而敍,若才優擢授,不拘此限。熙平中,吏部尚書李韶奏普惠有文學,依才 普惠以爲矯時太甚,與整書論之。事在刁雍傳。故事:免官者,

空,表議書記,多出普惠。

降。 甚者也。[4] 一,『始封之君,不臣諸父昆弟』,則當服其親服。若魯衞列國,相爲服期,判無 得相爲服,不可還準公子,遠厭天王。故降有四品,君、大夫以尊降,公子、大夫之子以厭 則得服其親服。諸侯之子稱公子,公子不得禰先君。』然則兄弟一體。 疑矣。何以明之。喪服,『君爲姑姊妹女子嫁於國君者』,傳曰:『何以大功。尊同也。尊同, 子爲列國王,命其所生母爲國太妃,反自同公子爲母練冠之與大功乎。輕重顚倒,不可之 母期。父卒則皆得申。』此大夫命其妾子,以爲母所慈,猶曰貴父命,爲之三年,况天子命其 如母』,在三年章。 [傳曰:『貴父命也。』鄭注云:『大夫之妾子,父在爲母大功,則士之妾子爲 昭一國,二王胙土茅社,顯錫大邦,舍尊同之高據,附不禰之公子,雖許廢失位,亦不是過。 曰:「謹按二王祖母,皆受命先朝,爲二國太妃,可謂受命於天子,爲始封之母矣。喪服『慈母 名例不同,何可亂也。禮,大夫之妾子,以父命慈己,申其三年。太妃旣受命先帝,光 廣陵王恭、北海王顥,疑爲所生祖母服期與三年,博士執意不同,詔羣僚會議。 位列諸侯,自以奪同 普惠議

議,皆不須以國爲言也。今之諸王,自同列國,雖不之國,别置臣僚,玉食一方,不得以諸侯 斬。』今祖乃獻文皇帝,諸侯不得祖之,母爲太妃,蓋二王三年之證。 議者近背正經以附非 言之。敢據周禮,輒同三年。」 亡,不以親服服其所生,則屬從之服於何所施。若以諸王人爲公卿,便同大夫者,則當今之 乎。記曰:『從服者,所從亡,則已。』又曰:不爲君母之黨服,則爲其母之黨服。[パ]今所從既 皇姑,不以遥乎。今既許其申服,而復限之以期,比之慈母,不亦爽歟!經日,『爲君之祖父 服問曰:『有從輕而重,公子之妻爲其皇姑。』公子雖厭,妻尚獲申,況廣陵、北海,論封則封 類,差之毫毛,所失或遠。且天子尊則配天,莫非臣妾,何爲命之爲國母而不聽子服其親 母、父母、妻、長子』,傳曰:『何以期。父母長子君服斬,妻則小君。父卒,然後爲祖後者服 君之子,語妃則命妃之孫。承妃纂重,遠别先皇,更以先后之正統,厭其所生之祖嫡,方之

返,郁議遂屈。轉諫議大夫。澄謂普惠曰:「不喜君得諫議,唯喜諫議得君。」 當時議者亦有同異。國子博士李郁於議罷之後,書難普惠。普惠據禮還答,鄭重三

上疏,陳其不可,左右畏懼,莫敢爲通。會聞胡家穿壙下墳有磐石,乃密表曰: 時靈太后父司徒胡國珍薨,贈相國、太上秦公。一普惠以前世后父無「太上」之號, 詣闕

臣聞優名寶位,王者之所光錫,尊君愛親,臣子所以慎終。必使勳績相侔,號秩相

稱公,臣子辭。明不可復加上也。書曰:「茲予大饗于先王,爾祖其從與饗之。」司徒位 蓋取三從之道,遠同文母,列於十亂,則司徒之爲太上,恐乖繫敕之意。春秋傳曰:葬 易稱:「天尊地卑,乾坤定矣。」故曰「大哉乾元」,又曰「至哉坤元」。 育至尊,母儀四海,近樞克唯允之寄,居槐體論道之明。故以功餘九錫,褒假鑾纛,深 尊屬重,必當配饗先朝,稱太上以爲臣,以事太上皇,恐非司徒翼翼之心。 惟高祖受禪於獻文皇帝,故仰尊爲太上皇,此因上上而生名也。皇太后稱令以繫敕下, 靈記曰:「天無二日,土無二王。嘗禘郊社,尊無二上。」 明君臣不可並上。伏見詔書,以禮記曰:「天無二日,土無二王。嘗禘郊社,尊無二上。」 明君臣不可並上。伏見詔書,以 聖上之加隆,極慈后之至愛,憲章天下,不亦可乎。而「太上」之號,竊謂未衷。 可,然後能顯揚當時,傳徽萬代者矣。竊見故侍中、司徒胡公,懷道含靈,實誕聖后,載 司徒爲太上秦公,夫人爲太上秦君。夫人蒙號於前,司徒繫之於後,尊光之美盛矣。竊 明乾坤不可並大。 何者?

順,言不順則事不成,事不成則禮樂不興,禮樂不興則刑罰不中,刑罰不中則民無所措 益謙,地道變盈而流謙,鬼神害盈而福謙,人道惡盈而好謙」。又曰:「困於上者必反於 手足。」易曰「有大者不可以盈,故受之以謙」,「謙尊而光,卑而不可踰」,「天道虧盈而 曰僭之於天子。司徒,三公也,其可同號於帝乎。孔子曰:「必也正名,名不正則言不 漢祖創有天下,尊父曰「太上皇」,母曰「昭靈后」,乃帝者之事。 晉有「小子侯」,尙

聖情。 下,故受之以井。」比剋吉定兆,而以淺改卜,羣心悲惋,亦或天地神靈所以垂至戒,啓 伏願 聖后回日月之明,察微臣之請,停司徒逼同之號,從卑下不踰之稱,畏困上

之鑒,邀謙光之福,則天下幸甚。

葬三 路 司 斯 可 修 革 穆。 遂 此 徒之殯,晨昏於郊墓之間,雖聖思蒸蒸,其不虞宜戒。離宸極之嚴居,疲雲蹕於道 之會 在室之意,故曰「女子有行,遠父母兄弟」。 臨之,禮 臣 亦億兆蒼生,瞻仰失圖。 聞 臣 職忝 見災修德,災變成善。 愚以 也。 諫司 爲無上之名,不可假之,脫譏於千載,恐貽不言之咎。 司徒誠爲后父,實人臣也。 ,敢獻狂瞽,謹冒上聞,不敢宣露,乞垂省覽,昭臣微款,脫得奉謁**聖** 伏願尋載馳之不歸,存靜方之光大,則草木可繁, 此太戊所以興殷、桑穀以之自滅。況今卜遷方始、當 雖子尊不加於父,乃天下母以義斷恩,不 況乃應坤之載,承天之重,而朔望於 且君之於臣, 比

顏,曲盡愚衷者,死且不朽。

太后 **今**聖 太后 答,又令侍 稱令, **覽** 母 臨朝 表, 故 中元叉、中常侍賈璨監觀得失。 親 了,贈父太上公,求之故實,非爲無準。且君舉作則,何 至 周 臣 或 珍宅,召集王公、八座、卿尹及五品已上,博議其事,造使召普惠與相問 十亂,文母預焉。 仰思所難,竊謂非匹。」澄曰:「前代太后亦有稱詔,聖母 任城王澄問普惠曰:「漢高作帝,尊父爲 必循舊。」對曰:「天子稱詔, 太上皇。

列傳

第

不正 禮,復固斯難。」御史中尉元匡因謂崔光曰:「張表云,晉之小子侯,以號同稱僭。 | 良書曰『足下,今之太上皇也』,況太上公而致疑。」對曰:「褚裒以女輔政辭不入朝。 自 中引晉有小子侯,出自鄭注,非爲正經。」對曰:「雖非正經之文,然述正經之旨。公好古習 其不恭,故有太上之刺。本稱其非,不記其是。 之位,豈得通施於臣下」廷尉 太公尙父,亦兼二名。人臣尊重之稱,固知非始今日。」普惠對曰:「尙父者,有德可尙,太上 而 以太加上,二名雙舉,不得非極。 公名同太上皇,比晉小子,義似相類。但不學不敢辨其是非。」 普惠對曰:「中丞旣疑其是, 上,何必上者皆是極尊。」普惠厲聲訶翻曰:「禮有 上皇、太上公亦 不謙於太上。 .欲存謙光之義,故不稱耳,何得以詔令之別,而廢嚴父之孝。」,對曰:「后父太上,自昔未 前代母后豈不欲尊崇其親,王何以不遠謨古義,而近順今旨。未審太后何故謙於稱詔, |其非,豈所望於三獨。」尚書崔亮曰:「諫議所見,正以太上之號不應施於人臣。 何嫌其同也。」普惠對曰:「文武者,德行之迹,故迹同則諡同。 竊願聖后終其謙光。」太傅、清河王懌曰:「昔在僭晉,褚氏 少卿袁翻曰:「周官:上公九命,上大夫 雕蟲小藝,微或相許,至於此處,豈卿所及」翻甚有慚色, 不謂殿下以此賜難。」侍中崔光曰:「張生表 下卿上士、圖 何止大夫與 四 命。 臨朝, 命數 公!但今所行, 太上者,尊極 難殊 今者,太上 殷浩遺褚 然則,太 然周有 淵源 一同爲

志,卿之所陳,忠臣之道。羣公已有成議,卿不得苦奪股懷。後有所見,勿得難言。」普惠於 叉、賈璨宣令謂普惠曰:「朕向召卿與羣臣對議,往復旣終,皆不同卿表。朕之所行,孝子之 「朝廷方開不諱之門,以廣忠言之路。 厲。」 普惠對曰:「所言若是,宜見採用,所言若非,懼有罪及。 是拜令辭還。 志相崇順, 遂奏曰: 「張普惠辭雖不屈, 然非臣等所同。 渙汗已流, 請依前詔。」太后復遣元 默不復言。 任城王澄曰:「諫諍之體,各言所見,至於用捨,固在應時。卿向答袁氏,聲何太 卿今意在向義,何云乃慮罪罰。」議者咸以太后當朝, 是非須辨,非爲苟競。」澄曰:

昨承胡司 此 羣后逡巡,庶僚拱默,雖不見用於一時,固已傳美於百代。 遺書普惠曰:「思」「明侯淵儒碩學,身負大才,秉此公方,來居諫職,謇譽如 其所, 夫復何恨。 當休明之朝,掌諫議之職,若不言所難言,諫所難諫,便是唯唯,曠官尸祿。人生有死,死得 書,每爲 初,普惠被召,傳詔馳驊騮馬來,甚迅速,佇立催去,普惠諸子憂怖涕泣。普惠謂曰:「我 | |徒第,當面折庭諍,雖問難鋒至,而應對響出, |宋城之帶始縈,魯門之柝裁警,終使 口 然朝廷有道,汝輩勿憂。」及議罷,旨勞還宅,親故賀其幸甚。時中山 聞風快然,敬裁此白。」普惠美其 也,諤諤 如 也。 莊 弼

普惠以天下民調,幅度長廣,尚書計奏,復徵綿麻,恐其勞民不堪命,上疏曰:

列傳

第

六十

六

張

惠

民、民忘其勞。 典,所以 愛萬姓,從薄賦。 兩,布上稅麻十五斤。 伏 故歌舞以供其賦,奔走以役其勤,天子信於上,億兆樂於下。 開 所惟新,俱可復而不復,所以戰違法。 ·尚書奏復綿麻之調,尊先皇之軌,夙宵惟度,忻戰交集。 此之謂也。 知軍國須綿麻之用,故云幅度之間,億兆應有 萬姓得廢大斗,去長尺,改重秤,荷輕賦之饒,不適於綿 仰惟高祖廢大斗,去長尺,改重秤,所以 綿麻之利,故絹上 何者? 故湯日 聞復高祖舊 悅 一稅綿 以使 麻 m

之盈 追前 可存 之日 愚 極 則 旣 鞭 臣 知 :,而特放綿 以爲 之非 得長闊厚重者,便云其州能調,絹布精闊且長,橫發美譽, 戶主,連三長,此所以敎民以貪者也。 國 ,宰輔不尋其本,知天下之怨綿麻,不察其輻廣、度長、秤重、斗大,革其所弊,存 自茲以降,漸漸長闊,百姓嗟怨,聞於朝野。伏惟皇太后未臨朝之前,陛下居諒誾 少綿麻,不惟法度之□ 猶不 ,

遂後之失,奏求還復綿麻,

以充國用。 於理未盡。 計 工其廣,絲綿,斤兼百銖之剩,未聞 麻之調,以悅天下之心,此所謂悅之不以道,愚臣所以未悅者也 何者? 今宮人請]易,[t] 民言之可畏,便欲 調度,公 今百官請 造衣物,必度忖秤量。 依律罪 不 俸, 思庫中 州郡。 去天下之大信,棄 人樂長闊,弁欲厚 大有綿麻,而 若一 以亂視聽;不聞嫌長惡 匹之濫, 絹布,匹有尺丈 已行 羣官共竊之。 重,無復準 一斤之惡, 之成詔, 尚 書 其

廣,求計還官者。此百司所以仰負聖明也。

信照布於無窮,則孰不幸甚。伏願亮臣悾悾之至,下慰蒼生之心。 其一歲之用。[5] 使天下知二聖之心,愛民惜法如此,則高祖之軌中興於神龜,明明慈 官度、官秤,計其斤兩、廣長,折給請俸之人。 太和之稅。 今若必復綿麻者,謂宜先令四海知其所由,明立嚴禁,復本幅度,新綿麻之典,依 其在庫絹布幷及絲綿,不依典制者,請遣一尚書與太府卿、左右藏令,依今 總常俸之數,千俸所出, 以布綿麻,亦應

穆。 崇飾雲殿,遠邀未然之報。昧爽之臣,稽首於外,玄寂之衆,遨遊於內。 愆禮忤時,人靈未 馬騁中,危而非典,豈清蹕之意。殖不思之冥業,損巨費於生民。滅祿削力,近供無事之僧; 故宜敦崇祀禮,咸秩無文。而告朔朝廟,不親於明堂,嘗禘郊社,多委於有司。觀射遊苑,躍 發不寐,潔誠裡課。 生者也。 其人也。 故能馨香上聞, 福傳遐世。 伏惟陛下重暉纂統, 欽明文思, 天地屬心, 百神佇望, 法,郊廟之事,多委有司,上疏曰:「臣聞明德卹祀,成湯光六百之祚,嚴父配天,孔子稱周公 愚謂從朝夕之因,[10]求紙劫之果,未若先萬國之忻心,以事其親,使天下和平,災害不 普惠又表乞朝直之日, 時聽奉見。自此之後, 月一陛見。又以肅宗不親視朝, 過崇佛 伏願淑愼威儀,萬邦作式,躬致郊廟之虔,親紆朔望之禮,釋奠成均,竭心千畝,明 孝悌可以通神明,德敎可以光四海,則一人有喜,兆民賴之。 然後精進

列

用愛人,法俗俱賴。 復百官久折之秩。 心如來。 道由禮深,故諸漏可盡,法隨禮積,故彼岸可登。 已興之構,務從簡成;將來之造,權令停息。 臣學不經遠,言多孟浪,忝職其憂,不敢默爾。」 仍舊亦可,何必改作。 量撤僧寺不急之華, 尋別敕付外, 議釋奠 庶節 還

其盡 追改。 寧有 子。 收敍。書奏、肅宗、靈太后引普惠於宣光殿、隨事難詰、延對移時。 不可者,皆追而 聖德。〕太后曰:「小小細務,一一翻動,更成煩擾。」普惠曰:「聖上之養庶物,若慈母之養赤 不可,安然仍行,豈先帝傳委之本意。仰惟先帝行事,或有司之謬,或權時所行,在後以爲 法度,平斗尺,租調務輕,賦役務省。二日,聽輿言,察怨訟,先皇舊事有 翻改 如此苦事。」一普惠曰:「天下之親懿,莫重於太師彭城王,然遂不免枉死。微細之苦,何 |陳之。」對曰:「聖人之養庶物,愛之如傷,況今二聖纂承洪緒,妻承夫,子承父,夫、父之 今赤子 時 三日,進忠謇,退不肖,任賢勿貳,去邪勿疑。 ·史官剋日蝕,豫敕罷朝。 一」普惠僶俛不言。今曰:「卿似欲致諫,故以左右有人,不肯苦言。 股爲卿屏 幾臨危壑,將赴水火,以煩勞而 正之。 聖上忘先帝之自新,不問理之伸屈,一皆抑之,豈蒼生黎庶所仰望於 普惠以逆廢非禮,上疏陳之。 不救, 豈赤子所望於慈母!」太后曰:「天下蒼生, 四日,興滅國,繼絕世,勳親之胤,所宜 又表論時政得失。 令曰:「寧有先皇之詔,一 不便於政者, 請悉 左右,卿 曰,審

沉淪幽壤,緬焉弗收,豈是興滅繼絕之意。乞收葬二王,封其子孫,愚臣之願。」太后曰:「卿 棄,親親故也。 國,繼絕世」,滅國絕世,竟復誰是了普惠曰:「昔淮南逆終,漢文封其四子,蓋骨肉之不可 下莫不忻至德,知慈母之在上。臣所以重陳者,凡如此枉,乞垂聖察。」太后曰:「卿云『興滅 可得無。]太后曰:「彭城之苦,吾已封其三子,何足復言!」普惠曰:「聖后封彭城之三子,天 有理,朕深戢之,當命公卿博議此事。」 竊見故太尉咸陽王、冀州刺史京兆王, 乃皇子皇孫, 一德之虧, 自貽悔戾,

諸郎以普惠地寒,不應便居管轄,相與為約,並欲不復上省,紛紜多日乃息。 及任城王澄薨,普惠以吏民之義,又荷其恩待,朔望奔赴,至於禪除,雖寒暑風雨,無不 初澄嘉賞普惠,臨薨,啓爲尚書右丞。靈太后旣深悼澄,覽啓從之。 韶行之後,尚書

救累世之勁敵,可謂無名之師。諺曰『唯亂門之無過」,愚情未見其可。當是邊將窺竊一時 宜安民以悅其志,恭己以懷其心。而先自勞擾,艱難下民,興師郊甸之內,遠投荒塞之外, 乃封豕長蛇,不識王度,天將悔其罪,所以奉皇魏。故荼毒之,辛苦之,令知至道之可樂也。 惟陛下叡哲欽明,道光虞舜,八表宅心,九服清晏。蠕蠕相害於朔垂,妖師扇亂於江外,此 以利貞爲大,非義則不動,皇王以博施爲功,非類則不從。故能始萬物而化天下者也。伏 正光二年,詔遣楊鈞送蠕蠕主阿那瓖還國。普惠謂遣之將貽後患,上疏曰:「臣聞乾元

之功, 智,願 兵 使楊 停。 民 殷 亂 行 迎 國 好 不 可 鑒。 積 欲 以 匈 不 小名,不圖 何容 想 後 資 使 鈞 奴 臣言 圖 年 無 以呈 不 主 飢 中 南 之。 爲 天 伏 弗 拒 繼 思 喪 將 不 願 北 季布 饉 獻 戰 兵 立, 之虜。 及義,文書所 今 土 輯 而 网 安危 相 爲 欲定 疆 和 表奏, 以爲不 雖 仍,須其 國 且 区 一, 並 萬國 Щ 義 納 大 器, 云散亡, 蠕 告難,簡書相續,蓋 昔莊公納子糾 頭 大 計,此微 宜表,朝算已決,卿深誠厚慮,朕用嘉戢。 一、以靜 部答 嶿 不 興喪, 可 自斃,小 一,件時 衆。 詩 得已而 經過,不 日 姦虞難 四疆,混 斬之。 臣 有 脱狂狡辩 而 夫 所 或 動 亡大傷, 用之者也。 以寒 敢 大 窮 抑。 其 以致乾時 千載 不 義 鳥 構間 之期,坐而 亦 可 陳。 心者 ,皇魏堂堂, 歸 脱有 人公 無能 然後 濟 以 於 也。 乎? 爲美。 兵猶 井陘之慮, 之敗, 尚或 夫白登之役,漢祖親困之。 其 爲 間 也, 舉而 阿 火也,不戢 那瓌之不還,負 興惻 自 , 況 寧廢 那 魯僖以邾 而 至 正 弁之。 今早 瓌 復 矣。 、況那褒 與今舉相 楊鈞 投命皇朝, 斯 事 酷 德。 連 將 臣 [異常 之肉 中 國 愚昧 自焚。 製禍 後主 但此段機略,不獲相從,脫後 國 ۶ 何 會, 其可 而 多 信 撫之可 聖 流離 亂 之高略,所以 有 何以寧之? 遠, 天其或者欲 一慈降 二房 義? 食乎 亡,似 懸冑之耻。 樊噲 遠來 必 .膳,乃 自 此 也,豈容困 1 無 機 當 滅 高車、 一欲以十二 可 之際 依 之形 非 今宰輔 以 採, 庇 以 謬 獲 萬 今蠕蠕 告戒 此 在 北北 一, 可 蠕 兩 五 萬 疲 匹 虎 蠕, 專欲 我 干人 衆横 送彼 夫之 情 以 師 兆 時 連 宜

不逮,勿憚匡言。」

退。軍 蕭氏,不從。 湛 僧 率衆攻逼 時 罷還朝。 蕭 衍 義 俄而,正德果逃還。 州 ,詔普惠爲持節、東道行臺,攝 蕭 刺 行弟子西豐侯正德詐稱降款, 史文僧明舉城歸順, 凉州刺史石士基、行臺元 揚州 軍司 刺史長孫稚遣別駕封壽 朝廷頗事 赴援之。 一當迎, 洪超並 軍始渡淮,而封壽已棄城單馬而 普惠 一贓貨被繩,以普惠爲右將 入城固守, 上疏,請赴揚州, 行將裴邃、

軍、涼州刺史,即爲西行臺。

以病

,辭 免。

除光祿大夫,右丞

如

故。

赴。 熙果已密遣其從兄山虎與吳富同逆,又妄自說鄉里,紛動羣氐,託云與崔南秦有隙,拒而 舊是蕃國之胤,而諸氏與相見者,必有陰私言,宜加圖 時,南秦氏豪吳富聚合兇類,所在邀劫。公熙旣至東益州,刺史魏子建密與普惠書,言公熙 進,運租車 脛、譁、瘫、豳、東秦六州兵武,召秦州兵武四千人,分配四統;令送租兵連營接栅, 其所部將統,聽於關西牧守之中隨機召遣,軍資板印之屬,悉以 秦、岐、涇、華、雍、豳、東秦七州兵武三萬人,任其召發,送南秦、東益二州兵租,分付諸戍**,** 所縮武都、武階,租頗得達。 租達下落,吳富等果脅車營,實公熙所潛造也。 先是,仇池武興羣氐數反,西垂郡戍,租運久絕。 驢,隨機輸轉。 別遣 中散大夫封答慰喻南秦,員外常侍楊公熙宣勞東益氐民。於 東益羣氏先款順,故廣業、仇鳩、河池三城栗便得入。 後吳富雖爲 防。 詔普惠以本官爲持節、西道行臺。 普惠乃符攝公熙,令赴南秦。 左右 自隨。 所 殺,而徒黨猶盛。秦 普惠至南秦,停岐、 相繼 其應 給

列傳

第

六

+

六

張普

惠

入東益十萬石租,皆稽留費盡,升斗不至,鎭戍兵武,遂致飢虚,咸恨普惠經略不廣。

普惠拜表按劾公熙。還朝,賜絹布一百段。

時詔訪冤屈,普惠上疏曰:

載忠賢,一死一削,用爲恒典者也。故尚書令臣隆,未能遠稽古義,近究成旨,以初封 開國五等,有所減之言,以爲世減之趣。遂立格奏奪,稱是高祖本意,仍被旨可。差謬 之詔,有親王二千戶、始蕃一千戶、二蕃五百戶、三蕃三百戶,謂是親疏世滅之法,又以 書之信,重之以白馬之盟。 其以强大分王,罪犯蹙邑者,蓋有之矣, 未聞父基子構, 世 作翰。漢祖封爵之誓曰:「使黃河如帶,太山如礪,國以永存,爰及苗裔。」又申之以丹 之來,亦已甚矣。遂使勳親懷屈,幽顯同寃,紛訟彌年,莫之能息。 詩稱「文王孫子,本枝百世」,易曰「大君有命,開國承家」。皆所以明德睦親,維城

封,減從今式。如此,則減者減其所足之外,足者足其所減之內。減足之旨,乃爲所貢 滅之大驗者也。 博陵襲爵,亦在太和之年,時不世減,以父嘗全食,足戶充本,同之始 定之嫡,邑齊親王;河間戚近,更從蕃食。是乃太和降旨,初封之倫級,勳親兼樹,非世 辭。自己豈得混一,罔分久近也。自己故樂良、樂安,同蕃異封,廣陽、安豐,屬別戶等。安 .輒遠研旨格,深窮其事,世變減奪,今古無據。 又尋詔書,稱昔未可采,今始列

民其從乎! 爲世減之法,以王封有親疏之等,謂是代削之條。 判之,以開訓所減之旨,可以不疑於世減矣。 本,清淵 税之法,王食其半,公食三分之一,侯、伯四分之一,子、男五分之一。 是以|新興得足充 然之詔。 所食耳。 吏多減戶。 減實之理,聖明自釋,求之史帛,猶 欲使諸王開國,弗專其民,賦役之差,貴賤有等。 故太傅、任城文宣王臣澄樞弼累朝、識洞今古,爲尚書之日, 故始封承襲俱稱。 所減謂減之以貢,食謂食之於國, 有未盡。 而臣肇弗稽往事,日五等有所滅之格,用 妄解成旨,雷同世 時尚書臣琇疑減足之參差,旨又 蓋準擬周禮公侯伯子男貢 奪。 殷勤執請,孜 以此毒天下, 斯實高 祖

七廟曾立,不治未恤,嫡封則爵祿無窮,枝庶則屬內貶絕。 曹,朝言巷議,咸云其苦。 人吁嗟,尚曰虧治。 又律罪例減,及先帝之總麻,令給親恤,止當世之有服。 今諸王五等,各稱其冤,七廟之孫,並訟其切。 恐非先王所以建萬國,親諸侯,睦九族之義也。 儀刑作学,億兆 律、令相違,威澤異品。使 陳訴之案,盈於省 何觀。 夫一

孜於重議。

被旨不許,於此遂停。

侮於鰥寡,而況於公侯伯子男乎。今旨訪寃滯,愚以此爲大者。 代象賢之誥,退由 臣猥忝今任,於茲五年,推尋旨格,謂無世滅之理。 九伐,進從九儀,則刑罰有倫,封不虛黜。 請近遵高祖減食之謨,遠循百 斯乃文王所以克慎,不敢 求尋光錫之詔,幷諸

民,可不慎乎?親親以牧族,其可棄乎?如脱蒙允,求以旨判爲始,其前來吏秩,悉年 充本,減從令式者,從前則力多於親懿,全奪則減足之格不行,愚謂祿力並應依所□之 條格 故不得同於新封之力耳。 食而食之。若是則力少蕃王,粟帛仍本戶邑雖盈之減。兩秦旣有全食足戶之異,三三 ,所奪所請,事事窮審。 親恤所哀,請依律斷。 諸王開國,非犯罪削奪者,並求還復。 。伏惟親親尊賢,位必功立。 其昔嘗全食,足戶 尊賢以司

已。 誤惑視聽。CIED限以汎前,更爲年斷。六年、三年之考,以意折之,汎前、汎後之歲,隔 内外貴賤,莫不同澤。又覆奏稱爰及陪皂,明無不逮。自後人率其心紛綸,盈庭嫌少, 中、別駕及諸軍幢,受命於朝廷,而可不預乎。此之班駁,雲雨之不平,謂是當時有司 載。遷都之構,庶方子來,汎澤所沾,降及陪皂。 寧有岳牧、二千石、縣令、丞、尉、治 草偃,畏之如雷電,敬之如明神。是以天子家天下,綏萬國,若天之無不覆,地之無不 出納之未允。何以明之。仰尋世宗詔書,百官普進一級,中有朝臣刺史登時褒授,則 而絕之。遂使如綸之旨,頓於一朝。汎前六年上第者全不得汎,三年上第者蒙半階而 汎前汎後合考者隔絕而不得,無考者無折而全。 汎前汎後,有考無考,並蒙全汎。 臣又聞明德愼罰,文王所以造周,咸有一德,殷湯所以革夏。故能上令下從,風動

與否 年之考,汎前者八年一 天下,自己可不愼歟」言之不從,無以抑之,遂奏奪牧守外祿,全不與汎。 乖 違,勤舊彌屈。 階。政令不一,冤訟惟甚,與而 差若毫釐,謬以千里,其此之謂乎? 復奪,其本在茲。 易曰: 「言行,君子之所以動 致使邀駕 散 官改 擊鼓 爲 四

者,無理

以

加

其罪,誹謗公聽者,無辭以抑其言。

噂喈所

由生,慢勃所由

起。

均洽。 近 私。」 無曠庶官,天工 準聖明二 堯典 孔子 夫琴瑟不 如 謂 日 曰:「克明俊德。」呂刑曰:「何擇非人。」 未 ·「不患貧而患不均。」「l型如此,則官必擇人,汎則宜溥。 汎,內外百官,悉同 可,宜以權理折之。 調,澆而更張。日召善人,國之本也,其可 一人其代之。」 誤云:「人之云亡, 郭國 一階,不以汎前折考,不以散任增年,則同雲共澍, 周官曰:「官弗必備惟其 % 一多字。」又曰:「雨我 棄乎? 詩云:「樂只君子,邦家之 請遠遵 公公田 正始元旨, ,遂及我 四海

苦於煩 夫三載之考,興於太和 汎 而考則 ,不可無考。 易 任 三年,朝官旣祿等平曹 E 終年 聖人之大寶日位,何以守位日仁。」春秋傳日:「一 ·,專使決斷,重於陪臣恒上。 守宰之汎,旣以追奪,則百官之汎,不應 再周之陟 り更四 7, 周 通於景明。 乃陟。 若通爲三載之考, 考祿參差,各稱 閑 劇祿力,自 獨 霑。 曰擇人。」如此,則 其枉。 有 無汎隔折, 溥澤旣收, 加 減 且. 陪臣 則各盈其分, 日 復 從 以 誰 軍 事省降, 敢 乃可無 征 怨 戍,

列

亦足以近塞羣口,遠綏四方。

宅革心,選進願以三儁居德。 道所以佑辟康民,敢不敬守。 H · 昳求賢,猶有所失,況不遵擇人之訓,唯以停久而進乎。 自今已後,考黜願以三 書曰:「舉能其官,惟爾之能,稱非其人,惟爾弗任。」斯<u>周</u> 臣忝官樞副,毗察冤訟,寤寐惟省,謂宜追正,愚固所陳,

萬無可採。

等竊 普惠乃依 蕭衍遣將胡廣來寇安陽,軍主陳明祖等脅白沙、鹿城二戍,衍又遣定州刺史田超秀、田僧達 陷石頭成,徑據安陂城。郢州新塘之賊,近在州西數十里。普惠前後命將拒戰,並破之。 出 除左將軍、東豫州刺史。淮南九戍、十三郡,猶因蕭衍前弊,別郡異縣之民錯雜居止。 、次括比,省減郡縣,上表陳狀。 詔許之。宰守因此縮攝有方,姦盜不起,民以爲便。

普惠 年三月,在州卒,時年五十八。 海於四· 普惠 不營財業,好有進舉,敦於故舊。冀州人侯堅固少時與其遊學,早終,其子長瑜, 時請祿,無不減贍給其衣食。 贈平北將軍、幽州刺史、諡曰宣恭。 及爲豫州,啓長瑜解褐,攜其合門拯給之。孝昌元

樂儁弟龍子,揚州驃騎府長史。 長子榮儁,武定末,齊王相

府屬。

史臣曰: 孫紹關右之士、公文能指論世務,亦其志也。 張普惠明達典故,强直從官,侃

然不撓,其有王臣之風 矣。

校勘記

- 臣 卿 乃少 諸本「卿」作「節」、北史卷四六孫紹傳、册府卷九四六一一四二頁作「卿」。按孫紹這
- 時 官太 府 少卿,故作此語,「節」字訛,今據改。
- 葬我 小君文姜氏 北史卷四六張普惠傳無「氏」字。 按春秋莊公二十二年經文本無「氏」字,這

裏

當

是行·

文。

- = 叉 繼 日 母 之黨服。」疑普惠卽用 不 爲 君母之黨服則爲其母之黨服 入,或是誤記,或當 此文 而 時傳抄本有異文,不悉出 倒 其辭 "則「君」字當是「繼」字之訛。 按禮記未見此語,唯服問云:「爲其母之黨服,則不爲 [校記。 | 普恵 諸奏疏 中引 經文與
- 25 禮 夫」的話,所 有 下 卿 上 士 重在「上」字、諸本作「下 册府卷五四一六四九四頁「下卿」作「上卿」。 卿」當訛 按這是張普惠駁袁翻「上公」「上大

今

傳

本

間

有出

珰. 列 時 中 傳 Щ 第 莊 六 酮 遺書普惠日 六 校 勘 記 北史卷四六「莊」作「杜」。按北齊書卷二四 杜弼傳 一七四七 云一中山 曲陽人

- 也。」當卽其人。這裏「莊」字當是形近而訛。
- 不適於綿麻而已 通鑑卷一四八四六三六頁「適」作「啻」,疑是。
- 「十つ 不惟法度之□易 ₩府卷五三〇六三三六頁所闕字作「幅」,不可解,今不
- 今宮人請調度 按上云「羣官共竊之」、下云「百官請俸」、疑「宮人」乃「官人」之訛。
- バ 丸 **リ** 總常俸之數千俸所出以布綿麻亦應其一歲之用 按語意晦澀,疑有訛脫。
- 愚謂從朝夕之因 通鑑卷一四八四六三六頁「從」作「修」、疑是。
- 今始列辭 諸本「辭」作「璧」,旁注「疑」字,册府卷四七二五六三七頁作「辭」。按「列璧」無義,今

據改、並删「疑」字。

- 豈得混一罔分久近也 諸本「罔」訛「內」,今據册府同上卷頁改。
- 若是則力少蕃王至既有全食足戶之異 按語不可解、疑有訛脫。
- 自後人率其心紛綸盈庭嫌少誤惑視聽 册府卷四七二五六三八頁無「嫌少」二字。 按「嫌少」上下
- 疑有脫文,册府恐是以讀不可通,删二字,但讀作「其心紛綸,盈庭嫌少」,亦可通,今仍之。
- 二吾 地」。然或是删府據今傳本改,今仍之。 易曰言行君子之所以動天下 册府卷四七二五六三九頁「天下」作「天地」。按今傳本易繫辭作「天
- 澆而更張 ₩府卷四七二五六三九頁 澆」作「弛」,疑是**。**

列

傳第六十六

校

勘記

七四九

魏書卷七十九

列傳第六十七

成淹 范紹 劉桃符 劉道斌 董紹 馮元興 鹿 念

張熠

顯 闕,授兼著作郎。 參軍事,劉彧以爲 遊論,顯祖覽之,詔尚書李訢曰:「卿等諸人不如成淹論,通釋人意。」乃敕停行。 祖 廟諱, 仕劉義隆, 為撫軍府中兵參軍。 早卒。 成淹,字季文,上谷居庸人也。自言晉侍中聚之六世孫。 時顯祖於仲冬之月,欲巡漠北,朝臣以寒甚,固諫,並不納。 員外郎,假龍驤將軍,領軍主,令援東陽、歷城。 淹好文學,有氣尚。 祖昇,家於北海。父洪,名犯 皇興中,降慕容白曜,赴 劉子業輔國府刑獄 淹上接輿釋

事。 太和 主客執之,云:「弔有常式,何得以朱衣入山庭」「13昭明等言:「本奉朝命,不容改易。」 中, 文明太后崩,蕭賾遣其散騎常侍裴昭明、散騎侍郎謝竣等來弔,欲以朝服行

列

傳第

六

+

七

成

淹

日 齌 也 昭 未 自 彪 出 昔季孫將行,請遭喪之禮,千載之下,猶共稱之。 卿遠自**江南** 明 有 日 如 昭 一未解魏朝不聽朝服行禮 必必 袴褶 敢聞 隨,而 通 ,百僚內外,朱服煥然,彪行人不被主人之命,復何容獨以素服問衣冠之中? 所言 光國 明 何 此 明等入,皆令文武盡哀。 昭 乃搖 典,行人得失,何其異哉!」昭明言:「二國交和旣久,南北皆須準望。 者 一之譽, 明遂 數四? ·於時初不素服,齊朝亦不以爲疑,那得苦見要逼。」淹言:「彪通弔之日 命。 淹 罪本朝。」淹言:「彼有君子也,卿將命折中,還南之日,應有高賞,若無君子 彼不遵高宗追遠之慕,乃踰月卽吉,彪行弔之時,齊之君臣皆已鳴玉 此 膝 旣 以 相 而言:「三皇不同禮,亦安知得失所歸。」淹言:「若如來談,卿以虞舜、高宗 我皇帝仁孝之性,侔於有虞,處諒闇以來,百官聽於冢宰,卿豈得以此方彼也。 狀 戎 執 雖 顧 對。 志 服,不可以弔,幸借緇衣餡,以申國命。 復 而笑曰:「非孝者,宜尼有成責,行人亦弗敢言。希主人 不移。 非 高 理 祖 見罪,亦復何嫌。 一義出 高祖 詔 沖曰:「我所用得 後正侍郎。 敕尚書李沖, 何典。」淹言:「吉凶 高祖以淹清貧,賜絹百匹。 南史、董狐,自當直筆。」旣而, 人。」仍敕送衣餡給昭明等,賜淹果食。 令選一學識者更與論執, 不同,禮 今為魏朝所逼, 有 奉 成數, 慰, 不能式遵成 玄冠 沖奏遣 高祖遣李沖問淹昭 裁以弔 違負指 齊高 不弔, 盈 帝崩 ,朝命 淹 授, 服, 庭, 事, 童 來責 也,但令 孺 昭 貂璫 魏遣 方謂 還南之 使 以 明旦引 (雖高 明言 共 爲 弔服 人 李 唯 非 曜 議

欺 節 因 南 奪 登 北 霊 中 + 連 宗 臺 原 六 和 慶 有 以 年 旣 菽 觀 庾 久, 雲 車 賾 工 物 而 遣其散騎常侍 採 及 比 行 者 棄 高 者皆 獲 信 祖 多 絕 敕 一, 豈 相 好 淹 顧 引 眷眷守 爲 庾 失 **篳等**館 色。 利 、散 而 尾 動 何 南 騎 生之信 憲 岩岩 侍 孎 知淹 望 是 郎 大 何 行 昔從南 憲 或 禮 且 善隣 齊 事 主 先 畢 入, 書 之義 主 邢宗慶朝 還 而 歷 外 ? 以 事 館 淹 手 宋 朝 言 掩 賜 **資**, 目 荷 酒 日 夫 値 恩 食。 爲 積 朝 卿 王者 世 宗 廷 何 · 當 慶 有 爲 語 事 不 不 應 淹 明 拘 便 堂, 小 爾

禁

而

作

魯

肅

淹

言

我

捨

危

効

順

欲

追

蹤

陳、韓、

何

于禁之

有

憲

亦

不

對

此 謂 馬伯 非 淹 跡 日 未 事 馬 所 淹 言 審 近 奏 仰 知 日 王 使知 聞 聞 昔 肅 者 也 高 青 武 聽 行 租 歸 之。 高 肅 覽 次 孙 王 國 日 祖 朝 間 滅 遂 也 行 大 紂 歌 伏 明 臣 何 悅 到 高 爾 馬 必 日 聞 朝 旭 悉 引 無 日 上 謂 歌 成 以 居 失言 入 其 掩 彭 淹 淹 河 餘 潚 口 城 我 共 曾 洛 種 問 而 王 官 卿 與 笑 此 力田 語 中 殊 江 之已甚 是 淹 日 自 表 有 顧 大 以 何 謂 劉 往 ___ 庸 當 城 詔 覆 淹 石 侍 本 知 觀 豈宜再說。」遂 此 御 亂 卿試 之。 是 隸 淹 段 史張 華 言言 徐 非 , 足 重 孙 及 紂 仍 爲 思 變 敍 都 乃 隨 寧 制 言 之。 輿 造 朝 司 勝 日 行 歌 庸 馬 皆大 青州 潚 城 幸 與 東 輿駕 向 話 言 渡 者 潚 笑。 本 庸 』,肅 至 聊 多 還奏言實。 非 言 臣 洛 扈從, 因 高 其 前 知 戲 祖 肅 地 故 淹 朝 言 叉 應 因 歌 寓 敕 多逐 徐 謂 侍 有 爲 於 淹 孙 時 殷之頑 潚 宴 致 靑 淹 將 議 間 辭 日 所 州 今 紛 淹 高 溺 困 H 紜 若 乃 民 丽 重 能 思 不 戲 批 有 猶 來 制 古 謂 潚 而 ,

轉 卿太優。」肅言:「淹旣蒙進,臣得屈己伸人,此所謂陛下惠而不費。」遂酣笑而止。 卿 上馬一匹,幷鞍勒宛具、朝服一襲,轉謁者僕射。 .甚。」|肅言:「臣屈己達人,正可顯臣之美。」|高祖曰:「卿旣爲人所屈,欲求屈已之名, ,其才亦 不困。」肅言:「淹才詞便爲難有,聖朝宜應敍進。」高祖言:「若因此 進淹, 乃賜淹龍 恐辱 復於 卿

厩

之策。」詔曰:「此前車之轍,得不愼乎」」淹曰:「伏聞發洛已來,諸有諫者,解官奪職,恐非聖 幽 明 屬 之誦,臣雖卑賤,敢同匹夫。」高祖優而容之,詔賜絹百匹。 納下之義。」高祖曰:「此是我命耳,卿不得爲干斧鉞。」淹曰:「昔文王詢於芻蕘,晉文聽輿 蕭鸞遣使,敕驛馬徵淹。 明 同棄,陛下俯應人神,按劍江涘,然敵不可小,蜂蠆有毒,而況國乎?深願聖明保萬全 時遷都,高祖以淹家無行資,敕給事力,送至洛陽,幷賜假日與家累相隨。 車駕濟淮,淹於路左請見,高祖竚駕而進之。 淹曰:「蕭鸞悖虐, 行次靈丘,

一誠,而今者不得相納。」敕賜驊騮馬一匹,衣冠一襲。除羽林監,領主客令,加威遠將 慮有傾危, 乃上疏陳諫。 高 于時宮殿初構,經始務廣,兵民運材,日有萬計,伊洛流澌,苦於厲涉,淹遂啓求,敕都 祖幸徐州,敕淹與閭龍駒等主舟檝,將汎泗入河,泝流還洛。 運四方,而黃河急浚,人皆難涉。我因有此行,必須 高祖敕淹曰:「朕以恒代無運漕之路,故京邑民貧。今移都伊 (乘流, 所以開百姓之心。 知卿 軍次碻磝,淹以黃河浚

高 事 水 造 祖 浮航。 雖 世 宗 崩 初 詔 高 ,司徒、彭 猶 祖賞納之,意欲榮淹於衆,朔旦受朝,百官在位,乃賜帛百匹, 在耳。」乃 城王勰曰:「先帝本有成旨, 相 聞選曹,加 淹右軍,領左右都水, 淹 有 歸國之誠, 仍主客令。 **兼歷官著稱**, 復授驍騎 知左右二都 宜 將 加 軍,加 優陟 水

輔國將軍,都水、主客如故。

景 明三 淹 一年,出 小 Ü 畏法, 除 平陽 與客十年,四方貢聘,皆有私遺,毫釐不納,乃至衣食不充。 太守,將 軍 如故。 還 朝,病卒。 贈 本 ·將軍、光州刺 史,諡 日定。 遂啓乞外祿。

賦 間 子 起。 霄 字 知音之士,共所嗤笑,閭巷淺識,頌諷成羣,乃至大行於世。 景鸞。 亦學涉,好 爲文詠, 但詞 彩不倫, 率多鄙俗。 與 河東姜質等朋 歷治 書侍 御 史 遊 而卒。 相

母 叉 范紹 誠之曰: ,字始孫,敦煌龍勒人。 初,充太學生, 「汝父卒日 轉算生,頗涉 , 令汝遠就 少而 崔 生,希 經 聰敏。 史。 有 十六年,高 成立。 年十二,父命就學,師事崔光。 今已 祖 選爲 過期,宜遵 門 下 通 成 事 命。」紹 令史, 遷錄 還 以父憂廢業, 赴 事 學 子,令掌

奏文案 日 「「崔 太 光 和 高 從容 祖善之。 7,范紹 之力。」稍遷强弩將軍 又爲 侍 中 李沖、 黄 門崔光 、積弩將軍、公 所 知 出 內 車 文奏, 令, 加 多 給 以 事 委 中 ·,遷 之。 羽林 高 祖 監 曾 謂 近

揚 州 刺 史、任 城 王 澄 請 征 鍾離,敕紹詣壽春,共量進止 澄日 須 兵 子 萬 往 還 百日,

列傳第六十七 范紹

王 渦 百 善 日 思 須 鍾 糧 爲 百日 质 社 稷 陵 0 深慮。」澄沉思良久曰 頃秋 廬 江 以向末,方 ,欲數道 俱 欲徵 進,但糧 「實如卿言。」使還, 召, 仗軍資, 兵仗 可 集, 須 朝 恐 廷 糧 速遣 難 具以 至 心」紹曰 狀聞 有 兵 〈無糧 後澄 計 + , 何以 遂征 萬之 克 鍾離 . 衆, 敵 往 還 願 無

而

返

步 遠 以 言 田 徐 兵 兵二 將 必 校 豫 克 軍 尋 萬五 尉 除 郢. 境, 長 紹 州 兼 觀 紹 千人,通 龍 民稀 奉 勤 其 驤府 於 城 車都尉,轉右 土曠, 勸 隍 緣 長 課,頻 防 史, 淮 守, 令紹 戍兵合五 帶義陽 恐 歲 量度處所, 不 都水使者 大 獲。 可 太守。 萬餘 陷 勸 叉詔 人, , 令班 更立一 其 錄 紹 、年冬, 廣 事 計 師 開 如 鍾 州。 英 屯田 故。 離 使還 不從。 ٠, 紹以 與都 ò 1 都, 八 母 譙城 督、 座奏紹 憂 紹 値 去 還, 中山 朝 形 職。 廷 具以狀聞 要 為西道六州營田 有 王 (之所, 値 南 英論攻鍾 義陽初復 討 之計,發 置 俄 州 離 而 爲 形 英敗。 起 河 便, 大使, 勢,英 紹 北 遂 除 數 固 州 寧 詔 加

北 覆 太 將 奏, 府 軍 少 入 卿 爲 幷州 後 主 出 都 衣 刺 之。 統 都 史。 如 統, 故 器 淸愼 太 加 中 轉 后 分法 堅將軍,轉前 嘉 長 其 兼 頗 太 用 府 心 得 卿 民 敕 和 紹 軍 紹 將 每 量 軍。 月 値 功 Щ 入 節 、見、諸 胡 追 用,甄 來寇,不能 賞營田 有 煩 益 之勤。 就 或 簡, 擊,以此損 利 民 拜游擊將 凡 之事 有 賜 省 給, 其 聲 望。 軍。 令 千 面 匹 遷 陳 以 龍 復 驤 出 入為太 將 除 皆 安 别

符 黄門,頓 擊 左, 爲 民 桃 職 將 符 爲 使慰喩 景 軍 劉 征 虜將 桃符,中山盧奴 明 |東所 歷三世。 中 IE. 軍 之。 始 懷 羽 中, 豫州 林 桃符還, 卿 除 監,領主 久之, 徵還。 刺 居 征 史, 此 虜 人。 將 具 任 書。 \equiv 稱 始 軍 生 益宗 + 中 不識父, 與 蕭 病卒,年五十一 车, 後 書舍 寶夤 旣老耄, 軍 不足辭 將軍 之降 人,以 九歲喪母。 李 也, 而 也。 勤 諸 世 0 桃 明 哲 子 東豫 贈後將 符 見 非 性恭謹 領 受詔 知 衆 理 州 0 、襲益宗。 處物。 刺 軍 久 迎 好學。 史 下,洛州 接。 不 田 遷 世宗後 益宗 職 歷 語 刺 奉 舉孝 ,世宗謂之曰: 史。 在 居邊貪 車 「益宗傳。 欲 都 廉, 代之, 尉、 射 穢, 長 策 恐其背叛 桃符善恤 世 甲科, 水 宗 揚 校 子 頻 尉 詔 雲 拜 游 桃 爲 碎

子景均,殿中侍御史。

步 事 鬚 兵 髯 中 校 甚 劉 道斌 美。 尉、 高 祖 廣 舉 謂 武邑 武 黄 孝 將 門 廉 灌 軍, 侍 入京,拜校書郎 津 鄎 領 人,自云 那 中 巒 書 日「道 舍 中 人。 Щ 轉 靖 斌是段之舉,便 出爲武邑太守。 主 王 勝 書,頗爲 之後也。 高 異儕 祖 幼而 時冀州新 所 流 知 好 矣。」 學, 從 世宗 經 征 有器 元愉 南 陽 刨 幹。 ",還, 逆亂 位 一、遷謁 及長, 之後 加積 者 了, 加 腰 射 僕 帶 將 以 射 軍 十 連 圍, 轉

之,乃復畫道斌形於孔子像之西而拜謁焉 改贈濟州、諡曰康。道斌在恒農、修立學館、建孔子廟堂、圖畫形像。 爲 災儉,道斌頻爲表請,蠲其租賦,百姓賴之。 恒農太守,遷岐州 刺史,所在有清治之稱。 罷郡還,除右將軍、太中大夫。 正光四年,卒於州。 贈平東將軍、滄州刺史, 去郡之後,民故追思 又以本將軍出

子士長,武定中,陽郡太守。卒。

董紹,字興遠,新蔡鮦陽人也。少好學,頗有文義。起家四門博士,歷殿中侍御史、國

子助教、積射將軍、兼中書舍人。辯於對問,爲世宗所賞

卿至國,遲有嘉問。」又令謂紹曰:「卿知所以得不死不? 炭,是以 及,輒當聞奏本朝。」行賜紹衣物,引入見之,令其舍人周捨慰勞,幷稱:「戰爭多年,民物塗 「今放卿還,令卿通 卿還國。」紹對曰:「老母在洛,無復方寸,旣奉恩貸,實若更生。」衍又遣主書霍靈超謂紹曰: 領軍將軍呂僧珍暫與紹言,便相器重。衍聞之,遣使勞紹云:「忠臣孝子,不可無人。今當聽 豫州城人白早生以城南叛,詔紹慰勞。至上蔡,爲賊所襲,囚送江東,仍被鎖禁。 不耻先言,與魏朝通好。 「兩家之好,彼此息民,豈不善也。」對曰:「通好息民,乃兩國之事,旣蒙命 比亦有書,都無報旨。 卿宜備申此意,故遣傳詔周 今者獲卿, 乃天意也。 夫千人之 靈 蕭衍 秀送

馬悅 以宿豫還彼,彼當以漢中見歸。」先是, 聚,不散則亂,故須立君以治天下,不以天下養一人。 傳。 及紹還,世宗愍之,永平中,除給 韶有司以所獲衍將齊苟兒等十人欲以換紹,事在司 事中,仍兼舍人。 凡在民上,胡不思此? 紹雖陳說和計,朝廷不許。 若欲 通

之,加輕車將軍,正舍人,又除步兵校尉

必敗。 寇荆州 加 冠 軍將軍 肅宗初,紹上御天馬頌,帝賞其辭,賜帛八十匹。 ,據順陽馬圈,裴衍、王羆討之。旣復順陽,進圍 未幾,裴衍等果失利,順陽復爲義宗所據。 一,出除右將軍、洛州刺史。 紹好行小惠,頗得民情。 紹有氣病,啓求解州,詔不許。 又除龍驤將軍、中散大夫,舍人如故 馬圈。 城堅,裴王糧少,紹上書言其 蕭衍將軍曹義宗、王玄眞等

笑,敕紹速行。又加平西將軍。以拒寶夤之功,賞新蔡縣開國男,食邑二百戶。[三] |統曰:「此|||真瞎也。]|統曰:「此是||紹之壯辭,云|||人勁勇,見敵無所畏懼,非實瞎也。」帝大 蕭 寶夤反於長安也,紹上書求擊之,云:「臣當出瞎巴三千,生噉獨子。」肅宗謂黃門徐

開 稱。 部尚書,又除征 府 諮議參軍。 前廢帝以元字代之。紹至長安,時分朱天光爲關右大行臺,啓紹爲大行臺從事、兼吏 永安中,代還。於是除安西將軍、梁州刺史、假撫軍將軍、兼尚書,爲山南行臺,頗有淸 西將軍、金紫光祿大夫。天光赴洛、留紹於後。 永熙 中, 加車 騎將軍。 岳後攜紹於高平牧馬, 紹悲而賦詩曰: 「走馬山之 天光敗,賀拔岳復請紹爲其

列

傅

一七六〇

阿,馬渴飲黃河 寧謂胡關下,復聞楚客歌。」後爲宇文黑獺 所殺。

子敏,永安中,爲太尉西閤祭酒。

州刺 寵,元興奏記於顯,召爲檢校御史。 年二十三,還鄉敎授,常數百人。領僚孝廉, 史。 馮元興,字子盛,東魏郡肥鄉 元興少有操尚,隨僧集在 人也。 平原,因就中山張吾貴、常山房虬學,通禮傳,頗 尋轉殿中,除奉朝請,三使高麗。 其世父僧集,官至東淸河、西平原二郡太守,贈濟 對策高第, 又舉秀才。 時御史中尉王顯有權 有文才。

爲侍講,授肅宗杜氏春秋於式乾殿,元興常爲摘句,儒者榮之。及叉欲解領軍,以訪元興。 數十人,同其飢飽,曾無客色,時人歎尚之。及太保崔光臨薨,薦元興爲侍讀。 領中書舍人,仍御史。元興居其腹心,預聞時事,卑身克己,人無恨焉。 亦被廢。 元興曰:「未知公意如何耳。」叉曰:「卿謂吾欲反也。」元興不敢言,因勸之。 江陽王繼爲司徒,元興爲記室參軍,遂爲元叉所知。 乃爲浮萍詩以自喻曰:「有草生碧池,無根綠水上。 叉秉朝政, 脆弱惡風波,危微苦驚浪 引 元興爲尚書殿 家素貧約,食客恒 叉旣賜死,元興 尚書賈思伯 中郎,

尋徵赴闕。 丞 |相、高陽王雍召爲兼屬。 以母憂還家,頻值鄉亂,數爲監軍,元興多所賞罰,鄉黨頗以此憾焉。 未幾,去任還鄉。 僕射元羅為東道大 使,以元興 爲本郡太

書舍人。太昌初,卒於家,贈征東將軍、 託其交道,相用爲州主簿,四論者以爲非倫 王天穆之討 莊帝還宮,天穆以爲太宰諮議參軍,加 邢杲,引 爲 大將 軍從事 中郎。 齊州 元顥 征 刺史。 虜將軍。 入洛,復爲平北將軍、 文集百餘篇。 普泰初,安東將軍、 元興 光祿 世 寒,因元叉之勢, 光 大夫,領中 禄 大夫, 領中 ·書舍

明 中 高 尚書都令史, 領主書。 祖 時,有譙郡曹道,頗涉經史,有 後轉中書舍人。 幹 用。 行使, 每稱旨。 舉 孝 廉。 太和 中, 出除東郡 東宮主書、 太守。 門 1 卒, 錄 贈儀 事。 景 司

帝世,國子祭酒。 叉 有北海曹昇,亦以學識清立見知。 不營家產,至以餒卒於鄴,時人傷歎之。 歷治書侍御史。 永安中, 黄門郎、 散騎常侍。

出

又齊郡曹昂,有學識,舉秀才。永安中,太學博士、兼尚書郎。 而常徒步上省,以示清

貧。忽遇盜,大失綾縑,時人鄙其矯詐。

召爲館客。 鹿愈,字永吉,濟陰人。父生,在良吏傳。 嘗詣徐州,馬疫,附船而至大梁。 夜睡,從者上岸竊禾四束以飼 念好兵書、陰陽、釋氏之學。 太師、 其馬。 彭城 船行數 王 加加加

而

返

里, 念覺 問得禾之處, 從者以告。 **念大**念,即停船上岸, 至取禾處, 以縑三丈 置 禾

琵琶 響絕。」子直少有令問,愈欲其善終,故以諷焉。 初 爲 由 此 眞定公元子直 ·材高遠,弦響藹中華。」又曰:「援琴起何調? 國中尉, 恒勸以忠廉之節。 母憂去 嘗 「賦五言詩曰:「峄山萬 職。 幽巓與白雪。 服闋,仍卒任。 絲管韻未 子直出鎭梁州 丈 樹, 成,莫使弦 雕 鏤作

念隨之州。 命。

景儁 密信 遣 狀 且. 所止,問其來狀。 曰:「若綜有誠心,與之盟約,如其詐也,豈惜一人命也。」時徐州始陷,邊方騷擾,綜部將成 ()呼使戶外,令人傳語。」時略始被衔追還。 遣 人 白龍 胡龍 莊帝 左 通彧,云欲歸款。綜時爲蕭衍愛子,衆議咸謂不然。彧募人入報,驗其虛實,念遂請行, 右為元略使入魏軍 牙等。 爲御史中尉,愈兼殿中侍御史,監臨淮王彧軍。時蕭衍遣其豫章王綜據徐州,綜 牙並總强兵,內外嚴固。 州有兵糧和糴,和糴者靡不潤屋,悉獨不取,子直强之,終不從 綜旣有誠心,聞愈被執,語景儁等曰:「我每疑元略規欲叛城,將驗其虛實, 念答曰:「兵交使在, 中,喚彼一人,其使果至。 念遂單馬間出,徑趣彭城。 自昔通言。我爲臨淮王所使,須有交易。」兵潤遂先 |綜又遣腹心||梁話迎||念,密語意狀,令善酬答, 可令人詐作略身,在一深室,詭爲患 未至之間,爲綜軍主程兵潤

引念入城、詣龍牙所。

將

守 此 華 江 方 以人, 育 靜 城 西;安樂王鑒、李 之固,良非 也。』念曰:「 晏,今有 須 何論險害。」還軍,於路 高 被軍 車、 綜 可驗崇朝,何華之有 軍 神 白眼、羌、蜀 土 主范勗、 領冀、相、齊、濟、青、 所 能 圖擬, 景儁、 與梁話誓盟。 五十萬, 卿可語二王, 司馬楊瞟等競問北朝士馬多少。 [] 齊王、李陳留 晏令還。 光羽林十萬,直向 契約 回師 既固,未旬,綜 改 景備送念上戲馬臺, 三三 計。 崔 愈 琅 延伯 曰:「金墉 邪 果降。 南出。」諸 、李叔仁等分爲三道,徑 念云:「秦隴旣平,三 湯 北望 池 人 相謂 城 衝 甲 壘, 日 彌 日 巧, 詎 何 趣 非

道,潛遣密信,送款於都督臨淮王。 深隍,實 虎 爲 之力焉。 口,視 賊 有。 詔 日 險若夷,便能占募,入驗虛 爲難踐。 若不 雖宗臣名將,揮戈於 日者,法僧父子,頑 酬 以榮祿 是用日昃忘食,中宵憤惋 何 以 泗濱 勸 固自天,長惡 厲 將 實。 于時 虎 來,可封 誓盟 士 事 雄 者 同夜光,能不 卒, 旣固,所圖 定 也。 不 竦劍於 已,竊城 陶 縣 而 行 開 [遂果。 都 汴 國 按劍 外叛 渚。 子,食邑三百 督、 豫章王 然高 職 返 殿 此 地復城,息我 中 墉峻 亂階,遂使彭 侍 蕭 綜 戶 御 、堞, 史監 體 非 運 兵甲,亦是 可 軍 知 宋 鹿 機 易 澄,廣 念,不 欲 名 歸 念 · 憚 涘 有 翻

帛 念面執不與,劭弗從。 房須反,公 除員 外散 劭 騎 常常侍。 遣念 監州 俄出 念勃然作色曰:「竭志立言,爲王爲國,豈愈家事」不辭而出, 軍 討 爲 之,戰於商 青州彭 城 王 Щ, 劭 頗 府 長 有 所 兼 捷 司 馬 將統 專 解 皆劭 長兼。 左 右 廣 擅 川 增首 人 劉 級 鈞、 、妄請 東清 劭 賞 河

加 謝焉。 竊勳者放言噂嗒,欲加私害,念聞而笑之,不以介意。

迎送 賜 事 徑 可 赴 黃門侍郎,又以前賞念入徐之功未盡,增邑二百戶,進爵爲侯。 萬餘,師次鄖城,日之人而未進。 以錢帛。 見親賓,加於疇昔,而自無室宅,常假賃居止,布衣糲食,寒暑不變。 財壘,大破之,斬羣首,俘馘二千餘級。 先是,蕭衍遣將彭羣、王辯率衆七萬圍逼 劭乃遣念,南青州刺 肅宗嘉之, 璽書勞問。 現邪。 自春 史胡平遣長史劉仁之,並監 及秋, 官軍 雖任 永安 ·不至, 莊帝嘉其清素,時復 居通顯, 一中,入爲 而 兩 志 左將軍 青 在 一勒諸 土 一馬,裁 謙 · 給

遠。 書左僕射、東南道三徐行臺。至東郡,值介朱仲遠陷西克,向滑臺,詔與都督賀拔勝等拒仲 首,魁帥同死者十二人。詔書褒慰。還,拜鎭東將軍、金紫光祿大夫。 將 軍,爲六州大使,與行臺樊子鵠討破之。 軍敗,還京 及 東徐 城民呂文欣殺刺史元大賓,南引賊衆,屯棚曲術、詔念使持節、 文欣黨重以購之,文欣同逆人韓端正斬文欣送 尋認爲使持節、兼 散騎常侍、 安東 尚

中 · ,除梁州 普 泰 中,加征 刺 史。 時滎陽民鄭榮業等聚衆反,圍逼州城。 東將軍、轉衞將軍、右光祿大夫、兼度支尚書、河北五州和糴大使。 念不能固守,遂以城降。 榮業送 天

念於關西。

一七六六

張熠 (公字景世,自云南陽西鄂人,漢侍中衡是其十世祖。 熠自奉朝請爲揚州車騎府

錄事參軍。入除步兵校尉。

將軍, 爲 帝還宮,出除鎭南將軍、東荆州 入洛,不行。 后善之。 關 西都督。 永寧寺塔大興,「弘經營務廣,靈太后曾幸作所,凡有顧問,熠敷陳指畫,無所遺闕, 尋 加撫軍 久之,除冠軍將軍、中散大夫。 普泰 以功封 一將軍。 中,衞將軍、金紫光祿 長平 矜恤貧弱, 為民所愛。 縣開 刺 國男,食邑二百戶。 史。 尋加散騎常侍、征蠻大都督,轉荆州刺 大 後爲別將,隨長孫稚西征,轉平 夫。 代還,值元顥入洛,仍令復州,熠邃私還。 永安初,除平西將軍、岐州刺史、假安西 西將軍、太中大夫, 史。 値 心余朱兆 太 莊

時,臣 竟 成,以本 河 ,首尾大至,自非賢明一人,專委受納,則恐材木耗損,有闕經 天平初,遷||鄴草創,右僕射||區之、東部尚書元世儁奏曰:「南京宮殿, 等輒 將 舉爲 軍除東徐州刺史。 大將。」詔 從之。 三年,卒於州,時年六十。 熠勤於其事。 尋轉營構左 贈驃騎大將軍、司空公、兗州刺史、 都 將。 構。 興 和 初,衞 熠清貞素著,有 毀撤送都, 大將 軍 宮殿 稱 連

子孝直,武定末,司空騎兵參軍。

諡

校勘記

- 何得以朱衣入山庭 通鑑卷一三七四三〇七頁「山」作「凶」,當是。
- 拜桃符征虜將軍豫州刺史 北史卷四六劉桃符傳「豫州」上有「東」字。按上文稱東豫州刺史田

益宗、桃符此授、卽代益宗、當脫「東」字。

- 食邑二百戶 稱「封長平縣開國男,食邑二百戶」,同一等級,封戶雖或有多少,不會相去懸殊,今從南、局本。 三朝本、汲本脫「百」字,北本、殿本「百」作「千」,南本、局本作「百」。按下張嫘傳
- 79 元興世寒因元叉之勢託其交道相用爲州主簿 已由 司徒記室參軍遷尚書殿中郎,領中書舍人,不得方因叉勢爲州主簿。疑上脫子某,託元叉 按上文不云元興會官州主簿,託附元叉時, 他

之勢官州主簿的是元興之子。

Ŧī. 李陳留 六李崇傳,崇「襲館陳留公」,後「例降爲侯」,死後,子神軌「受父爵陳留侯」,「李陳留」卽李崇。 諸本「李」字空格或注「闕」、册府卷六五二七八○九頁作「孝」。按「孝」乃「李」之訛。 卷六

傳又稱封 魏昌縣伯,乃是別封,通鑑卷一五〇四七〇〇頁稱「魏昌武康伯李崇卒」,實誤。 卷九肅

列

傳

第六

+

七

張

熠

校勘記

宗紀 孝昌元年五月戊子記李崇卒,是月乙巳朔,無戊子,上文記日是戊辰,乃二十四日,則崇死

必在 初,故下云「未旬,綜果降」。這時李崇或尚未死,或未知死訊,故應愈列舉元魏諸將 五月末。 蕭綜降魏,肅宗紀在此年六月癸未,乃十日。 鹿念入蕭綜軍當卽在五 月末, 帥,蕭寶夤 六月

即齊王、崔延伯等,尚列入李崇。今據册府改正補字。

へ 六 し 東淸河人房須反 卷二一下彭城王卲傳、册府卷一二一一四五一頁「須」作「頃」, 通鑑卷一五一

ヘ -L 張熠 師次鄖 北史卷四六「熠」作「燿」。 城 按鄖城遠在今湖北安陸、琅邪一帶不聞有此城名、「鄖」字疑訛。

四七二四頁作「項」。

參卷九校記C10〕。

,+⊾ __/ 永寧寺塔大興 諸本「永寧」下有「中」字。 按魏無「永寧」年號。 永寧是寺名,屢見本書,「中」字

行、今删。

魏書卷八十

列傳第六十八

朱瑞 叱列延慶 解斯椿 賈顯度

賀拔勝 侯莫陳悅 侯淵

卒。 |瑞長厚質直,敬愛人士。 永安中,瑞貴達,就贈平東將軍、齊州刺史,惠贈使持節、冠軍將軍、恒州刺史。 朱瑞,字元龍,代郡桑乾人。 孝昌末,分朱榮引爲其府戶曹參軍,又爲大行臺郎中,甚爲榮 祖就,字祖成,卒於沛縣令。 **蚁惠**,字僧生,行太原太守,

故。 除侍中、征南將軍、兼吏部尚書,改封北海郡開國公,增邑一千戶。 所親任。 丁父憂,去官。 錄前後 <u>健</u>義初,除黃門侍郎,仍中書舍人。 | 榮恐朝廷事意有所不知,故居之門下,爲腹心 勳,封陽邑縣開 詔起復任, 國公,食邑一千戶。 除青州大中正。及元顥內逼,瑞啓勸北幸,乃從駕於河陽, 未幾,又除散騎常侍、安南將軍,黃門如 |莊帝還洛,加衞將軍、左

列

七七〇

遇之, 光 禄 大 會謂: 夫, 侍臣曰:「爲 又改封樂陵郡開國公,仍侍中。 人臣當須忠實,至如 朱元龍者,朕待之亦不異餘人。」 瑞雖爲介朱榮所委,而善處朝廷之間,莊帝亦賞

氏 意 瑞 欲 啓乞三從之內並屬滄州樂陵郡, 韶 歸之, 故求爲青州中正,又以滄州樂陵亦有朱氏,而心好河北,遂乞移屬焉。 許 之, 仍轉滄州大中正。 瑞始以青州樂陵有朱 尋加

車騎 將 軍

逐誅 以 斯 於 瑞 路 椿 之,時 乃還 先 兼 介 與 朱 尙 瑞 書 · 榮死,瑞與世隆俱北走。 年 左僕 帝 有隙, 四十九。 大悅 射 數譖 爲 執執 西道大行臺以慰勞焉。 太昌 之於 其手 世隆。 初, 曰:「社稷忠臣,當須如 贈 使持節、 世隆 旣而以莊帝待之素厚,且見世隆等並無雄才,終當敗喪, 性多忌,且 驃騎 旣達 大將軍、 長安,全 以 此。」余朱天光擁衆關右,帝欲招 前 日 會介朱兆 開府儀 乖 異, 忿 同三司、 入洛,復還京師。 恨更甚, |青||州 普泰元 刺 史,諡 年七月, 納之,乃 都督斛 恭

子 孟 胤 、襲封。 齊受禪,例 降。

穆。

瑞 弟珍 字 多寶 太 尉 È 黨 王 天 穆錄事 ·參軍。 卒。

戶 累遷中軍將軍、光祿 珍 弟 騰 字 神 龍 建義 大夫。 初 與瑞同 爲 龍 驤 遇害。 將 軍 大都 太昌 督 初,贈滄州 司 馬。 叉 刺史。 封 涇陽縣開 國男,食邑二百

騰弟慶賓,卒於光祿大夫。

子淸,武定末,齊王開府中兵參軍。

中上 列延慶,代西部人也,世爲酋帥。 曾祖鍮石,世祖末從駕至瓜步,賜爵臨江伯。 父|億

彌,襲祖爵,高祖時越騎校尉。

將 臺, 騎 一樂 夫、假鎭東將軍、都督、西部第一領民酋長,封永寧縣開國伯,食邑五百戶。 大將軍、開府,餘如故。 軍除恒州刺史。 討葛榮於相州。延慶,世隆姊壻也,榮親遇之。葛榮旣擒,除使持節、撫軍將軍、光祿 北海郡開 延慶少便弓馬,有膽力。 國公,邑五 普泰初,世隆得志,特見委重,遷散騎常侍、車騎將軍、儀同三司,又進驃 百戶。 尋除都督恒雲燕朔四州諸軍事、大都督、兼尚書左僕射、山東行 正光末,除直後,隸大都督李崇北伐。 後隨介朱榮入洛,仍從 永安二年,以本

安固 於卜占,百 時 世隆白前 幽 州 姓信惑,所 刺 史劉 廢帝,以 靈助 在響應,未易可圖,若萬一戰有利鈍,則大事去矣。 以莊帝幽崩,遂舉兵唱義,諸州豪右咸相結附。 延慶與大都督侯淵於定州相會,以討 靈助。 淵 謂 靈助進屯於定州之 未若還師 延慶 百:[] 西入,據 靈助善

列

夜發, 又除 聞 關 妖 術,坐 之, 拒險 使持節、侍中、都督 詰 必信 以以 朝造 看 符厭,寧肯戮力致死, 待 而 靈助 自寬,潛軍往襲,可 其變。」延慶曰:「劉靈助,庸人也。 壘,戰於城北,遂破擒之。 恒 雲燕朔定五 一往 與吾爭勝負哉。 而 一州諸 擒。」淵從之,乃出 軍事、定州刺 仍兼 天道深遠,豈其所識。 尚書左僕射, 如吾計者,政欲出營城外,詭言西歸,靈 史,餘 頓城西, 聲云將還。 如 爲恒、 故。 雲、 大兵一臨,彼皆恃 燕 崩四 簡精騎 州 行臺。 一千 其 助

獻 又黨於權佞,出帝之西,齊獻 武 王。 與 **介朱兆等**拒 王 與之入洛, 義旗 仍從王於幷州。 於 韓陵 武 王入洛,以罪誅之。 戰敗, 延慶與介朱仲遠走渡 後赴 洛, 出 帝 以 爲 中 軍 石濟。 大都 仲遠南竄,延慶北 延慶旣介朱親昵, 降齊

延慶兄子平,武定末,儀同三司、右衞將軍、廮陶 縣 開 國侯。

乃將. 家投 斛 斯椿,字法壽,廣牧富昌 | 余朱榮,榮以 兵事 椿性 椿 巧,甚得榮心,軍之密謀,頗 兼 其 都 人 督府鎧 也。 父敦, 曹參軍 庸宗 從榮 時爲左牧令。 征 伐 有 功 表表 時河西賊 授厲 成將 起, 軍 牧民不 稍 遷中散 安, 椿

及 庸宗崩,椿從榮入洛。 莊帝初,封陽曲 縣 開 國公 食邑千戶, 遷散騎常侍、 平北將軍

亦

弱

預

大

夫,署外

o

佞

莊 司 馬, 帝,遂從 尋除尒朱榮大將軍府司馬。 攻顥 願敗,遷安北將軍、<u>建州刺史,改封深澤縣</u>, 從平葛榮,以功除上黨太守。 轉鎭東將軍 及元顥入洛,椿隨榮 徐州刺 史, 又轉 奉迎

征東將軍、東徐州刺史。

遂 封 靈 率所部棄州歸悅,悅授椿使持節、侍中、大將軍、領軍將軍、領左右、尚書左僕射、司 丘 及尒朱榮死,椿甚憂懼。 郡 開 國 公,邑萬戶,又爲大行臺前 時蕭衍以汝南王悅爲魏主,資其士馬,次於境上。 驅都督。 會介朱兆 入洛,椿復率所部背悅 棒聞 歸 空公, 大喜, 兆

容,忽有傳敦死問,請減己階以贈之,自襄威將軍超贈車騎將軍、
 猶在,詔復椿官,仍除其父爲車騎將軍 面 大都督,改封城陽郡開國公,增邑五百戶,幷前一千五百戶,尋加開 介朱世隆之立前廢帝也,椿參其謀,以定策功,拜侍中、驃騎 一、揚州 刺史。 世隆之厚椿也 大將軍、儀同三司、京畿北 如如 此 恒州 府。 刺史。 時椿父敦 尋知其父 先 在秀

{傳。 雅、賈顯智等率數百騎襲亦朱世隆、彥伯兄弟,斬於閶闔門外。 無類矣。」遂與顯智等夜於桑下盟約,倍道兼行。 椿後復與度律等同拒義旗,敗於韓陵。 椿 椿父出 ·見,謂椿曰:「汝與<u>余</u>朱約爲兄弟,今何忍懸其頭於家門, 度律、仲遠等北拒齊獻武王,次陽平。 椿謂都督賈顯智等曰:「若不先執合朱,我等死 椿入北中城,收余朱部曲盡殺之, 會介朱兆與度律等相疑遁還, **椿入洛,懸世隆兄弟首於其** 寧不愧負天地乎」 令長 語在兆

列

傳

椿 乃傳世隆等首,幷囚度律、天光,送於齊獻武王。 出帝拜椿侍中、儀同開

行陳, 伐 北 直人數,自直閻已下員別數百,皆選天下輕剽者以充之。 刺 以 南走,汝復背之。於臣節則不忠,論事人則無信。 寧等曰:「汝事仲遠,擅其榮利,盟契百重,許同生死。 史竇 齊獻 椿 죏 椿自以數爲反覆,見寧等之死,意常不安。遂密構問,勸出帝置閤內都督部曲,又增武 初 椿狡猾多事,好亂樂禍,干時敗國,朝野莫不讎疾之。 尋遣椿率步騎數千鎭虎牢。 椿自約勒,指麾其間。從此以後,軍謀朝政,一決於椿。 泰擊破 武王,帝從之。遂陳兵城西,北接邙山,南至洛水,帝詰旦戎服與椿臨閱焉。 ,獻武王之入洛,頓於邙山,分朱仲遠帳下都督橋寧、張子期自滑臺 政,欲誅之。 之。 椿懼己不免,復啓出帝,假說遊聲以劫脅。 |椿譖說旣行,因此遂相恐動。 椿弟豫州刺史元壽與都督賈顯智守滑臺,獻武王令相州 犬馬尚識恩養,汝今犬馬之不如」遂斬 出帝勒兵河橋,令椿為前軍,營於邙 前仲遠自徐爲逆,汝爲戎首, 又說帝數出遊幸,號令部曲 元壽尋爲部下所殺。 帝信之,遂入關,椿亦西走長 又勸帝徵兵,詭稱南討,將以 而至。 獻武王責 今仲遠 獻武 一別爲 |山 |山

、顯度,中山無極人。 父道監,沃野鎭長史。 顯度形貌偉壯,有志氣。 初爲別將,防守

薄骨律鎭。 正光末,北鎭擾亂,爲賊攻圍。 顯度拒守多時,以賊勢轉熾,不可久立,乃率鎮

河而 下。 既達秀容,爲介朱榮所留。 尋表授直閤將軍、左中郎將

河內 封 自安,南奔蕭 石 艾縣開 建義 顥 平,以本將軍除廣州刺史、假鎭南將軍,轉南兗州刺史。 初,除汲郡太守,假平東將軍。 國公,邑一千戶。 行,行 厚待之。 從上黨王天穆破邢杲。值元顥入洛,仍與天穆渡河赴行宮於 隨尒朱榮破葛榮,又除撫軍將軍、光祿大夫、都督, **尒朱榮之死也,**顯度情不

永熙三年五 射 拒 尋 義 普泰 旗,敗於 加 驃騎 初,還朝,授衞 月,轉雍州 大將軍、開府儀同三司、定州 韓陵, 與斛斯椿及弟顯智等率衆先據 刺史、西道大行臺。 大將軍、儀同三司、左光祿大夫, 大中正。 歿於關中。 河橋, 未幾, 又行濟州事。 以本官行徐州刺史、東道大行臺。 誅尒朱氏。 出帝初, 復隨介朱度律等北 除尚書左僕

弟 智, 字顯智,少有膽決。 孝昌中,告毛謐等逆,靈太后嘉之,除伏波將軍、冗從僕射,

領直齋。

|顯|達 以城 蕭 衍 降 將 夏侯 於 肅 行,音 變攻郢 智勒城 州,以智爲龍驤將軍、別將 人不欲叛者與顯達交戰,相率歸闕 討之。 至則 夔退, 後 智仍入城。 爲 都 督, 隸 及 太宰、 刺史元

列

一七七六

介朱 黨 戶 王 天穆 假 兆 衞 同 先渡 將 征邢杲,臨陳流矢中胸,仍戰不已。 軍 ٠, 河 與行臺樊子鵠 破景 軍 一,以 勳除持節、 討呂文欣於東徐州,平之。 征 南將軍、 元顥入洛,仍隨天穆渡河,朝莊帝於河內。 金紫光祿大夫,封義陽縣開 加侍中、驃騎大將軍,增邑三百 國伯,邑五 百 與

爵爲侯,增邑二百戶,通前 之,遂擁部 及 **介朱仲遠爲** 下出 清水 徐州刺史, 東,招勒州 千,因 智隸仲遠,赴彭城。 民, 鎭 與 相 徐 州 拒 撃。 莊帝 聞 余朱榮之死也, 仲遠舉兵向洛, 而 善之,除右光祿大夫、武衞將軍,進 智不 從

尋行

東

中

郎將,加散騎常

侍。

侍、車 延首,不行 時 趙脩 普 騎 泰 延 大將 起逆荆 初,還洛。 軍 、左光祿 州 É 仲遠忿其 大夫、假驃騎大將軍 蕭 行遣兵接援,世隆 乖背,議欲殺之。 、荆州大都督,進爵爲 欲令智 智兄顯度先爲世隆所厚,世隆 以功自 効 造智討 公。 之,除使持節、散 將發, 會荆州 爲解喻得全。 斬 公騎常 送脩

軍 後 叉 從 隨度律等敗於韓陵,智與兄顯度 **介朱** 度 律 北 拒 一義旗, 合介朱兆 、解斯椿謀誅亦朱氏。 於陽平。 兆與度律自 相 椿、顯度據守北 疑阻, 退 還。 中 除驃 令智等入 騎 大將

出帝初、除散騎常侍、本將軍、開府儀同三司、滄州刺史。 在州貪縱,甚爲民害,出帝徵 京,

擒世

隆兄弟

還京師。 史竇泰 所破 尋加授侍中,以本將軍除濟州刺史。 ,還洛。天平初,赴晉陽。 智去就多端,後坐事死,時年四十 率衆達 東郡,仍停 不 進, 克. 於長 壽津爲相州刺

子羅侯、秘書郎。

樊子鵠, 代郡平城人。其先荆州蠻酋,被遷於代。父興,平城鎮長史, 歸義侯。

中,子鵠貴顯,乃贈征虜將軍、荆州刺史。

百戶,全 京師 東正 平軍事、行唐州 子 令還赴榮。榮以爲行臺郎中,行上黨郡。 鵠 値 北 鎭 靈太后見之,問榮兵勢,子鵠應對稱旨,太后嘉之。除直齋,封南和縣開國子,邑三 擾亂,南至幷州, 事。 刺史崔元珍閉門拒守,子鵠攻克之。 **尒朱榮引爲都督府倉曹參軍**。 及樂向洛,以爲假節、假平南將軍、都督河 孝昌三年冬,榮使子鵠詣

射,為 破之,又破 信 Щ 建 胡 行 義 率 臺 初,拜 服。 督 脩義等於 賈智等討呂文欣於東徐州,平之。 元顥 平北 上門。 入洛,薛脩義及降獨陳雙熾等受顥處分,率衆攻州城。 將軍、晉州刺史、封永安縣開國伯、食邑千戶, 以功拜撫軍將軍。 尋徵授都官尚書、西荆州大中正。 還,除車騎將軍、左光祿大夫,進封南陽郡 又兼尚書行臺。 子鵠 出 後兼右僕 與戰,大 治有威

列

開 子 事 ', 子 **鵠恐民流亡,乃勒有粟之家分貸貧者** 國 公, 鵠 頗 增 預 戶六百, 委寄 放在 尚 書 臺閣,征官 如 故, 仍假驃騎 不 解。 「, 弁遣 大將軍 後 出除散騎常 人 牛易力,多 ·,率所部 爲 侍、本將軍 種二 都督。 麥, 時 州內 殷 **介朱榮在晉陽** 州 以 刺 此獲 史。 屬 歲旱儉, ,京師之

帝聞其在洛 向 及 乃 害 河 約 渡 右僕射、二豫 南 豆 河 及余朱榮之死,世隆等遣書招 普泰 陵 見仲遠,仲遠遣 莊帝嘉之,除車 步藩 無宅,凶 初,仍除舊 起, 郢 潁 以子 費不周,資絹 匹 鵠 鎭 騎大將軍 任 州 爲 汲 行 郡。 臺。 及趙脩延叛於 都督,徵發糧仗。 豫州 兆徵 子鵠 匹 子鵠, 百匹、粟五百石,以本官起之。 子鵠赴洛,旣見,責以乖異之意,奪其 到 刺 相 欲與同 史、 荆 州,又敕資絹五百匹。 州 元 假驃騎大將軍、 曄 趣京師 詔子鵠通三鵐道而 以爲侍中、御 子鵠 都 不 史中 從。 督二豫郢三州諸 行達汲郡,聞介朱兆入洛, 逻。 尉、 以母在晉陽 遭母 中 部衆,將還 軍 大都 憂去職, ",啓求: 軍 督, 事 晉陽。 、兼尚 隨障 前廢 移鎭

重 突,樹衆大敗,奔入 逆戰,見子鵠 衍 收其 昌 加 兵馬甲 初, 儀同三司 兼尚 軍盛,夜退 仗。 書 城門,城門 左僕 時蕭衍遣元樹入寇,陷據譙城。 樹勒兵出戰,輒被摧衄,遂不敢出,自守而已。 湿識。 射、 東南道大行臺,總大都督杜德等追討介朱 隘 子鵠引兵追 塞,多自 1殺害。 躡 ,樹又背城為 於是斬千 詔 子鵠與德討之。 ·餘級, 陳 獲馬 子鵲勒 子鵠恐蕭衍遣救,乃分 數百匹, 兵直趣城下,縱 仲遠。 樹屯 大收鎧仗, 兵梁國 仲遠已 騎 欲 遂 衝

破之,擒樹及衍譙州 令 兵擊府苞州、然州、宕州、大澗、蒙縣等五 人說 之, 樹遂請 率衆歸 刺史朱文開,俘馘 南, 以地還 國。 甚多。 城,並望風 子鵠 班 等許之,共結盟約。 師, 逃散。 出帝賚馬 樹旣無外援, 匹。 遷 及 更部 |樹 衆半 計無所 尙 書,轉尙書右僕 出 出, 子鵠 子鵠 中擊, 叉

射。

尋加驃騎大將軍、開府,典選。

史,餘官如故,便道之州。 使, 失儀,子鵠責讓穆,幷數其罪狀,穆皆引伏,於是州 督濟 初,青州 州刺 人耿翔聚衆反,亡奔蕭衍,衍資其兵,偷據膠州。 史蔡雋討之。 子鵠先遣腹心緣 師達靑州,翔拔城奔走。 歷民 間,採察得 內震悚。 在軍 一遇病, 失。 除子鵠使持節、侍中、青膠大 及入境,太山太守彭穆參候 詔遺醫給 藥。 仍除 刺

<u></u>
齎璽書勞子鵠,而大野拔因 兵圍子鵠。 初 ,遣儀同三司婁昭等 及出帝入關, 城久不拔,昭 子鵠據城為逆。 率 以水灌城。 衆討之。 與相 見,左右斬子鵠以降。 子鵠 南青州刺史大野拔、徐州人劉粹各率衆就 靜 先使前 帝欲招慰下之,遣散騎常侍陸琛、 膠州刺史嚴思達鎭東平郡, 兼黃門郎張景徵 昭攻陷之, 子鵠。

賀 拔 勝,字破胡 神武 尖山 祖爾逗,選充北防,家於武川 以 窺覘蠕蠕,

七七九

列

傳

第

六十八

賀

拔

勝

顯 三子、鄉中豪勇援懷朔鎮,殺賊王衞可瓌。 祖 賜爵龍城男,爲本鎭軍主。 父度拔,襲爵。 度拔尋為賊所害,孝昌中, 正光末,沃野 人破落汗拔陵聚衆反,度拔 追贈安遠將軍 肆州 與

義之勳,封易陽縣開國伯,邑四百戶,除直閤將軍, 弩將軍,充帳內軍主。 刺 夫,進號安南將軍。 以功增邑六百戶,復加通直散騎常侍、征北將軍、金紫光祿大夫、武衞將軍,改封眞定縣開 三百赴行宮於河梁。 史。 度拔之死也,勝與兄弟俱奔恒州刺史廣陽王淵。 尋除撫軍將軍,爲大都督,出井陘,鎭中山。 **樊命勝與尒朱兆先渡,破擒顯息冠受及顯大都督陳思保。** 恒州陷,歸尒朱榮,轉積射將軍,爲別將,又棄都督。 尋加通直散騎常侍、平南將軍、光祿 勝便弓馬,有武幹,淵厚待之,表爲 元顥入洛,勝從東路率騎 及榮入洛,以 莊帝還宮, 預 大 强

乃止。 征 之曰:「天子旣行大事,必當更有奇謀,吾等衆旅不多,何可輕爾,但得出城, 都督,率衆會鄭先護以討之。爲先護所疑,置之營外,人馬未得休息。 <u></u>
余朱榮之死也,勝與田怙等奔走際第。 及世隆夜走,勝遂不從,莊帝甚嘉之。仲遠逼東郡,詔勝以本官假驃騎大將軍爲 於時宮殿之門未加嚴防,怙等議即 俄而仲遠兵至,勝 更爲 攻門。 **他計。**」 勝止 怙 東

、交戰不利,乃降之。

國公。

尋除衞將軍,加散騎常侍。

西, 軍 拒 義 仍欲 餘官 旗 普泰 廣爲勢援,除勝使持節、侍中、都督三荆二郢南襄 相 如 初 故 與 除右 奔 又除 退。 衞 將軍 侍 事在 中。 進 **介朱兆** 出帝 號 車 旣納 (傳。 騎 大將 斛 後 斯椿 俱 軍 敗 等讒間 右 於 韓 光 陵 禄 之說, 大 勝 夫、 因 南雍 將謀 降 儀 齊獻 同 七州諸軍 齊獻武 三司 武 玉。 王, 共介朱仲遠 事 太昌 、驃騎 以勝弟岳 初,拜 大將 度律 擁 領 軍 衆關 軍 將 北

府儀同三司、荆州刺史。

勝攻之不克,乃班師。 期 口 擒 道期率 勝將圖 衍將莊 種 寒陽, 起義。 思延,又攻馮翊、安定、沔陽 攻蕭 行雍州 沔北盪爲丘墟矣。 衍 下迮成,克之,擒其戍主尹道玩 刺史蕭續遣軍擊道期, 行書敕續云:「賀拔勝 酇陽城,並平之。 爲道 期 、成副庫 所 敗, 北間 續 漢 峩。 遣 南 驍將 將 大 叉使 柳 駭 , 仲 人 汝宜愼之, 禮 誘動 勝 於 又遣 穀 蠻王 城 軍 拒守, 攻均 勿與 問

爭鋒。」其見憚如此。進爵琅邪郡公。

析陽 投寶炬。 侯景、大 出帝末,詔勝統衆北赴京師。 聞齊獻武王平潼關,擒毛鴻賓, 《都督高敖曹討之,勝戰敗,爲流矢所中 勝好 行小數,志大膽薄,周章南北,終無所成,致歿於賊中。 軍次汝水,出帝 勝懼 , 復走荆州 , 乃率 入關。 左右 城 人別 勝率 五. 百餘騎 所部 門 不 欲從武 納 奔 蕭 時獻 衍 關 武 趣 明年,從間 長安。 王已 遣 行 行 道 臺

勝兄可泥,永熙中,太尉公,封燕郡王。

列

西 百 勝 弟 餘 步 岳 / |岳 学阿 乘 城 斗 (射之, 泥。 初 箭 爲 中 太學生, 瓌 臂,贼衆 長 以弓馬 大 駭。 爲事。 後歸 恒州, 與父 兄赴援懷朔, 廣 陽 王淵以為帳 賊王 內 衞 軍 可褒在 主,表爲 城

强

18時

軍

州陷。

投介朱榮,榮

以爲

別將,進爲

都督

盛 淺 精 事 果 救 時 之。 東 岳 一喜得一 菩薩 騎 恃 一,往 可 行 率步騎二萬餘人至渭 万俟醜奴 濟 水, 尋除 永安初,除安北 四 復 ·', 压 压 十、五 攻棚 應 數 同 使持 漸 答不 行,每 便馳馬東出 返。 遣其大行臺尉 前 已克,還向 十以 進, 節 遜。 菩薩 事 、假衞將 先所 論 爲 乃自 岳 將軍、光祿 訪。 置騎 ,以示奔遁。 舉 一所,隨 水 岐 亨 驕 軍、西道都督, 尋加 北 州 遲菩薩向 **一个省** 射之, 隨 岳 地 压 岳 衞將軍、假車騎 大夫、武 形 而 應弦 事 以 以 集 便,駱驛置 輕騎 賊謂 傳語。 武功,南渡 輕 騎 2 而 衞 隸介朱天光爲 活走, 數 八 倒 騎 將軍,賜爵 7 白 压 旣 與菩薩 之。 怒 北 時 渭水, 漸 乃棄 渡渭水 將軍,餘 日,一 已 增 明 逼 少兵, 攻圍 樊城鄉男。 日, 隔 賊不 暮 我 左 擒 與菩薩言, 水 廂 自將百 如 交言, 城,令 於 趣 復 南渡渭水 故。 大都 棚 此 測 各還。 0 其 殺掠 餘 压 督 岳 天光遺岳 坐事 多 騎, 卿 门討 屆長安,榮遣 稱 少 輕騎追 是何 其民,以 揚 万俟 隔 压 失官爵,二 或 密 行 水 威, 於 率 醜 與 與我 挑 騎 奴。 岳 渭 7 賊 菩薩 菩薩 南 兵續 里 相 年,詔並 對 千 压 傍 許, 天 見 自 語 東行十 水 光 馬也 至 菩薩 先知 便 往 並 分 . ! 至 置 省 强 赴 且 復

三千人,馬亦無遺。 卒,急擊之,賊便退走。 餘 里, 依横崗 伏兵以待之。 <u>遂渡渭北,降步兵萬餘,收其輜重。</u> 岳號 賊以路險 令所部 ,賊下馬者皆 不得前 進, 前後繼至,半度崗東。 不 聽殺。 其有· 賊顧 土民, 普皆勞遣。 見之, 便悉投馬。 岳乃回戰, 醜奴尋棄 俄 身先士 而 虜 岐 獲

國化。 州,北走安定 在介朱天光傳。 其後,破侯伏侯元進,降侯機長貴,擒醜奴、蕭寶夤、王慶雲、万俟道洛,走宿勤明達,專 尋詔岳都督徑、北豳、二夏四州諸軍事,本將軍,涇州刺史,進爵爲公,改封清水郡 天光雖為元帥 一面后 功效居多。 加 車騎 將軍,增邑二千戶, 進封 樊城縣

衆赴洛,將抗齊獻武王,岳與侯莫陳悅下隴赴羅,以應義 年,加岳都督三瘫、三秦、二岐、二華諸軍事,雍州 尙 公。 督二岐東秦三州諸軍事、儀同三司、岐州刺 書左僕射、隴右行臺, 天光入洛,使岳行雍州事。 仍停高平。 元曄立,除驃騎大將軍,增邑五百戶, 後以隴 中猶有土民 史。 尋加! 刺 史,關西行 侍 不順, 旗 中,給後部鼓吹, 岳助侯莫陳悅 餘如故。 餘 如故。 仍詔 所 及介朱天光率 在 開 普泰初,都 討平。 府。 俄 兼

東雍、二岐、豳、 永熙初,仍開府、兼僕射、大行臺、雍州刺史,增邑千戶。 四梁、二益、巴、二夏、蔚、寧、南益、涇二十州諸軍事,大都督。 二年,詔岳都督 雍、 岳自詣北境, 華、 北華、

列

傅

於原州 安置 於高平,將討之,令悅前驅,北趣靈州。 刺史元 邊防,率部趣涇州 季海爲州。 北 招万俟受洛干等,幷遠近州鎭聚結者。 彼民不促,日擊破季海部下, 平涼西界,布營數十里, 聞渴波险 使諸軍士田殖涇州。 中河 靈州刺史曹泥身詣 獨聽季海。闕三年正月,岳召侯莫陳悅 水未解,將往趣之。 压 身將壯 軍請代,岳 勇,託以 以前 、牧馬, 洛 州

見。 收岳尸葬於雍州北石安原。 服 威略,旣承密旨,便潛爲計。 悦誘岳入營,坐論兵事。 岳旣總大衆,據制關右,憑强驕恣,有不臣之心。 六月,贈大將軍、太保、錄尚書事,都督、刺史、開國並 脫詐云腹痛,起而徐行,脫女夫元洪景抽刀 時岳遣悅先行,悅乃通夜東進,達明晦 齊獻武王惡其專擅,令悅 I, 斬 岳 岳。 行軍前 圖 一如故。 之。 後岳部下 與悅 悦素 相

子並亂,遂歸介朱榮,榮引爲都督府長流參軍,稍遷大都督。 侯莫陳悅,代郡人也。 父婆羅門,為駝牛都尉,故悅長於河西。 莊帝初,除征西將軍、金紫光 好田獵,便騎射。 會牧

祿大夫,封栢人縣開國侯,邑五百戶。

压 略同勞效。 余朱天光之討關西,榮以悅爲天光右廂大都督,本官如故。 以本將軍除鄯州刺史,餘如故。 **尒朱榮死後,亦隨天光下隴。** 西伐克獲,皆與天光、賀拔 元曄立,除車

普 騎 泰 大 將 中 除 驃 渭 騎 州刺 大 消料軍 史, 進爵 、儀 同 為公, 三司 秦州 改封白水郡 刺 史。 • 天光之東出, 增邑五 百戶。 將 及天 抗 義 光向洛 旗 悦 使悅 與 岳 下 行 隴 華州事 以 應 齊 0

獻 武 王 , 至 雍州 會介朱覆敗。 永 熙 初 加 開 府 都督隴 右諸 軍 事 仍 秦 州 刺刺 史。

意旨 永 熙三年正 在 一人,諸君 月,岳 勿 召 怖 悅 。」衆皆畏服 洪共討 靈州 ò 無敢 脫 誘 拒 岳 違。 斬之, 悅 岳 心 左右 猶豫 奔散, ",不即 悅遣 撫 納,乃還入隴 人安慰云:「我 止 別 禀

城

止 復 至 遙 入 一,皆散 幕 望 高 紿 景和 見悅 悅 平 岳 帳 城 之 走 所 下 以 欲 而 乃 云二 部、聚於 勒 自 趣 待 秦 其 安 明 儀 固 州 所 日 同 部 平涼,規還 決 欲還 景 使 齭 功 和 勒 上 秦州 先 驢 衆 悅 一覧,云「 驅 先 入 圖 召 |稲 至 汝 悦,造追 等 南 城 征 , 據 儀 秦 悅 何 州 不 同 門 悅 夏州 裝 刺 有 以 聞 辨 史 敎 慰 之, |李 刺 輯之。 欲 景和 史宇文黑獺 衆謂 棄 還 城 秦 , 南南 爲 州 其 實, 夜, 據 守 Ш 0 以 以 景 水 黑獺 次 拒 和 之險 相 賊 遺 驚 至 人 設 計 遂 令 陳 總岳 黑 軍 情 候 人 獺 惶 戰 密密 部 嚴 惑, 衆弁家 備 黑 許 不 翻 獺 景 円 降 至, 復 和 口

於 數 Щ 日 中 之 令 中 , 從 盤 者 回 悉 往 步 來, 一,自 不 乘 知 騾 所 趣 欲 向 左 靈州 右 勸 向 中路, 靈 州 追騎 而 悅 將 不決 及,望見之, 言 下 隴 遂縊 之後 一、恐有 死 野 中 人 所 弟、息 見。 部 乃

悅

部

衆

離

散

猜

畏

傍

人

,

不

聽

左

右

近

已,

與

其

一弟弁

見及

謀

殺

压

者

八

九

人

棄

軍

进

走。

列

傳

致

敗滅。

惚,不復 下 悉見擒殺 如常,恒言:「我僅睡卽夢見」品語我『兄欲何處去』,隨我不相置。」因此彌不自安,而 ,唯先謀 殺岳者悅中兵參軍豆盧光走至靈州, 後奔晉陽。 悦自殺岳後, 神情恍

兄 念賢 侯淵 背洛周 ,神武尖山人也。 歸介朱榮。 路中遇寇, 機警有膽略。 身披苫褐,榮賜其衣帽,厚待之,以淵爲中軍副都督。 肅宗末年, 六鎮飢亂,淵隨杜洛周南寇。 後 與妻

常從征伐,屢有戰功。

樂 與 賀 啓淵 拔 孝 莊 勝討之。 爲 驃騎 卽 位, 將 除領 會元顥 軍 大瀬州 左 右,封厭次縣開國子,邑四 入洛,榮徵勝 刺 史。 時葛 | 楽別帥 南 赴 大 軍 韓樓、郝長等有 留留 淵 百戶。 獨 鎭 後從榮討萬榮於滏口,戰功尤多。 中 Щ 衆數萬,屯據薊城,分朱榮令淵

具, 潛 伏 若 親 以乘其背,大破之,虜其 及 總大衆,未 率 莊 數 帝還宮, 百 騎 深 必 樂 能 入樓境,欲 令淵 用。 進討韓樓, **今擊** 八 卒 五 執 此 行 賊 千餘人。 人以 故當 配 卒甚 問 不足定 虚實。 尋還其馬仗,縱令入城。 少。 或 也。」止給騎七 去 以爲言, 薊 百餘里,值 |祭曰:「2 百。 贼 侯淵臨機設變, 淵 帥 左 陳周 遂 右諫曰:「既獲賊衆, 廣 馬 張 步 軍聲,多設供 萬 餘 是其所 淵 逐

夜 何 集 爲 復 昧 資 旦 造 之 叩 其 也 <u>.</u>? 城 淵 門。 日 韓 樓 我 果 兵 疑 旣 少, 降 卒爲 不 可 淵 力 內 戦, 應, 事 逐 須 遁 爲 走 計 以離 追 擒 隙 之。 之。」淵 以 勳 度其已 進爵 爲 至 侯, 遂 增 Ē 率 騎

百

戶

尋

詔

淵

以

本

將

軍

爲

平

州

刺

史、

大

都

督

仍

鎭

范

陽

淵 開 屯 隨 哀 據 與 或 勒 叶 公 井 進 及 兵 列 哑 至 介 邑一 南 朱 延 中 淵 慶等 向 榮 山 千戶 叉 之死 撃破 行 莊 破 0 臺 帝 擒 也 之。 前 僕 使 ー, |范 之。 廢 東 射 陽 帝 ||唯 萊 魏 後 太 立, 功 Ŧ 關 隨 守 授 貴 根 介朱 盧文偉 仍 淵 平 邀 加 驃 撃之, 爲 兆 開 騎 大 拒 府 大 誘 使, 義 爲 將 淵 旗 餘 軍 淵 慰勞 出 於 如 所 獵 儀 廣 故 燕 , 敗 四 同 閉 薊 三司 , 幽 闁 會元 兆 州 拒 淵 旣 定定 刺 之。 曄 乃 敗 史 州 立 詐 走 劉 淵 降, 刺 淵 靈 淵 率 史、 助 欲 降 貴 部 歸 舉 齊 左 平 曲 之。 義 軍 屯 獻 信 兵, 於 之, 武 大 常 都 郡 屯 Щ 遂 南, 督 於 後 執 太 安 爲 從 漁 守 貴 或 樂 陽 鄄 平 城 破 楷 自 郡 躯

| 余朱於韓陵。| 永熙初,除齊州刺史,餘如故。

薄 廣 誠 時 里 迎 於 唯 納 巚 出 會 利 武 帝 承 是 民 王 末 制 從 劉 淵 以 桃 及 齊 淵 與 符 出 兗 州 行 等 帝 州 城 青 潛 入 州 民 刺 阔 引 尙 事 史 暹 復 能 樊 o 入 齊 懷 子 迎 據 汝 獻 鵠 顧 西 陽 望。 武 城 靑 王 王 州 ,青州之人豈不 淵 叉 汝 刺 遺 陽 爭 史 淵 門 王 東 暹 書 不 萊王 克 旣 日 除 貴 率 齊州 卿 能 平 騎 勿 開 密 出 以 刺 門 信 奔 部 史, 待 往 曲 來, 卿 妻 次 輕 兒 於 也 小 以 部 城 難 相 但 曲 四 連 當 於 爲 結, 淵 勉 暹 東 擁 之。 所 叉 邁 部 虜。 遣 據 淵 齊 間 城 乃 行 使 人 不不 復 澆 達 通

列

傳

還 覆 州 子下人,今已走還城,汝何爲復 城 |暹 中, ,慮不獲安,遂斬貴平,傳首京 至高陽,我是前鋒,今始到 城 人飽糧者首尾相 身 始 率 歸 輕騎 其 部 遊掠於外。 **#** 而貴平自以斛斯椿黨,亦不受代。 繼。 淵 貴平使其長子率衆攻高陽,南青州 此,頗知侯公竟在何處。」城 親 去也。」人信其言,棄糧 率騎夜趣青州,詐 師,欲明不同於斛斯椿 魄糧 奔走。 人曰:「臺軍已至, 殺戮都 也。 淵進襲高陽郡,克之,置部曲家累於 人兇懼,遂執 比曉,復謂行人曰:「臺 刺 史茹懷朗遣 貴平出降。 兵助 盡, 之。 淵 軍昨夜 自 我是世 時一時 惟 反

攻掠 兵反。 之,傳首 郡 及子 遣 縣。 京 鵠 騎 師 平,韶 其 詣 家家 平原, 部 口 下 以 西己 督 封延之為青 執前膠州 沒 帥 叛 拒 之, 刺 州 史賈璐。 淵率騎奔蕭衍 刺史。 淵旣不 夜襲青州南郭, , 途中亡散,行達南青州南境, 獲州任,情又恐懼,行達廣川,遂劫光州庫 劫前廷尉 卿崔 光韶,以惑人情 為賣漿者斬

0

終 忒 於 自 顚 史臣 口 蹶。 取 日 譬蒼蠅 朱瑞 子鵠迷機寡算, 以背本 交 亂 匹 向 或 義,責不 竟以殲 投 於 豺虎,天 殄。 -見原。 岳負力無謀, 實 延慶黨舊 棄 之。 賈智 違順,常 制 以一 侯 淵 劍 刑 所 反 及。 覆 悦果行 取 斃。 **斛斯椿姦** 慮淺, 破 胡 死 器 佞 爲 不旋足。 小 謀 心,讒

校勘記

- 自 襄威將軍超贈車騎將軍 諸本「威」作「城」。按卷一一三官氏志無 「襄城將軍」, 太和後品令
- 從第六品有「襄威將軍」,「城」字乃「威」的形訛,今改正
- 及刺 史元 顯達以 城降於蕭 衍 按梁書卷三九有元願達傳, 卽 此 人, 梁書卷三高祖 紀大通 二年

四 月 辛 丑 條、卷二八夏侯亶傳都作 願 達」。 據梁書本傳, 其 人為 樂平王 不後 裔 今 · {魏 書 卷

七已 闕 後 人所 補 一. 丕傳 不 ·載子 孫。 梁書三處並 作「願達」,疑「顯」字訛

= 時 趙 脩 延 起 逆荆 州 諸本「延」作「巡」。殿本考證云:「按本卷樊子鵠傳云:『趙脩 延 叛於 荆州。

延。 叉 本 書 則 李琰 此 與 之。 下 文 荆州 卷八二云: 斬送脩巡, 南陽太守趙脩 皆訛『 延 延 爲『巡』也。」按考證說是, 誣 琰之規 奔 蕭 衍 ,襲州城,仍 卷 自 〇莊帝紀 行 州 事 末、 城 卷 内 人 斬 }前 |脩

{ 廢 帝 紀 普 泰 元 年 五 月 記 此 事 都 作「脩 延」。「巡」字 訛 , 今改正。

74 叉攻馮 翊 安定 沔陽 酇 陽 城 並 平之 册府卷三六八四三八二頁「酇」下 無 陽」 字。 按[] * 卷 四

(傳 、卷二九字文虬傳並 作「歐陽 、酇城」。通鑑卷一 五. 六四八三五頁但 有 酇 城 與 侧 術 同 }隋

書卷三 {地 理志 下 襄陽郡陰城縣 下 云:「西魏置酇城郡。」西魏當因梁 舊名。 歐陽 見本 書卷

列傳第六十八 校勘記

八楊播附楊侃傳,地在合肥,壽春間,或沔北別有此城。「酇陽」不見紀載,這裏當行「陽」字。 如

周書不誤〕則也可能是「歐陽、酇城」的倒脫。

万五山 岳屆長安榮遣兵續至 諸本「兵」作「岳」。按旣云「岳屆長安」,又云「遣岳續至」,語不可通。 卷

ハベン 先所置騎隨岳而集 七五余朱天光傳稱「榮復遣軍士二千人以赴」,卽指此事。這裏「岳」乃「兵」之訛,今改正 諸本「騎」上有「驛」字,周書卷一四、北史卷四九賀拔岳傳、通典卷一五四

「よし 彼民不促 引退設伏取之條無。 按「促」字不可解、疑是「從」之訛。 按「驛」字乃涉上文「駱驛置之」語而行,今據删。

魏書卷八十一

列傳第六十九

綦儁 山偉 劉仁之 字文忠之

|綦儁,字||顯,河南洛陽人也,其先代人。 祖辰, 幷州刺史。 儁, 莊帝時仕累遷爲滄州

刺史、甚爲吏人畏悅。尋除太僕卿。

侍郎崔㥄作色而前,謂儁曰:「廣陵王爲主,不能紹宣魏網, [三] 布德天下,爲君如此,何聖之 難,不言淹載,以人謀察之,雖爲永朱扶戴,曰當今之聖主也。」獻武王欣然是之。 申令頻煩,莫有應者。 暴虐,矯弄天常,孤起義信都,罪人斯翦。今將翼戴親賢,以昌魏曆,誰主社稷,允愜天人。」 有 若言其聖,應待大王。」時高乾邕、魏蘭根等固執懷言,遂立出帝。 及余朱世隆等誅,齊獻武王赴洛,止於邙山。上召文武百司,下及士庶,令之曰:「余朱 **儁乃避席曰:「人主之體,必須度量深遠,明哲仁恕。** 及出帝失德,齊獻武 廣陵王遇世 時黃門 艱

一七九一

列

第六十

九

綦

僬

王深思儁言,常以爲恨。

奏之。 拔 勝皆 郣 除 尋 與 友 加 御 善。 散 史中尉 騎常侍、驃騎 **斛斯椿之搆間也,出帝令儁奉詔晉陽,** 於路 與僕射賈顯度相逢,顯度恃勳貴, 大將軍、左光祿 大夫、儀同三司。 齊獻武王集文武與儁申釋, 排儁騶列 **儁佞巧**, 倒, 能候當塗,斛斯椿、 **儁忿見於色**,自入 | 僑辭屈 賀

諡 吏 部 日 文 尚 性 [書,復] 多詐。 貞 為滄州 賀拔勝出鎭荆州,過儁別,因辭儁母,儁故見敗氊弊被,勝更遺之錢物。 刺 史。 徵還, 兼中尉, 章武縣伯。 尋除殷州刺 史,薨於州。 贈司空公, 後兼

而

退。

子 洪寔,字巨正。 位尚書左右郎,魏郡邑中正。 嗜酒好色,無行檢。

長 Ŧī. 石。 父 Ш 偉 稚之,營陵 爲 奏 ,字仲才,河南洛陽人也,其先代人。 事 中散 令。 從 偉隨 顯 祖 獵 父之縣 方山 i',有 · 逐 兩 師 狐 事 起於 縣人 祖强,美容貌,身長八尺五 王惠 御前 。韶强 涉獵 文史。 射 之,百步內二狐 稚之位 寸, 金 明 俱 工 太守 獲。 騎 射, 位 彎弓 內行

叔 爲 羽林隊 肅 宗 初 主,過直長於殿門,偉即劾奏。 元 匡 爲 御 史 中 尉 以 偉 兼 侍 御 匡善之,俄然奏正。 史。 入臺五 日 便 遇 帖 正 國 會。 子 助教 偉 司 遷員 神 武 門, 外 其妻從 郎、 廷

尉評。

黄門郎元順,順等因是稱薦之。 叉令僕射元欽引偉兼尚書二千石郎,後正名士郎。[8]修起 依資出身。自是北人悉被收敍。偉遂奏記,贊叉德美。叉素不識偉,訪侍中安豐王延明、 代來寒人爲傳韶以慰悦之,而牧守子孫投狀求者百餘人。又欲杜之,因奏立勳附隊,令各 居注。僕射元順領選,表薦爲諫議大夫。 天下無事,進仕路難,代遷之人,多不霑預。及六鎮、隴西二方起逆,領軍元叉欲用

尼,望之歎曰:「此輩緣業,同日而死。」謂偉曰:「君方近天子,當作好官。」而昇等四人,皆於 儀曹郎袁昇、屯田郎李延孝、外兵郎李奂、三公郎王延業方駕而行、三偉少居後。路逢一 河陰遇害,果如其言。俄領著作郎。前廢帝立,除安東將軍、祕書監,仍著作。 介朱榮之害朝士,偉時守直,故免禍。及<u>莊帝人宫,仍除</u>偉給事黄門侍郎。 先是,偉與

軍、中書令,監起居。後以本官復領著作,卒官。贈驃騎大將軍、開府儀同三司、都督、幽州 刺 求爵賞。 史,諡曰文貞公。 初,尒朱兆之入洛,官守奔散,國史典書高法顯密埋史書,故不遺落。 偉自以爲功,訴 偉挾附世隆,遂封東阿縣伯,而法顯止獲男爵。偉尋進侍中。孝静初,除衞大將

國 史自鄧淵、崔琛、崔浩、高允、李彪、崔光以還,諸人相繼撰録, 傳 第 六 十九 Ш 綦儁及偉等諂説上黨

歎愍之。 長子 昂襲 育。 若水火。與字文忠之之徒代人爲黨,時賢畏惡之。而愛尙文史,老而 所憑據,史之遺闕,偉之由也。外示沉厚,內實矯競。 撫寡訓孤,同居二十餘載,恩義甚篤。不營產業,身亡之後,賣宅營葬,妻子不発飄泊,士友 而已,初無述著。 王天穆及分朱世隆,以爲國書正應代人修緝,不宜委之餘人,是以儁、偉等更主大籍。 故自崔鴻死後,迄終偉身,二十許載,時事蕩然,萬不記一,後人執筆,無 與綦儁少甚相得,晚以名位之間,遂 彌篤。 偉弟少亡,偉 守舊

軍、西兗州刺史,在州有當時之譽。」武定二年卒,贈衞大將軍、吏部尚書、青州刺史,諡 尚,粗涉書史,眞草書迹,頗號工便。御史中尉元昭引爲御史。前廢帝時,兼黃門侍郎,深 爲永朱世隆所信用。出帝初,爲著作郎,兼中書令,旣非其才,在史未嘗執筆。出除衞將 劉仁之,字山靜,河南洛陽人。其先代人,徙于洛。父爾頭,在外戚傳。仁之少有操

候當途,能爲詭激。每於稠人廣衆之中,或撾一姦吏,或縱一孤貧,大言自眩,示己高明,矜 物無知。 仁之外示長者,內懷矯詐。其對賓客,破牀弊席,粗飯冷菜,衣服故敗,乃過逼下。 淺識皆稱其美,公能之譽,動過其實。性又酷虐,在晉陽曾營城雉,仁之統監作

列 傳 六十九 劉 仁 之 宇 文 忠 之 椌 勘 記

役,以小稽緩,遂杖前殷州刺史裴瑗、幷州刺史王綽,齊獻武王大加譴責。 失體,便加鞭撻,言韻微訛,亦見捶楚,吏民苦之。而愛好文史,敬重人流。 交款,元興死後積年,仁之營視其家,常出隆厚。 時人以此尚之。 性好文字, 吏書 與齋帥馮元興

試焉。 初,除中書侍郎。裴伯茂與之同省,常侮忽之,以忠之色黑,呼爲「黑字」。後敕修國史。 以事除名。忠之好榮利,自爲中書郎,六七年矣,遇尚書省選右丞,預選者皆射策,忠之入 象初,兼通直散騎常侍,副鄭伯猷使蕭衍。武定初,爲安南將軍、尚書右丞,仍修史。未幾, 將軍,巴西公。父侃,卒於治書侍御史。忠之獵涉文史,頗有筆札,釋褐太學博士。 宇文忠之,河南洛陽人也。其先南單于之遠屬,世據東部,後入居代都。 旣獲丞職,大爲忻滿,志氣囂然,有驕物之色,識者笑之。旣失官爵,怏怏發病卒。子 祖阿生,安南 天平

用,而雅道蔑聞。 史臣曰:綦儁遭逢受職;山偉位行頗爽;仁之雖內懷矯詐,而交情自篤,忠之雖文史足 謂全德者,其難矣哉!

君山。

校勘記

(二) 魏書卷八十一 五〇綦儁、山偉、宇文忠之三傳及卷二〇劉庫仁附劉仁之傳補。 諸本目録此卷注「闕」。殿本秀證云:「魏收書闕, 卷末無宋人校語,當是脱去。 後人所補。」 按此卷以北史卷

 \subseteq 雖爲介朱扶戴 諸本「戴」訛「載」,今據北史卷五〇綦儁傳改。

(三)不能紹宣魏網 按文義「網」當是「綱」之訛。

後正名士郎 中」,周書卷三四楊敷傳稱敷「歷尚書左士郎中」。左右士曹見晉書卷二四職官志。 張森楷云:「『名士』二字疑誤。」按墓誌集釋元湛墓誌圖版一五二稱「尋補尚書左士郎 疑這裏「名」

显 屯田郎李延孝 華墓誌圖版一八六言妃有弟名延考,妃即李沖之女,則作「考」是。 北史卷五〇山偉傳作李延考,卷一〇〇序傳作李延孝。 按墓誌集釋元勰妃李媛

字乃「右」字之訛

魏書卷八十二日

列傳第七十

李琰之 祖瑩

李琰之,字景珍,小字默蠡,隴西狄道人,司空韶之族弟。早有盛名,時人號曰神童。從

父司空沖雅所歎異,每曰:「興吾宗者,其此兒乎。」恒資給所須,愛同己子。 曾遊河內北山,便欲有 隱遁意。 會彭城王勰辟爲行臺參軍,三

苦

弱 冠

舉秀才,不行。

侍 相 敦引。 郎、司 `農少卿、黃門郞、修國史。 尋爲侍中李彪,啓兼著作郎,修撰國史。 遷國子祭酒,轉秘書監、 稍遷國子博士,領尚書儀曹郎中, 兼七兵尚書。 遷太常卿。 轉 孝莊 中

初,太尉元天穆北討葛榮,以琰之兼御史中尉,爲北道軍 司。 還,除征 東將軍,仍兼 太常。

雖 以儒 出 素 爲 自業,而每語 衛將軍、荆州刺 人言, 史。 吾家世將種,自云猶有關西風氣。 頃之,兼尚書左僕射、三荆二郢大行臺。 及至州後, 尋加 散騎常侍。 大好射獵

列 傅 第 七 + 李 琰 之

威

武 尒 朱 兆 入洛, 南陽 太守趙 脩 延以琰之莊帝外戚, 誣琰之規奔蕭 衍 襲 州 城, 遂被囚

左光祿 執 脩 延 大 仍自 大、儀 行 同 州 三司 事 ō 城 永 內 熙二年薨。 人 斬 脩 延 還 贈侍 推 琰 中、驃 之釐 騎 州 大將 任 軍 出 帝 · 司 初, 徒 公、雍州 徴 兼 侍 中、 刺 史, 車 諡 騎 大 日 文簡 將 軍、

共宗 多 人 而 識 日 不 聲 之。 博, 琰 每 之少 名勞 吾 我既 有 叉自 所 疑 機 七尺 以 滯 精 好 誇 、警,善談, ,恒就 且 文章 也? 讀 |博,學兼二子。」謂 書,不求 ·,從姨 琰之辨析, 此 乃天 經史百 身後 兄常景笑 性, 家 之名, 自 非 無所 以 爲 崔 爲 而 力 不覽, 光 但 不 不 强 劉 異 許。 及 見 芳 朝 也。 前 異 毎休 廷疑 也。 後 聞, 二子 再 閑 事 論 居 心之所 之際, 綱 者 多 史 所 許 職 惠, 訪 其 願 恒 博, 並 質。 無 閉 從 所 是 門讀 未 出 編 毎 以 許 帝 云 緝 孜 書, 其 入 孜 精。 安豐 崔 關 沒搜討, 不 博 交 當 王 而 人 時 延 欲 不 事 物 明 罷 精 議 博 不 嘗 劉 能 聞 謂 咸 精

丝 拜 孙 尙 刺 書 祖 瑩 史。 左 一, 字 丞。 父季眞 元珍 卒 一,贈 范陽 幷 多 識 州 遒 刺 前 人 史。 言往 也。 行 祖 曾祖 门,位 嶷 字 中 敏,仕慕 元達。 ·書侍 郎 容 · 卒 以從 垂 於 爲 征 平 安遠將 平原 原 太守。 功 軍 鉅 進 太 爵 鹿 祖 爲 定 太 侯 守 中 山 位 馮 賜 翊 爵 安 太守 固子

能 止,常密於灰 瑩 年 歲, 中藏 能 誦 火,驅 {詩 書,十二,爲 逐僮僕,父母 中 書 寢 學 生。 睡之後, 好 學耽 燃火讀書, 書, 以書 以衣被蔽塞窗戶 繼 夜,父 母 恐 其 , 成 恐漏 疾 , 禁之不 光明,

爲 家 人所覺。 由 是聲譽甚盛, 內外親屬 呼爲 聖小兒」。尤好屬文, 中書監高允每歎曰:「此

子才器,非諸生所及,終當遠至。」

大義, 書 詩 對 不 切 彭 翻 日 水裏。」肅甚嗟賞之。 王公自未見耳 逐 城 日 遺 令 齊 當當 名 蕭 時 王 爲 設持 帝嗟賞之。 字。 勰甚 冀 肅 賾 中書博 秀 是才 孙 曾於省 出 以王元長 同 因 嗟 講 鎭 , 時 房 戲勰云「何意悲平城 士張天 其美, 爲 罷 東 人為 生 肅云: 世生。」 中詠 府 **瑩** 出 孝怡 趙 爲 長 之語 郡 欲使 龍講尚: 史,以 悲平城詩, 子良法 加加加加 李孝怡 異之, 後 可 以才 亦 高 曰:「京 庸 大悅,退謂 爲誦 貨賄事發,除名。 更詠,乃 向博 *** 名 曹,今爲 祖 曲 拜太學博 戲 之。 禮 師楚楚,袁 選爲 云:「悲 土 盧 卷上 為悲彭 說 昶 瑩 汝 瑩 失語云:「王公吟詠情性 都講。 舉 日 座 應 用 日 平城, 士。 祖 博 聲云 學盡驚。 城 昔流 與祖 瑩 卽 也ご勰 徴署 生徒悉集, 士嚴 後侍中崔光舉爲國子博 定 ,豈非倫 驅馬 共工 悲彭 是 洛 司 殺,不 後高 中 神 徒 有 入 於 城 翩 、雲中。 口 慚 匹也。」 彭 幽州 **瑩夜讀** 祖聞 敢還 翩 色。 楚歌 城 今 北裔 旭 王 , 之,召入,令誦 取, 日 陰 敕 四 與 聲律 恕 若 書勞倦,不覺天曉。 Щ 袁。」 令掌 乃置 之地 面 法 不 常晦 座, 起; 曹 殊 得卿 {禮 再 力田 士, 行 卽 佳 屍 那 雪 遷 書記 於 参 , 云 積 仍領尚書左戶部 ,幾爲吳子 元荒 得忽 一尚 前 可 軍 五. 石梁亭 「所有 書三 誦 更爲誦 0 經 松 有 高 瑩 章 尙 無 公 此子? 與 祖 悲彭城 句, 書三篇, 血流 所屈。」 悲彭城 罷 郎 陳 催 顧 郡 講旣 謂 並 風 昶 尙 袁 力田 陳

瑩以 李崇 第掘 **餌**為 書事 中正 遷車 獻。」乃以墨塗字觀之,果如陰言,時人稱爲博物。 伯。 長 太常行禮,封 騎將軍。 ,監起居事,又監議事。 得古玉印,敕召瑩 爲都督北討,引瑩爲長吏。 発官。 孫稚 薨,贈尙書左僕射、司徒公、冀州刺 、侍中元字典造金石雅樂、三載乃就、事在樂志。 後除秘書監,中正如 初,莊帝末,分朱兆入洛,軍人焚燒樂署,鍾石管弦,略無存者。 文安縣子。 與黃門侍郎李琰之令辨何世之物。瑩云:「此是于闐國王晉太康 元顥入洛,以瑩爲殿中尚書。 天平初,將遷鄴,齊獻武王因召瑩議之。 坐截沒軍資,除名。 故。 以參議律曆,賜爵容城縣子。 史。 累遷國子祭酒,領給事黃門侍郎,幽 未幾,為散騎侍郎。 莊帝還宮, 坐為顯作詔, 罪狀 遷車 ·騎大將軍。 坐事繫於廷尉。前廢帝 以功遷儀同三司,進 孝昌中,於廣平王 及 敕瑩 出帝登阼, 與錄尚 孙 中所 介

於世。 世 減 於 人 袁 好 瑩 子珽,字孝徵 偸 、常焉。 以 文 竊 他 學見重,常語 文,以爲己用。 性 爽 俠,有節 人云:「文章須自出機杼, 氣,士 而一 有窮厄,以命歸之,必見存拯,時亦以此多之。 之筆札, 亦無乏天才,但不能均調 成一家風骨,何能共人同生活也。」蓋譏 "; 玉 石 兼 有,製裁之體, 其文集行

常景, 字永昌,河內人也。 父文通,天水太守。 景少聰敏,初讀論語、 毛詩,一受便覽。

及長, 事、太常博士。 有才思,雅好文章。 正始初、韶尚書、門下於金墉中書外省考論律令、敕景參議 廷尉公孫良舉爲律博士,高祖親得其名,旣而用之。 後爲門下錄

徐紇 廣、孫榮乂等以公主 外之職 喪之禮 降 公主之貴所以立家令者,蓋以主之內事脫須關外,理無自達,必也因人。然則家令唯通內 乃執 居 而 而 不可為 乃處諸 適,雖 制 制 「廬制服,付學官議正施行。 [作之本,降殺之宜,其實一焉。 是故臣之爲君,所以資敬而崇重,爲君母妻,所以從服 議 各作碑銘,並以呈御。 世 而 宗季舅護軍將軍高顯卒,其兄右僕射肇私託景及尚書邢巒、幷州刺史高 人之下,文出諸人之上。」遂以景文刊石。肇尚平陽公主,未幾主薨,肇欲使公主家令 ,及典主家之事耳,無關君臣之理,名義之分也。 曰:「喪紀之本,實稱物以立情;輕重所因,亦緣情以制禮。雖理關盛衰,事經今古, IE 加爵 然 君 公主家令,唯有一人,其丞已下,命之屬官,旣無接事之儀,實闕爲臣之禮。 明 而 命,事非君邑,理異列土。何者。諸王開國,備立臣吏,生有趨奉之勤,死盡致 矣。 諸侯大夫之爲君者,謂其有地土,有吏屬,無服文者,言其非世爵也。 且. 爲之君,以家令爲之臣,制服以斬,乖謬彌甚。 女人之爲君,男子之爲臣,古禮所 世宗悉付侍中崔光簡之,光以景所造爲最,乃奏曰「常景名位 尚書又以訪景、景以婦人無專國之理、家令不得有純臣之義、 不載,先朝所未議。而 由是推之,家令不得為純臣, 又張虛景、吾難羈等,不 四門博士裴道 聰、 通直 今王姬 原夫 郎

列

傳

旣 推 引非食菜之君;家令之官,又無純臣之式。 語臣之分,不尋致服之情,四 猶同其議,準母制齊,求之名實,理未爲允。竊謂公主之爵, 若附如母,則情義罔施,若準小君,則從服無據

案如經禮,事無成文,卽之愚見,謂不應服。」朝廷從之。

光絕後彥,覃思邈前修。 金馬文。」其讚嚴君平曰:「嚴公體沉靜,立志明霜雪。味道綜微言,端蓍演妙說。 質,逸氣干青雲。明珠旣絕俗,白鵠信驚羣。才世苟不合,遇否途自分。空枉碧鷄命,徒獻 秋月映。 無 口,位結李强舌。素尙邁金貞,淸標陵玉徹。」其讚揚子雲曰:「蜀江導淸流,揚子挹餘休。含 重位,乃託意以讚之。 景淹滯門下積歲,不至顯官,以蜀司馬相如、王褒、嚴君平、揚子雲等四賢,皆有高才而 遊梁雖好仁,仕漢常稱病。清貞非我事,窮達委天命。」其讚王子淵曰:「王子 。其讚司馬相如曰:「長卿有艷才,直致不羣性。 世輕久不賞,玄談物無求。當途謝權寵,置酒獨閑遊。」 鬱若春煙舉, 才屈羅仲 挺秀 皎 如

萇出爲安西將軍、雍州刺史,請景爲司馬,以景階次不及,除錄事參軍、襄威將軍,帶長安 延昌初,東宮建,兼太子屯騎校尉,錄事皆如故。其年受敕撰門下詔書,凡四十卷。 景在樞密十有餘年,爲侍中崔光、盧昶、游肇、元暉尤所知賞。 累遷積射將軍、給事 尚書元

甚有惠政,民吏稱之。

授步 兵校尉, 仍舍人。 及世宗崩,召景赴京,還修儀注。 又敕撰太和之後朝儀已施行者, 拜謁者僕射,加寧遠將 凡五十餘卷。 軍。 叉以 本官兼中書舍人。後 時靈太后詔依漢世

陰鄧 二后故事、親奉廟祀、與帝交獻。 景乃據正,以定儀注,朝廷是之。

光 執 經,敕景與董紹、張徹、馮元興、王延業、鄭伯猷等俱爲錄義。 正 光 初,除龍驤將軍、 中散大夫,舍人如故。 時肅宗行講學之禮於國子寺、至 事 畢, 又行釋奠之禮,並 司徒崔

詔百官作釋奠詩,時以景作爲美。

于來 章,疑而 朝,晉世處之王公、特進之下。 是 年 不 九月,蠕 决, 則時訪景 蠕主 河那: 而行。 瓌 歸闕,朝廷疑其位次。 今日爲班,宜在蕃王、儀同三司之間。」確從之。 高陽王雍訪景,景曰:「昔咸寧中,南單 朝廷典

徒崔 碑, 軍 高 將 氏 每云:「吾以 光 不 初 聞 得 ,平齊之後,光祿 獨 而 擅其美也。」侍中崔光、 觀之,尋味 此文報德 良久, 大夫高 足矣。」 乃云:「高 聰徙於北京,中書監高允爲之娉妻,給其資宅。 豫州 安豐王 光祿 刺 史常綽以未盡 平日 延明受詔議定服章, 毎矜 其文, 其美。 自許 景尚 報允之德, 敕景參修其事。 允才器,先爲遺德頌,司 今見常生此頌, 聰後 尋進號冠 爲允立

[17] 那 瓌 之還 國 也, 境上遷延, 仍陳窘乏。 遣尚書左丞元孚奉詔振恤 一,阿那躟執孚過柔

列

臨瀚 玄,奔于 海,宣敕 漠 北 勒 衆 遣尚書令李崇、御史中尉兼右僕射元纂追討,不及。 而 返。 景經 涉山水,悵然懷古,乃擬劉 現扶風歌十二首 乃令景出 塞,

遺景兼 以本將 都督崔 城。 卿 不 拜, 時 進 安豐 軍 延伯 號 尚書,持節馳與行臺、都督觀機 改授散騎常 一授徐州 征 王 房將 ,都督、北海王顥,都督、車騎將軍元恒芝等並各出討,詔景詣軍宣旨勞問。 延明爲大都督、大行臺, 軍。 刺 史。 侍, 孝昌初, 將軍 如 兼 故。 給 事 徐州 黄門侍郎。 部 率臨淮 分。 刺史元法僧叛入蕭衍 景經洛汭, 王彧等衆軍討之。 尋除左將軍、 乃作銘 太府少卿, ",
衍遣 焉。 旣而 是時, 其豫章 蕭綜降附,徐州 仍舍人。 尚書 主 肅 |令蕭 綜 入據彭 固 寶夤 淸 辭 灵 復, 少

敕譚 石離 截 盡强 幽 軍 州 元 都關以待之。 景遣府 肚,今之三長,皆是豪門多丁爲之,今求權發爲兵。 諸 西 杜 至 洛周 . 縣悉入古城,山路有通賊之處,權發兵夫,隨宜置 軍都關,北從盧龍塞,據此二嶮,以杜賊出入之路。 斛 錄 反於燕州,仍以景兼尚書為 事 鹽三戍兵反,「私」結洛周,有衆二萬餘落,自 |参軍 仲哲戰沒,洛周又自外應之,腹背受敵,譚遂大敗,諸軍夜散。 裴 智成發范陽三長之兵以守白帽, 行臺, 與幽州都督、平北將軍元譚以 皮, 松岍 肅宗皆從之。 都督元譚據居庸 以爲 叉 部景山 赴 城。任 防遏。 中嶮路之處,悉令捍 譚 進號平 叉 勒 下口 以頃 禦之。景表求勒 别 將 北 來差兵, 崔 將 俄 韶以景所 仲 軍。 而 哲 安州 别 不

甚衆。 洛周 將軍、光祿大夫,行臺如故。 琚 旣 部 連 爲 雨,賊衆疲勞。景與都督于榮、刺史王延年置兵栗園、行 南出,鈔掠薊城,景命統軍梁仲禮率兵 別將李琚爲都督,代譚征下口,降景爲後將軍,解 率衆南趨范陽、景與延年及榮復破之。 賊所攻,薊城之北軍敗 後洛周南圍范陽,城人翻降,執刺史延年及景送於洛周。 而死。 洛周遣其都督王曹紇眞,馬叱斤等率衆廟南,以掠人穀,乃遇 率屬城人禦之,[公] 賊不敢逼。洛周還據 士邀擊,破之,獲賊將禦夷鎭軍主孫念恒。 又遣別將重破之於州西虎眼泉,擒斬及溺死者 州任,仍韶景爲幽安玄□四州 邀其走路,大敗 洛周尋爲葛榮所吞,景又 上谷。 之,斬曹紀眞。 行臺。 授景平北 都督李 賊

明在禁中召諸親賓、安慰京師。顯入洛、景仍居本位。莊帝還宮、解黃門。 是,參議正光壬子曆,至是賜爵高陽子。元顥內逼,莊帝北巡,景與侍中、大司馬、安豐王 軍、右光祿大夫、祕書監。以預詔命之勤,封濮陽縣子。 永安初,詔復本官,兼黃門侍郎,又攝著作,固辭不就。 榮破,景得還朝。 後以例追。 二年,除中軍將軍,正黃門。 永熙二年,監議 普泰初,除車 事 先

文詞,若遇新異之書,殷勤求訪,或復質買,不問價之貴賤,必以得爲期。 「卿淸德自居,不事家業,雖儉約可尙,將何以自濟也。吾恐擊太常方餧於栢谷耳。」遂與衞 景自少及老,恒居事任。 清儉自守,不營產業,至於衣食,取濟而已。 友人刁整每謂曰: 耽好經史, 愛玩

將 軍羊深矜其所乏,乃率刁雙、司馬彥邕、李諧、畢祖彥、畢義顯等各出錢千文而 爲買馬焉。

藝業該通,文史淵洽,歷事三京,年彌五紀,朝章言歸,祿俸無餘,家徒壁立,宜從哀恤,以旌 仍本將軍。武定六年,以老疾去官。詔曰:「几杖爲禮,安車致養,敬齒尊賢,其來尙矣。 已下非陪從者盡乘驢。 齊獻武王以景淸貧, 特給車牛四乘, 妻孥方得達鄴。後除儀同三司, 天平初,遷鄴,景匹馬從駕。 是時詔下三日,戶四十萬狼狽就道,收百官馬, 尚書丞郎

元老。 於 ·榮利,自得懷抱,不事權門。 性和厚恭愼。 每讀書,見韋弦之事,深薄之危,乃圖古昔可 景 善與人交,終始若一,其遊處者,皆服其深遠之度,未曾見其矜吝之心。 可特給右光祿事力、終其身。」八年薨。

好飲酒,

澹

鑒戒,指事爲象,讚而述之曰 ······雅云:「謂天蓋高,不敢不跼,謂地蓋厚,不敢不蹐。」 有朝隱大夫監戒斯文,乃惕

以

.懼曰:「夫道喪則性傾,利重則身輕。是故乘和體遜,式銘方册;防微愼獨,載象丹 信哉辭人之賦,文晦而 不畏。誰其踐之,不陷不墜。故善惡是徵,物罔同異。論亢匪久,人咸敬忌。嗟 理明。仰瞻高天,聽卑視諦,俯測厚地,岳峻川渟。 誰其戴

乎! 而 意子微。好爵是冒,聲奢是基。身陷於祿利,言溺於是非。 唯 地厚矣,尚亦兢兢。浩浩名位,孰識其親。 搏之弗得, 聆之無聞。 或求欲而未厭,或知足 故有戒於顯

之,不私

悔 而 不辭。 多 ,車覆而 於 地 厚,禍甚於天高。 是故位高而勢愈迫,正立而邪愈欺。安有位極而危不萃,邪榮而正不凋。 後改躅。 改之無及,故狡兔失穴,思之在後,故逆鱗易觸 夫悔未結, 誰肯曲 躬。夫禍未加, 誰肯累足? 固機 發而後

故

思圖

相 能 曲 盈 之危,深於不測之地。 下三黜,不慍其色,子文三陟,不喜其情。 不同 而 躬焉,累足焉。 戒 《沖、通 子則不然,體舒 囂競無侵,優遊獨逝。 不誘,而弭謗於羣小,無毀無譽,而貽信於上帝。 而 慮滯。 苟行 餌厚而 以知· 之畫已決矣,猶夜則思其計。誦 則懷卷,視溺則 命爲遐齡,以樂天爲大惠, 躬 夫如是,故綺閣 不競,爵降而心不係。 思 濟。 金門,可安其宅,錦衣玉食,可頤其形。柳 原夫 人□之度,[10]邈於無階之天; 之口 以戢智而 守善於已成,懼愆於未敗。 託身 亦明矣,故心必賞其契。 與金石俱堅,立名與天壤 從時,以懷愚而遊 故 雖

逐越, 得 不可以流聲,故去聲而懷道,鑒專道不可以守勢,故去勢以崇道。 聲,然後聲可立,豈矜道之所宣。 無亢;求聲雖道,不得無悔。 而 驕侈 惑者見居高可以持勢,欲乘高以據榮。 自 親。 情與道絕,事與勢隣。 然則聲奢繁則 慮危,然後安可固,豈假道之所全。 方欲役思以持勢, 實儉凋,功業 見直道可以修己,欲專道以邀聲。 進則身迹退。 乘勢以求津。 何者? 是以君子鑒恃道 履道雖高,不 如 故利欲誘其 此, 則 精 夫去 靈

骨於幽靈。 情, 立,而修正之術已生。 局,焉得而寧之**?** 禍難嬰其身。 因斯愚智之所機,倚伏之所係,全亡之所依,其在遜順而已哉。嗚呼鑒之! 雖結珮皇庭,焉得而榮之。故身道未究,而崇邪之徑已形。 利欲交,則幽明以之變;禍難構, 福祿交蹇於人事,屯難頓萃於時情。 則智術無所陳。 忠介剖心於白日, 若然者, 雖縻舒帝 耿 成 ()功未 節沉

景所著述數百篇,見行於世,删正晉司空張華博物志及撰儒林、列女傳各數十篇云。 (子)昶,少學識,有文才。早卒。

嗚呼鑒之!

| 飛弟彪之,永安中,司空行參軍。

長

美當代。 史臣曰: 琰之好學博聞, 鬱爲邦彥。 覽其遺稿,可稱尙哉。 祖瑩幹能藝用,實曰時良。 常景以文義見宗,著

校勘記

魏書卷八十二 完,當脫「亡」字。 諸本目錄此卷注「闕」,百衲本卷末有宋人校語云 殿本考證云:「魏收書闕,後人所補。」按北史,祖瑩卷四七有傳,常景附卷四 「魏收書列傳七十」, 語未

- 一常爽傳 李琰之見卷一○○序傳。 檢此卷傳文大體與 北史同,間有溢出語。 當是後 人以北
- }史 相 同 諸 人傳補,而 增入高氏小史等他書中文 句。
- 僚皆同 彭 城 王勰辟爲行臺參軍 尙 書省 一不聞 有參軍。 北史卷一〇〇序傳「臺」作「軍」。按彭 但「行軍參軍」也罕見。 「臺」或「軍」字或是衍文 城王勰未曾爲行臺, 且行臺屬
- $\overline{}$ = 按 可 更爲 稱「勰欲使肅更詠 誦悲彭 城詩 諸 」。「便」字訛,今據 本「更」作「便」, 北史卷四七祖瑩傳、 册府卷八五○1○11三頁作「更」。

改。

上

- 124 不尋致 制 服」、疑作「制」是。 派之情 北史卷四 常爽附常景傳、册府卷五 八一六九六二頁「致」作 制。 按所論即在
- \sqcap H. 時肅宗行講學之禮於國子寺 諸本「行」訛「以」,今據北史卷四二常爽附常景傳 改。
- ナ 俄 ○頁作「穴城」,胡注以見於水經注 而 安州 石 離 冗 城 斛 鹽 三戍兵反 卷一 册府卷三五 四 鮑丘水篇的「孔 四 .四一九九頁「冗城」作「宛城」。通鑑 Щ 當之。 按水經注 稱 孔 卷 Щ ____ 五. 上 有 四七 洞
- 穴開 识明」,其 地 與 **斛鹽** 戍 鄰接 百衲本「冗」字末筆 一稍直 `疑實是「穴」字缺上 一點, /册府作 宛 雖
- 誤,上也 作 一一可 證
- -6 自 松 }地 帲 {理 表下 赴 賊 載 入 通鑑卷一 四 |夷道路營州 五. 西北 四七一〇頁胡注:「或曰:『岍』、『姍』字之誤也、讀作『陘』。唐志唐書卷四 有松陘嶺。」

率屬城人禦之 通志卷一五〇上常景傳「率」上有「景」字。 按此字不宜省,當是脫文。

ハカリ 景與都督于榮刺史王延年置兵粟園 園」,通鑑卷一五一四七一四頁作「栗園」。按「國」字必訛,今據改。「栗」疑亦當作「栗」,但諸本及 諸本「栗園」作「栗國」,卷九肅宗紀孝昌二年七月作「栗

紀皆同,今仍之。 參卷九校記□□□°

原夫人□之度 諸本「人」下不空格,北史卷四二注「闕」字。 按若如諸本,與下「勢位之危」句

不相對,「人」下當闕一字,今作方圍。

列傳外戚第七十一上

賀訥 劉羅辰 姚黃眉 杜超 賀迷 閭 毗

馮

熙

李峻 李惠

未聞 其餘或以勞勤,或緣恩澤,咸序其迹,舉外親之盛衰云爾。 槃,繭犢引大車,弱質任厚棟,所謂愛之所以害之矣。 文深以爲誠,明帝尚封頑騃。 姒姓為輔。 夫右賢左戚,尚德尊功,有國者所以治天下也。 及於漢世,外戚尤重,殺身傾族,相繼於 晉之楊駿,尋至夷宗。 殷肇王基,不藉萃氏爲佐, 居上不以至公任物,在下徒用私 太祖初,賀訥有部衆之業,翼成皇祚, 兩京,乃至移其鼎璽,亂其邦國。魏 周成大業, 寵要

列傳

衞 始 有 秦 勳 賀 二王依 於 訥 國 代 一,尚平文女。 父野干,尚昭成 人,太祖 訥。 會苻堅使劉庫仁分攝國 之元舅, 獻明后之兄也。 女遼西公主。 事,於是太祖還居獨 其先世 爲君長, 昭成崩,諸部 四方附國者數 孤 部。 乖亂,獻明后與太祖及 訥總攝東部為大人, + 部 祖 約,

遷 居 大 寧,行 其恩信,衆多歸之,侔於庫仁。 苻堅假訥鷹揚將 軍

我 西 臣 統 勳 或 太祖 汝 主 中 後 擁 劉 尙 何 護, 笑答曰:「誠 顯之謀逆,太祖聞之,輕騎北歸訥。 異 得 議,豈是臣節 爾 故染干不 也」訥 如舅言,要不忘 曰:「帝,大 得肆其]] 邃 、禍心。 與諸 國之世 人勸 也。」訥中弟梁干粗暴,忌太祖,常圖為逆,每為皇姑 於是諸部大人請酌兄弟求 進,太祖登代王位于牛川 孫,與復先業,於我]]]]]]]]]]]] 驚喜拜曰:「官家復國之後當念老 國 中之福 舉太祖 爲主。 常相持獎,三 染干曰:「 立 繼 遼 在

直 通 力 於 慕 於 鞮 及 牛 容 太 征 都 祖 垂, 訥 討吐突隣部 破 垂 訥 以 訥 告急請 訥 於 赤 爲 城 歸善王。 降, 訥 太 兄弟遂懷異圖 太祖 祖 染干謀; 遣師 簡精騎二十萬 救 訥 殺 李 麟 訥而 一諸部 乃引 代立, 以救之。 救之。 退。 訥 遂徙 詂 逐 帝 從 與染干 太祖 擊之,大潰, 訥部落及諸 平中原,拜安遠 相 攻。 弟 訥 垂 西遁。 處之東界。 遣 子麟討 將 衛辰遣子 軍 訥 敗 叉

無 統領 其 後 離 以壽終於家 散 諸 部 分土定居,不 聽遷徙,其君長大人皆同 編 戶。 訥以元舅, 甚 見尊重,

然

旭 舅,不肯受儀 敕儀去鄴,盧亦引歸,太祖 | 前弟盧,亦從平中原, 節 度。 太祖遣使責之, 以功賜爵遼西公。 以盧為 廣川太守。 盧遂忿恨。 太祖遣盧會衛王儀伐鄴, 盧性雄豪, 與 儀 司馬 丁建構成其嫌, 耻居冀州刺 史王輔 而 廬自以 彌 加 下, 猜 太祖 忌。 襲殺輔 會太 之季

奔慕容德。 德以爲幷州刺史,廣寧王。 廣固 敗,盧亦沒。

天神 公。至李。 ,請成大業,出於誠至。 **訥從父弟悅。** 初,太祖之居賀蘭部 太祖嘉之,甚見寵待。 下,人情未甚附,唯悅舉部隨從。 後平中原,以功賜爵鉅 鹿侯, 又密為 太祖 進爵北新 祈 禱

光祿勳,爲外都大官,復本爵。 議,每參預焉。 奏幷州刺史元六頭等皆伏罪,州郡肅 赴之。」太宗卽位,乃罷。 子泥,襲爵,後降爲肥如侯。 又征蠕蠕,爲別道將,坐逐賊不進,詐增虜級,四當斬,贖爲庶人。久之,拜 韶泥與元渾等八人拾遺 卒於官。 太祖崩,京師 然。 子醜建襲。 後從 世祖征赫 草草、泥出舉烽於安陽城北、 左右。 連昌, 與北新侯安同 以功進爵爲琅邪公,軍國 持節 行幷定二州, 賀蘭部 人皆往 大 劾

劉羅辰,代人,宣穆皇后之兄也。 父眷,爲北部大人,帥部落歸國。 羅 辰有智謀, 謂眷

卽位 部衆之强,每謀爲逆,羅辰輒先聞奏,以此特蒙寵念。 :「從兄顯, ,討顯于馬邑,追至彌澤,大破之。 忍人 也, 願早圖之。」眷不以爲意。 後奔慕容麟, 後庫仁子顯殺眷而代立,又謀逆。 麟 尋拜南部大人。 徙之中 山, 羅辰 從平中原,以前後 率騎 奔太祖 及太祖 顯 勳 恃

子殊暉,襲爵。位幷州刺史。卒。

賜

爵永安公,以軍

功除征東將軍、定州

刺史。

卒,諡

日

敬。

子求引,位武衞將軍。卒,諡曰貞。

子 爾 頭 位 魏昌、廮陶 縣合,贈鉅 鹿 太守。 子仁之,自有傳。

贈 隴 西公, 雍 州 姚 黃眉, 刺史、 尚陽 隴 翟 姚 公 興 西 之子,太宗昭哀皇后之弟也。 王, 主,拜駙馬都 諡 日 獻 陪葬金陵。 尉 ,賜隸戶二百。 黃眉寬和溫厚,希言得失。 姚泓 世祖卽位, 滅 ,黃眉間來歸, 遷 內都大官, 太宗厚禮待之, 世祖悼惜之,故贈 後 拜 太常 卿。 賜爵

加

禮

馬 爵 師 一,時以 都 王 尉 杜 一,鎭 超, 法 位 鄴 禁不 大 字祖仁, "; 追 鴻臚 得 加 卿。 與 超 魏郡鄴 后 父 車駕數幸其第, 通 豹鎭 問。 人,密皇后之兄也。 東 始光 大將軍 中, 賞賜 世 陽平景王, 祖 思念 巨 萬 舅氏,以 少有 母日 節操。 超為 鉅鹿 泰常 惠 陽 超行 平 中, 公, 征 眞君 爲相州別駕。 尚南安長公主, 南 大 五. 將 年,超為帳 軍、 太宰, 奉 下 拜 使 京 所 進 駙

害, 世 祖 臨 其喪,哀慟者久之。 諡 日 威 王

爲

長 子 道生,賜 爵 城 陽侯。 後爲 秦 州 刺 史,進爵河 東公。

道 生 弟鳳皇,襲超 心爵,加: 侍中、特進。 世 祖 追 思超不已, 欲以 鳳皇為定州刺 史, 鳳皇

願 違 離 闕 庭 一, 乃 止

鳳 皇 弟 道傷,賜 **爵發干侯,鎭枋頭,除兗** 州 刺

超 旣 復授超 從弟遺侍中、安南將軍、 開 府 相 州 刺 入為 內都 大官, 進爵廣 平王

遺 性 忠厚,頻 歷 州 郡 所 在著稱。 薨,贈太傅, 諡 日 宣

長子元寶,位 司 空。 元寶 弟 胤 寶 一,司 隸 校 尉 元寶 叉 進爵 京兆王。 及 歸 而 父 遺 喪, **E**

発。 憂自 明 當 辭。」元寶 時朝 入謝,元寶欲以表 議 欲 追 欲 削 見 其寵,不從,遂冒哀而 超爵位, 聞 高宗 中書令高允上表理之。 未知遺薨,怪其遲,召之。 人。未幾,以謀反伏誅,親從皆斬,唯元寶 元寶 將 入,時人 止 之 日 子 世 宜 衡 以 逃

列 傳 第 七 + 上 外 戚 Ł

後兗州 故 更汲宗等以道儁遺愛在人,前從坐受誅,委骸土壤,求得收葬。 書奏,詔義而

聽 之。 贈散騎常侍、安南將軍、南康公、諡曰昭。 世衡襲遺公爵

賀迷,代人。 從兄女世祖敬哀皇后,皇后生恭宗。 初,后少孤,無父兄近親,唯迷以從

父故蒙賜爵長鄉子。 卒,贈光祿大夫、五原公。

進爵 太安二年,以毗爲平北將軍,賜爵河東公,弟紇爲寧北將軍,賜爵零陵公。其年,並加侍中, 定襄康公,公父辰定襄懿王。 公五人,侯六人,子三人,同時受拜。 為王。 子豆,後賜名莊。 閭 毗,代人。 毗,征東將軍、評尚書事,說,征西將軍、中都大官。 本蠕蠕人,世祖時自其國來降。 太和中初立三長,以莊爲定戶籍大使,甚有時譽。 毗薨,贈太尉,追贈毗妻河東王妃。子惠襲。 所以隆崇舅氏,當世榮之。和平二年,追諡后祖父延 毗卽恭皇后之兄也。 自餘子弟賜爵爲王者二人, 皇后生高宗。 十六年,例降爵, **松薨,贈司空。** 高宗

後爲七兵尚書,卒。

守亥爲鎭西將軍、遼西簡公,[刊]勃海太守澄爲侍中、征東大將軍、太宰、遼西獻王, 氏 尚書、帶方公。三妹皆封縣君,妹夫王賭爲平州刺史、遼東公。追贈<u>英祖、父,苻堅扶</u>風 兄英,字世華,自肥如令超為散騎常侍、鎭軍大將軍,賜爵遼西公。 博陵郡君。 先是高宗以乳母常氏有保護功,旣卽位,尊爲保太后,後尊爲皇太后。 遣兼太常盧度世持節改葬獻王於遼西,樹碑立廟,置守冢 弟喜,鎭東大將軍、祠 百家 興安二年,太后 英母許 太

氏為遼西王太妃。 范陽公。[10]英黷貨,徙燉煌。 姓,奈何在英上。本州、郡公、亦足報耳。」天安中,英爲平州刺史、断爲幽州刺史,伯夫進爵 庶子。三年,英領太師、評尚書事、內都大官,伏、寶、泰等州刺史。 [元] 五年,詔以太后母宋 爲安東將軍、朝鮮侯。〔六〕訴子伯夫,散騎常侍、選部尚書,次子員,金部尚書,喜子振,太子 王睹而黜英。」太后曰:「英爲長兄,門戶主也,家內小小不順,何足追計。 和龍,無車牛,宋疲不進,賭負宋於笈。至是,宋於英等薄,不如睹之篤。 太安初,英爲侍中、征東大將軍、太宰,進爵爲王。喜,左光祿大夫,改封燕郡。 和平元年,喜爲洛州刺史。初,英事宋不能謹,而睹奉宋甚至。 | 賭 雖 謂太后曰:「 盡力,故是 就食於 從兄泰 何不 他

欺妄 徴 諸 常自 斬 於 京 興安及至是,自己皆以親疏受爵賜田宅,時爲隆盛。 師。 承明元年, 徴英復官。 薨, 諡 遼 西平王。 始英之徵也,夢日墜其所居黃 後伯夫爲洛州刺史,以贓汙

Ш

下

水

中

- ,村人以車牛挽致不能出,英獨抱載而歸,聞者異之。

旭 錦 故 7,罪 布帛數萬計,賜尚書以下,宿衞以上。 、文明太后以昭太后故,悉出其家前後沒入婦女,以喜子振試守正 後 止 員 與伯夫子禽可共爲飛書,誣謗朝政。 門。 斯年老, 赦免 歸家,恕其孫一人扶養之,給奴婢田宅。 其女壻及親從在朝,皆觅官歸本鄉。 事發, 有司 '執憲, 刑及五族。 平郡。 其家僮 高祖以昭太后 入者百人,金 十一年,高

朗 內 徙,官至秦雍 馮 熙,字晉昌,長樂信都人,文明太后之兄也。祖文通,語在海夷傳。 二州刺 史、遼西郡公、三三坐事 談。文明太后臨朝,追贈假黃鉞、太宰、燕宣 世 祖 平遼海,熙父

王,立廟長安。

問 撫 育。 ,從師受孝經、論語,好陰陽兵法。 熈 生於 年十二, 長安 好弓馬, 爲姚氏魏母所養。 有勇 幹, 氐 羌皆歸附之。 及長,游華陰、河東二郡間。 以叔父樂陵公邈因 魏母 見其 一戰入蠕 如 此, 蠕,魏母 性 將還 汎愛,不拘 攜熙逃避 長 安。 始 小節 至氐羌 就 博 人 士 無 中 學

士 庶,來則納

史,進爵昌黎王。

即位,爲太傅,累拜

內

都

大官

所 在 一、徵赴京師,拜冠 熙 姑先入掖庭,為世祖左 軍將軍 ,賜爵肥 一昭儀。 如 妹爲高宗文成帝后, 侯。 尙 恭宗女博陵長 即文明太后也。 公主, 拜 駙 馬都 使人外訪, 尉。 出 爲 定州 知 熙

幸 壽之詞。 破 明 師、 刺 有沙門勸止之,熙曰:「成就後,人唯見佛圖,焉知 名德沙門,日 以 如 仁厚,而信佛法,自出家財,在諸州鎭 事 亂 熙情難奪 太后亦以爲 之爲妾。 中書監、 所生。 高 而舊三字石經宛然猶在,至熙與常伯夫 祖 高 卽 位, 祖 領秘 魏母卒,乃散髮徒跣,水漿不入口三日。 有子女數十人,號爲貪縱。 與講論, 聽服 然。 頻登北邙寺、親讀碑文、稱為 文明太后 書 齊衰期。 事 於是除 顯祖 o 精勤 熈 臨朝, 王公貴 以 車騎大將軍 不倦,所費亦不貲。 後以例降,改封京兆郡公。 頻履 師傅,又中宮之寵,爲羣情所駭,心不自安,乞轉 建佛圖 、開府、都督、洛州 後求入朝,授 人登進者衆。 佳作。 精 相繼 舍, 而在諸州營塔寺多在 殺人牛也。」其北 熙爲 爲州,廢毁分 合七十二處,寫一十六部 內都 詔不 高祖乃承旨皇太后, 州 刺史, 大官,太師 聽服,熙表求依趙氏之孤。 因事 侍中、 7用,大 取 人子 邙寺碑文,中書侍郎賈元 如故。 太師 高 至 ,女爲. 頹 Щ 秀阜,傷殺 落。 如 以熙爲侍中、 熙事 奴婢,有容色者 故。 切 熙 魏 洛陽 外任。 經。 爲 母 政 孝謹, 人牛。 高祖 延致 不 雖 能 太 文 經

列

不 前 供 長 臣 秋 後 承宗廟 納 配 高 入朝 熙三女,二爲后, 極 加 一、陰 納 不 不 欲 其 ·拜。 政 奪私 女 旣 爲 敷, 熈 ڒؙؠ 后 上 未聞 書 曰「白虎 然吾季著於春秋,無臣 如 爲 有司 舊 左 陳奏斯式, 昭 通 儀。 云:王所不臣,數有三焉。 由 是 可 馮氏 詔 證 太師 龍貴益隆, 於往牒,旣許通體之一,用 一輟臣 從 禮。」 賞 妻之父母 賜累巨萬。 叉 対集 抑言 書造儀 高 開 其 祖 至尊之敬, 付 毎 0 詔 外。 熈 此 所 高 謂 書 祖 此

馬、 代。 用。 别 而 司 墓 拜焉。 奏諡 , 三三令公主 太尉 見 皇后 車 熙 其 駕 於 詔 冀 困 後 詣 葬 在 日 篤 州 日 代 淮 遇 疾, 之枢 南, 刺 都 歔 送 可 史, 赴 臨 綿 以 欷 留 哭, 俱 墓 威 加 流 寢 臺 向 太子恂 涕 所 黄 强 几 表 伊 恢 屋 載 聞, 洛 親 遠 o 密敕宕 左 作 還 纛 亦 日 詔 誌 凡所營送,皆 赴代 備 遣醫問,道路 至 銘 武 徐州 昌 九 、哭弔 公王 錫 主 奉 乃 前 生 諡 舉 遇 於 哀。 將葬 公家 後 日 子 相望,車 公。」柩 部 , 誕、脩 太 贈 羽葆 爲 爲 備。 制 師 至 假黃鉞、侍 萬 駕 鼓吹,皆依晉 緦 洛 服, 叉敕 亦數臨幸焉。 七 , 里 詔 卽 代 澗 有 可 中、 給 高 監 司 綵 太宰、 護 都 豫 祖 帛 督 辨 喪 將遷洛 服 前 事。一十 + X 安平 衰 後六千匹 儀, 州 往 諸 高 迎 獻 幷 九 軍 王 叩 開 祖 年 事 故 靈 以 魏 親 事 悲 供 京 與 大 薨 司 之 熈 慟 凶 有 於

誕 字 思政,脩字寶業,皆姿質好麗。年纔十餘歲,文明太后俱引入禁中,申 以教 滅,然

蒙 能 軍 中 軍 親 習 尙 將 讀 待 書 經 軍 東平 史,故兄弟 尙 特 帝 進 公 妹 樂安長 改 叉 封 並 除 長 無學術, 樂 誕 公主, 郡 儀 公。 曹 拜 徒 尙 駙 書, 整飾容儀, 誕 馬 拜 都 知 官 殿 尉 高 中 侍 寬雅 事 祖 中 o 立 、征 於 恭 及 庭 罷 罉 西 庶 大 III 遙 已。 將 姓 受其 王 重 南 誕 拜, 誕 與 平 爲 高 旣訖 主 侍 祖 中 還 可 都都 脩 室 侍 督 幼 脩 中 中 侍 塡 降 外 書 諸 爲 北 學, 將 仍

誕。 於 於 許 法 太 后 事 誕 撻之百 覺 與 脩 高 高 祖 雖 餘 祖 嚴 並 自詰 黜爲平 責 長 之, 宮禁 之, 至 城 具 於 而 得 百 性 楚棰 情 姓 趣 狀 乖 脩 0 別 由 妻 誕 是陰 引 司 誕 调 空穆亮 性 懷 謝 淳 毒 乞 篤 恨 全 女 脩 也 脩 逐 乃浮 結 命 求 o 左 離 競 右 高 婚 祖 有 誕 請 爈 以 亦 趸 誕 於 未 官 父 誕 能 老 者 誨 . , 高 叉 督 求 祖 藥 其 重 引 其 過, 管蔡 欲 意, 然 因 食 時 致 害 言

其 親 章 近 謝 不 高 及。 加 尋 籠 + 加 誕 六 毎 車 騎 年 與 大 誕 以 將 誕 同 軍 輿而 爲 太太 司 子 徒。 載 太 同 高 師 案 祖 而 + 旣 食, 深 八 年 愛 同 高 席 誕 , 坐 除官 加 臥 謂 其 日 彭 無 , 親 城 師 爲 王 傅 加思 制 獎 三讓 導 北 風 海 表 主 , 誕 幷 詳 深 啓 自 , 雖 將 誨 直 拜, 禁中 責 叉

不

悲 臨 江 而 淚 從 乃命六 不 能 南 下 伐 軍 -) 言 發 + 夢 鍾 九 太 離 年, 南 后 來 轅 至 . 9 呼 鍾 與 臣 离隹 誕 泣 誕 高 訣。 祖 遇 嗚 疾 左 咽 不 右 執 能 皆 侍從 えど 手 而出 無 不 高 遂行 祖 掩 涕 日 省 時 問 是 日 誕 醫藥 去 惙 鍾 備 然 離 加 强 五 + 坐 時 高 里 視 加 高 銳 旭 昏

列

在鍾離。 墳坐, 穆。 衣,服單衣介幘,陪哭司徒,貴者示以朋友,微者示如僚佐。公主貞厚有禮度,產二男,長子 懿。」帝又親爲作碑文及挽歌,詞皆窮美盡哀,事過其厚。 車駕還京,詔曰:「馮大司馬已就 武雙徽,錫兩號之茂。式準前迹,宜契具瞻。 時 司奏諡,詔曰:「案諡法;善行仁德曰『元』,柔克有光曰『懿』。 司徒、侍中、都督、太師、駙馬、公如故。 衣帕充襚,親自臨視,撤樂去膳。 告蕭鸞鍾離戍主蕭惠休。 西還,從者數千人。 人兼大鴻臚,送柩至京。 ,告誕薨問,高祖哀不自勝。 永潛幽室,宿草之哭,何能忘之。」遂親臨越墓,停車而哭。 詔留守賜賻物布帛五千匹、穀五千斛,以供葬事。 夜至誕薨所,撫屍哀慟,若喪至戚,達旦聲淚不絕。 惠休遣其太守奉慰。 禮物轜儀,徐州備造;陵兆葬事,下洛候設。 時崔慧景、裴叔業軍在中淮,去所次不過百里。 宣敕六軍,止臨江之駕。 加以殊禮,備錫九命 旣自少綢繆, 韶求棺於城中。 高祖 ,依晉大司馬、齊王攸故事。 贈假黃鉞、使持節、大司馬,領 知之惟朕。 案行定名, 諡曰元 昔貞惠兼美, 受三諡之榮; 忠 親北度,慟哭極哀。 及斂迭舉、二三高祖 使彭城王勰詔羣官脫朱 從者亦 喪至洛陽, 高 迭舉音。 祖乃輕駕 車駕猶 以所服 韶侍臣 明

歷員外、通直散騎常侍。 ,字孝和,襲熙爵。 穆與叔輔與不和。 避皇子愉封,改扶風郡公。 輔興亡,贈相州刺史。 尚高祖女順陽長公主, 拜駙馬都尉, 祖載在庭,而穆方高車

良馬、恭受職命、言宴滿堂、忻笑自若、爲御史中尉東平王匡所劾。 後位金紫光祿大夫,遇

害河陰。贈司空、雍州刺史。

子問,字景昭,襲爵昌黎王。 尋以庶姓罷王,仍襲扶風郡公。

子峭,字子漢。齊受禪,例降。

穆弟顥,襲父誕長樂郡公。

脩弟聿,字 寶 興,廢后同產兄也。 位黄門郎、信都伯。 後坐妹廢,発爲長樂 百姓。

時卒於河南尹。

入 、禁闥,寵侔二兄。 聿 同 產弟風,口思幼養於宮,文明太后特加愛念。 高祖親政後,恩寵稍衰,降爵爲侯。 數歲,賜爵至北平王,拜太子中庶子, 幽后立, 乃復敍 用。 后死,亦冗

散。卒,贈靑州刺史。

出

尚書, 負 四 崔 海,乃咒我 聿 光之兼黃門也,與津俱直。 ·黄門。 也。」光云:「以古推之,不可不慎。」時熈爲太保,誕 廢后在位,禮愛未弛。 光每謂之曰:「君家富貴太盛,終必衰敗。」 是後歲餘,脩以罪棄,熙、誕喪亡,后廢, 司徒、太子太傅,脩 聿云:「我家何 津退。 侍中 時人

以爲盛必衰也。

之,峻與五 誕等皆封公位顯。 李峻,字珍之,梁國蒙縣人,元皇后兄也。 一弟誕 、嶷、雅、白、永等前後歸京 後進峻爵爲王、徵爲太宰、薨。 師。 拜峻鎭西將軍、 涇州刺史、頓丘公。雅 高宗遣間 使諭

差隆。 初, 世祖妹武威長 惠,中山 詔蓋尙焉。 人,思皇后之父也。 公主,故凉王沮渠牧犍之妻。 蓋妻與氏,以是而 父蓋,少知名,歷位殿中、都官二尚書,左將軍,南郡公。 出。 是後,蓋 世祖平涼州、頗以 加侍中,駙馬都尉,殿中、都官尚 公主通密計助之,故寵遇 書,左僕

射,卒官。 贈征 南 大將軍、定州刺史、中山 王,諡 日 莊

將軍、秦益二州刺史,進爵爲王,轉雍州刺史、征南大將軍,加長安鎮 冠襲父爵,妻襄城王韓頹女,生二女,長卽后也。 惠歷位散騎常侍、侍中、征西大 大將

「此留者自計爲巢功重,彼去者旣經楚痛,理無留心。」羣下伏其聰察。 此 乃上 惠長於思察。 智所測, 非下愚所 雍州 廳事,有燕爭巢,鬭已累日。 知。 惠乃使卒以弱 竹 彈 兩 惠令人掩獲, 燕 旣 而 去一 試 命綱 留。 人有負鹽負薪者,同 紀斷之, 惠笑謂 並辭 吏 屬

口三得 羊 釋 皮可 重 擔,息於樹陰。 (其實矣。」使爭者視之,負薪者乃伏而就罪。 拷知主乎。」 羣下以爲戲言,咸無答者。 二人將行,爭一羊皮,各言藉背之物。 惠令人置羊皮蓆上,以杖擊之, 凡所察究,多如此類。 惠遣爭者出,顧謂州綱紀曰:「此 由是吏民莫敢欺 見少鹽屑,

南叛, 釁,故天下寃惜焉 後 誅之。

惠二弟,初、樂,與惠諸子同戮。後妻梁氏亦死青州。 爲 開府儀同三司、青州刺史,王如故。 歷政有美績。 惠素爲文明太后所忌,誣惠將 盡沒其家財。 惠本無

犯。

伯,並 已後,自 之先世,內外有犯,得罪於時。 念真定侯,從弟寄生高邑子,皆加將軍。 闕,乃申后妹及鳳兄弟子女之存者。 太和十二年,高祖 鳳 ,云「長樂 惠 去軍 從 非 弟鳳,爲定州刺史、安樂王長樂主簿。 奇才,不得復外戚謬班抽 號。 不軌,鳳爲謀主」,伏誅。惟鳳弟道念與鳳子及兄弟之子皆逃免,後遇 高 祖 將爵舅氏,詔訪存者。 奉馮氏 過厚,於李氏過薄,舅家了無敍用。 然官必用才,以親 舉。日心既無殊能,今且 於是賜鳳子屯爵柏 十五年,安祖昆弟四人,以外戚蒙 而惠諸從以再罹孥戮,難於 後長樂以罪賜死,時卜筮者河間邢瓚辭引 非 興 邦之選。 人侯,安祖 可還。」 朝野 外氏之寵,超 後 浮陽侯,興祖 人 例 應命。 士 降爵 所 見,詔謂 一安祖 以竊議 於末 唯道念敢先詣 安喜侯,道 等改 葉。 太常高 赦 万出 從 侯 卿 今

列

傳

第

七

+

Ł

一八二六

山公。 閭 詔 興祖 顯言于禁中。 爲中山 太常考行,上言,案諡法武而不遂曰「莊」,諡 太守。 及世宗 正始 **寵隆外家,並居顯位,乃惟高祖舅氏存已不霑恩澤,[1+]景明末,特** 初,詔追崇惠爲使持節、驃騎將軍、開府儀同三司、 日莊公。 興祖自· 中山 遷燕州刺 定州 刺史、中

以兄安祖子侃晞爲後,襲。 先封南郡王,後以庶姓罷王,改爲博陵郡

內,殺榮。 侃晞爲莊帝所親幸。 及莊帝蒙塵,侃晞奔蕭衍。 拜散騎常侍、嘗食典御。 帝之圖尒朱榮,侃晞與魯安等持刀於禁

校勘記

魏書卷八十三上 諸本目錄此卷注「闕」、百衲本、南本、北本、汲本、局本卷末有宋 人校記,

魏收書外戚傳上亡。」殿本入考證,云「後 ,但也有溢出北史文句。其序自首至「或緣恩澤」全同 人所補 <u>ــ</u> 按此卷大體以北史卷八〇外戚傳中 北史。 劉羅辰、李峻二傳、北史外 相 戚 同 }傳 諸

無。 羅辰 北史卷二〇附劉庫仁傳, 此卷羅辰傳前半或 掇取本書卷二三劉庫仁附劉眷傳 末數

語,後半則 取之北史。李峻傳不知所出。大致此卷亦是以北史補,而以高氏小史等他書附益之。

[二] 常相持獎 按「常」疑是「當」之訛

進爵北新公 諸本及北史卷八○賀訥附賀悅傳無「公」字,通志卷一六五賀訥傳有。 按賀悅先

封鉅鹿侯,進爵自當爲公。這裏脫「公」字,今據補。

- $\overline{}$ 29 詐 增虜級 諸本及北史卷八○賀訥附賀泥傳脫「級」字,不可通,今據通志卷一六五補。
- Γ 五. 及 歸 而父遺喪 按 上文不記元寶出外,「及歸」二字無着,上當有脫文。
- Γ 追諡 云「父辰 后祖父延定襄 ,定襄懿王」,知脱「定」字,今據補。 康公 諸本及北史卷八○闖毗傳無「定」字, 通志卷一六五閭毗傳有。
- 遼西簡公 諸本及北史卷八○「簡」作「蘭」,通志卷一五六作「簡」。按諡法無「蘭」字,乃「簡」字

形近

而

訛

,今據改

- 從兄泰爲安東將軍朝鮮侯 下文,且「泰」「訢」二字聲形俱遠, 「次子員」官位,而上却不舉訴名,不 通志卷一六五敍常氏事「泰」作「訢」。按此句下緊接「訓子伯夫」, 傳本 知爲常氏 何以「訢」字訛「泰」?疑通志以意改,非有他據 何人。 如 通志「泰」作「訢」,便無問題。 但 此 泰 文見 句下
- 九 伏寶 法。」北史卷九二封津傳「黨 則 伏、 泰等 寶、 州 泰皆人名 刺 史 按此句連上文似也是常英歷官。 而 非 地 名。 寶」作「常寶」。疑卽此爲「州刺史」之「寶」。 卷九四封津傳云:「父令德, 然伏、寶二州不 娶黨寶· 女 見紀載。 寶伏誅 上稱英「從兄泰」, 令德 以 連 坐伏

當脫

訢

名

及官位。

列 伯夫進爵 傳 第 七 范陽 + 公 上 張森楷云:「伯夫初無封爵之文,何得云『進』、疑『進』是『賜』之誤,否則前文 校 勘 記

失載。」按此傳敍常氏事中多脫誤,恐非原文失載。

諸常自興安及至是 諸本及北史卷八○「安」作「公」。諸本於「及」下注「疑」字。 通志卷一五六

「公」作「安」、無「及」字。按上文稱常英兄弟於興安二年授官封爵、爲諸常貴盛之始,通志作「興

安」是,今據改。「及」字贅,但也可通,今仍之。删旁注「疑」字。

遼西郡公 卷一三文成馮皇后傳「遼西」作「西城」,墓誌集釋元悅妃馮季華墓誌圖版八三作「西

郡公」、疑誌是。參卷一三校記八つ。

幷開魏京之墓 按「魏京」罕見。據下文「令公主之柩俱向伊洛」,則公主當先死,葬亦必在代。

但當時未見有稱代爲「魏京」之例,疑「魏」當作「代」。

及斂迭舉 北史卷八〇無「迭舉」二字、疑涉上「從者亦迭舉音」而 衍。

二吾 聿同產弟風 按卷二一廣陵王羽傳見馮夙,以考績下下免中庶子官,自卽此「馮風」,疑作「夙」

是。

[1六] 不得復外戚謬班抽舉 按文義「復」下疑脫「以」字。

(1七) 存已不霑恩澤 按「已」當是「亡」之訛。

魏書卷八十三下

列傳外戚第七十一下

高肇 于勁 胡國珍 李延寔

明威將軍,俱待以客禮,賜奴婢牛馬綵帛。遂納颺女,是爲文昭皇后,生世宗。 父颺,字法脩。 高肇,字首文,文昭皇太后之兄也。 高祖初,與弟乘信及其鄉人韓內、冀富等入國,拜厲威將軍、河間子,乘 自云本勃海蓨人,五世祖顧,晉永嘉中避亂入高

誅,財物珍寶奴婢田宅多入高氏。未幾,肇爲尚書左僕射、領吏部、冀州大中正,尚世宗姑 衣幘引見肇、顯于華林都亭。 祿 ,封肇平原郡公,肇弟顯澄城郡公。三人同日受封。始世宗未與舅氏相接,將拜爵,乃賜 大夫,賜爵勃海公,諡曰敬。其妻蓋氏宜追封淸河郡君。」詔可。 膼卒。 景明初,世宗追思舅氏,徵肇兄弟等。錄尚書事、北海王詳等奏:「颺宜贈左 皆甚惶懼,舉動失儀。 數日之間,富貴赫弈。 又詔颺嫡孫猛襲勃海 是年,咸陽王 光 公

列傳

第

高平公主,遷尙書令。

之。 冀州刺史,畏肇恣擅,遂至不軌。 權,與奪任己。 順皇后暴崩,世議言肇爲之。 赴,唯遣其兄子猛改服詣代,遷葬於鄉。 怏怏形乎辭色。 情妄作,減削封秩,抑黜勳 昇,背之者陷以 六輔專政,後以咸陽王禧無事 肇出 高后旣立,愈見寵信。 自夷土,時望 大罪。 又嘗與淸河王懌於雲龍門外廡下,忽忿諍,大至紛紜。 衆咸嗤笑之。 輕之。 以北海王詳位居其上,構殺之。 人。 肇旣當衡軸,每事任己,本無學識,動違禮度,好改先朝舊制 皇子昌薨, 構逆,由是遂委信肇。 及在位居要,留心百揆,孜孜無倦, 父兄封贈雖久, 由是怨聲盈路矣。 肇又譖殺彭城王勰。 時人以肇無識,哂而不責 **<u></u> 负謂王顯失於醫療,承肇意旨。** 竟不改瘞。 延昌初、遷司徒。 肇旣無親族,頗結朋 由是朝野側目, 咸畏惡之。 又說世宗防衛諸 三年, 也。 世咸謂之爲能。 乃詔令遷葬。 雖貴登台鼎,猶以 太尉、高陽王 王, 黨,附之者旬月超 及京兆王 殆 同 囚禁。 肇不自臨 世宗初, 輸出 雍 因 去 和 此 要 出 專 時 止

世宗於東堂,親奉規略 其年,大舉征蜀,以肇爲大將軍,都督諸軍爲之節度。 是日,肇所乘駿馬停於神虎門外,無故驚倒,轉臥渠中,鞍具瓦解, 與都督甄琛等二十餘人俱 面辭

衆咸怪異。肇出,惡焉。

四 年,世宗崩,赦罷征軍。 肅宗與肇及征南將軍元遙等書,稱諱言,以告凶問。 肇承變

哀愕、非唯仰慕,亦私憂身禍,朝夕悲泣,至于羸悴。 將至,宿瀝澗驛亭,家人夜迎省之,

不相視。 直至闕下,衰服號哭,昇太極殿,奉喪盡哀。

持節、侍中、中外諸軍事、太師、大丞相、太尉公、錄尚書事、冀州刺史。 黨,悉無追問,削除職爵,葬以士禮。及昏,乃於厠門出其尸歸家。 皆竊言目之。肇入省,壯士縊而拉殺之。下詔暴其罪惡,又云刑書未及,便至自盡,自餘親 生等十餘人於舍人省下。 車軸中折。 太尉高陽王先居西柏堂,專決庶事,與領軍于忠密欲除之。 從者皆以爲不獲吉還也。 肇哭梓宮訖,於百官前引入西廊, 淸河王懌、任城王澄及諸 靈太后臨朝,令特贈營州刺史。 潛備壯士直寢那豹、伊瓫 初,肇西征,行至函谷, 永熙二年,出帝贈使 王等

刺史、卒。植頻莅五州、皆清能著稱、當時號爲良刺史。 「家荷重恩,爲國致效是其常節,何足以應進陟之報。」懇惻發於至誠。 肇子植。 自中書侍郎爲濟州刺史,率州軍討破元愉,別將有功。 贈安北將軍、冀州刺史。 當蒙封賞,不受,云: 歷青、相、朔、恒四州

肇長兄琨,早卒。 襲颺封勃海郡公,贈都督五州諸軍事、鎮東大將軍、冀州刺史。 詔其

子猛嗣。

猛,字豹兒。 尚長樂公主,卽世宗同母妹也。 拜駙馬都尉,歷位中書令。 出為雍州刺

列

傳

事。 卒,無後。 公主無子。 有能名。 入爲殿中尙書。 猛先在外有男,不敢令主知, 卒,贈司空、冀州刺史。 臨終方言之,年幾三十矣。 出帝時,復贈太師、大丞相、錄尚書 乃召爲喪主,

明四年,世宗納其女爲貴嬪。 現弟偃,字仲游。 太和十年卒。 及于順皇后崩, 正始中,贈安東將軍、都督、青州刺史、諡 永平元年立爲皇后。 二年,八座奏封后母王 日莊侯。

肇弟顯,侍中、高麗國大中正,早卒。偃弟壽,早卒。 壽弟卽肇也。

氏爲武邑郡君。

子,拜征虜將軍。 書令,三開國公。 三勁 雖以后父,但以 |州刺史。 卒,贈司空,諡曰恭莊公。 于勁,字鍾葵,太尉拔之子。頗有武略。 世宗納其女爲后,封太原郡公。 自栗磾至勁,累世貴盛,一皇后,四贈公,三領軍,二尚 順后早崩,竟不居公輔。 以功臣子,又以功績,位沃野鎭將,賜爵富昌 妻劉氏,爲章武郡君。後拜征北將軍、定

子暉,字宣明,后母弟也。少有氣幹。 襲爵,位汾州刺史。 暉善事人,爲众朱榮所親,

以 女妻其子長孺。 歷侍中、河南尹、後兼尚書僕射、東南道行臺。 與齊獻武王討平羊侃於

兗州。元顥入洛,害之。

勁 弟天恩,位內行長、遼西太守。 卒,贈平東將軍、燕州刺史。

天恩子仁生,位太中大夫。

仁生子安定,平原郡太守、高平郡都將。〔三卒。

胡 國珍,字世玉,安定臨涇人也。 祖略,姚興渤海公姚逵平北府諮議參軍。 父淵,赫連

屈丐給事黃門侍郎。 世祖克統萬,淵以降款之功賜爵武始侯。 後拜河州刺史。

綿穀 后也。 奏,安定公屬尊望重,親賢羣矚,宜出入禁中,參諮 差,皆極豐膽。 書監、儀 奴婢車 國 珍 肅 同三司,侍中如 宗 少好 ·馬牛甚厚。 踐 祚,以國珍爲光祿大夫。 學,雅尙淸儉。 國 珍 與太師、高陽王瘫,太傅、淸河王懌,太保、廣平王懷,入居門下,同釐庶 追崇國珍妻皇甫氏爲京兆郡君, 故,賞賜累萬。 太和十五年襲爵,例降爲伯。女以選入掖庭,生肅宗,卽靈太 靈太后臨朝,加侍中,封安定郡公,給甲第,賜帛布 又賜絹歲八百匹,妻梁四百匹,男女姊妹兄弟各有 大務。 置守冢十戶。尚書令、 詔可。乃令入決萬幾。 尋進位· 任城王 中 澄

後與 戶,立 君,又徙封馮翊君。 諡,陵寢孤立,卽奏君名,宜上終稱,兼設掃衞,以慰情典。請上尊諡曰孝穆,權置園邑三十 以太上君墳瘞卑局,更增廣,爲起塋域門闕碑表。 示以方面之榮,竟不行。 或 政。 夫人,後爲昭靈后,薄太后母曰靈文夫人,皆置園邑三百家,長丞奉守。今秦太上君未有尊 會極歡。 珍使持節、都督、雍州刺史、驃騎大將軍、開府。 、侍中崔光俱授帝經,侍直禁中。 詔 |長丞奉守。」太后從之。封國珍繼室梁氏爲趙平郡君,元叉妻拜爲女侍中,封新平郡 依 漢車千秋、晉安平王故事,給步挽一乘,自掖門至于宣光殿得以出入,幷備 又追京兆郡君爲秦太上君。至太上君景明三年薨於洛陽,於此十六年矣。 國珍子祥妻長安縣公主,即淸河王懌女也。 遷司徒公,侍中如故,就宅拜之。 國珍尋上表,陳刑政之宜。 侍中崔光等奏:「案漢高祖母始諡曰昭靈 靈太后以國珍年老,不欲令其在外,且欲 靈太后、肅宗率百僚幸其第,宴 詔皆施行。 熙平初, 几杖。 急加 太后

增甚, 龍殿,遂居九龍寢室。 具、衣一襲, 元 年四 國 因遂寢疾。 珍 月七日,步從所建佛像,發第至閶闔門四五里。八日,又立觀像,晚乃肯坐。 年雖篤老,而雅敬佛法,時事齋潔,自强禮拜。至於出入侍從,猶能跨馬據鞍。神 贈布五千匹、錢一百萬、蠟千斤。大鴻臚持節監護喪事。 靈太后親侍藥膳。十二日薨,年八十。給東園溫明祕器、五時朝服各一 肅宗服小功服,舉哀於太極東堂。 又詔自始薨至七七,皆爲設千僧 太后還宮,成服於九 勞熱

列 傳 第 七 十 下 外 戚 下

勿 拒 齋,令七人出家;百日設萬人齋,二七人出家。 視 而 大臣 不從,云吉凶有定分,唯修德以禳之。 面也。」殷勤至於再三。 又及其子祥,云:「我唯有一子,死後勿如比來威抑之。」 靈 臨死與太后訣云:「母子善治天下,以萬人之心, 先是巫覡言將有凶,勸令爲厭勝之法。 國珍

太后

以其好戲,時加威訓。

國珍故以爲言。

言。 事, 或 我公之遠慕二親,亦吾之思父母也。」 珍 竟言還安定, 太后猶記崔光昔與國珍言, 始 「公萬年後爲在此安厝, 國 珍欲就祖父西葬舊鄉,後緣前世諸胡多在洛葬,有終洛之心。 語遂昏忽。 太后問淸河王懌與崔光等,議去留。 爲歸長安。」國珍言當陪葬天子山陵。 遂營墓 於洛陽。 太后雖外從衆議, 懌等皆以 而深追臨終之語,云: 及病危, 崔光嘗對太后前問 病亂, 太后請 請從先 以後

公, 監 子 廟 賜物三千段、粟一 認認 護 加 喪 追崇假黃鉞、使持節、侍中、相國、都督中外諸軍事、太師、領太尉公、司州牧、號太上秦 九錫。 太常權給以軒懸之樂、六佾之舞。 事 葬以 靈太后迎太上君神柩還第, 千五五 殊禮,給九旒鑾輅,虎賁、班劍百人,前後部羽葆鼓吹,輼輬車;諡文宣公; 百石。 又詔贈 國珍 初國珍無男,養兄眞子僧洗爲後, 祖父兄、父兄,下逮從子,皆有 與 國 珍俱葬, 贈襚 與 國 珍 同。 封 職。 後納趙平君, 及 持節就安定 或 珍 神主 生

服 書、中書監、侍中,改封東平郡公。 薨,贈開府儀同三司、雍州刺史,諡曰孝景。 小功服, 祥,字元吉,襲封。 故事,世襲例皆滅邑,唯)祥獨得全封。 舉哀于東堂。靈太后服齊衰期。葬於太上君墓左, 趙平君薨,給東園秘器,肅宗 不得祔合。祥歷位殿中尚

預朝政。 僧洗、字湛輝。封爱德縣公,位中書監、侍中,改封濮陽郡公。僧洗自永安後廢棄,不 天平四年薨,詔給東園秘器,贈太師、太尉公、錄尚書事、雍州刺史,諡曰孝。

諡 日孝穆。女爲淸河王亶妃,生孝靜皇帝。武定初,贈太師、太尉公、錄尚書事,諡曰孝昭。 子虔,字僧敬。元叉之廢靈太后,虔時爲千牛備身,與備身張車渠等謀殺叉。事發,叉 真長子寧, [+] 字惠歸。襲國珍先爵,改爲臨涇伯,後進爲公。歷岐涇二州刺史。卒,

諫, 薨,贈太傅、太尉公、尚書僕射、徐州刺史,諡曰宣。葬日,百官會葬,乘輿送於郭外。子 殺車渠等,虔坐遠徙。靈太后反政,徵爲吏部郎中。太后好以家人禮與親族宴戲,虔常致 由是後宴謔多不預焉。出爲涇州刺史,封安陽縣侯。興和三年,以帝元舅超遷司空公。

|長||粲。

李延寔,字禧,隴西人,尚書僕射沖之長子。性溫良,少爲太子舍人。世宗初,襲父爵

轉司 清泉縣侯。[公]累遷左將軍、光州刺史。 外戚,見害於州館。 徒公、出爲使持節、侍中、太傅、錄尚書事、靑州刺史。 延寔以太保犯祖諱,又以王爵非庶 出帝初,歸葬洛陽。 莊帝即位,以元舅之尊,超授侍中、太保,封濮陽郡 姓所宜,抗 贈使持節、侍中、太師、太尉公、錄尚書事、都督、雍 表固辭。 **尒朱兆入洛,乘輿幽繫,以延寔** 徙封濮陽郡公,改授太傅。 尋

彧所進。 騎 大將軍、開府儀同三司、廣州刺史。 長子彧,字子文,尚莊帝姊豐亭公主。 孝靜初,以罪棄市。 彧任俠交遊,輕薄無行。 封東平郡公,位侍 中、左光祿大夫、中書監 **介朱榮之死也,武毅之士皆**

驃

州

刺史、諡曰孝懿。

顚 覆繼軌。 史臣曰"三五哲王,深防遠慮。 蓋由進不以禮,故其斃亦速。 舅甥之國,罕執鈞衡,母后之家,無聞傾敗。 其間或不泯舊基, [元] 弗虧先構者, 蓋處之以道, 爱及後世,

遠權之所致也。

校勘記

魏書卷八十三下 諸本目錄此卷注「闕」字,卷末有宋人校語殿本入考證云:「魏收書外戚傳亡, 史

臣 論 全用隋書外戚傳卷七九。」按此卷亦以北史卷八○外戚傳補。 其于勁傳採 北史卷三一 于栗

}磾 {附 于勁傳,李延寔傳採卷一〇〇自序。 諸傳均有溢出語,當是以高氏小史等他書附益之。

自 移 在 栗 于勁傳中,則 磾 至勁至三開 國公 在後的于忠所歷官爵,不當計算在內,所舉贈公、領軍、尚書令、開國 按此數語魏書本在卷三一于栗磾附于忠傳後, 北史卷二三于栗磾傳 公便都

= 高 平 郡 都將 按郡無都 將了了即」當是「鎭」之訛。

少了一人,實誤。

此傳以北史補,不記卷三一已有此語,以致複出。

參卷三一校記[公]。

29 熙平 初 諸本 及北史卷八〇胡國珍傳「熙平」作「延和」,通志卷一六五胡國珍傳作「熙平中」。

九肅宗紀熙平元年八月乙巳,延和乃拓跋燾年號,遠在其前。

今據通志改作「熙平」。

事在元年了初」字不誤。

按

事

見卷

Ŧ. 又追京 兆 郡 君 爲秦太上君 按「追」下當脫「贈」或「尊」「崇」字。

. 持 節 就 安定監 護 喪 事 按胡 國 珍死 和 葬都 在 洛陽, 何 故「就安定監護喪事」了下文云:「迎太上

君神柩還第」,疑「安定」下脫「公第」二字。

-眞長子寧 諸本「眞」字連上段「諡曰孝」、「長子寧」提行。 成爲胡僧洗諡「孝真」「寧」是僧洗

記

的長子。 按眞乃國珍兄,見上文,寧乃僧洗兄。北史原文本不提行,後人寫刻魏書則凡附見諸

子孫無不提行,這裏由於誤讀,提行亦謬,致以兄爲子,今改正。

一人し 襲父爵淸泉縣侯 按卷五三李沖傳, 沖封「淸淵縣侯」。 「淸淵」爲漢以來舊縣,卷一〇六上地

形志上,屬司州陽平郡。此傳以北史補,避唐諱改「泉」。

↑ 大・ 其間或不泯舊基 諸本「泯」上有「斃」字。 此傳本出北史,北史傳論又本隋書卷七九外戚傳論,

今檢隋書、北史都作「今或不隕舊基」,這裏「今」作「其間」,「隕」作「泯」,均兩通,「斃」字則涉

上「其斃亦速」而衍,今删。

魏書卷八十四

列傳儒林第七十二

梁越 盧醜 張偉 梁祚 平恒 陳奇 常 爽 劉獻之

李同軌. 李業興

張吾貴

劉蘭

孫惠蔚

徐

適明

董徵

7沖

盧景裕

治之,爲國之道,文武 抱器晦己。太祖初定中原,雖日不 跡,禮樂文章,掃地將盡。而契之所感,斯道猶存。高才有德之流,自强蓬蓽,鴻生碩儒之輩, 員千有餘人。 天興二年春,增國子太學生員至三千。 自晉永嘉之後,運鍾喪亂,宇內分崩,羣兇肆禍,生民不見俎豆之容,黔首唯覩戎馬之自晉永嘉之後,運鍾喪亂,宇內分崩,羣兇肆禍,生民不見俎豆之容,黔首唯覩戎馬之 ·無用,毓才成務,意在茲乎? 聖達經猷,蓋爲遠矣。 ·暇給,始建都邑,便以經術爲先,立太學,置五經博士生 豈不以天下可馬上取之,不可以馬上 四年春,命樂師入

列

之子 十人,下郡立博士一人,助教一人,學生四十人。|太和中,改中書學爲國子學,建明堂辟雍, 學生一百人;次郡立博士二人,助教二人,學生八十人,中郡立博士一人,助教二人,學生六 初、詔立鄉學、郡置博士二人、助教二人、學生六十人。後詔:大郡立博士二人、助教四人、 學習舞,釋菜于先聖、先師。太宗世,改國子爲中書學,立教授博士。世祖始光三年春,別起 獵典章,關歷詞翰,莫不縻以好爵,動貽賞眷。於是斯文鬱然,比隆周漢。世宗時,復詔營 尊三老五更, 叉開皇子之學。及遷都洛邑, 詔立國子太學、四門小學。 太學於城東,後徵盧玄、高允等,而令州郡各舉才學。於是人多砥尚,儒 於 州 天下承平,學業大盛。故<u>燕齊趙</u>魏之間,横經著錄,不可勝數。 好墳典,坐輿據鞍,不忘講道。 生七十二人。及遷都於鄴, 國學,樹 顯 舉茂異,郡貢 ·以充 生三十六人。暨孝昌之後,海內淆亂,四方校學所存無幾。 小學於四門,大選儒生,以爲小學博士,員四十人。雖黌宇未立,而經術彌顯。 生選。 祭酒 孝廉、對揚王庭、每年逾衆。神龜中,將立國學、詔以三品已上及五品清官 劉廞講孝經,黃門李郁說禮記,中書舍人盧景宣講大戴禮夏小正篇,復置 未及簡置,仍復停寢。正光二年,乃釋奠於國學,命祭酒崔光講孝經,始置 國子置生三十六人。至於興和、武定之世,寇難旣平,儒業復 劉芳、李彪諸人以經書進,崔光、邢巒之徒以文史達,其餘涉 大者千餘人,小者猶數百。 永熙中,復釋奠於國學;又 高祖欽明稽古,篤 林轉興。 顯祖

者

附

列

於後

隆禄 世並 ,休公羊傳,大行於河北。 漢 為青州刺 世 **L鄭玄並爲衆經注解,服虔、何休各有所說。** 史,傳其家業,故 王 肅易 齊地多習之。 亦間 行 焉。 晉世 自梁越以下傳受講說者甚衆。 杜預注左氏,預玄孫坦、坦弟驥 玄易、書、詩、禮、論語、孝經,虔左氏春 今舉其知 於劉 義

傅 國 之 初 恩 爲禮經博士。 梁越,字玄覽, 賜 爵 祝 阿侯。 太祖 新興人也。 後 出 以其謹厚,舉動可 爲雁門太守,獲白雀以獻,拜光祿大夫。卒。 少而好學,博綜經傳, 則,拜上大夫,命授諸皇子經書。 無所 不通。 性純和篤信, 子願,早卒。 太宗卽祚,以師 行無擇善。

子 勝子 恭,襲。 降為 雲中子。 無子, 爵除。

冬卒。闕 後 以 師 盧 傅 醜 初, , 舊 昌黎徒河 中 恩 賜 Щ 襲 爵 爵 濟 人, 大太和 陰 公。 襄 城王 中 除 -,以老疾自免。 鎭 魯元之族 軍將 軍,拜 也。 尙 世 書,加散騎常侍, 祖之爲監 國 醜 出爲 以篤學博聞入授世祖 河內太守。 延 和

年

子升頭,襲爵,後例降。

南將軍、幷州刺史、諡曰康。 隆,還,拜給事中、建威將軍,賜爵成臯子。出爲平東將軍、營州刺 常依附經典,敎以孝悌,門人處其仁化,事之如父。 受業者常數百人。 張 偉,字仲業,小名翠螭,太原中都 還,仍爲中書侍郎、本國大中正。使酒泉,慰勞沮渠無諱。 世祖時,與高允等俱被辟命,拜中書博士。 儒謹 汎納,勤於 在州郡以仁德爲先,不任刑罰,清身率下,宰守不 教訓,雖有 人也。 頑固不曉,問至數十,偉告喻殷勤,曾無慍 高祖敏,晉祕書監。 轉侍郎、大將軍樂安王範從事 性恬平,不以夷嶮易操,清雅 史,進爵建安公。 還,遷散騎侍郎。 **偉學通諸經,講授鄉里,** 敢爲 中 篤愼,非法 卒, 郎、馮翊 非 聘劉義 贈征 色。

遠將軍 子仲慮,太和初,假給事中、高麗副使,尋假散騎常侍、高麗使。 後出爲章武太守,加寧

仲慮弟仲繼,學尚有父風,善爲、雅、林說。 太和中,官至侍御長,坐事徙西裔,道死

州 篤 別駕平恒有舊,又姊先適范陽李氏,遂攜家人僑居於薊。積十餘年,雖覊旅貧窘而著述 志 好學,歷治諸經,尤善公羊春秋、鄭氏易,常以教授。 梁祚,北地泥陽人。父劭,皇始二年歸國,拜吏部郎,出爲濟陽太守。至祚,居趙郡。 有儒者風,而無當世之才。 與 祚 经图

後 不 出 倦。 爲 統 恒 時 萬 相請屈, 鎭 司 馬, 與論 徴 爲散令。 經史。 撰 辟秘書中散,稍遷秘書令。 幷 陳壽三國志, 名 日 國統。 爲李訢所排,擯退爲 又作代都賦, 頗行於世。 中書博 淸

子元吉,有父風。

貧

守

素,不

交勢貴。

年八

+

七

太和

十二年卒。

少子重,歷碎職,後爲相州鎭北府參軍事。

致遠, 作 博 非 佐 士 郎 平恒 多所 日 遷 久 之, 略 }注 秘 博 字 繼叔 書 出 聞 ,合百餘篇。 . 為 丞 ,燕國薊人。 幽 自 州 周 别 以降,暨 駕。 好 事 廉 於魏 祖 者覽之,咸以爲善焉。 貞 視,父儒,並仕慕容爲 寡欲,不營資產,衣 世, 帝 王 傳 代之由 一,貴臣 食至常不足,妻子不免 安貧樂道,不 通官。 · 昇降之緒,皆撰 恒耽勤讀誦,研綜 以 屢空改操。 錄 飢 딞 寒。 第, 經籍,鉤 徴 後 爲 商 中 略 深 著 是 書

郎 雖才學 時 高 允 · 互有 爲 監 短 長 河 然 間 那 俱 林、言 爲 稱 職 北平陽 並 號 長 嘏、 者 河東裴定、廣平程 沧 毎 稱 博 通 經 籍 駿、 無 過 金城 恒 也 趙 元 順 等爲著作

舍 側 崗 恒 卽 而 哭,不 劉 彧將 爲 軍 營 王 事 玄 婚 謨 宦 舅 任 子。 意 官 恒 要,故 三三子, 仕聘濁碎,不 並 不 · 率 父 業, 得 好酒 及 其門流 自 棄 恒 恒 常念 婦弟鄧 其 世衰,植 宗慶 及 外 杖 巡 生

列

一八四六

軍、幽州刺史、都昌侯、諡曰康。 無得嘗焉。太和十年,以恒爲祕書令,而恒固請爲郡,未授而卒,時年七十六。贈平東將 奴自給,妻子莫得而往,酒食亦不與同。時有珍美,呼時老東安公刁雍等共飮噉之,家 孫 玄明等每以爲言。恒曰:「此輩會是衰頓,何煩勞我。」乃別構精廬,幷置經籍於 其

子壽昌,太和初,秘書令史。 稍遷荆州征虜府錄事參軍。

非馬融、鄭玄解經失旨,志在著述五經。始注孝經、論語,頗傳於世,爲搢紳所 貧,而奉母至孝。 齠齓聰識,有夙成之美。 性氣剛亮, 與俗不羣。 愛玩經典, 博通墳籍, 常 陳奇,字脩奇,河北人也,自云晉凉州刺史驤之八世孫。祖刃,仕慕容垂。奇少孤,家 稱

父是何人也~」帝曰:「祖,燕東部侯釐。」 〔□〕雅質奇曰:「侯釐何官也。」奇曰:「三皇不傳禮, 或爾汝之,或指爲小人。|奇曰:「公身爲君子,|奇身且小人耳。」雅曰:「君言身且小人, 君祖 西,豈東向望天哉。」一奇執義非雅,每如此類,終不苟從。雅性護短,因以爲嫌。嘗衆辱奇, 流,推此而言,易之所及自葱嶺以東耳。」奇曰:「易理綿廣,包含宇宙。若如公言,自葱嶺以 後與奇論典誥及詩書,雅贊扶馬鄭。至於易訟卦天與水違行,雅曰:「自葱嶺以西,水皆西 與河間邢祐同召赴京。時秘書監游雅素聞其名,始頗好之,引入秘省,欲授以史職。

官 魏 名豈 東宮 內 同哉? 侍長,侍長竟何職也。」由是雅深慽之。 故昔有雲師、火正、鳥師之名。 以斯而言,世革則官異,時易則禮變。 先是敕以尚付雅、令銓補秘書、雅旣惡之、 公爲皇

遂不復敍用焉。

奇 傳 朝 刺 授。 發 具 奇 ||經焚於 瞻 其 冗 而 散數 非 奇 何 ′,遂聞 無降志,亦評雅之失。雅製昭皇太后碑文,論后名字之美,比諭前魏之甄后。 坑 爲 年,高允與奇讎溫古籍,嘉其遠致,稱奇通識,非凡學所窺。 内。 與 於上。 野儒辨簡牘章句。」雅謂允有私於奇,曰:「君寧黨小人也」」乃取奇所注論 |奇曰:「公貴人,不乏樵薪,何乃燃||奇論語。」雅愈怒,因告京師後生不聽 詔下司徒 檢對碑史事,乃郭后,雅有屈焉。 允微勸雅曰:「

自 才 人 學 兟 爲 放故 卦、未及 有 人 得遷 爲 如 依 謗 成 延 律文, 書,多怨時之言,頗稱高不得志。 ,乃擥 經年,冀有 造謗書者皆及 破 而 寬宥。 歎曰:「吾不度來年冬季」」及高受害,如其 但執 孥戮。」遂抵奇罪。 以 獄成,竟致大戮,遂及 雅 乃諷 時司徒、平原王陸麗知奇見枉,惜其 在 事云:「此 其家。 書言奇不遂,當是奇假 所占。 奇於 湯尤 長,在 獄嘗

宜 但 時 命 奇 頗忠至, 峻 初 切, 被召,夜 不 淸 敢 河 夢 不 王 星墜 赴耳。」奇妹 懌 稱美之。 壓 脚, 明 適常氏, · 奇所注論語,矯之傳掌,未能行於世,其 而 告人 曰:「星則 有子 自 [矯之, 好風,星 仕 歷 則 那 好 守。 雨, 神 夢星 龜 中, 義 壓 多 脚, 上 異 一書陳時 (鄭玄 必 無善徵 政所

列

與司 徒崔

嘗見 州 其寬誕之容。 父坦,乞伏世鎭遠將軍、大夏鎭將、顯美侯。 常 爽,字仕明,河內溫人,魏太常卿林六世孫 西征凉土,爽與兄仕國歸款軍門,世祖嘉之。 篤志好學,博聞强識,明習緯候,五經 也。 爽 少而 祖珍,苻堅南安太守, 百家多所研綜。 聰敏, 嚴正 有 志 一 概, 州郡禮 雖家 因 世 爽爲六品, 命皆不就。 亂 人僮 逐居凉 は隷未

賜

仕國

爵五品,顯

美男;

世

祖

拜宣 贊、平原太守司馬眞安、著作郎程靈虬,皆是爽敎所就。 百餘人,京師學業,翕然復興。 允曰:「文翁柔勝,先生剛克,立教雖殊,成人一也。」其爲通識歎服 一威將 軍。 是時戎車屢駕,征伐爲事,貴遊子弟未遑 爽立訓甚有勸罰之科,弟子事之若嚴君焉。 學術,爽置館溫水之右,教授 崔浩、高允並稱爽之嚴教, 如此 尚書左僕射元 獎厲有 門徒七

成 立 身文而德備焉。 忠烈之概;甯越庸夫也,講藝以全高尚之節。 神情,啓悟 地之道曰柔與剛,立人之道曰仁與義。』然則仁義者人之性也,經典者身之文也,皆以陶 因教授之暇,述六經略注,以廣制作,甚有條貫。 耳目,未有不由學而能成其器,不由習而能利其業。 昔者先王之訓天下也, 莫不導以詩書, 蓋所由者習也,所因者本也,本立 其序曰:「傳稱:『立天之道曰 教以禮樂,移其風俗,和其人民。 是故季路勇士 也,服道以 而 陰 道生, 與陽,

蓋 所 故 敎 者先王之遺烈,聖人之盛事也。 而 恭儉 聞 深 五常之道相須而備,而易爲之源。 不 亂者,教深於春秋也。 於 ,討論其本,名曰六經略注 (詩 莊 敬而 也;疏 不煩者,教深於禮也,廣博易良而不奢者, 通知遠 而 不 夫樂以和神,詩以正言,禮以明體,書以廣聽,春秋 誣者,教深於書 以訓門徒焉。」其略注行於世 安可 不遊心寓目,習性文身哉 故曰:「易不可見則乾坤其幾乎息矣。」由是言之,六經 也; 潔靜精微而 教深於樂也,溫柔敦厚而不愚者, 不 財者, 教深於易也, 屬辭 Į 頃因暇日,屬意藝林,略撰 以 斷 事,五 比

於家。 爽 事王侯, 獨守閑靜, 講肄經典二十餘年, 時人號爲「儒林先生」。 年六十三,卒

子 文通、歷官至鎭西司馬、南天冰太守、西翼校尉。 文通 子景,別有傳。

有 屈 見 冒 原 名 物 (離 法 劉 獻之, 之 {騷 之言,掩 志。 之作,自 博陵饒陽 而 卷 孔 是狂 而 子 笑曰:「若使楊墨之流 日:『 人,死其宜矣,何 人也。少而 我 則 異於 孤貧,雅好詩、傳, 是, 足 無 惜 可 不 無不 爲 也 1 此書,千載誰 可。 吾常謂 誠 曾受業於勃海程玄, 濯纓 哉 斯言 知 洗 其 耳,有 门實 小 也 獲 我 異 」會謂其所 人 心 之迹,哺 後逐 博 親 糟 觀衆籍 歠

列 傅 七 + 儒 林

時

人

有從

獻

之

學

者,

獻之輒謂之曰:「人之立身,雖百行殊途,

準之

四

科,

要以德行為

八四

九

師、正 未悟,見皐魚之歎,方歸而養親。[B] 嗟乎先達,何自覺之晚也!束脩不易,受之亦難,敢布 心腹,子其圖之。」由是四方學者莫不高其行義而希造其門。 君若能入孝出悌,忠信仁讓,不待出戶,天下自知。儻不能然,雖復下帷針股,躡屩從 可博聞多識,不過爲土龍乞雨,眩惑將來,其於立身之道有何益乎? 孔門之徒,初亦

著錄 中山 {義 徴 能 而 典 四卷 究 海 四子,放古、爱古、參古、脩古。 內 張 \竟其說。後本郡舉孝廉,非其好也,逼遣之,乃應命,至京,稱疾而還。 內諸生多有疑滯,咸決於獻之。六藝之文,雖不悉注,然所標宗旨,頗異 ,數百而已,皆經通之士。 獻之善春秋、毛詩,每講左氏,盡隱公八年便止,云義例已了,不復須解。 校書,獻之喟然歎曰:「吾不如莊周散木遠矣!一之謂甚,其可再乎。」固以疾辭。 ·)三傳略例三卷,注毛詩序義一卷,今行於世,幷章句疏三卷。 吾貴與獻之齊名,海內皆曰儒宗。 於是有識者辨其優劣。 吾貴每一講唱,門徒千數,其行業可稱者寡。獻之 魏承喪亂之後,五經大義 注涅槃經未就而卒。 「舊義,撰三禮大 高祖幸中山,韶 由是弟子不 雖有 ;師說,

時

发古、

廖古、

並傳父詩而不能精通也。 放 古,幼有人才。 爲州從事,早亡。

說。 博 吾貴謂劉蘭云:「君曾讀左氏,爲我一說。」蘭遂爲講。三旬之中,吾貴兼讀杜、服,隱括 即別構戶牖。世人競歸之。曾在夏學,聚徒千數而不講傳,生徒竊云張生之於左氏似不能 而以辯能飾非,好爲詭說,由是業不久傳,而氣陵牧守,不屈王侯,竟不仕而終。 家,異同悉舉。 士。 吾貴聞之,謂其徒曰:「我今夏講暫罷,後當說傳,君等來日皆當持本。」生徒怪之而已。 張吾貴,字吳子,中山人。少聰惠口辯,身長八尺,容貌奇偉。年十八,本郡舉爲太學 吾貴先未多學,乃從酈詮受禮,牛天祐受易。詮、祐粗爲開發, 諸生後集,便爲講之,義例無窮,皆多新異。 蘭乃伏聽。 而吾貴覽讀 學者以此益奇之。 一遍, 兩 便

詩、禮於中山王保安。 精悉。自後經義審博,皆由於臟。臟又明陰陽,博物多識,爲儒者所宗。瀛州刺史裴植徵 笑而聽之,爲立黌舍,聚徒二百。蘭讀左氏,五日一遍,兼通五經。先是張吾貴以聰辨過 令授其子熙、誘、略等。 人,其所解說,不本先儒之旨。唯臟推經、傳之由,本注者之意,參以緯候及先儒舊事,甚爲 劉蘭,武邑人。年三十餘,始入小學,書急就篇。 家貧無以自資,且耕且學。三年之後,便白其兄:「爤欲講書。」其兄 蘭學徒前後數千,成業者衆,而排毁公羊,又非董仲舒,由是見譏於 家人覺其聰敏,遂令從師,受春秋、 英引在館,

列

單衣 也。 世 一、入與 今欲 永平 相召 中 蘭 坐, ,當與君 或 謂 子 蘭 助 曰:「君自是學 教。 正之。」言終而 延昌 中 一,靜坐讀 士,何爲 出。 出 書, 後 毎 見毁辱, 有人叩門, 蘭告家人。 理 義 門人通 長短 少 /時而 竟 焉, 患卒。 知在 欗 命引 一誰,而 入 過 ō 無 其 人葛 禮 見 陵 巾

蔚 玄 讀 世 以 {禮 孫 惠蔚 儒 ?經 學 及 春秋 相 字叔 傳 == 炳,武邑武遂人也,小字陀羅 [傳。 惠蔚 周 年 <u>十</u>三, 流 儒 肆,有 粗 通 詩、書及: 名 於冀方 (孝經 自 (論語 言六世祖 十八,師董 道恭爲晉長秋卿,自道恭 道 |季講場; 九 師 至 惠 程

尙 薨 郎 樂 中 雖 張彝常 久滯 書, 書 惠 共 博 太 惠蔚 研 蔚 和 小 士 是 監 官 與 初 非 其 仍 遊 深 轉皇宗 郡 喪 太 處, 舉 體 禮 廟 秘 孝廉 書令 通 令。 毎 博 上 表 塞 士 書 李 一,無 疏 高 對 令 祖 彪 論 閭 策 孜 熙未 自 曾從容言 事 孜 被 於 ,多參訪 以才 (之望) 敕 中 冠之子 ·書省。 理 辯 定 儒 日 焉 雅 立 皆 道 者 難 時 樂, 服 以 十七七 中 於 成 是 固 惠蔚 其 書 人之服。 旣 尙 年 監高閭宿聞惠蔚 間 焉 登 高 , |関 参其 龍 門 命 祖 事 惠蔚 惠蔚 而 南 孫 征 及 與李 蔚 與彪抗 樂 上 猶 議 , 成, 彪 沉 稱其英辯, 告 以儒 涓 論 閭 類 彪 澮 之 上 學 股 禮 疏 不 相 常 請 能 知 因 以 及 集 屈 相 朝 爲 及 太 談, 黄門 負 彪 師 貴 矣 位 馮 於 薦 侍 至 太 熈 爲

二十二年,侍讀 東宮。 先是七廟以平 文爲 太祖 高 祖議定祖宗, 以道武為 太祖 祖宗

與 謂 而 定, 光 惠蔚 易 讚 然昭穆未改。 兼 日 明 御 其 此 史 事 乃 中 尉 禮 光 黄 也, 以 及 í 門 侍 高 惠 而 蔚 執 祖崩,祔神主於 法 書呈 郎 欲 邢 宰 巒 見 輔 彈 以 爲 劾, 乃 太祖 思 廟 召 惠蔚 獲 雖 時 助於 改 侍中崔 與巒庭議 碩 昭 學。」 穆 光銀 仍 惠蔚 得失,尚 不 太常 應 易, 卿 書 乃立 此 以 令王 深 太 彈 得 紅祖旣 肅 禮 草 叉 變 欲 改, 助 按 巒 奏 昭 尋 光 穆 爲 而 書 巒 以 次 理 以

終

屈

彈

事

遂

寢

訪 之 猷 觀 學 或 神 天 而 世世 之正 ,春秋 觀 闕 之靈基, 典文 見典籍 閣 · 尤 通 故 世 宗 術, 易 載 舊 以 重 卽 日 未周 帝 典 思 典 舉 屬 治 -位之後, 墳 不 王 辭 ,先無定 人之貞 觀 先王 乃 之盛 及遠,徒循章 收收 爲 乎 化 主 亡集逸, 上 遺 業 範 仍在左右敷訓經典, 目 疏 文 訓 0 故 日二 以 , , 大訓 安 新故雜糅, 是以 察 燦然 上 九流 句, 時 臣 ·靖民 炳 溫 變,觀 復 聞 於 咸 片 柔疏 存 聖 備 義 東序,藝文光於 皇之 敦 野人文 首尾不全。 0 無 遠, 暨光 風 立 觀 御 美俗 (詩 自 0 其 武 世 元 鳩 書 以 而 撥亂 也, 之教; 化 閱 其在 從僕射遷祕 慈 有者累帙數十, 史篇 造 成 必 麟 茲 曲 天 幽 日 閣 恭 乎 下 . 贊 覃 不 訪 儉易良, 暇 ? . ك ٠, 人 斯 購 厠 、經,參 書丞、 給 及 然 實 經 班 ※則六經 秦 論 而 太平之 祕 棄 ₩ ₩ 天二 武 無者 紙紙 入洛之書二 省, 學術 邑郡 竹所 忝 樞宗, 曠 之 地 百 , 官 年不 道 中正。 憲 {禮 氏 載 承 經 章 勝 温 乏, 爻彖 千 寫 泯 略 一殘之 書 典 惠蔚 絕。 餘 盡 故 唯 秘 以 或篇第褫 無 兩 要道 書 籍 精 述 遺 漢 旣 是 乃 遵 魏 興 微 入 司 東 晉 臣 求 有 爲 承 鴻

列

了。 落,始末淪殘;或文壞字誤,謬爛相屬。篇目雖多,全定者少。臣今依前丞臣盧昶所撰甲乙 文允正,羣書大集。」詔許之。 (新錄)欲裨殘補闕,損併有無,校練句讀,以爲定本,次第均寫,永爲常式。 廣 加 推尋,搜求令足。 今求令四門博士及在京儒生四十人,在秘書省專精校考,參定字義。 然經記浩博,諸子紛綸,部帙旣多,章篇紕繆,當非一 如蒙聽許,則典 二校書,歲 其省先無本者, 万月可

軍、邑 祿大夫。 侍講之勞,封棗强縣 史,無所撰著,唯自披其傳注數行 愜帝旨,詔使加「惠」,號惠蔚法師焉。 又 兼 黄 門 侍 郎 , 遷 中 散 大 夫 , 仍 兼 黄 門 。 瀛州刺史、諡 魏初已來,儒生寒宦,惠蔚最爲顯達。 開國男, 日 一戴。 食邑二百戶。 而 已。 神龜元年卒于官,時年六十七。 遷國子祭酒、祕書監,仍知 肅宗 久之, 正黃門侍郎, 代崔光爲著作郎, 才非 先單名廚,正始中,侍講禁內,夜論 初, 出爲平東將軍 濟州刺 灾事 賜帛五百匹,贈大將 0 史。 延昌二年,追 還京,除光 佛經,有 文

士。 卒,贈輔 子 伯禮,襲封。 國 一將軍 、巴州 伯禮善隸書。 刺 史。 拜奉朝請、員外散騎侍郎、寧朔將軍、 步兵校尉、國子博

子產同,襲。少有才學,早亡,時人惜之。

學。 趙世業家 {孝 師 年 心 貴 經 門徒 所 小 從 在 至上 徐 更從 論語、毛詩、尚書、三禮 師,毎 甚 遵 猛 黨 有服氏春秋,是晉世永嘉舊本,遵明乃往讀之。 明,字子判,華陰 師 略 不終業,千里 遵明 乃 曰:「何在 遂 師 與 伏 屯 、平原 膺數月, 留 4.]遵明 王 田猛 聰, 負 人也。 帙 , 受毛詩 乃私謂: 略 不出門院,凡經六年,時彈筝吹笛以自娛慰。 乃指心曰:「正在於此。」乃詣平原唐遷,納之,居於蠶舍。 , 就范陽 何去就 身長 、尚書 其友人曰:「張生 八尺, 之甚。 孫買德 `'`(禮 幼 如此用 受業。 記。 孤好 學。 名高 年, 意,終恐無成。」遵明曰:「吾今始知眞 一年,復欲去之。 年十七,隨鄉人毛靈和等詣 復經數載,因手撰春秋義章,爲三 便辭聰詣燕趙 而 義無檢格 猛略謂遵明日 凡 師事 所 又知陽平館陶 講說,不愜吾 張 吾 Щ 東 讀 吾

浸 以 成 是後 俗 教授, 遵 明講學於外二十餘年,海內莫不宗仰。 門徒蓋寡, 久之乃盛。 遵明每臨講坐, 頗好聚斂,有損儒者之風 必持經執疏, 然後敷陳, 其學徒至今

將 舊, 舉義兵,遵明 因徙居焉。 後 廣 平王 懷 同 永安初,東道大使元羅表薦之,竟無禮辟。二年, 聞而徵焉。 其 事。 夜至 至 民間,爲亂兵所害,時年五十五。 而 尋退, 不好京輦 孝昌末, 南渡河,客於任城。 元顥入洛,任城太守李湛 以兗州

永 熙 遵 明弟子 通直散騎常侍李業興表曰:「臣聞行道樹德, 非 求利於當年,服義

門/戶 兗州 河, 逆。 德, 特 敦 在 序 遂 禮 處 履仁,豈邀 /,俯 往 乞加 門。 靜 厲 命 擬 跂 徐遵 ,踐其堂奧,信以稱大儒於海內,擅明 無悶 斯 時 不 高 《荒墳千載,式貴生平。」卒無贈諡 曳裾 執 踵 有 歸。 以 在 況 天 蹤 依 ',居約不憂。 顯 遵 邂 明生在 於 衷, 每端 恩於沒世。 雅 風。 明 逅 故 諡 臣 北海。 步 託 冠 北 ~,眷 毎精 追 受斃凶險。 海王 跡 盖 衡泌, 弗因 以 同置 諸 聽而忘昃,常坐思 一時,師表 若慕奇好士,愛客尊賢,罷吏遊梁,紛而 好爵 . 廬暫闢,杖策不遠千里;束脩受業,編錄 入洛之初,率土風 生, 故能 但天爵所存,果致式閭之禮,民望攸屬,終有祠 醴。 親 仰 世族之基; 垂簾自精,下帷獨得,鑽經緯之微言,研聖賢 至誠 承 黄門李郁具所知明,方申 申 當 顧 朝廷 世 眄, 高 一,溘 節,堙沒 尚 惟 而 一焉冥沒,旌 長於原野, 匪乘雕鏤之地。 德之風, 靡,遵明確然守志,忠 伏 候 膺之義, 曉。 師 無聞,朝野 於日下矣。 雖 下示學徒稽古之利。 微 紀 感 寂 功 在三之重, 小 寥。 薦奏之恩,處 入士, 善,片言一行,莫不 是故 逝 者 成列。 潔不渝,遂 眇眇四方, 相 將踰萬人。 長鮮, 是以 與嗟悼。 而 心守壑 遵明 越 託 無論 墓 若宸鑒昭 分 與太守 一之榮。 心淵曠,置情恬雅 之妙旨。 知音之類,延首慕 以碩德重名,首蒙 陳愚, 伏惟 樂 固 之志,潛居樂道 衣裳 價 已企盛 李湛 伏見故處士 陛 回, 文 加 上 莫不入其 下 諠 室 明 烈於 曲 遠 將 玉玉 幄座。 敍 垂矜 應 誅 物, 帛 龍 叛 西

採

則

於博陵劉獻之逼受諸經。數年之中,大義精練,講授生徒。太和末,爲四門小學博士。後 古,學尙雅素。年十七,師淸河監伯陽,受論語、毛詩、春秋、周易,就河內高望崇受周官,後 董徵,字文發,頓丘衞國人也。 祖英,高平太守。父虬,郡功曹。徵身長七尺二寸,好

外散騎侍郎。 世宗詔徵入琔華宮,令孫惠蔚問以六經,仍詔徵教授京兆、淸河、廣平、汝南四王,後特除員 清河王懌之爲司空、司徒,引徵爲長流參軍。 懌遷太尉,徵爲倉曹參軍。 出

徵因述職,路次過家,置酒高會,大享邑老,乃言曰:「腰龜返國,昔人稱榮;仗節還家,云胡

加揚烈將軍。入爲太尉司馬,俄加輔國將軍。未幾,以本將軍除安州刺史。

為沛郡太守,

卿、光祿大夫。徵出州入卿,匪唯學業所致,亦由汝南王悅以其師資之義,爲之啓請焉。永 不樂。」因誠二三子弟曰:「此之富貴,匪自天降,乃勤學所致耳。」時人榮之。 入為司農少

安初,加平東將軍,尋以老解職。永熙二年卒。出帝以徵昔授父業,故優贈散騎常侍、都督 相殷滄三州諸軍事、車騎大將軍、儀同三司、尚書左僕射、相州刺史,諡曰文烈。

子仲曜,武定末,儀同開府屬。

允女,聰明婦人也,哀其早孤,撫養尤篤。沖免喪後便志學他方,高氏泣涕留之,沖終 刁沖, 字文朗,勃海饒安人也,鎮東將軍確之曾孫。十三而孤,孝慕過人。其祖母司

列

陽、圖 冲 令代己, 非 不 應機 止 所 好 .緯、算數、天文、風氣之書莫不關綜, 解 雖家 也,受署而 身自炊 辯, 卌 無不 貴 爨。 達 已,不關事務。 祛 `,乃從師於外,自同諸生。 每師受之際,發情精專,不捨晝夜,殆忘寒暑。 其久惑。 後太守范陽盧尚之、刺史河東裴植並徵 惟以 講 學爲心,四方學徒就 當世服其精博。 於時學制,諸生悉日直 刺史郭祚聞其盛名,訪以 其受業者歲 學通諸經,偏修 監厨 沖爲 有數百 沖雖 功曹、 有僕隸,不 군 鄭 主 說,陰 疑

其 事 ",辭旨! 冲 雖 儒 1 懇直 生,而 一文義· 執 心壯烈,不畏 忠憤。 太傅、清河王懌覽而 八强禦。 延昌 中,世宗舅司徒高肇擅恣威權,沖乃抗 歎 息。 表極言

整 沖 斂 並 棺 椁 令 祖 以 非 時 折 先 與 遵 是沖 將 服 通 衷。 其 卒 有 學 議 敕 生則 會 轏 旣 之, 知二 車 祖 其 不能 止 雍作行孝論 沖 子 者之失。豈宜同之。當令所存者棺厚不過三寸,高不過三尺, 用 乃 孫 白 致養,死 令奉 致 布爲幔,不 書 雍遺旨。 或 以誡子孫,稱:「古之葬者衣之以薪,不封不樹,後世聖人易之 學諸 則厚葬過度。 儒 加 河南 以 畫飾,名爲清 論 其事 尹丞張普惠謂 及於末世,至蘧蒢裹尸,倮而 ·,學官竟 素車。 不能答。 爲太儉, 叉 去 挽歌、方相,幷盟器雜物。」及 胎 書於沖叔整議其進退。 禁者。 弗 確 用 而 繒 爲

於 是國 冲 子 以 助教 嫡 傳 韓神固 祖 爵 東安侯。 與諸儒詣國子祭酒崔光、吏部尚書甄琛,舉其才學,奏而徵焉。 京 兆 王 繼 爲 司 空 也,並 以 高 選頻辟記室參軍。 肅 將親釋奠, 及卒,

國 [子博士高涼及范陽盧道侃、[+] 盧景裕等復上狀陳沖業行, 議奏諡日安憲先生 祭以太

牢。 子欽,字志儒。早亡。

馬 河 ,將一老婢作食,妻子不自隨從。又避地大寧山,不營世事,居無所業,惟在 盧景裕,字仲儒,小字白頭,范陽涿人也。 居顯要,而景裕止於園舍,情均郊野,謙恭守道,貞素自得。 章武伯同之兄子。 少聰敏,專經爲學。 由是世號居 注解。 土 居拒 其

中 還鄉 前 廢 里, 帝初,除 與邢子才、魏季景、魏收、邢昕等同徵赴鄴。 國子博士,參議正聲,甚見親遇,待以不臣之禮。 景裕寓託僧寺,講聽不已。 永熙初,以例解。

歸 本 叔

父同職1

秋左氏 無際 閑 食。 拔 雅 景 討平之。 可 河 未 裕 尋。 時 間 有 訖。 邢 風 摩納與景裕從兄仲禮據鄉作逆,逼其同反,以應元寶炬。 問 儀言行, 由 難 是 聞景裕經明行著,驛馬特徵,旣而舍之,使敎諸子。在館十日一歸家,隨以鼎 齊文襄王入相,於第開講,招延時傷,令景裕解所注易。 或或 土 君 相詆 雅見嗟賞。 子 嗟美之。 訶,大聲厲色,言至不遜,而景裕神彩儼然,風調如一,從容往復, 先是景裕注周易、尚書、孝經、論語、禮記、老子,其毛詩、春 景裕理義精微,吐發 齊獻武王命都督賀

性清靜,淡於榮利,鄭衣粗食,恬然自安,終日端嚴, 初,元顥入洛,公 以爲 中書郎。 普泰初,復除國子博士。 如對賓客。 進退其 興和 間 中,補齊王開 未未 曾有 得 府屬,卒 失之色。

於晉陽,齊獻武王悼惜之。

經論, 當死,夢沙門教講經,覺時如所夢,默誦千遍,臨刑刀折,主者以聞,赦之。 號 日高王觀世音。 景裕雖不聚徒教授,所注易大行於世。 輒託景裕爲之序。 景裕之敗也,繫晉陽獄,至心誦經,枷鎖 又好釋氏,通其大 義。 自脫。 天竺胡沙門道烯每論諸 是時又有 此經遂行於世, 人負罪

常侍,使蕭衍。 音韻閑朗,往復可觀,出帝善之。三年春,釋菜,詔延公卿學官於顯陽殿,敕祭酒劉廞講孝 義 一修國史,遷國子博士,加征虜將軍。 讀釋氏,又好醫術。年二十二,舉秀才,射策,除奉朝請,領國子助敎。 ,黃門李郁講禮記,中書舍人盧景宣解大戴禮夏小正篇。 素優,辯析兼美,而不得執經,深爲慨恨。天平中,轉中 李 同軌,趙郡高邑人,陽夏太守義深之弟。 行深耽釋學, 逐集名僧於其愛敬、同泰二寺, 講涅盤大品經, 引同軌預席。 永熙二年,出帝幸平等寺,僧徒講法,敕同載論難 體貌魁岸,腰帶十圍,學綜諸經,多 時廣招儒學,引令預 書侍郎。 興和中,兼通直 轉著作郎,典儀 聽。 所 治誦, 同

{經

注

兼

爲 敎 衍 倦。 諸 兼遺其 公子 武定 、朝臣 甚 四年夏卒,年四十七。 加 並共觀 禮之。 聽。 每旦入授,日暮 同 , 軌論難久之,道俗咸以爲善。 時人傷情之,齊獻武王亦殊嗟悼,贈襚甚厚。 始歸。 緇素請業者,同 盧景裕卒,齊獻 軌夜 爲 說解, 武 四 王引同軌在館 時 恒 贈驃騎 爾 不 大 以

將

、瀛州刺史、諡曰

康

受業 耿介 生 問 間 其 徒傾學而 大大義 者。 時有漁陽鮮于靈馥亦聚徒教授,而遵明聲譽未 李業興,上黨 志 教條, 學精力, 靈馥 就遵 乃謂曰:「李生 靈馥 明。 負帙從師, 長子人也。 不能對。 遵明 學徒大盛,業興之爲也。 久逐羌博士,何所得也。」 不憚勤苦。耽思章句,好覽 祖虬,父玄紀 於是振衣而起曰:「羌弟子正如此耳」」遂便徑還。 了 並以儒學舉孝廉。 高 業興默爾不言。 ,著錄尙寡。 異說。 晚 玄紀卒於金鄉令。 乃 業 師事徐遵明於趙魏 與乃詣靈馥黌舍, 及靈馥說左傳,業 自此 業興少 靈馥 之 興 類

家 氣 禮 後辰 待不 各獻 後 足、縱 新 下 乃博涉 算 , 曆, 延昌 於權貴,不爲之屈。 世宗 百家 中, 詔 。圖緯、 令共為 業興 風角、天文、占候無不詳練,尤長算歷。 乃爲戊子元曆上之。 一曆。 後爲王遵業門客。 洪等後遂共推業興為主,成戊子曆,「云 於時屯騎校尉張洪、盪 舉孝廉,爲校書郎。 雖在貧賤,常自矜負,若 寇將軍 以世行趙歐曆,節 IE 光三年奏行 張龍祥等九

列

事在律曆 業興以殷曆甲寅,黃帝辛卯,徒有積元,術數亡缺,業興又修之,各爲一卷,傳於 志。累遷奉朝請。臨淮王彧征蠻,引爲騎兵參軍。 後廣陽王淵北征 一、復爲 外兵 世

縣開國子,食邑五百戶。 特賞一階、除平東將軍、光祿大夫、尋加安西將軍。 季景、溫子昇、竇瑗爲摘句。後入爲侍讀 任 加 1,尋起復本官。 元曄之竊號也,除通直散騎侍郎。 寧朔將軍。又除征虜將軍、中散大夫,仍在通直。 建義初,敕典儀注,未幾除著作佐郎。永安二年,以前造曆之勳,賜爵長子伯。 轉中軍將軍、通直散騎常侍。永熙三年二月,出帝釋奠,業興與魏 後以出帝登極之初,預行禮事,封屯留 太昌初,轉散騎侍郎, 普泰元年, 沙汰侍官,業興仍在通直 仍以典儀之勤 遭憂解

詢。今求就之披圖案記,考定是非,參古雜今,折中爲制,召畫工幷所須調度,具造新圖,申 章前代,下則模寫洛京。今鄴都雖舊,基址毀滅,又圖記參差,事宜審定。臣雖曰職司 右僕射、營構大將高隆之被詔繕治三署樂器、衣服及百戲之屬,乃奏請業興共參其事 不稽古,國家大事非敢專之。通直散騎常侍李業興碩學通儒,博聞多識,萬門千戶,所宜訪 奏取定。 遷鄴之始,起部郎中辛術奏曰:「今皇居徙御,百度創始,營構一興,必宜中制。 庶經始之日,執事無疑。」詔從之。天平二年,除鎭南將軍,尋爲侍讀。於時尚書 上則憲

匹

與兼散騎常侍李諧、江口軍吏部郎盧元明使蕭行。

行散騎常侍朱异問業興曰:

儉 從鄭 義。我 魏洛中委粟山是南郊邪。」業興曰:「委粟是圓丘,非南郊。」异曰:「北間郊、丘異所,是用鄭 禮禪用二十七月也。异遂不答。業興曰:「我昨見明堂四柱方屋,都無五九之室,當是 以不。」業興曰:「此之一事,亦不專從。 此 中用王義。」業興曰:「然,洛京郊、丘之處專用鄭解。」异曰:「若然,女子逆降傍親亦 若卿此間用王義,除禪應用二十五月,何以王

豈非 怪於 何 用 信 自相矛盾!异曰:「若然,圓方竟出何經。」業興曰:「出孝經援神契。」异曰:「緯候之書, 方。」業興曰:「圓方之言,出處甚明,卿自不見。見卿錄梁主孝經義亦云上圓下方,卿言 也! |業興曰:「卿若不信,靈威仰、叶光紀之類經典亦無出者,卿復信不。]异不答。

明堂上圓下方,裴唯除室耳。今此上不圓何也。」异曰:「圓方之說,經典無文,何

裴頠

所制。

可名為 可復守 地,應自統 爲繫。」業興對曰:「鄭注儀禮云:昔大王、王季居于岐陽,躬行邵南之教,以興王業。及 蕭 虎。」 諸侯之地,故分封二公。」術又問:「乾卦初稱『潛龍』,二稱『見龍』,至五『飛龍』。初 衍親問業興日:「聞卿善於經義,儒、玄之中何所通達。」業興日:「少爲書生,止讀五 義,不辨通釋。」衍問詩周南,王者之風,繫之周公;邵南,仁賢之風,繫之邵公。 攝,何由分封二公。」業興日:「文王爲諸侯之時所化之本國,今旣登九五之尊,不 問 之敎以受命。 意 小乖。 業興對:「學識膚淺,不足仰酬。」所又問:「尚書『正月上日受終文 作邑於酆,分其故地,屬之二公。名爲繫。」衍又問:「若是故

列

傳

言親者不失其爲親,故者不失其爲故。」又問:「原壤何處人。」業興對曰:「鄭注云:原壤,孔 法萬代。」業興對曰:「此是後人所錄,非孔子自制。猶合葬於防,如此之類,禮記之中動有 音也。[1]狸首之班然,執女手之卷然。』孔子聖人,而與原壤爲友。」業興對:「孔子即自解, 『日月營始』,故知夏正。」衙又問:「堯時以何月爲正。」業興對:「自堯以上,書典不載,實所 百數。」行又問:「易日太極,是有無。」業興對:「所傳太極是有,素不玄學,何敢輒酬。」 大故,何容棄之。孔子深敦故舊之義,於理無失。」衍又問:「孔子聖人,何以書原壤之事,垂 故舊之小節,廢不孝之大罪。」業興對曰:「原壤所行,事自彰著。幼少之交,非是今始,旣無 子幼少之舊。故是魯人。」衍又問:「孔子聖人,所存必可法。原壤不孝,有逆人倫,何以存 明問。」衍又曰:「禮、原壤之母死,孔子助其沐椁。原壤叩木而歌曰:『久矣夫,予之不託於 得云堯時不知用何正也。」、業興對:「雖三正不同,言時節者皆據夏時正月。 不知。」衍又云:「『寅賓出日』,卽是正月。『日中星鳥,以殷仲春』,卽是二月。此出堯典,何 祖』, 此是何 會男女之無夫家者。 正。 業興對:「此是夏正月。」 衍言何以得知。 雖自周書,月亦夏時。 **堯之日月,亦當如此。但所見不深,無以辨析** 業興日「案尚書中候運行篇云 周禮,仲春二月

尚書省議定五禮。 還,兼散騎常侍,加中軍大將軍。後罷議事省,詔右僕射高隆之及諸朝士與業興等在 興和初,又爲甲子元曆,時見施用。復預議麟趾新制。 武定元年,除國

子祭酒,仍侍讀。 爲中外府諮議參軍。 百八十七為斗分,還以己未為元,始終相維,不復移轉,與今曆法術不同。 三年,出除太原太守。 後坐事禁止。業興乃造九宮行棊曆,以五 齊獻武王每出征討,時有顧訪。 一百爲章,四千四十爲部,九 五年,齊文襄王引 至於氣序交分,

景度盈縮,不異也。七年,死於禁所,年六十六。

惡之。 無儒 無吝。 異聞 者之風。 業興 ,諸儒服其淵博。 至於 若 有相乖忤,便即 愛好墳籍,鳩集不已,手自補治,躬加題帖,其家所有,垂將萬卷。 學術精微,當時莫及。 毎語 人云:「但道我好,雖知妄言,故勝道惡。」務進忌前,不顧後患,時人以此 性豪俠、重意氣。 班毁,乃至聲色,加以謗駡。 人有急難,委之歸命,便能容匿。 性又躁隘,至於論難之際,高聲攘振, 與其好合,傾身 覽讀不息,多有

子崇祖、武定中、太尉外兵參軍。

崇祖弟遵祖,太昌中,業興傳其長子伯以授之。 齊受禪,例降。

珍席 流 聲 上,或聚徒千 後裔者 史臣 日 了其惟 "古語云"容體不足觀,勇力不足恃,族姓不足道,先祖 學乎。 百 ,或服冕乘軒,咸稽古之力也。 信哉斯言也。 梁越之徒,篤志不倦,自求諸己,遂能聞道下風,稱 一不足稱,然而顯聞四方,

列

校勘記

魏書卷八十四 傳,刁沖附卷二六刁雍傳, 此 論 · 傳及史論外,似皆魏書原文。宋人於目錄注「不全」,於校語只說己、盧二傳「非魏收書」, 增入,非魏書原文所有。 北史多出勒索學生事,李業興傳多出語音不正和與孫騰、邢子才對答語,當是北史據其他材料 傳也全同北史,宋人漏舉。 之」。按此卷常爽、刁沖、盧景裕、李同軌四傳,北史卷八一儒林傳所無。 北史全用隋書傳論。」殿本以校語入考證,開頭一句又改成「魏收 裕 二傳,實爲重出北史同軌傳較簡。其他諸傳,凡北史儒林傳所有諸人都比北史詳備。其中徐遵明傳, 有彼無 !卷只是殘缺不全,除三傳外均魏書原文,何以所缺前後錯出,恰好是北史儒林傳所無之傳? 、李同軌三人,史目錄皆有之。 「出北史」,則也認爲序和其他諸傳是魏書原文。 沒有說其他諸傳以小史補。 諸本目錄此卷注「不全」,卷末有宋人校語云:「高氏小史儒林傅 傳序也像是北史傳序敍魏事一段所本。 盧景裕附卷三○盧同傳,李同軌附卷三三李義深傳。 李同軌則魏書本已附卷三六李順傳, 此卷刁沖、盧景裕傳全錄北史,非魏收書,史臣 小史久亡,清人又何從知之? 且據校語,當時比對高氏小史,只說三傳此 與此卷同軌傳幾乎全同,一人 據上述情況, 書 儒林傳 但也有可疑之處:一,若說 常爽, 亡,用 北史卷四二有專 除常、刁、盧三 今檢此卷常爽 無刁沖、 論亦出北史, 高氏小史補 史臣

高氏小史節錄魏書,何以小史儒林傳所無的三傳也是北史儒林傳所無。二,李同軌, 魏書已附

李順 卷八六孝威傳按語, }傳 則後人據目補傳, 何以不據本書目錄而據他書。後人旣已從李順傳中析出同

入儒林,何以不删李順傳中所有? 這些疑問頗難解釋。

. _ _ 河間 邢 祐 諸本「祐」作「祜」, 北史卷八一平恒傳作「祐」。按邢祐附本書卷六五、北史卷四三邢

禁傳,都作「祐」。「祜」字訛,今據改。 下同。

= 燕東部 侯釐 通鑑卷九八三一〇四頁見燕「中部俟釐慕輿句」。 或范享燕書。按突厥官有「俟利發」,契丹有「夷離堇」,並即此「俟釐」,這 晉書卷一一〇慕容儁載記無文,

裏「侯」字當是「俟」的形訛

通鑑當

據十六國春秋

껃밐 \Box 魚 見皐魚 事 見 韓詩 之歎 外傳 方 歸 卷 īm 九,云「於是門人辭歸而養親者十有三人」,與此傳語合。「旱」字訛,今據改。 養親 諸本「皐」作「旱」。北史卷八一劉獻之傳南本、殿本「旱」作「皐」。按皐

茪 \Box 贈 贈 大將 亦 只 車 軍 騎 、驃騎 北史卷八一孫惠蔚傳無「大將軍」三字。按大將軍甚重,以崔亮、崔光之顯貴,死後追 大將 軍、孫惠蔚軍號爲平東將 軍、豈能驟贈此官。疑是衍文、或「大」乃「本」之訛。

ナ 當 刺 史河 作『植』 東 裴 植傳附卷七 植 並 一徴沖 爲功曹 裴叔業傳 除瀛州刺史,即此時事。」按前劉蘭傳亦見瀛州 諸本和北史卷二六刁雍附刁沖傳「植」作「桓」。張森楷云:「『桓』 刺 史裴植。 |刁|沖

列 傅 第 七 + 校 勘 記

稱 勃海 · 饒安人。卷一○六上地形志上滄州條和浮陽郡饒安條,熙平二年五一七分置滄州前, 饒

安屬瀛州浮陽郡,其稱「勃海」,乃因漢晉舊屬。 裴植 爲瀛州刺史在熙平前,饒安是瀛州縣,刁

沖是本州人,故得爲功曹。脹說是,今改正。

七七 國子博士高涼及范陽盧道侃 張森楷云:「『凉』當作『諒』。據高佑傳卷五七、佑孫諒爲國子博士,

在孝文、宣武間、與刁沖同時、當即其人。」

初元顥入洛 諸本無「初」字、北史卷三○盧同附盧景裕傳有。元顥事在前,前文敍事已至 東魏

『元顥』上加一『初』字亦非。」按這是追敍以前官位升退,刁冲「未曾有得失之色」,本非記歷官。 末高澄當國時,李慈銘、張森楷均謂有誤。 李且謂「除國子博士前已載之, 何必複出, 北史於

此傳本出北史,乃是脫「初」字,遂似敍事顚倒,今據補。

へ 九 し 成戊子曆 按卷一〇七律曆志載崔光表云:「總合九家,共成一曆,元起壬子,律始黃鍾。」 業興

初造之曆起於戊子,爲戊子曆,至是「總合九家」則起於壬子,爲壬子曆。卷八二常景傳

「先是參議正光壬子曆」可證。這裏「戊子」乃「壬子」之訛。

與兼散騎常侍李諧 諸本脫「散」字,今據北史卷八一李業興傳補

 \subseteq 久矣夫予之不託於音也 諸本此句作「久矣、不託音」。册府卷六五八七八七七頁如上摘句。

出禮記檀弓下、諸本有脫文、今據補。

魏書卷八十五日

列傳文苑第七十三

袁躍 **装敬**憲 盧觀 封肅 那臧 裴伯茂 那昕

溫子昇

冠仰止,咸慕新風。 趙,網羅俊义。逮高祖馭天,銳情文學,蓋以頡頏漠徹,掩踔曹丕,氣韻高豔,才藻獨構。 時並列,分途爭遠。永嘉之後,天下分崩,夷狄交馳,文章殄滅。昭成、太祖之世,南收燕 變,諸非一貫,文質推移,與時俱化。淳于出齊,有雕龍之目,靈均逐變,著嘉禍之章。〔三漢 之西京,馬揚爲首稱,東都之下,班張爲雄伯。曹植信魏世之英,陸機則晉朝之秀,雖同 夫文之爲用,其來日久。自昔聖達之作,賢哲之書,莫不統理成章,蘊氣標致,其流廣 肅宗歷位,文雅大盛,學者如牛毛,成者如麟角,孔子曰:「才難,不其 衣

然乎?

堂,躍 懌文學, **貢**,辭旨 躍 可謂 袁躍 乃上議 雅 頗 我家千里駒 爲懌所愛賞。 不 字景騰,陳郡人,尚書翻弟也。 ·盡禮。 ,當時稱其博洽。 躍為 也。」釋褐司空行參軍,歷位尚書都兵郞中, 朝臣 懌之文表多出於躍。 書與褒,陳以禍 蠕蠕主阿那壤亡破來奔,朝廷矜之,送復其國。 博學儁才, 福,言辭甚美。 卒,贈冠軍將軍、 性不矯俗, 篤於交友。 後遷車騎將軍、太傅、淸河 吏部郎中。 加員外散騎常侍。 所制文集行於 翻每謂人曰: 旣而 將立 毎使 朝 明

除太子庶子,以本官行博陵太守。 欲, 與物無競。 聿脩 ,字叔德,七歲遭喪,居處禮若成人。 姨夫尚書崔休深所知賞。 年十八,領本州中正,棄尙書度支郎中。 九歲,州辟主簿。性深沉,有鑒識,清靖寡 世

無子

7, 兄翻

以子聿脩繼

之。 解音律,五言之作, 專以讀誦 裴 司 州 敬憲,字孝虞,河東聞喜人也。 牧、高 爲業。 陽 王 獨擅於時。 雍舉 澹於榮利, 秀 才, 射策高第,除太學博士。 風 名聲甚重,後進共宗慕之。 氣俊 遠, 益州刺史宣第二子。少有志行,學博才清,撫訓諸 郡 徵 功曹 不就,諸府辟命, 性 和雅,未嘗失色於人。 中山王將之部,「三朝賢送於河 先進其弟, 世人歎美 工 一隸草,

物甚悼之。 梁,賦詩言別,皆以敬憲爲最。 爲物所伏如此。 敬憲世 有 仁義於鄉 永興三年,四贈中書侍郎,諡曰文。 里。 其文不能贍逸,而有淸麗之美。 孝昌中,蜀賊陳雙熾 所過殘暴,至敬憲宅,輒相約束,不 少有氣病,年三十三卒,人

年卒。 鄎。 與太常少卿李神儁、光祿大夫王誦等在尚書上省撰定朝儀,拜尚書儀曹郎 盧觀,字伯舉,范陽涿人也。 少好學,有儁才,舉秀才,射策甲科,除太學博士、 中。 著作佐 孝昌元

尤相親善。所製文章多亡失,存者十餘卷。 位太學博士,修起居注,兼廷尉監。爲還園賦,其辭甚美。 臺郎中,委以書記。還,除尚書左中兵郎中,卒。 封肅,字元邕,勃海人,尚書回之兄子也。早有文思,博涉經史,太傅崔光見而賞焉。 肅性恭儉,不妄交遊,唯與崔勵、勵從兄鴻 正光中,京兆王西征,引爲 大行

神 龜 中,舉秀才,問策五條,考上第,爲太學博士。 邢臧,字子良,河間人,光祿少卿虬長孫也。 幼孤,早立操尚,博學有 正光中,議立明堂,臧爲裴頠 藻思。 年二十一, 一室之議,

盧觀 寔 將 事 未 不 个,莊 赴, 雖 就, 軍 兄弟 不行 病卒,時賢悼惜之。 帝之舅,以太傅出除青州, 轉除 臧 並結 和 當 東牟太守。 雅 時稱 信 交 分 厚 其 有 曾 理 博。 共 長者之風 時天下 讀 其文筆 出 回文集,臧 爲本州中從事,雅爲鄉情所附。 多 一為時 啓臧 る事,在 凡 百餘篇。 爲屬,領樂安內史,有惠政。 獨 人所愛敬。 職 先通之。 少能 贈鎭北將軍、定州刺史、諡曰文。 廉白,臧獨清慎奉法, 爲 撰古來文章, 幷敍作者氏族, 特進甄琛行狀, 永安初,徵爲金部 後除濮陽太守, 世稱其工。 吏民愛之。 郎 號曰文譜, 與裴敬憲、 隴 尋加安東 中,以 西 李 疾 延

子恕,涉學有識悟。

注。 請。 中。 裴伯 太昌 承 大 將軍、 業 還京 茂, 初 京兆 爲 河東 師 中 書侍 王 留伯茂 人, 繼 郎。 司空中郎叔義第二子。 西討,引 仍 永熙 知 行 爲 中 臺 鎧 , 事 出 曹參軍。 0 帝兄子 以平 薛鳳賢等賞平陽伯。 廣平王 南討 少有風望, 絳蜀 · 贊盛 陳 一選賓僚,以伯茂爲文學,後 雙熾,至 學涉 **奉書**, 再 爲 遷散 行臺 文藻富贍。 騎 長 孫承業 常 侍, 釋褐奉朝 加 典 行臺郎 中軍 起 居

大將軍。

春徂夏,三嬰湊疾。 伯 茂 好飲酒 頗 涉疏傲,久不 雖 桐君上藥,有時致効 徙官,曾爲豁情賦,其序略曰:「余攝 而草木下性, 實縈衿抱。 養舛 故復究覽莊生,具體 和,服餌寡術, 自

齊物,物我兩忘,是非俱遣,斯人之達,吾所師焉。 故作是賦,所以託名豁情,寄之風謠矣。」

天平初遷鄴,又爲遷都賦,文多不載。

仲規,與兄景融別居。 同行;以梨擊案,傍汙冠服;禁庭之內,令人挈衣。」詔付所司,後竟無坐。 二年,因內宴,伯茂侮慢殿中尚書、章武王景哲,景哲遂申啓,稱:「伯茂棄其本列, 景融貧窘,伯茂了無賑恤,殆同行路,世以此貶薄之。卒年三十九, 伯茂先出後其伯 與監

知舊歎惜焉。

常景、李渾、王元景、盧元明、魏季景、李騫等十許人於墓傍置酒設祭,哀哭涕泣,一飲一酹 茂曾撰晉書,竟未能成。無子,兄景融以第二子孝才繼。 謂收詩頗得事實。 乃與婦乘車西逃避。 在晉陽,乃同其作,論敍伯茂,其十字云:「臨風想玄度,對酒思公榮。」時人以伯茂性侮傲, 曰:「裴中書魂而有靈,知吾曹也。」乃各賦詩一篇。 李騫以魏收亦與之友,寄以示收。 伯茂末年劇飲不已,乃至傷性,多有愆失。未亡前數日,忽云:「吾得密信,將被收掩 贈散騎常侍、衞將軍、度支尚書、雍州刺史,重贈吏部尚書,諡曰文。旧 後因顧指壁中,言有官人追逐,其妻方知其病。 卒後,殯於家園,友人 收時

邢昕,字子明,河間人,尙書巒弟偉之子。幼孤,見愛於祖母李氏。好學,早有才情。

競 爲 參掌 祿 遷 贈 也 旣 事 蕭 同 太 知 以 中 寶夤 車 大 談 而 騎 夫。 尉 文學外。」遊道 吏 息 復 文 出 者謂之牛象鬭 帝 將 Τ. 詔 徵 記 以 車 軍 取 行 室 尋 時言冒 、都官尚 除 遷鄴 達,文學大衰。 參 騎 釋奠禮 時 蕭 軍 大 通直常侍,加 衍 乃 將 竊官級 斯斯 有慚色。 使 軍 吏 歸 書、冀州 於 部 開府討關中,以子明爲 兼散騎常侍劉 與校 江 河 為 尙 南 間 ?書李神儁奏昕修起居注。 中尉 中 書郎裴伯茂等俱爲錄義。 司 刺 興 軍將 齊文 州 天平 史,諡 和 所劾 中從 中 襄 軍 初,與侍 少以 孝儀等來朝 王 事 日 ,発官,乃爲述躬賦。 宋遊 旣有 文。 攝選,擬 本官副 中從 才藻 道 東閤祭酒, 所著文章 李象 以 盺 叔子才、魏季景、 貢, 、兼長 公斷 爲司 が使於 太昌 詔 一,自 見知,時 永熙末,昕 几案。 徒 盺 委以文翰。 蕭裄 初、除・ 右 兼 有 未幾,受詔與祕 集 長 正 史,未 錄 與昕 自 員 昕 中書侍郎, 魏收 入爲 孝 郎 好 嘲謔。 昌 迎 在 奏 件 侍讀,與溫 之後,天下 於 同 軍解褐 :物,人 徴 境 遇 疾 |昕謂 上。 赴 書監常景典儀 加 謂 都。 卒,士友 平 盪 之日 之牛。 司 寇將 東 多務, 子昇、 尋還鄉 徒 將 孫 軍、 是行 魏收 世 騰 世 里。 光 累 人 引 注

義 康 戸曹 溫 子 昇 避 難 字 鵬舉,自云 歸 國 家 子 濟陰 太原 冤句 人,晉· 大將 因 爲 其郡 軍 嶠 縣 之後 人焉 也。 世 家 .居 世 寒 江 素 左。 祖 父暉,兗州 恭之, 劉 左將 義 隆 軍府 彭 城 長

史,行濟陰郡

事

爲 廣陽王淵賤客,在馬坊教諸奴子書。 子昇初受學於崔靈恩、劉蘭、精勤,以夜繼晝、晝夜不倦。 `作侯山祠堂碑文, 常景見而善之, 故詣淵謝之。 長乃博覽百家,文章清婉。

「「頃見溫生。」淵怪問之,景曰:「溫生是大才士。」 淵由是稍知之。

還省。[t] 服闋,還爲朝請。〔六〕後李神儁行荆州事,引兼錄事參軍。 **搴等二十四人爲高** 郎中李獎退表不許,曰:「昔伯瑜之不應留,王朗所以發歎,宜速遣赴,無踵彥雲前失。」於是 來靡旗亂轍者,皆子昇逐北。」遂補御史,時年二十二。臺中文筆皆子昇爲之。 熙平初,中尉、東平王匡博召辭人,以充御史,同時射策者八百餘人,子昇與盧仲宣、孫 第。於時預選者爭相引決,匡使子昇當之,皆受屈而去。 被徵赴省,神儁表留 **搴謂人曰**:「朝 不遣。 以憂去任, 吏部

盈滿,子昇取絹四十匹。及淵爲萬榮所害,子昇亦見羈執。 門郎徐統受四方表啓,答之敏速,於淵獨沉思曰:「彼有溫郎中,才藻可畏。」高車破走,珍實 復宦情,閉門讀書,厲精不已。 以數十騎潛送子昇,得達冀州。 正光末,廣陽王淵爲東北道行臺,召爲郎中,軍國文翰皆出其手。 還京,李楷執其手曰:「卿今得免,足使夷甫慚德。」自是無 樂下都督和洛興與子昇舊識, 於是才 名轉盛。 黄

建義初,爲南主客郞中,修起居注。曾一日不直,上黨王天穆時錄尚書事, 將加捶撻,

傳第

卿 中 以 中 寢 大 前 一、天穆汉 虎牢 書 駕 其 昇 前 忿 舍 桓 也。 計 奏。 遂 失守 人。 洮 文 深加賞之。 除 今復 遁 及 之舉 莊帝還 致 天 正 天 穆將 員 不 也。 此 穆 來 郎 狼 甚怒,奏人代之。 ,便須 仍 宮, 討 捨 元 狽 邢杲,召子昇 。元顥新 顥 舍 為 此 北 南 人 顥 入 渡, 洛 走越, 任 使 、天穆召子 竊爲大王惜之。」 入,人情未安,今往討之,必有 2者多 北走 同 莊帝 被 行 湖耳 ·', 子 昇問 日當 一子昇 昇 而 未 日 子昇復爲舍人。 世 敢 天穆 一才子 卽 應。 不 欲向 得已 善之而 不過 天 穆謂 京 而 師 數人,豈容爲 見 不 征 ٠, 人日 之。 能 一無戰 爲 天穆 用。 隨 加 一吾欲 我 毎謂 伏 王 遣 北 波將 若克 子 此 渡! 子昇曰:「恨 收 7,便相 昇還洛 軍 其 復 對 才 京 放黜。」 日 爲 用 顥 師 行 끞 不 奉 主 以 臺 懷 乃 用 迎 上 郎

書 鎭 子昇顏色不 及 南將 帝 殺 軍 介朱 、金紫 變, 樂 曰「敕」。 光 也, 禄大 子 昇 夫, 預 榮不 遷散 、謀、當 視 騎常侍、中 時赦 之。 **介** 朱 詔 9 子昇 軍 兆 大將軍 入 詞 洛 也。 子 ·,後 昇 樂 領 懼 入內,遇子昇, 本 禍 州 逃 匿 大 中 永 正 熙 把詔 中 書 爲 侍 間 讀 是 兼 何 文 舍

楊遵 嘗 數 云 窮 彦 百 蕭 作文德論,以爲古今辭人皆負才遺行,澆薄險忌,唯邢子才、 江 衍 使張 左 陽 文 夏 人 皐 太守道 寫 , 宋 子 有 傅 昇 顏 標 文 延 使吐 筆 之、 傳於 谷 謝 靈 渾 江 運 見 外。 , 梁 其 國 有 衍 沈約 主 稱 之日 牀 、任昉 頭 有 曹植 書 我 數卷,乃是子 子 陸機 昇 足 以 復 王元景、 陵顏樂謝 生 昇文 於 北 也 士。 溫 含任 濟陰 子昇彬彬 恨 我 叶 干 辭 沈。 暉業 有

德素。

險。 收葬之,又爲集其文筆爲三十五卷。 作獻武王碑文,旣成,乃餓諸晉陽獄,食弊襦而死,棄尸路隅,沒其家口 不修容止,謂人曰:「詩章易作,逋峭難爲。」文襄館客元僅 子昇久忸怩,乃推陸操焉。及元僅、劉思逸、荀濟等作亂,文襄疑子昇知其謀。 事故之際,好預其間,所以終致禍敗。 齊文襄王引子昇爲大將軍府諮議參軍。 子昇外恬靜,與物無競, 又撰永安記三卷。 子昇前爲中書郎,嘗詣蕭衍客館受國書,自以 曰:「諸人當賀。」「公推 言有準的,不妄毀譽,而 太尉長史宋遊 子昇 方 使 合 道 之 陳

位可下,其身可殺,千載之後,貴賤一焉。非此道也,孰云能致。 自餘或位下人微,居常亦何能自達。 史臣曰:古之人所貴名不朽者,蓋重言之尚存, 及其靈蛇可握,天網俱頓,並編緗素,咸貫 叉加之以才名, 凡百士子,可不務乎 其爲貴顯, 固其宜· 儒林、雖其

校勘記

魏書卷八十五 按 卷中只封 7肅傳 稍詳於北史本傳附卷二 諸本目錄此卷注「闕」,卷末脫宋人校語。殿本考證云:「魏收書闕,後人所補。」 四對懸傳,乃採之他書,他傳皆同 [北史] 偶有溢出語 當是

採 駿附裴宣傳云:「子敬宣、莊伯並在文苑傳。」今此卷無盧仲宣、裴莊伯, 他 書增入。 考本書卷四七盧玄傳附見盧光宗,云:「子觀、觀弟仲宣, 事在文苑傳。」卷四五裴 當是後人據目補傳,仲

宣 、莊伯並附其兄,非正傳,故目錄不載,以致失補。

靈均逐楚著嘉禍之章 按「嘉禍」未見所出,楚辭九章橘頌:「后皇嘉樹,橘徠服兮。」疑「嘉禍」

乃「嘉 橘」之訛

Щ

_ ○頁此. 中 山王將之部 句作「中 諸本無「王」字,旁注「闕」。通志卷一七六裴敬憲傳作「王」,册府卷八三九九九六 鎮部」。按卷一九南安王槙附中山王熙傳云:「始熙之鎭鄴也,知友才學之士略

裴敬 憲等咸餞於河梁,賦詩告別。」「中山」下脫「王」字無疑,今據補。、册府「鎭」字,當亦有因,疑

此 旬 本作「中山 王鎭鄴,將之部」。册府所據本「鄴」訛「部」,和下「將之部」重出不辭, 逐删

- 29 永興, 永 稱「永安三年 興 三年 即 在 此月改永熙、並無三年。 按永興乃拓 ,贈通直散騎 跋嗣 侍 郎」。兄弟當是同年追贈,這裏「永興」乃「永安」之訛 年號四〇九 北史卷三八裴駿附敬憲傳同作「永興」,而 ——四一三,遠在其前, 元脩 雖於 太昌元年五三二十二月改 下文其弟莊伯傳,
- Ħ. 南 討絳蜀 陳 雙熾 通志卷一七六裴伯茂傳「南」作「及」。按|| 在洛陽西北,不得云「南討」,疑作

及」是。

. 二 還爲朝請 通志卷一七六溫子昇傳「朝請」上有「奉」字。 疑當有此字,但也可能是簡稱,今 記

不補。

(七) 於是還省 諸本及北史卷八三「省」作「員」,通志卷一七六作「省」。按上云:「被徵赴省」,故下

云「還省」、「還員」不可通、今據改。

[ス] 文襄館客元僅曰諸人當賀 按何事當賀`敍述不明,疑「文襄」下有脫文。又「元僅」當作「元

瑾」。瑾謀殺高澄,事見本書卷一二孝靜紀末、卷一四華山王鷙附子大器傳,北史卷六齊文襄

紀、北齊書卷四七宋遊道傳、都作「瑾」。

魏書卷八十六日

列傳孝感第七十四

趙琰 長孫慮 乞伏保 孫益德 董洛生

楊引 閻元明 吳悉達 王續生 李顯達

張昇 倉跋 王崇 郭文恭

鳥獸 |孝感爲目焉。 孔門有以責衣錦,詩人所以思素冠。 ,事匪常倫,斯蓋希矣。至如溫床扇席,灌樹負土,時或加人,咸爲度俗,今書趙琰等以 經云「孝,德之本」,「孝悌之至,通於神明」。此蓋生人之大者。淳風旣遠,世情雖薄, 且生盡色養之天,終極哀思之地,若乃誠達泉魚,感通

時禁制 乃歸 之, 傍,主人設羊羹,琰訪知盜殺,卒辭不食。 粃。 栗,斷諸滋味,食 卒 事 義 嘗送子應冀州娉室,從者於路偶得一羊,回行三十里而琰知之,令送於本處。 趙 而 孝 琰 甚嚴,不聽越關葬於 毎 不受, ,字叔起,天水人。 於時節,不受子 心色養,飪熟之節,必親調之。 琰命委之而去。 一麥而 已。 孫慶賀。 年八十卒。 、舊兆。 父溫爲楊難當司馬。 初爲兗州司馬,轉團城鎭副將。 年餘耳順,而孝 琰積三十餘年, 遷都洛陽,子應等乃還鄉葬焉 皇興中,京師儉,婢簡粟糶之,琰遇見切責,敕 遣 人買耜刃,得剩六耜,卽令送還刃主。 思彌篤。 不得葬二親。 初,苻氏亂,琰爲乳母攜奔壽春,年十四 慨歲 還京,爲淮南王他府長史。 月推移,遷窆無期,乃絕鹽 及蒸嘗拜獻, 未曾不嬰慕 刃主高 叉 留 過 路 輕

應弟煦, 字賓育。 好音律,以善歌聞於世。 位 秦州刺

全。 孝子,於弟爲仁兄。尋究情狀,特可矜感。」高祖詔特恕其父死罪,以從遠流。 夕。 重 坐 父若: 慮 長 孫 兄 慮 就 弟 列 慮,代人也。 刑 一辭尚 五 人,並各幼稚。 交墜溝 書云:「父母忿爭,本無餘惡。 母因飲酒,其父眞呵叱之,誤以 壑, 乞以身代老父命,使嬰弱 慮身居 長,今年 十五,有一女弟,始 直 以 謬誤,一 衆孤 杖擊,便卽 得蒙 朝横 存 立。 向 禍 致死。 四 尙 歲,更相 今 書奏云「慮於父爲 母喪未 眞爲 縣 鞠養,不能 殯,父 囚執了 處以 命 保 日

歲餘,居卒,申撫養伏保。 密,常在左右,出內詔命。 餘八十,伏保手製馬輿,親自扶接,申欣然隨之。申亡,伏保解官,奉喪還洛。 爲伯。稍遷左中郎將。 乞伏保,高車部人也。 每請祿賜,在外公私尺丈所用,無不白知。 性嚴肅、捶罵切至,而伏保奉事孝謹,初無恨色。 賜宮人河南宗氏,亡後,賜以宮人申氏,宋太子左率申坦兄女也。 父居,顯祖時爲散騎常侍,領牧曹尚書,賜爵寧國侯。 出為鄯善鎭將。〔三申年 襲父侯爵,例降 復爲長,兼南 以忠謹愼

祖、文明太后以其幼而孝決,又不逃罪,特强之。 孫益德,樂安人也。 其母爲人所害, 益德童幼爲母復仇。 還家,哭於殯以待縣官。 高

中郎將,卒。

又詔其宗親,使相喻獎,勿令有滅性之譏。 董洛生,代人也。居父喪過禮,詔遣祕書中散溫紹伯奉璽書慰之,令自抑割以全孝道。

楊引,鄉郡襄垣人也。三歲喪父,爲叔所養。 母年九十三卒,引年七十五,哀毁過禮。

百餘 以散員之名。 三年服畢,恨不識 人上狀稱美。 父,追服斬衰,食粥粗服,誓終身命。 有司 奏宜旌賞,復其一 門,樹其純孝。 終十三年,哀慕不改,爲郡縣鄉閭三 韶別敕集書標楊引 至行,又可假

載,每忌日悲慟傍隣。 刺史呂壽恩列狀上聞,詔下州郡,表爲孝門,復其 離 親養,興言悲慕,母亦慈念,泣淚喪明。 閻 元明, 河東安邑人也。 昆弟雍和 少而至孝,行著鄉閭。 ,尊卑諧穆,安貧樂道,白首 元明悲號上訴,許 租 調兵役,令終母年。 太和五年,除北隨郡太守。 同 歸奉養。 歸 見其母,母 母亡,服終,心喪積 元明以違 目便開

叉 猗 氏 縣 人令狐仕,兄弟四人, 、早喪父,泣慕十載,奉養其母, 孝著鄉邑。 而力田積粟,

博施不已。

叉 河 東 郡 人楊風等七百五 一十人,列稱樂戶皇甫奴兄弟,雖沉屈兵伍而操尙彌高,奉 養

繼親甚著恭孝之稱。

叉 東 郡 小 黄縣 人董吐渾、兄養, 事親至孝,三世同居,閨門有禮。 景明初,畿內大使王

凝奏請標異, 韶從之。

吳悉達, 河 東聞喜 入也。 弟兄三人,年並幼 小,父母爲人所殺, 四 時號慕, 悲威 鄉隣

經 及 長報 過 必傾 仇 避 所 有。 地 百餘 永 安 每守 人詣 辛殯喪,私辦車牛,送終葬所。 昆 弟 稱頌 同 居四十餘載, 焉 刺 史以悉達兄弟行 閨門 和 睦,讓 隣 著 逸競 人狐 鄕 里, 勞。 貧窘困者,莫不解 板 雖 贈悉達父勃海 於 儉年糊饘不 衣 輟 太守。 繼 糧 賓 以 悉 客 相

達 賑 後 恤 欲 改葬,亡失墳墓,推 鄕 閭 五. 州 尋 弗 獲 號哭之聲晝夜不 止 叫訴 神 祇 忽於悉達足下 地陷

聞,標閭復役,以彰孝義。

父銘記

因遷

葬會祖已下三世

九

喪,

傾盡資業,不假

於

人,

哀

感毁悴,

有過初

喪。

有司

奏

於是 性 至孝,萬 弔 時 有齊州 贈盡禮, 里投 人崔 險 如 偷路 舊 承宗, 相 識 負喪還京師。 其父於宋世仕漢中,母 黃門侍 郎 喪,因殯彼。 孫惠蔚聞之曰「吾於斯 後青徐歸國,遂 人 見廉范之情矣。」 爲 隔 絕。 承宗

王續 生 一、祭陽 京 縣 人 也。 遭繼 母憂,居喪杖而後起。 及終禮制 ,鬢髮盡落。 有 司 奏聞,

世宗詔標旌門閭,甄其徭役。

李 顛 潁]]] 陽 翟 人 也。 父喪, 水漿不入口七日, 鬢髮 墮落, 形 體 枯 悴。 六年 廬於墓

列傳第七十四 孝威

側,哭不絕聲 ,殆於滅性。 州牧、高陽王雍以狀奏、靈太后詔表其門閭

張昇,榮陽人。 居父母喪,鬢髮墜落,水漿不入口,吐血數升。 詔表門閭。

倉跋, 滎陽京縣人也。 喪母,水漿不入口五日,吐血數升,居憂毀瘠,見稱州里。

奏聞,出帝詔標門閭。

茂,人莫能識。 年,陽夏風雹,所過之處,禽獸暴死,草木摧折。 有一小鳥,素質墨眸,形大如雀,栖於|崇廬,朝夕不去。 及過崇地,風雹如初。咸稱至行所感。 王崇,字乾邕,陽夏雍丘人也。 母亡,杖而後起,鬢髮墮落。 至冬中,復有烏巢於一景屋,乳養三子,毛羽成長,馴 未及葬,權殯宅西。 兄弟並以孝稱。 崇雖除服 至崇田畔,風雹便止,禾麥十頃,竟無損落, ,仍居墓側。 身勤稼穑,以養二親。 母喪始闋,復丁父憂,哀毁過禮。 崇廬於殯所,晝夜哭泣,鳩鴿羣 於其室前生草一 而不驚。 守令聞之,親自 仕梁州鎮南府 根, 莖葉甚 至。 是

臨視。

州以聞奏,標其門閭。

祖 父墓次,晨夕拜 郭 文恭,太原平遙人也。 跪。 跣足負土,培祖父二墓,寒暑竭力,積年不已,見者莫不哀歎。 仕爲太平縣 令。 年踰七十,父母喪亡。 文 恭孝慕罔極, 乃居 尙書

聞奏,標其門閭

典制,亦觀過而知仁矣。 卿之緒,籍禮敎以資;或出茅簷之下,非獎勸所得。 緒,其心一焉。 史臣曰:塞天 蓋上智禀自然之質,中庸有企及之義,及其成名,其美一也。 地而横四海者,唯孝而已矣。 然則始敦孝敬之方,終極哀思之道,厥亦多 乃有負土成墳, 致毁滅性, 雖乖先王之 趙琰等或出公

校勘記

魏書卷八十六 諫等後,是時正史已不完, 並 宗諫史目,與北史小異,高氏小史不載昇事迹。 业傳,與正· 史及諸書目次序前後不同,惟楊九齡經史目錄與小史同。 諸本目錄注「闕」。卷末有宋人校語殿本入考證云:「魏收書孝感傳亡,惟張昇事出 往往取小史爲據,故同之。」按此傳序與北史卷八四孝行傳序不同, 案小史孝感、節義、良吏、列女、閹官五傳 九齡撰錄皆在殷 仲藏、 敍 宗 目

列

傳第七

+

四

校勘記

八八八八

諸 北史序中

記 }魏 書 此 卷傳 目,全同今本,只張昇、倉跋先後互易。

ベニン 從者於路 作「偶」。 按文義作「偶」是,今據改。 偶得一羊 諸本及北史卷二四趙逸附趙琰傳「偶」都作「遇」,册府卷七九三九四一二頁

= 出為鄯 善無」。 善鎭將 按墓誌: 集釋有乞伏寶墓誌圖版二八四,即此乞伏保,誌稱「遷鄯善鎭將,以母憂解任」。 諸本及北史卷八四乞伏保傳「鄴善」作「無善」, 通志卷一六七乞伏保傳倒 鄯 作

州。 Ż, 鄯」字訛「無」,而 恒州的善無郡見卷一〇六上地形志上人所習知, 襄州 通志遂以 刺史任上,非南中

改 其 實善無並未立鎮。 今據墓誌改。 又墓誌記歷官較詳,保死在

郎將。

善鎭

() 展見:

本書。

元和

郡縣志卷三九鄯州條云:「後魏以西平郡爲鄯善鎭,孝昌二年,改鎮

爲 倒

文, 意為

立鄯

這裏

魏書卷八十七

列傳節義第七十五

于什門 段進 石文德 汲固 王玄威 婁提

劉渴侯 朱長生 于提 馬八龍 門文愛

晁清 劉侯仁 石祖興 邵洪哲 王榮世

胡小虎 孫道登 李几 張安祖 王閭

成仁,死而無悔,自非耿介苦心之人,鬱快激氣之士,亦何能若斯。 大義重於至聞自日人。〔三慕之者蓋希,行之者實寡。 至於輕生蹈節,臨難如歸,殺身 **僉列之傳,名節義云。**

字什門,代 人也。 太宗時爲謁者,使喻馮跋。 及至和龍,住外舍不入,使人謂跋

夫,策告宗廟,頒示天下,咸使聞也。 略盡,蟣虱被體。 旣 和 |什門曰:「馮主拜受詔,吾自以賓主致敬,何須苦見逼也」」與|跋往復,聲氣厲然, 二十四年, 龍,值 而跋止什門。 大魏皇帝 狂豎肆虐,勇志壯厲,不爲屈節,雖昔蘇武何以加之。」賜羊千口、帛千匹,進爲上大 [] 後<u>馮文</u>通上表稱臣,乃送什門歸。 有詔,須馮主出受,然後敢入。」跋使人牽逼令入,見跋不拜,跋令人按其項 什門於羣衆之中,回身背跋,被袴後襠以辱之。 跋遺以衣服,什門拒而不受。 和龍 拜治書侍御史。 人皆歎曰:「雖古烈士,無以過 旣見拘留,隨身衣裳敗壞 世 祖下詔曰:「什門奉使 初 不撓屈 也」歷

大駡,遂爲賊殺。 段進,不知何許人也。世祖初,爲白道守將。 世祖愍之,追贈安北將軍,賜爵顯美侯,諡曰莊。 蠕蠕大檀入塞,圍之,力屈被執。 進抗聲

祖 文德,刺史守令卒官者,制服送之。 **父苗以家財殯葬,持服三年,奉養宣妻二十餘載。及亡,又衰經斂祔,率禮無闕。** 石文德,河中蒲坂人也,四有行義。眞君初,縣令黃宣在任喪亡,宜單貧無期親,文德 五. 世 同居,閨 門 雍睦 自苗逮

又梁州上言天水白石縣人趙令安、孟蘭彊等,四世同居,行著州里。 詔並標牓門閭。

生始 乃攜 徑來 憲逃遁, 文 滿月,式 汲 城 固 ,於式婦閨 東郡梁城 大言於 遇赦始 抱憲 衆 人也。 歸。 曰:「程嬰、杵臼 歸藏之。 憲 爲兗州從事。 卽 爲 固長育至十餘歲,恒 及捕者收憲,屬有一 何 如人也」固 刺史李式坐事被收,吏民皆送至河上。 曰:「今古豈殊。」遂便潛還,不復 呼固夫婦爲郎婆。 婢產 男,母以婢兒授之。 後高祐為兗州 事 時式子憲 尋 泄 回 ·顧, 刺 固

史,嘉

固

節

義,以爲主簿。

荷頽 除 謂 威 日 臣 不 子 勝 以 王 韶送白 悲 事 玄威,恒農北陝人也。 同 慕,中 例 表 い無所 聞 紬袴褶 心 詔 求 知此,不知禮式。」詔問玄威欲 令問 謁。」及至百日 具,與玄威釋服 狀,玄威 顯 稱『先帝統御萬國,慈澤被於蒼生, 祖崩,玄威立草廬於州城門外,衰裳蔬粥,哭踴無時。 ,乃自竭家財,設 ,下州令表 有所訴,聽為 異焉 四百 人齋會, 表 列。 忌 日, 玄威 含氣之類莫不 又設百僧供。 云 「聞諱悲 仰 賴,玄 號 至 刺 育竊 大 史

佩 刀 自刺 婁提, 幾至 代人 於死。 也。 顯加 文明 時爲 太后詔賜帛二百匹。 内三郎。 顯 祖 暴崩, 提謂 人曰:「聖主升遐,安用活爲 上遂引

時 有 敕勒部 人蛭拔寅兄地于,坐盜食官馬,依制命死。 拔寅自誣己殺,兄又云實非弟

殺,兄弟爭死,辭不能定。高祖詔原之。

爵 瞋 五等男。 目大駡,終不降屈,爲賊所殺。 有嚴季者,亦爲軍校尉,與渴侯同殿,勢窮被執,終不降屈,後得逃還。除立節將軍,賜 劉 渴 侯,不知何許人也。 禀性剛烈。 高祖贈立忠將軍、平州刺史、上庸侯,賜絹千匹、穀千斛。 太和中,爲徐州後軍,以力死戰,衆寡不敵,遂禽。

于提瞋 衆 實 禮 高 待。 車主 不拜 奪長生等獻物,囚之叢石之中,兵脅之曰:「汝能爲我臣則活,如其不降,殺汝」長 朱 長 阿伏至羅責長生等拜,長生拒之曰:「我天子使,安肯拜下土諸侯」阿伏至羅乃不以 長生及于提,並代人也。高祖時,以長生爲員外散騎常侍,與提俱使高車。 目厲聲責 呼出 生 以金銀寶器奉之,至羅旣受獻,長生曰:「爲臣內附,宜盡臣禮,何得 帳,命衆中拜。 之曰「豈有天子使人拜汝夷,我寧爲魏鬼,不爲汝臣」至羅彌怒,絕其飲 阿伏至羅慚其臣下,大怒曰:「帳中何不教我拜, 而辱我於大 口云 至其庭, 一再拜而 生 與

從行者三十人皆降,至羅乃給以肉酪,惟長生與提不從,乃各分徙之。

積三歲,乃得

還。 高 祖 以 長生等守節遠同蘇武, 甚嘉之, 拜長生河內太守,于提隴西太守,並賜爵五等

男。從者皆爲令長。

屍而 歸,以家財殯葬,爲制總服。 馬 八龍, 武邑武强人也。 輕財重義。 撫 其 孤遺,恩如所生。 友人武遂縣尹靈哲在軍 州 郡表列,詔表門閭 喪亡, 八龍聞即 奔赴,負

愛居喪,持服六年,哀毁骨立。 門文愛,汲郡 山陽人也。 早孤, 鄉人魏中賢等相 供養伯父母以孝謹聞。 與標其孝 義 伯父亡,服未終,伯母又亡。 文

攻圍,糧盡城陷,淸抗節不屈,爲賊所殺。 晁清,遼東 人也。 祖暉,濟州刺史、潁 川公。 世宗褒美,贈樂陵太守,諡曰忠。 清襲祖爵,例降 爲伯。 爲梁城 子榮賓襲 成將。 蕭 衍

重 加購募,又嚴其捶撻,侯仁終無漏泄,朏遂免禍。 劉侯仁,豫州 人也。 城 人白早生殺 刺 史司 馬悅, 事寧,有司奏其操行,請免府籍,敍一小 據城南 叛。 悦息朏,走投侯仁。 賊

列傳第七十五 節義

縣,詔

可

喪事 義,請加贈諡,以獎來者,靈太后令如所奏。 石 祖 州郡表列, 興,常山九門人也。 高祖嘉之, 賜爵二 太守田文彪、縣令和眞等喪亡、祖興自出家絹二百餘匹,營護 級,爲上造。 有司諡 後拜寧陵令, 日 恭 卒。 吏部尚書李韶奏其節

洪哲兄伯川復率鄉人來相迎接,送達幽州。 師,明申曲直。 經公府,訟道榮非勳, 邵洪哲,上谷沮陽 經歷寒暑, 道榮坐除名。 人也。 不憚劬勞, 縣令范道榮先自胸城歸款以除縣 羇旅 道榮卒得復雪。 孤貧,不能 道榮咸其誠節,訴省申 自理。 叉北 鎭反亂,道榮孤單, 洪哲不勝義憤,遂代道榮詣京 令, 至 道樂鄉 聞。 詔下州郡, 人徐孔 無所歸附。 標其 明,妄 里

庫, 爲伯,贈齊州刺史,元興開國子,贈洛州刺史。 後殺妻妾。 王榮世,陽平館陶人也。 及賊陷城, 與戊 爲三城戍主、方城縣子。 副鄧元興等俱以不屈被害。 蕭衍 攻圍,力窮 肅宗下詔褒美忠節,進榮世爵 知不可 全,乃 先焚府

等寇邊, 胡 小虎, 益州 河南 刺史邴虬遣長史和安固守小劍,文熾圍之。 河陰人也。 少有武氣。 正光末,爲統軍於晉壽。 虬命小虎與統軍崔珍寶 孝昌中,蕭衍將樊文熾 同 往 防

强盛,北救不來,豈若歸款,取其富貴。」和安命射之,乃退。 文熾掩襲小虎、珍寶,並擒之。 文熾攻小劍未陷,乃將珍寶至城下,使謂和安曰:「南軍 復逼小虎與和安交言,小虎乃

慷慨謂安曰:「我栅不防,爲賊所虜。 觀其兵士,勢不足言,努力堅守。 魏行臺傳梁州遣將

其次將蕭世澄、陳文緒等一十一人。行臺魏子建壯其氣概,啓以世澄購其屍柩, 已至。」 [6] 賊以刀毆擊,言不得終,遂害之。 三軍無不歎其壯節,哀其死亡。 **贼尋奔敗**, 乃獲骸骨

歸葬。

降 鄉曲。道燈厲聲唱呼:「但當努力,賊無所能。」賊遂屠戮之。 孫道登,彭城呂縣人也。 永安初,爲蕭衍將韋休等所虜,面縛臨刃, 巡遠村塢, 令其招

並賜五品郡、五等子爵、聽子弟承襲。遣使詣所在弔祭。 女等大言:「天軍垂至,堅守莫降。」賊忿,各刳其腹,然後斬首。二州表其節義,道登等 又荆州被圍,行臺宗靈恩遣使宗女等四人入城曉喻,為賊將所獲,執女等巡城,令其改

一八九六

李几,博陵安平人也。 七世共居同財,家有二十二房,一百九十八 口,長幼濟濟, 風 禮

著聞,至於作役,卑幼競進。鄉里嗟美,標其門閭。

營作, 斂殯周 逢天寒甚,遂凍死路 張安祖,河陽 給。 人也。 朝 野嘉 側 歎。 襲世爵山北侯。 子年幼,停屍門巷,棺斂 尙 書聞奏,標其門閭 時有元承貴,曾爲河陽 無 託。 安祖悲哭盡 令, 家貧, 禮, 買木爲棺,手自 且赴尚書求選,

並 共 、財産 王閭,北海 一,家 門雍 密 睦。 人也。 鄕 里敬異。 數世同居,有百 有司申奏, 口。 皆標門閭 又太山劉業興四世同居,魯郡蓋儁六世同

其 小則損 史臣 己 日一于什門等或臨危不撓,視死 利物。 故其盛烈所著,與河海而爭流, 如歸; 或赴險 峻節所標, 如夷, 惟義所在。 共松栢而 俱茂。 其大 則光國隆家, 並蹈履之所

校勘記

致,身殁名立, 豈徒然哉。

魏書卷八十七 諸本目錄此卷注「闕」,卷末附宋人校語殿本入考證云:「魏收書節義傳亡。」按傳

序與北史卷八五號義傳序不同,當自 原序 删 節。諸傳中只于什門傳稍詳於北史,王玄威傳所載

詔書有溢出北史所載的文句,其他諸傳偶有 原文也必甚簡略。 此卷多數傳文全同北史, 一二字溢出,大抵全同北史。 或由於所據的史鈔和北史都是直錄魏書, 諸人事迹本無可述, 非必以

北史補

大義重於至聞自日人 殿本考證云:「首九字訛舛,不可推尋。」

= 歷二十四年 通鑑卷一二二三八五三頁記 于什門還魏於元嘉十一年魏延和三年(四三四),「二十四」

作「二十一」。考異云:「後魏本紀卷三神瑞元年四一四八月遣于什門招諭馮跋,至此年二十一年 矣。若二十四年,乃在太延三年,而太延二年馮氏亡矣。」按傳稱「馮文通上表稱臣,乃送什門

歸一, 卷四上世祖紀上延和三年三月記「文通遣尚書高顒上表稱藩」,故通鑑置於是年。疑「二

十四」當作「二十一」。

29 非一中」爲「東」字之訛,則「河中蒲坂」爲「中山蒲陰」之訛 無「河中」郡名。卷一〇六上地形志上定州北平郡有瀋陰縣,北平郡乃孝昌二年分中山置。 河中蒲坂人也 北史卷八五石文德傳「河中蒲坂」作「中山蒲陰」。按蒲坂自來屬 河東郡,魏也 若

Ħ. 縣令范道榮先自朐城歸款以除縣令 諸本「朐」作「眴」、北史卷八五邵洪哲傳作「朐」。 一八九七 册府卷

列

傅 第

七 + 五

校

勘

記

一三八一六六六頁、卷八〇三九五四八頁並作「朐」。按「駒城歸款」事見卷八世宗紀永平四年四月、

卷四七盧淵附盧昶傳、卷九八蕭衍傳、「朐城」亦作「朐山」。「眴」「朐」都是「朐」之訛、今據改。

八 六 山 魏行臺傳梁州遣將已至 「傳」作「傅」,胡注:「傅梁州,豎眼。」按事在孝昌元年,卷七〇傅豎眼傳、卷九八蕭衍傳, 册府卷三七二四四二七頁「傳」下有「檄」字。 通鑑卷一五〇四七〇〇頁 豎眼此

秦、「傅豎眼子敬和以爲愧」,則行臺傳檄,命梁州遣將亦可通。 時正是梁州刺史了傳」當是「傳」之訛。但卷一〇四自序,稱魏子建以行臺節度梁、巴、二益、兩 今仍之。

魏書卷八十八

列傳良吏第七十六

張恂 鹿生 張應日 宋世景 路邕 閻慶胤

杜纂 裴佗 竇瑗 羊敦 蘇淑

軌,時多奉法。 問難高;適時應務,招響必速。是故搏擊爲侯,起不旋踵;儒弱貽咎,錄用無時。 於移風革俗之美,浮虎還珠之政,九州百郡,無所聞焉。 允,雖動貽大戮,而貪虐未悛,亦由網漏吞舟,時挂一目。 魏初拓中州,兼幷疆域,河南、關右,遺黎未純,擁節分符,多出豐沛。 於前世矣。後之爲吏,與世沉浮,季叔澆瀉,姦巧多緒,所以庸、密無爲之化,難見其人。 罷侯置守,歷年永久,統以方牧,仍世相循,所以寬猛爲用,庇民調俗。 世宗優遊而治,寬政遂往,太和之風,頗以陵替。 高祖肅明綱紀,賞罰必行,肇革 且書其爲時 肅宗馭 所 政術治風, 稱 運,天下淆然,其 但廉平常迹,聲 者, 以著良 此則已然 未能咸 吏 有

一八九九

列傳

第七十

六

良

吏

云爾。

恂開 夫。 下, 將軍,賜爵平臯子。 異,厚加禮焉。 明積聖, 劉石紛紜,慕容竊號山 百姓親愛之,其治爲當時第 神瑞三年卒,年六十九。 建學校, 張恂,字洪讓,上谷沮陽人也。 自北而南,化被燕趙。今中土遺民,望雲冀潤。 優顯儒士。 皇始初,拜中書侍郎,幃幄密謀,頗預參議。 出爲廣平太守。 東, 吏民歌詠之。 |苻姚盜器|秦隴,遂使三靈乏響,九域曠君。 恂性清儉,不營產業, 0 隨兄袞歸國,參代王軍事。 太祖聞 怕招集離散,勸課農桑,民歸之者千戶。 於時喪亂之後,罕能克厲,惟恂當官清白, 而嘉歎。 身死之日, 太宗卽位, 宜因斯會, 從將軍 恂言於太祖曰:「金運失御, 家無餘財。 賜帛三百匹,徵拜太中大 奚牧略地晉川,拜鎭遠 以建大業。」太祖深器 大王樹基玄朔,重 太宗悼惜之,贈 遷常山太守。 仁恕臨

征虜將軍、幷州刺史、平臯侯、諡 日宣

子純,字道尚,襲爵。 鎭遠將軍、平臯子。 坐事

純弟代,字定燕。 陳留、北平二郡太守。 卒,贈冠軍將軍、 營州刺史, 諡曰惠侯。

歷著淸稱,有父之遺風

代子長年,中書博士。 出爲寧遠將軍、 汝南太守。 有郡民劉崇之兄弟分析,家貧惟有

得 牛,爭之不決,訟於 一,豈有訟理。」卽以家牛 、郡庭。 一頭 長年見之,悽然曰:「汝曹當以一牛,故致此競,脫有二牛,各應 、賜之。 於是郡境之中各相誠約, 咸敦敬讓。 太和初,卒

子略,武定中,左光祿大夫。 子琛,字寶貴,少有孝行。 歷武騎常侍、羽林監、太子翊軍校尉。 於家。

安南二府長史,帶淮陽太守、郯城鎭將。 且,蒲博終朝,頗廢農業。 能,特徵赴季秋馬射,賜以驄馬,加以靑服,彰其廉潔。 鹿生, 濟陰 乘氏人。父壽興,沮渠牧犍庫部郎。 生立制斷之, 聞者嗟善。 年七十四,正始中卒。 後歷徐州任城王澄、廣陵侯元衍 前後 生再為濟南太守,有治稱。 在任十年。時三齊始附,人懷苟 追贈龍驤將軍、兗州刺 顯祖嘉 征 其

高祖深嘉其能,遷京兆太守。所在清白,得吏民之忻心焉。 張應,不知何許人。 延興中、為魯郡太守。 應履行貞素, 聲績著聞。 妻子樵采以自供。

宋世景,廣平人,河南尹翻之第三弟也。 少自修立,事親以孝聞。 與弟道璵下帷誦讀

列

博覽羣言,尤精 |参軍。 **勰愛其才學,雅相器敬。** 經義。 族兄弁甚重之。 高祖亦嘉之。遷司徒法曹行參軍 舉秀才,對策上第 拜國子助教,遷彭城王勰開府法

宗曰:「朕亦聞之。」尚書令、廣陽王嘉,右僕射高肇,吏部尚書、中山王英共薦世景爲國子博 莫不咸允。 世景精識,尚書僕射才也。」臺中疑事,右僕射高肇常以委之。世景既才長從政, 「宋世景文武才略,當今寡儔,清平忠直,亦少其比。陛下若任之以機要,終不減|李沖也。」世 不怠,兼領數曹,深著稱績。 尋薦爲尚書右丞。 世景明刑理,著律令,裁決疑獄,剖判如流。 遷徙七鎮,别置諸戍,明設亭候,以備北虜。 懷大相委重。 王顯與宋弁有隙,毁之於世宗,故事寢不報 頻爲左僕射源懷引爲行臺郎。巡察州鎮十有餘所, 轉尚書祠部郎。 彭城王勰每稱之曰:「宋 還而薦之於世宗曰: 加之夙勤 黜陟賞罰

來者. 嘗有一吏,休滿還郡,食人鷄豚,又有一幹,受人一帽,又食二鷄。世景叱之曰,汝何敢食甲 問,今日之後,終不相捨。」而遠慶行意自若。 畏威,莫不 多所受納,百姓患之。 無不 尋加伏波將軍, ·盡其情抱,皆假之恩顔,屏人密語。 ·改肅。 終日坐於廳事,未嘗寢息。 行榮陽太守。 世景下車,召而謂之曰:「與卿親,宜假借。 鄭氏豪横, 民間 世景繩之以法,遠慶懼,棄官亡走。 縣史、三正及諸 號爲難治。 之事,巨細 濟州刺史鄭尚弟遠慶先爲苑陵 必知, 細民,至卽 發姦摘伏, 吾未 見之,無早晚之節 至之前, 有若神明。 於是僚屬 一不相

乙鷄豚,取丙丁之帽!吏幹叩頭伏罪。 於是上下震悚,莫敢犯禁。 坐弟道璵事除名。

世景友于之性,過絕於人,及道璵死,哭之哀切,酸感行路,形容毁悴,見者莫不歎愍。

歲餘,母喪,遂不勝哀而卒。 世景嘗撰晉書,竟未得就。

間,爲文弔嵇康,甚有理致。 子季儒, 遺腹生。 弱冠,太守崔楷辟爲功曹,起家太學博士、明威將軍。 後夜寢,室壞壓殞,年二十五,時人咸傷惜之。 曾至譙宋之

民以獲濟。雖古之良守,何以尙茲。 政淸勤,善綏民俗。比經年儉,郡內饑饉,羣庶嗷嗷,將就溝壑,而爲自出家栗,賑賜貧窘, 一具。班宣州鎭,咸使聞知。」邕以善治民,稍遷至南靑州刺史而卒。 路邕,陽平淸淵人。世宗時,積功勞,除齊州東魏郡太守,有惠政。 宜見霑錫,以垂獎勸。 可賜龍厩馬一匹、衣一襲、被褥 靈太后詔曰:「邕莅

賚,無以厲彼貪殘。 歲常以家粟千石賑恤貧窮,民賴以濟。其部民楊寶龍等一千餘人,申訟美政。 「案慶胤自莅此郡,惠政有聞,又能自以己粟贍恤饑饉,乃有子愛百姓之義。 閻慶胤,不知何許人。三為東秦州敷城太守。 又案齊州東魏郡太守路邕,在郡治能與之相埓,語其分瞻又亦不殊,而 在政五年,清勤厲俗。 頻年饑饉,慶胤 如不少加優 有司奏曰:

列傳第

優隆 賜 以衣馬,求情卽理,謂合同賞。」靈太后卒無褒賞焉。

必須 功。」 軌宜 殊,佐治 堂, 運 授,是副 重 且文武 聖明 何 親自黜陟,授亮勇武將軍。 兼 世宗日 明 惜 在 用武、然後遠人始平、卿但用武平之,何患不得 ·亮,字文德,平原人。 [三] 性方厚,有識幹。 兩,乃能制 又殊,請更改授。」世宗曰:「今依勞行賞,不論淸濁,卿何得乃復以淸濁爲辭」,亮曰: 19 言。 所輕。」世宗笑曰:「卿欲爲朕拓定江表,揃平蕭衍,揃平拓定,非勇武莫可。 上,清濁故分。 方爲 也。 . ``「謀勇二事,體本相須。 陛下授命前驅,拓定吳會。 辭勇及武,自相矛盾。」亮曰: 卿 勝, 何得獨欲乖衆,妄相淸濁。 何得 臣旣屬聖明,是以敢啓。」世宗曰:「九流之內,人咸君子,雖文武號 云偏須運籌 亮進曰:「臣本官常侍,是第三清。今授臣勇武, 其號至濁 若勇而 而 不 官爵陛下之所輕,賤命微臣之所重,陛 ·復假勇乎。]亮曰:「請改授平遠將 無謀,則 「臣欲仰禀聖規,運籌而定,何假勇武, 所請未可,但依前授。」亮曰:「今江左未賓,書 自給事中歷員外常侍。 勇不 平遠也。」亮乃陳謝 獨舉;若謀 而 無勇, 而 延昌中,世宗臨朝 退。 則謀 軍 。」世宗曰: 下方收所 不 方乃成 今之所 ·孤行

守,爲治如前,譽宣遠近。 後除陽平 太守,清白 愛民,甚有惠政,聲績 二郡民吏,迄今追思之。卒孝昌初,贈左將軍、南靑州刺史。 之美,顯著當 時。 朝 廷 嘉 其 風 化。 轉汲郡太

亮,密同 初, 熙謀。 亮之在陽平,屬 熙敗,亮詭其使辭,由是徽音獲免。〔四〕二年,詔追前效,重贈平東將軍、濟州 相州刺史、中山王熙起兵討元叉。 時幷州刺史城陽王徽亦遣使詣

刺史,拜其子希遠奉朝請。

亮從弟遠,儀同開府從事中郎。

杜纂,字榮孫,常山九門人也。 少以清苦自立。 時縣令齊羅喪亡,無親屬收瘞,纂以私

財 殯 公葬。 由是郡縣標其門閭。後居父喪盡禮。 郡舉 孝廉,補豫州司 土

守。 虎賁 陵戍主。延昌中, 約,尤愛貧老,至能問民疾苦,對之泣涕。 散之知友。時人稱之。又詣赭陽、武陰二郡,〔云〕課種公田,隨供 陵安慰初附,賑給田廩。 征新野,除騎都尉。 中郎將,領太倉令。 正始中,遷漢陽太守,並以清白爲名。又隨都督楊椿等詣南秦軍前,招慰逆氐。 稍除積弩將軍。 京師儉,敕纂監京倉賑給民廩。肅宗初,拜征虜將軍、淸河內史。 又從駕壽春,敕纂緣淮慰勞。 領衆詣淮,迎降民楊箱等。 遭母憂去職。久之,除伏波將軍,復爲太倉令。 從征新野,及南陽平,以功賜爵井陘男,賞帛五 勸督農桑,親自檢視,勤者賞以物帛,惰者加以罪 修立楚鎮,超納山蠻李天保等五 豫州刺史田益宗率戶 軍 費。 , 歸國,[吾] 使<u>纂</u>詣廣 百匹。 尋除寧遠將軍、陰 除南秦州武都太 數日之中, 白 戶。 還,除 性儉 從

列

譴。 弔 死 問 生 一。甚有 恩紀。 還,以本將軍除 東益州刺史。 無御邊威略,羣氐反叛。 以 失 民

和 徵 還。 遷 太 府 少卿、除平陽太守、後將軍、太中 大夫

樂 以 遂 郡 以 降 正 纂 |榮。 光 爲 末 清河 常 榮 令纂 山 元太守。 人房通等三百人頌纂 入信都慰喻,都督李瑾 至 郡 未幾,榮 滅。 德政,乞重 定州 一欲斬,刺 刺史薛曇尚 臨 史元字德纂, 郡。 詔 以纂老舊, 許之。 還。 孝昌 出, 令護博陵、鉅 中,爲葛榮圍 叉 勸 樂 以 鹿 水 逼 灌 郡, 城,

良 守。 纂 永 所 熙 歷 中 任 好 贈 平北將軍、殷州 行 小惠,蔬 食弊衣,多涉誣 刺 史。 天平四年,重贈本將軍 嬌,而 輕財潔己,終 、定州 無受納, 刺 史。 爲百 姓所思, 號爲

纂

以

疾

辭

少

時

卒於

裴 佗 字元 化 河東聞喜人。 其先因 [晉亂避 地 涼州 苻 堅平河 西 「東歸」 桑梓,因居解

焉。 父景,惠州别駕。

常 河 除 侍 東 中 書 郡 忙 中 容 事 博 正 貌 土 如故。 魁偉 所 轉 在 司 有 轉司 隤 徒 稱 参軍 然 績 州治中,以風 有 器望。 還,拜 司空記室、 尙 少治春秋 書考 聞 揚州 爲御 功 郞 杜氏、毛詩、 任 史所 中 城 王 彈, 河 澄 東 尋 開 邑 周易 府 會赦発 中 倉 正 曹 , 並 参 世宗 舉 轉征 軍 其 Ō 八宗致。 房將軍 親 入 臨 爲 朝堂, 尙 一、中散 舉秀才, 書 倉部 拜 大 員 鄎 夫。 以 外 中,行 散 高 爲 騎 第

荆州刺史,郡民戀仰,傾境餞送,至今追思之。 萬餘家,恃衆阻險,不賓王命,前後牧守雖屢征討,未能降款。 趙郡太守,爲治有方,威惠甚著,猾吏姦民莫不改肅。 福。 敬宗等聞佗宿德,相率歸附。 尋加撫軍將軍,又遷中軍將軍。 於是闔境清晏,寇盜寢息,邊民懷之,襁負而至者千餘 在州數載,以疾乞還。 尋加平南將軍。 所得俸祿,分恤貧窮。 永安二年卒。 佗至州,單使宣慰,示以 遺令不聽請贈 轉前將軍、東 禍

不受賻襚。諸子皆遵行之。

步,又無田園。暑不張蓋,寒不衣裘,其貞儉若此。六子。 佗性剛直,不好俗人交游,其投分者必當時名勝。 清白任真,不事家產,宅不過三十

讓之,字士禮。武定末,中書侍郎。

讓之弟諏之,字士正,早有才學。司徒記室參軍。天平末,入於關西。

守,子孫遂家焉。曾祖堪,慕容氏漁陽太守。祖表,馮文通成周太守,入國。父問,舉秀才, 竇瑗,字世珍,遼西遼陽人。〔¹³自言本扶風平陵人,漢大將軍竇武之曾孫崇爲遼西太

瑗年十七,便荷帙從師。 普泰初,暖啓以身階級爲父請贈、詔贈征虜將軍、平州刺史。 遊學十載,始爲御史。轉奉朝請、兼太常博士,拜大將軍、太

列傳

第七

散 戶 原王 騎 一介朱 常 後 除 侍。 樂官, 征 虜將 暖 以 因 拜 軍 是爲 榮官 通 樂所 直 , 散 賞 か 知, 騎 新 常侍, 昌 逐表 男。 留瑗為北道大行臺 仍 因 左 從 丞。 樂 東討葛榮, 暖乞以容城伯 左丞。 事 平 讓兄叔珍, , 封容城縣 以 軍 功 賜 詔 開 爵 聽以新昌男轉 國 陽洛男,除 伯 食邑 員 五 外 百

昇、給事 終始 禁內 之, 祿 爲 約 祿 大夫。 牧 齊 大 叔珍 守 夫。 獻 全 **介朱** 奏 令 潔 武 黄門侍 由是位 日: 尋除 敷 世隆等立 長 王 奏 丞 轉 \neg 稱 中 侃 天 相 廣 瑗 郎 至 宗 人之望, 府 Щ 然,前廢帝 太山 政績 魏季景、通直 太守, 太守, 長 右 長 廣 太守。 王曄爲 史。 以 皆 加 治 爲 征 甚 有 在 勸 暖 重之。 東 廣 清 一散騎 主, 無 厲 將 陵, 白 軍 焉。 南赴洛陽。 軍 之稱。 府 常侍李業興,並 願 0 出 斷 後 帝 行 聲 割之才 授 堯舜 時, 譽甚美, 使持節 廣宗民 爲 之 至 、不不 廷尉 事。」 東郭外,世隆等遺暖奏廢之。 情凶 爲 爲 本 甚 吏民 卿。 曄遂 稱 將 摘 戾, 職 軍 句。 所懷 及 一、平州 禪 前 釋 焉。 叉行 後 天 **奠開講,瑗** 平 累政 刺 及 晉州 中, 由 史。 齊獻 咸 是除征南將軍 除鎭 見 在 武 告 州 與散騎常 東將 王 訟。 政 班 暖執鞭獨 如 書州 軍、 惟 治 、金紫光 瑗 侍 金紫光 郡 溫 , 誠 入 叉

旣還京師,上表曰:

象巍巍,乃大舜之事;政道郁郁 臣 在 平 州 之日 ,蒙班 麟趾新 ,亦隆周之軌 制 卽 依 朝 命 宣 故 示,所 元首股肱 部 士 庶忻仰有 可否相 濟 若 三章 聲 教 之聞 臣 聞 於 法

此爲證。 伏惟陛下應圖臨宇,握紀承天,克構洪基,會昌寶歷,式張琴瑟,且調宮羽,去

甚删 泰,革弊遷澆,俾高祖之德不墜於地。畫一旣歌,萬國歡

門。 父 而 自謂不告父爲與殺,謂王爲讎,皆非禮,春秋譏焉。斯蓋門外之治,以義斷恩,知君殺 爲王 見其直。未必指母殺父止子不言也。若父殺母,乃是夫殺妻,母卑於父,此子不告是 且 如 「吾與殺吾父,行將焉入!」曰:「臣乎?」曰:「殺父事讎,吾不忍。」乃縊而死。 注云:棄疾 也。而母殺父,不聽子告,臣誠下愚,輒以爲惑。昔楚康王欲殺令尹子南,其子棄疾 ·不赦。下手之日,母恩卽離,仍以母道不告,鄙臣所以致惑。 其已殺,宜聽告官。今母殺父而子不告,便是知母而不知父。 識比野人,義近禽獸。 母之於父,作合移天,旣殺己之天,復殺子之天,二天頓毁,豈容頓默!此母之罪,義 |御士而上告焉。〔<〕對曰:「泄命重刑,臣不爲也。」王遂殺子南。 子不告,是也。母之於父,同在門內,恩無可掩,義無斷割。 蓋謂父母、祖父母,小者攘羊,甚者殺害之類,恩須相隱,律抑不言。法理如是,足 何者?案律,子孫告父母、祖父母者死。又漢宣云:子匿父母,孫匿大父母,皆勿 臣伏讀至三公曹第六十六條,母殺其父,子不得告,告者死。 知母將殺,理應告父, 再三返覆之,未得其 其徒曰:「行乎?」

今聖化淳洽,穆如韶夏,食椹懷音,梟鏡猶變,況承風禀敎,識善知惡之民哉。脫

列

下 父 必 一欲行 一而 患 不 已,至情可 之。 移 事在言 譁,以明明 且君、父一也。 見。 .外,如或有之,可臨時議罪,何用豫制斯條,用爲訓 大朝, 竊惟聖主有作,明賢贊成,光國寧民,厥用爲大,非下走頑蔽所 父者子之天,被殺事重,宜附「父謀反大逆子得告」之條。 有尊母 卑父之論。以臣管見,實所不取。 如在淳風厚俗, 誠恐千載之

其父, 莊 詔 陷 明 痛 同 無 公元 罪 氣 深 付 多 讎 諱。 異 尙 能 子復 八息,終 年,不 矣。 書 疾 上 告列 測 ,三公郎封君義立判云:「身體髮膚,受之父母,生我勞悴,續莫大焉。子於父母, 期 告 而 惡之甚 日,母 稱卽位,文姜出故。服虔注云:『文姜通兄齊襄,與殺 天 之理。 中練, 但受恩深重,輒獻瞽言,儻蒙收察,乞付評議。 靡報,在情一也。 者, 由 思慕少殺,念至於母。 告死,便是子殺。 年 且聖人設法 殺父害君, 謂 改。」暖 所 今忽欲論其尊卑,辨其優劣,推心未忍,訪古無據。 著之律令, 以防 天下未有無母之國,不知 難云 淫禁暴,極言善惡,使知 故經書:三月夫人遜於齊。』旣有念母深諱 百 王罔革。 此制何嫌,獨求削去。 公而 此子將欲 而 避之。 不反。父殺 若臨 何之!案 事議 旣於法 母 之文, 深春秋, 刑,則 出,隱 母殺 無

劣,推心未忍,訪古無據。」暖以爲過曰:「天尊地卑,乾坤定矣。」又曰:「乾天也,故稱 尋 局 圳 云 子 於 父 母 同 氣異 息, 終天 、靡報,在情一 也。 今欲 論 其尊· 卑,辨其優 違

事

非

(害,)宣

布

有

不

宜

復

父;坤地也,故稱母。」又曰:乾爲天,爲父;坤爲地,爲母。 禮喪服經曰:爲父斬衰三年,

爲母齊衰期。尊卑優劣,顯在典章,何言訪古無據。

子將欲何之」[暖案典律,未聞母殺其父而子有隱母之義。 下豈有無父之國,此子獨得有所之乎! 局判云:「母殺其父,子復告母,母由告死,便是子殺。 天下未有無母之國,不知此 旣不告母,便是與殺父,天

於齊。 襄,與殺公而不反。父殺母出,隱痛深諱,期而中練,思慕少殺,念至於母。 父憂少衰,始念於母,略書「夫人遜於齊」。是內諱出奔,猶爲罪文。 傳曰:「不稱姜氏, 父爲齊所殺,而母與之。隱痛父死,深諱母出,故不稱卽位。 非爲諱母與殺也。是以下 月夫人遜於齊。』旣有念母深諱之文,明無讎疾告列之理。」暖尋注義,隱痛深諱者,以 絕 絕不為 文以義絕,其罪不爲與殺明矣。〔己公羊傳曰:「君殺,子不言卽位,隱之也。」期而 !有罪,故曰禮也。」以大義絕有罪,得禮之衷,明有讎疾告列之理。 但養秋桓、莊之 局判又云:「案春秋,莊公元年,不稱卽位,文姜出故。服虔注云:『文姜通於兄齊 是時 親,禮也。」注云:「夫人有與殺桓之罪,絕不爲親,得尊父之義。善莊公思大義, 大國,通于文姜,魯公謫之。文姜以告齊襄,使公子彭生殺之。魯旣弱小而懼 天子衰微,又無賢霸,故不敢讎之,又不敢告列,惟得告於齊曰:「無所歸 。故經書:三 中練,

列傳

第

七十

六

良吏

一 九 一

咎 一, 惡 於 諸 侯,請以公子彭生除之。」齊人殺公子彭生。 案郎此斷,雖有援引,即以情推

理,尚未遣惑。

事遂停寢。

疾。 官 除 大宗正 雖 通 題,貧 卿,尋加衞將軍。 奢 如 初, 清尙 宗室以其寒士,相與輕之。 之操,爲時所重 領本州大中正, 暖案法推治,無所顧避,甚見讎 以本官兼廷尉卿,卒官

贈本將軍、太僕卿、濟州刺史,諡曰明。

嚴。 贈 至, 撫 事 办 都 卿 軍 ,除給事 使 督 長 朝 羊 轉 人 徐 史。 敦, 廷 衞 外 兗 以 字元 將軍、 中。 尋 其 永安 陂 州 淸 禮,太山鉅平人,梁州刺史祉弟子也。 出 澤, 廣平 諸 白 中, 爲 軍 賜 採 轉 本 太守。 事 穀 州 藕 廷 衞 尉 别 根 ___ 駕。 千 大 而 司 治有能· 將 斛 食之。 直,不拜。 絹 軍 公平正 名,姦 吏 一百匹。 遇有 部 直, 拜洛陽 尙 序疾苦, 吏 書、兗州 見有 跼 興 蹐, 今。 和 非法,敦終不判署。 家 秋毫 初卒, 人解 刺 後爲鎭南將軍、金紫光祿 史, 性尙閑素,學涉書史。 無犯。 衣質 年五 諡 日 米 + = ; 貞。 雅性清儉,屬 以 供之。 後爲尚 吏民奔哭, 莫不悲慟。 然其爲治, 書左侍郎、徐 歲 以父 饑饉,家 大夫,遷太府 靈引死王 亦尙 餽 威 州 未

武定初,齊獻武王以敦及中山太守蘇淑在官奉法,清約自居, 宜見追褒,以厲 天下,乃

敦、故 先後凋亡,朝野傷悼。 上 言請加旌錄。 中山太守蘇淑,並器業和隱,幹用貞濟,善政聞國,淸譽在民。 詔曰:「昔五袴興謠, 追旌淸德,蓋惟舊章,可各賞帛一百匹、穀五百斛,班下郡國,咸使 兩歧致詠, 皆由仁覃千里,化洽一邦。 方藉 良才, 故廣平太守羊 **遂登** 高

子隱,武定末,開府行參軍。

聞

知。

譽。 郡 邕 轉太學博士、厲威將軍、員外散騎侍郎。 加 於 太守,賜爵晉陽男。及壽興將卒,遂冒養淑爲子。 郡 執 中 皆爲 始逕 齊獻 軍 刺 逃還京師。 蘇淑,字仲和,武邑人也。立性敦謹,頗涉經傳。兄壽興,坐事爲閹官。 將 史元嶷據城起義,淑贊成其事。 吏民所思, 武 軍、司 二周,謝病乞解,有詔聽之,民吏老幼訴乞淑者甚衆。後歷滎陽太守,亦有能名。 王 追美清操,與羊敦同見優賞。 徒從 後除左將軍、太中大夫、行河陰令。 事 當時稱為 中郎。 良二千石。 興和二年,拜中山太守。三年,卒於郡。 乾邕以淑行武邑郡。 轉奉車都尉,領殿中侍御史。 武定初,贈衞大將軍、都官尚書、瀛州刺史、諡曰 淑,熙平中襲其爵,除司空士曹參軍。 出除樂陵內史。 未幾, **介朱汝歸率兵將至,淑** 因使於冀州,會高 淑淸心愛下,所歷三 淑在郡綏撫,甚有民 壽興後爲河 乾 間 尋

列

傳

第

子子且,襲。武定中,齊獻武王廟丞。

史臣曰。闕

校勘記

[一] 張應 北史卷八六循吏傳目和傳文都作「張膺」。

閻慶胤不知何許人 張森楷 云:「按慶胤天水人」見裴叔業傳卷七一附載中。 此旣重出,又云『不

知何許人』,何其善忘!」

= 平原人 北史卷八六明亮傳「平原」下有「高昌」二字, 册府卷四三九五二〇八頁有「亳」字。按

諸傳除不 知何地人外,一般皆兼舉郡縣,册府此條出本書而下有「亳」字,知傳本脫去。 然平原

無毫 ·縣」或「高昌縣」。據南齊書卷五四明僧紹傳、梁書卷二七明山賓傳並云「平原鬲人」。卷

〇六上地形志上冀州安德郡、 齊州東平原郡並有鬲縣。 漢晉之屬本屬冀州平原, 劉宋於青州

僑置冀州 ·亦有平原郡鬲縣宋書卷三六州郡志。魏取青州, 分置齊州,以冀州自有平原即地形志中之濟

州平原郡、故加「東」字。 卷八九高遵傳稱其妻明氏家在齊州, 則明氏實居於齊州東平原之鬲縣。

「亳」「高昌」皆「鬲」之訛、此傳脫「鬲」字。

九一四

- 四 由是徽音獲免 按「晉」字不可通,當是「竟」之訛
- Ŧī. 從 和 十七七 征 新 年四 野除騎都尉又從駕壽春敕纂緣淮慰勞豫州 月,上文元宏攻新野,在二十一年,所云「從駕壽春」,又在十九年二月。 刺史田益宗率戶歸 或 按益宗 歸 魏 均 事在 見卷七 太
- 下 高祖紀下。 · 敍次先後顚倒,下文又重出「從征新野」。疑有錯簡及衍 虒
- ハベ 洪頤 作『赭陽』按戴校仍改作「堵陽」。『武陰』即『舞陰』,古字通用。 又詣赭陽武陰二郡 煊諸史考異卷一〇云:「漢書地理志南陽郡有堵陽、 錢氏考異卷二八云:「武陰疑是舞陰之訛、地形志無此二郡、蓋後來省併。」 舞陰二縣。堵陽, 地形志無此二郡名。 水經濟水注卷三一引 高祖紀卷七下太
- 和二十二年見赭陽戍主成公期、舞陰戍主黃瑤起。當是暫置爲郡,故不言。」 遼西遼陽 殿本考證云:「『遼陽』北史卷八六作『陽洛』。 本書地形志卷二〇六上遼西郡 領縣三,

- \Box

人

- 是。」按陽樂 有『陽樂』,無『遼陽』。今以下文『以軍功賜爵陽洛男』證之,應從北史,但『陽樂』、『陽洛』不知孰 漢書地 理志屬遼東, 續漢書郡國志屬玄菟。 當時地名常用同音字, 本字自當作
- 其子棄疾爲王御士而上告焉 上」乃「王」之訛,指楚康王以欲殺子南告棄疾。 按事見左傳襄二十二年,這裏不是引原文,但「上告」無義,疑

陽樂」。

九 山 列 其罪 傳 不 第 爲 七 與 + 殺 六 明 矣 校 勘 按 · 寶瑗認爲服虔注「隱痛深諱」, 記 乃是諱母出,「非爲諱母與殺也」。 九 五 若作

「夫人有與殺桓之罪」語相背。這裏「罪」當是「諱」字之訛、言「其諱不爲與殺」、和上下文相貫。 「其罪不爲與殺」,則是說文姜本無參與殺桓公之罪,和他辯論的本題不合,且與下文引服法

一九一六

